








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3944/A









Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3944/A






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3944/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3944/A

H. XLVII  
3944/A






100<sup>2</sup>

3

























42105

D E  
SCLOPETTORVM  
ET TORMENTARIORVM  
VVLNERVM NATVRA,  
E T CVRATIONE,  
Libri IIII.

Authoribus Bartholomæo Maggio, Io. Francisco Rota,  
Alphonso Ferro, & Leonardo Botallo, Medi-  
cis, ac Philosophis præstantissimis.

*Nunc primum in gratiam omnium Medicinæ studiosorum  
simul coniuncti, ac in vnum volumen redacti.*

Denuò impressi, & diligentissimè  
recogniti, ac repurgati.

Cum Indicibus Capitulorum, ac rerum omnium insigniorum.



VENETIIS, Apud Gulielmum Valgrisium, & Io. Alexium  
Socios, & Bibliopolas Bononię M. D. LXVI.







2  
ILLVSTRISS. ET EXCELLENTISS.

D. D. IOAN. BAPTISTAE

DE MONTE,

SANCTAE ROMANAE ECCLESIAE

EXERCITVS PRAEFECTO,

Bartholomeus Maggius.

S. P. D.



*VM in Par-  
mensi obsidio-  
ne, ad vulne-  
ris curatio-  
nem me vo-  
casses clarissi-  
me Princeps,*

*quod in femore in agro Mutinen-  
si acceperas, dum hosti obviam fa-  
ctus, impavidus, iaculorum, & te-  
lorum nubes non perhorrescendo,  
in acie decerneres, militesq; tuos*

*A 2 ad*



ad pugnam capeffendam horta-  
reris, illisq; animum ut adderes,  
primum te in certamen dares, &  
in hostium confertissimū agmen  
impetum faceres: animaduerti  
magni nominis Medicos, qui in  
eo erant exercitu, ad vulnera bom-  
bardarum ictibus accepta sanan-  
da, eam curationem admouisse, ac  
si ab ignito, cādentiq; telo excepta  
fuissent, quemadmodum etiam  
grauissimi nonnulli authores in  
huiusmodi vulnerū curatione fa-  
ciendū esse litteris, & monumen-  
tis prodiderunt: quorum senten-  
tiæ nonnulli insignis nominis Itali  
Medici, innumeriq;, & duces,  
& milites, quibus cum dedita ope  
ra



3  
ra pluribus de hac re egi, adscripse  
re. Verum cum huc animum in-  
tendissem atq; animaduersionem,  
& diligentiam excitassem, multa  
à tuis militibus sciscitādo, ac qua-  
rendo, atque rem hanc ad ratio-  
nem, coniecturamq; reuocassem:  
tandem, & Medicos, & strenuos  
illos milites tota errasse via de-  
prehendi, qui cum meis scolasticis  
multis rationibus ita se habere  
ostendissem, eorum voluntas me  
cōmouit, ut de re hac, de qua cum  
præstantissimis Medicis dissen-  
tiebam, aliquid conscriberem. Ne  
igitur aut noluisse me, aut labo-  
rem fugisse putarent, cum non si-  
ne causa id velle cognoscere eos

A 3 vi-



viderem, hos commentarios con-  
scripsi. Quare cum multa tecum,  
Et cum militibus tuis, hisq; in hi-  
sce nostris commentariolis scripsi-  
mus conuenientia, multis rationi-  
bus conquisitis, quando à te accer-  
situs sum ad nonnullorum mili-  
tum, quibus vulnera, dum forti-  
ter in Mirandulana obsidione  
cum hostibus concurrerent illata  
fuerant, disputauissem, ac quodã-  
modo tuo iure nostros hos com-  
mentariolos tibi vindices, atque  
tanquam legitimos tuos partus ra-  
tionibus multis philosophicis, qui-  
bus in almo Bononiensi Gymna-  
sio animum commouisti, Et va-  
rijs bellorum periculis, quibus te  
non



4  
non sine maxima omnium admi-  
ratione, me etiam presente obieci-  
sti, Et quæ te ad harum rerum ex-  
perientiam, de quibus in opusculo  
agimus excitauerunt, tueri posses:  
hos labores tum pro mea erga te  
præclaramq; tuam familiam ob-  
seruantia, tum etiam quia pri-  
mus ad hoc munus obeundum im-  
pulisti, tuo nomini dedico, eorumq;  
te tanquam patronum, Et tuto-  
rem constituo, ut quod opus te au-  
thore natum est, id ipsum etiam  
in nominis tui præsidio à maleuo-  
lentissimis inuidorum latratibus,  
qui aliorum laboribus obtrectari  
solent, tutū appareat. Quam au-  
tem nostri hi labores, Et tibi, Et cæ

A 4 te-



teris, qui militiam exercent vsui  
esse possint, hic non pluribus arbi-  
tror explicandum. In his igitur  
si & tibi, & alijs, qui nostras has lu-  
cubrationes cupere videbantur sa-  
tisfactum fuerit, vehementer læ-  
tabor, sin minus grauiter dolebo,  
& me minus potuisse, quàm vo-  
luerim, & te non tantum affecu-  
tum, quantum speraueris. Acci-  
pe itaque hoc qualecumque, no-  
strum munusculum, & me dedi-  
tissimum clientulum tuum fore.  
Bononiæ.

ILLV-




<sup>mo</sup> ILLVSTR. AC EXCELL. <sup>5</sup>  
<sup>mo</sup>

DOMINO D. BALDVINO

DE MONTE,

IVLII III. PONT. MAX. FRATRI,  
PRINCIPI OPT.

*Io. Baptista Maggins. S. P. D.*



V M superioribus annis,  
clarissime Princeps, Io-  
annes Baptista Montius  
filius tuus fratrē meum,  
quandiu Bononiæ cum  
eo fuit, non modo honorificè tractarit,  
verum etiam vnicè dilexerit, nemo ei  
dum viueret occurrere poterat, cui fœ-  
tus, & primitias ingenij sui libentius,  
quam ei à quo mirificè diligebatur cō-  
secraret: Quod cum ego optime sci-  
rem, nolui quidem certe committere,  
vt eius labores, & vigiliæ, sub alio,  
quàm sub eius ipsius filij tui nomine  
in manus hominū peruenirent, quam-  
uis



uis enim alter Bononiæ febrī, alter  
Mirandulæ fortiter, & strenuè pu-  
gnans occiderit, tamen sic tibi per-  
suadeas velim, me quantum eniti ani-  
mo, quantum cura consequi, quan-  
tum diligentia perficere possum, sem-  
per operam daturum, ut tu, & omnes  
intelligent, nullum vnquam tempus  
fore, quo filij tui erga fratrem meum  
amor, & beneuolentia, & fratris mei  
singularis in eum obseruantia obli-  
uione aliqua deleatur. Librum igitur,  
quem frater meus (ut dixi) filio  
tuo iure optimo dedicauit, eo animo  
accipias rogo, ut maiora, & meliora, si  
quæ domi latuerint expectes: mihi e-  
nim videor, quamuis omnia præstem  
officia, quæ possum, minus tamen face-  
re, quàm debeam, aut velim. Caput au-  
tem illud est, ut filium, quem frater  
mei amantissimus vnicum reliquit, ut  
uxorem, ut familiam, ut me ipsum de-  
nique quibuscunque rebus poteris,  
nō solum commendatissimos habeas,  
verum etiam in tuam clientelam, & fi-  
dem



dem recipias, ac tuearis; præsertim,  
cum ad eam fidem, & obseruantiam,  
quam frater meus in colendo tuo filio  
præ se tulit, tātum accesserit, vt vix cre-  
das locum fuisse augendi in eo, quod  
cumulatissimum videbatur. Vale.



FIELD NO. 1111





7  
GVLIELMVS VALGRISIVS,

ET IOANNES ALEXIVS,

BIBLIOPOLAE,

candido Lectori

S.



NIMADVERTENTIBVS  
nobis (candide Lector)  
quantum detrimenti,  
ne dum Medicis omni  
bus, verum etiam vniuerso ferè  
humano generi hucusq; attulerit  
penuria quorundam librorum, in  
quibus vt plurimū mors, & vita  
hominum consistit: nō alienum fo  
re duximus, si Opuscula quædam  
de vulnerum sclopettorum cura  
tione, adeò ab omnibus expetita,

70-



nostra opera nunc denuò in lucem  
darentur, & ex abditissimis edu-  
cerentur tenebris. Pro virili igi-  
tur nostra, publicæ consulere com-  
moditati conati sumus, nec sum-  
ptibus, nec alijs in huiusmodi ne-  
gocio opportunis, relictus est locus.  
Idq; potissimum in caussa fuit, eò  
quia ante hac libri omnes de su-  
pradiçta curatione agentes, ab in-  
uicem diuisi, exoptantibus eos  
unitos habere, non minimum  
videbantur facessere negocium.  
Nunc nostra opera in unum vo-  
lumen redacti, poterunt omni-  
bus esse vsui. Et quoniam maior  
pars ex incuria, seu potius aua-  
ritia superiorum typographorum  
pro-



prodibant coram omnibus adeo  
inemendati, ut à legentibus vix  
possent intelligi, sedulo curavi-  
mus, ut à mendis, quoad fieri  
posset, repurgarentur, exactiori-  
cura imprimerentur, prout inter  
legendum viderint omnes. Si  
hanc nostram sedulitatem, ac cu-  
ram æqui, boni-que consultam no-  
uerimus, maiora indies, ac po-  
tiora à nobis expectare licebit.  
Valete.



per se non tam communis adeo  
 inveniuntur, ut a legibus  
 possint intelligi, sed a  
 iuris, ut a iudicibus, quod  
 possit, et per legem, et  
 etiam in iudicibus, prout inter  
 legibus videtur. 21  
 hanc nosse, et scilicet, ac  
 non solum, sed etiam  
 iudicibus, et iudicibus, ac po-  
 tioris a nobis expectare debet.



I  
BARTHOLOMAEI MAGGII

BONONIENSIS, MEDICI

AC PHILOSOPHI

præstantissimi,

de vulnerum, à bombardarum, & sclopetorum  
globulis illatorum, & de eorum sym-  
ptomatum curatione,  
tractatus,

in quo, nunquid huiusmodi uulnera cauterio, aut ueneno  
infecta sint, disputatur, ac aliorum omnium ul-  
cerum rationes curatiuæ, & medica-  
menta ipsis ulceribus cu-  
randis idonea,

ex Hipp. Galeni, & aliorum græcorum sententijs  
copiosissimè describitur.



*VM* hoc tempore, non parua in-  
ter studiosos quæstio sit, nunquid  
vulnera, à bombardarum, &  
sclopetorum globulis illata, per  
ustionem concipiant, atque præ-  
stantes Medici, in horum vulne-  
rum curatione, tanta sint in varietate, & dissensio-  
ne constituti, quemadmodum tu quoque à nonnullis  
excellentissimis, huius nostri Bononiensis Gymnasii  
Medicis, audiisti, ac cum ipse hætenus, cui assen-  
tire debeas, & quomodo vulnera hæc, methodo cu-  
randa sint, ambigas, meq; sæpius, ut eorum curatio-  
nem scriberem, rogaueris, tuis precibus, tibiq; stu-  
diosissimo iuueni, & mei amantissimo, quæstioniq;  
huic non parum dubiæ satisfacere cupiens, hæc in  
B tuam,



tuam, studiosorumq; omnium gratiam conscribere  
decreui. Verum priusquam de istorum vulnerum  
curatione loquar, sphaerulis ijs, aut globulis, nullā,  
aut saltem parvam caliditatem inesse, nec (vt non-  
nulli arbitrantur) adurere valentem, demonstrare  
conabor, si prius aduersariorum validiores ratio-  
nes adduxero. Bona medicorum pars, huiusmodi  
vulnera perustionem cepisse, atq; ignis vim sensisse  
asserit, ac potissimum ratione aducta, quoniam ta-  
lia vulnera, duritiem quandam, & veluti ε'σχαρην  
(sic enim contusam carnem, liuidam, atq; mortuam  
appellant) obducere, animaduertant, quam qui-  
dem à calefacto globulo atq; ignito, inductam esse,  
ostendere conantur. Quod me hercule vero, & ra-  
tioni consentaneum videtur, tum quia globulus, à  
Bombardico seu sclopetario puluere, qui statim ab  
igne tactus, in flammam conuertitur, impellatur:  
tum quia etiam ratione maximi motus, calidita-  
tem concipiat, ac quodammodo ignescat, ex Ari-  
stotelis sententia secundo cœl. tex. 42. dicentis  
motum vehementem ferrum calefacere, & plum-  
bum liquefacere: ait enim motus est aptus igni-  
re ligna, & lapides, rationabilius igitur propin-  
quius igni, propinquius autem aeri, quale fit &  
in hisce sagittis, quæ feruntur, hæ namque adeo  
igneſcunt, vt ipsum plumbum, quod in ipsis est, li-  
quescat. sed in sphaerularum emissionem, cum maxi-  
mus excitetur motus, caliditatem suscipere viden-  
tur, & hac de causa cauterio inficere carnemq; am-  
bure-

& 1. mete.  
tex. 3. & 8.  
phys.



burere: idque eos magis in hanc trahit opinionem,  
 quoniam circa vulnera, rubedinem quandam ani-  
 maduertunt, qualem in partibus ab igne ambustis,  
 obseruari licet: quo circa ea iniusta esse, ac tanquam  
 exustis, curationem adhibendam asserunt. quin etiam  
 ad nonam vsq; diem, excrescere, & augeri, huius-  
 modi vulnera, vt in veris combustionibus omnibus  
 fieri consuevit. Nec defuerunt, qui dicerent, ea in-  
 dicia, vestigiaque veneni referre, hoc argumento  
 (quamuis rationem non assignent) quod facile her-  
 petis naturam sequantur, & ad corruptionem de-  
 ueniant, vel propter illius sclopetarij pulueris com-  
 positionem, vel crustam putrefacientem. Verum nun-  
 quid recte sentiant, vbi haec quae scribimus perlege-  
 ris, diiudicabis. Non tamen primi qui has nouas  
 opiniones inseruerunt, tantam mihi admirationem,  
 quantam Philosophiae, & verae artis Medicae pro-  
 fessores efficiunt, qui cum primis in eandem senten-  
 tiam deuenere, ac veluti caecos duces, & amantes  
 consultores sequentes (iuxta prouerbiū illud tri-  
 tissimum) turpiter lapsi sunt; cum nullam in medium  
 adduxerint authoritatem, aut rationem: eoq; ma-  
 gis hos dignos reprehensione existimo, quod cum in  
 huiusmodi vulnerum curatione, tantam varietate-  
 tem, dissensionemque, ac inconstantiam, viderint  
 rei huic, animaduersionem non adhibuerint, neq; ad  
 veritatem, rationem reuocauerint, sed vt horum  
 opinio in veritatis lucē proferatur, rem nunc istam  
 accuratius examinemus.



Si igitur ostenderimus inter cætera, paruum glo-  
 bulis illis à bombardis, vel sclopetis emissis, calidi-  
 tatem inesse, & eam talem, ut neque carnem inure-  
 re, nec etiam contactas partes ita calefacere possit,  
 quemadmodum flamma, aliquid cui sensus inest il-  
 lico contingens, inurit, & calefacit, manifestum  
 nimirum erit, huiusmodi vulnera, minime perusta,  
 neq; eo pacto, quo ipsi censent, curanda esse. Prin-  
 cipio nullum audiui, (licet quamplurimos in Mi-  
 randulensi obsidione percontactatus fuerim) cui à  
 bombardicis, seu sclopetarijs globulis, ictus infixus  
 fuerit, qui in ipso ictu, caliditatem se percepisse, di-  
 xerit, sed contusionem quandam, perinde ac si trabs  
 aliqua, vel ruina ingens, in se ictum fecisset. At  
 huic rationi, occurre, discesque, dolorem ingen-  
 tem, à magna contusione excitatum. minorem à glo-  
 bulo ignito motum, obscurare, ut placuit Hipp. 2.  
 aph. 46. ita scribenti, duobus doloribus simul non  
 eundem locum infestantibus, vehementior, alterum  
 obscurat, qui tamen locus, rationem nostram, non  
 subuertit, quandoquidem supponit Hipp. duos illos  
 dolores, in diuersis locis esse, sed in hac nostra ratio-  
 ne, idem est & cōbustionis (ut aiunt) & contusionis  
 locus, iccirco consentaneum videtur, ut primum do-  
 lor ab igne (si globuli isti igniti sunt) percipiatur,  
 cum primus in corpus agat, proximè alter dolor à  
 contusione, in eadem parte, & loco excitetur, ne-  
 que tamen vllum temporis spatium intercidit, sed  
 ferè ad punctum temporis, ambo fiunt. Quamob-  
 rem,



rem, cum ab ijs, qui vulnera acceperunt, nulla caliditas percipiatur, eam si negauerimus, quid erit absurdum? Caterum à globulo percutiatur aliquis, absq; vulnere tamen, cum sola duntaxat contusione, quod fieri solet, quando defessus globulus, partem aliquam corporis in fine velocitatis, & motus sui, percutit, vel quando eius impetus, reprimatur, & frangitur à ferrea armatura, dolor quidem tantum à contusione, non ab igne sentietur, quæ res globulum non comburere arguit. si quidem si plagam facere non potest, propter combustionem tamen, & percussione saltem vestimenta, & si non vestimenta, saltem post eorum perforationem, carnis superficiem adurcret, bullas sen vesiculas excitando, quod cum non fiat, non comburere, sed solum contundere, manifestum est. observatum enim à nobis sæpius est, & tu quoque Bononiæ, in quibusdam vulnerationibus animadvertisti, in abdomine præsertim exceptis, quod ictibus facilius cedit, cutim tantum contusam apparuisse, atq; affectum illum, qui ἐκχυμωσις .i. sanguinis collectio, in loco contuso dicitur, de quo Galenus quarto meth. primo, & ultimo cap. vel ὑπωπιον latini sugillatum, vel sugillationem, vel liorem, dicunt, vel ὑπόσφαιμα .i. ruptionem venæ, ex ictu, vel plaga provenientem, neque ultra hæc crustam aliquam, signumve aliquod perustionis, derelictum fuisse, quod profecto secus fieret, si spherulæ ignitæ essent. Verum si huius rei, quæ ratione carere non videtur, periculum facere velimus,



mus, nunquid scilicet à sclopeto eiectus globulus, caliditatem talem concipiat, vel ex ipso sclopetario puluere, vel ex motus vehementia, & carnem perurat, eamq; cauterio inficiat, ex hoc, id de quo agimus, perspicuum euadet, nec secus atq; diximus, se rem habere, ostendet. Nam si iuxta aduersariorum placita, igniti sunt globuli ipsi, cur si stupam, fœnum, paleas, lanamue percusserint, aut in quoduis aliud impegerint, quod facile conflagrare possit, vt in ipsum sulphur, aut in aliud, quod flammam concipiat facilius, qualis est puluis ipsæ sclopetarius, neq; ignis, neq; flamma excitatur? & tamen sclopetarius puluis, omnium facillime, ex quauis vel modica caliditate, vel scintilla exigua, flammam concipit, nunquam tamen à globulo tactus, accensus fuit, quemadmodum nos docuit experientia: licet enim pulueris non exiguum pondus charta inuolutum, & arbori appensum à globulo percuteretur, à sclopeto emisso, modo comminus, modo eminus, & demum à remotiori loco, vt tandem certior fierem, vtrum ex motus velocitate, vel ex perfriktione, seu attritione, missus globulus huiusmodi caperet calorem (præsertim in maiori motu, in quo incalescere magis potest, & ita facilius ignescere) qui puluerē posset accendere, nunquam tamen, aut puluis accensus, aut combustus fuit, minus igitur rationi conuenire videtur, carnem ipsam cauterio affici, ac perurari à globulo posse, si quæ diximus omnia, ad ignem facile concipiendum, idonea, non inflammantur, siue  
à pro-



à propinquo, siue à remoto loco eiectus sit globulus, dummodo tantum spacium intercedat, ne à sclopeti, aut bombardæ canula (vt ita dixerim) exiens flamma, ipsum puluerem, aut simile quidpiam, quod facile igniatur, contingat. Ad hæc, scis naues saccis, lana, vel stupa distentis (quos pilas ex lana, aut stupa vocat vulgus) circum muniri, ne à bombardarum globulis ferreis, in quibus calor maior capitur, quam in plumbeis, ledantur, perfringanturque, ipsamq; nihilominus lanam vel stupam, non cremari, quamuis globi ferrei, in saccis lanæ, vel stupæ infixi, adhæreant, neq; etiam perustionis signum vllum relinquere, sed quandã solum nigroris notam, ab ipso puluere, non ab ignis adustione inductam. Præterea, si ad cogitationem reuocaueris, temporis breue spatium, quo globulus, corporis partem aliquam feriens, pertransit, licet ignitus esset (quod tamen nullo modo concedimus) fieri non posse videtur, vt carnem perurat, crustamq; inducat, vt licet videre in pertractantibus carbones, aut res alias ignitas maximo motu, neque etiam si in parte illa, diutius contineatur, quando neq; in stupa, neq; in re quauis alia, cui inflammatio inferri facillimè possit, nullum, vt iam demonstrauius, perustionis vestigium imprimat, idq; omnes militiam exercentes, no uere. Nec iccirco desiderantur, qui à bombardica sphaera in vase sclopetarij pulueris pleno, flammam commotam, & incendium factum fuisse, dicant, quorum testimonio, cum fidem tribuamus, non aduersa-



mur, sed diuersa ratione id obtigisse, est existimandum. siquidem ferreus globulus, forte fortuna lapidem, vel ferrum aliquod attriuit, ex qua attritione, ignis deinde scintilla excussa fuit, qua postmodum, sclopetario puluere refertū vas conflagrauerit, non quia globulus (vt isti putant) secum flammam aliquam, aut calorem traxerit, quandoquidem si globulus ignesceret, semper in contactu bombardici pulueris, flamma concitaretur, quod cum non fieri experimento didicerimus, quamobrem, aduersariorum placitum falsum esse non iudicabimus? neq; a super calefacto globulo, sed casu excitatum incendium credemus? At si odiosius instares, neque aliquibus rationibus, in nostram sententiam adduci posses, tibiq; iam omnino persuasum esset, ignitos globulos esse, neq; de hac sententia, vllō modo deijci velles: quærerem quamobrem ex vulneribus istis sanguis profluat? cum adurentia sanguinem compeſcant, sistantq; vt sensit Gale. 5. meth. Si verò non maximam sanguinis copiam, defluere dixeris. respondebo id quoque fieri posse, ex ingenti carnis contusione, quæ sanguinem repulerit, partemq; illam ita attriuerit, exiccaueritq; ad alias corporis partes sangrinem detrudendo, vt crusta ab igne facta videatur, qui deinde ad vulnus recurrens, sua copia, tumorem repentinum facit, neque propter attritam, exiccatamq; circa vulnus carnem, quæ meatus obstruit, profluere potest. Sed in omnibus huiusmodi vulneribus in superficie, vel in profundo

exi-



existentibus sanguinis profusio sequitur maior, vel  
 minor, pro partis læsæ natura, quod fieri nequa-  
 quā posset, si igniti globuli essent & cauterio affice-  
 re, crustamque inducere possent. Adductis ratio-  
 nibus hoc quoq; si libet addamus: ponamus, (quod  
 tamen nullo modo concedo) ignitos globulos esse, &  
 adurendi vim, continere, rursus abs te quærerem  
 aliud, quod tacito sensu, etiam quivis poterit iudi-  
 care. Si à globulo, caro cauterio inficitur, aduri-  
 turque, probabili quoque ratione vestimenta, quæ  
 prius occurrunt accendi deberent, tunc enim maio-  
 rem globulus continet calorem, faciliusq; uestimen-  
 ta adurere, æquum esset, verum caro sola sic affici-  
 tur, vestes autē incombustæ (vt intuentibus patet)  
 remanent, ita vt ab ignita re, contactæ non videan-  
 tur. Vestes itaq; ex calidi globuli contactu, etiam  
 concipere ignem deberent, non secus ac fieri solet,  
 quādo scintilla ab ignito ligno, humido vehementer  
 a sicco agitato, cum crepitu exciditur in vestimen-  
 taq; fertur, corpusque adurit, concrematis tamen  
 prius vestimentis, in quibus & foramen amplum,  
 nigrore infectum, & cum adustionis vestigio mani-  
 festo efficit: ego profecto cum huic rei, non medio-  
 crem diligentiam adhibuissim, nunquam simile  
 quidpiam, in vestibus à sclopetarijs globulis perfo-  
 ratis, & diuulsis, deprehendi, quamvis, in Parmen-  
 si, & Mirandulensi obsidione, sub Iulio III. Pont.  
 Maxi. ad rem hanc, in quamplurimis vulneratis,  
 diligentiam maximam contulerim, animaduersionem-



nemq; adhibuerim, cum eo tempore, singulis diebus manum consererent milites, multiq; a bombardarum, & sclopetorum globulis, vulneribus conficerentur. Tu quoq; Bononiæ, in tot hominibus huiusmodi telis uulneratis, in diploide, interula, aut alijs vestimentis, adustionis aliquod indicium, dum mecum medicinam exerceres, neque animaduertisti, neq; obseruasti: Sed duntaxat dilanationem quandam, à globulo factam, & filamentorum vestium diuulsionem, quæ profectò non apparuissent, si adeo candentes globuli essent, ut carnem cauterio afficere possent. hac igitur ratione quid potest esse manifestius? Et quamquam post percussione, in vestibus aliquibus nigrorem videamus, nō propterea ab igne factum, existimandum est, quando ex plumbeo globulo (plumbum enim ijs quæ tangit, & perfricat, nigroris notam imprimit) vel ex ipso bombardico puluere, qui globulum infecerit, fieri etiam potuerit. si certa magis experientia, id quod dicimus comprobare cupis, ignitum, & candentem globulum, in corporis aliquam partem inijcito, licet citato, & violento impetu feratur, combustionem vestimentorum prius, deinde carnis, videbis, mirandum quippe in modum esset, si ignitus globulus, talem haberet vim, ut per vestimenta inmissus, citra vestimentorum adustionem, corpus combureret, ut de fulmine proditum est, quod argentum in marsupio colliquat, sine marsupij læsione, ut in meteorologicis Aristoteli placuit, de globulis tamen, non ita ha-



habendum est, neq; censendum, esset enim non modo hoc mirabile, sed prodigijs simillimum, & ostentis. qui quamuis mirificos, & prodigiosos indicent effectus, & moles ingentes quattiant, deiciant, & euertant, non tamen vt fulgura ignitum aerem, aut flammam trahunt, nec eiusdem naturæ, & virtutis sunt. & si in exitu spherulæ à sclopeti cannula secum flammam ducant, non longe tamen eam trahunt, sed quo longius feruntur, à flamma magis recedunt. Sed iterum instare posses, quemadmodum in qualitatibus omnibus rerum simplicium, quatuor concedunt gradus, vt Gal. ait quinto de simpl. med. ita quoque in globulo esset tenendum, tantum scilicet in eo esse calorem, vt carnem, non pannum, linteum, & similia possit vrere, cum ad illorum combustionem, maiori opus sit calore, & intensiori caloris gradu, quam ad carnem comburendam, requiratur. huiusq; rei supponamus exemplum. Si calefacto ferro, carnem tetigeris, ferri fortasse contactum non sustinebit caro, pannum tamen, aut vestimentum vllum non comburet, eadem quoque de globulis, audebis affirmare, vt pote qui, in tali caloris gradu calefacti reperiantur, vt in carnem solum, non in vestimentum, agere possint. iccirco mirabile non esse, si comburendi carnem, non vestimenta, globuli calor, vim contineat. Huic tuæ sententiæ, subscriberem, si de sensu tactus ageremus, qui aliquantum ferrum calefactum, non ferret, & quamquam carnem calefaceret, non ob id vreret, si animans,



mans, huiusmodi calorem ferre posset, ac si forte fortuna vreret, vestimenta quoque ab æquali calore læderentur, idque experimento discēs, si laminas duas ferreas æque calefoceris, & eodem tempore, altera carnem tangas, alteram vestimento admoveas: nam si vratur caro, vestimentum quoque, combustionis, aut læsionis alicuius, pro diversitate subiecti, expers non erit. Præterea si laminis ijs ferreis sclopetarium pulverem tetigeris, illico flammam suscitari videbis, eadem etiam ferè de globulis dicenda sunt, si illi igniti, concederentur, qui si adeo, vel ex motus vehementia, vel ex pulvere bombardico incaluerint, & carnem adurant, eandem vim obiectis vestimentis, deberent inferre, cum prius globulis ipsis, occurrant, & contingantur, quos tunc magis calidos esse rationabilius est, quàm cum ad corporis partes pervenerint, cū in transitu per alias partes, refrigerentur, licet in minimo temporis intervallo fiat: hoc autem cum non fiat, quis iure nos reprehenderit, si globulos ipsos, non ignitos esse dixerimus? insuper manifestissime hoc periculum eorum arguet & euertet opinionem, qui ex pulvere globulos calorem concipere dicunt ita, ut adurant, siquidem si globulus magno etiam pulveris sclopetarii acerno contegatur, pulvisque ipse accendatur, & illico quis globulum manu contrectauerit, nullum omnino calorem percipiet: poterit igitur globulus à sclopeto emissus calore aliquo, ab ipso accenso pulvere concepto inurere? cum ne minima quidem ipsius globuli



buli pars à puluere in sclopeto retento contingatur, statimque propellatur. Neque pericula facta à studioso iuvene Dominico Theobaldo Casalensi temoneant, quæ prima facie in sensum conspicua satis cadunt, quæ etiam nos re ipsa comprobare volumus. Nam si liquatum plumbum in chartam coniiciatur, non modo non illam aduret, sed ne vix quidem calefaciet, minus igitur pannum, linteum, vel quidpiam aliud vret, ex quo vestimenta constent. Carnem tamen ardore afficiet, vesicamque faciet, quod adductas rationes nostras videtur labefactare. Nos autem non solum non colliquari plumbum, à puluere sclopetario, vel à motu, sed nec tantum quidem calefieri posse, vt carnem nota aliqua inurat, probare nitimur. Siquidem si plumbum colliquaretur, nunquam metam, aut locum collimatum attingeret, sed dispergeretur, nequam etiam videtur credibile, ita posse incallescere, vt carnem adurat, quia colliquatum, & calens plumbum, calorem illico amittere videtur, ita vt carnem vstione aliqua posse afficere non videatur, vt tu quoque facile experiri poteris: mirandum quapropter non est, colliquato plumbo, quamuis feruidissimum sit, neque charta, neque pannus, aut linteum deflagret, id enim viscositate sua fit, quæ in mollem substantiam agere non potest. Præterea si ita intensum calorem conciperet, in carne, super quam immoraretur, aliquod combustionis vestigium relinqueret, vel ab ijs, qui leduntur, inustio, aut exsibilatio, qua-



qualis illa, quæ in contactu rei humidæ, & ignitæ fit, perciperetur, quemadmodum fieri solet, quando candens ferrum, in humidam terram proijcitur, aut aqua immergitur, aut ubi ignito ferro, corporis partem aliquam adurimus: tunc enim ex actione caloris in humorem, fit strepitus, & sibilus quidam, quem in vulnerationibus à plumbeis globulis factis, etiam fieri, rationabile esset, cum intus globuli retineantur. Nulla tamen combustio, aut sibilus sentitur. quamobrem ignitos globulos esse, nullo modo credendum est. Cæterum ipsemet hoc verum esse colliges, si iaculatos globulos, illico in vola manus sustinueris, tantum omnino calorem non percipies, quin eos diutius in vola manus, commode, & sine periculo, continere possis. magisq; in nostram sententiam iueris, si ita statim globulos apprehenderis, ut nullo modo, ex mora aliqua refrigeratos esse posse, existimes. Ad hæc si globulos ignem velles in motu solum retinere, ex perfriktione in motu facta, antequam ad locum perueniant, dicerem eundem igneum calorem habere, dum carnem, aut aliquid quidpiam, perforant, non tamen adurere, aut crustam inducere. Præterea si ignitos illos esse velles, & proinde crustam illam in vulneris superficie, duntaxat efficere, aut in ingressu, non autem in exitu, ab aduersa parte: responderem, id etiam non citra rationem in contusione fieri. Si quidem globus dum carnem in ingressu perforat, resistantiam quandam reperit, quæ à soliditate partis substantiæ fit, in exitu

tu



tu autem, partes illæ relaxantur, atq; tantum quandoq; cedunt, vt aduersa, & opposita cutis, ita extendatur nonnunquam, vt lorica, ex hamis ferreis confecta, & vestimenta lanientur, absq; tamen ipsius cutis perforatione, vt loco proprio dicemus: neque iccirco ibidem crusta non fit, quia globus, ad illam partem peruenerit refrigeratus: quod perspicuum euadet, si globus proiectus, forte prius brachium perforauerit, deinde pectus, crusta enim, seu caro illa liuida, & attrita, in ipso primum brachij ingressu deinde pectoris, non autem in egressu, aut brachij, aut pectoris reperietur, vt ad id, quicumque animum aduertere poterit. hoc ipsum, tu quoq; in nobili Ioanne Baptista Formagiario obseruasti, qui à globulo ictus, in humero secundum deltoidem, cum ossis, & totius brachij perforatione, plagam quoq; in pectore acceperat, secundum mammillam, in qua caro liuida, & similis carni illi attritæ, quæ in brachij vulnere in parte summa extabat, comparebat, de quo Ioannem Brambach Germanum, & Camillum Bartholinum Porculensem iuuenes curiosissimos, & artis Medicæ imprimis studiosos, & alios quamplurimos scholasticos, qui tunc vnà mecum erant, optimos testes habeo. Verum quorsum pluribus verbis vtor, ad rem manifestissimam comprobendam? plumbum colliquatum si bombici super posueris, ne minimum quidem eius floccum vret. Hoc autem si argumentis conareris, refellere, dicesque in re humida conceptum calorem



rem inflammare non posse, ut de aqua callida manifestum est, quæ vesicas in membris attollit, cōbustionem autem non facit. Dicerem, colliquatum plumbum feruidius longe esse, quàm non colliquatum, quamvis humidissimum sit, quando maiorem suscipere calorem non potest, eo, quem in colliquefactione suscepit. In hoc plumbum colliquatum, si sclopetarium puluerem injecieris, vix accendetur, si vero post coagulationem, illicò hoc feceris, non accendetur: minus ergo carnem, non colliquatum plumbum aduret? Rursus si liquefactum plumbum membro alicui admoheris, bullas quidem excitabit, aduret autem minime, atque hoc intelliges, si super carnis frustulum, liquefactum plumbum fuderis. Nos tamen crustam illam, quam alij in summo vulneris à globulo fieri duntaxat dixerunt, in profunda, & ima vulneris parte, etiam vidimus, quando ea in parte globulo occurrit, solida caro, quæ ictui aliquantulum restiterit. Quare in animum inducere non possum, globulos à sclopetis, aut bombardis iaculatos, ignitos esse, membrumq; cauterio posse afficere. Neq; in hoc etiam tuam animaduersionem desiderare vellem. Si ignito ferro corporis partem aliquam volumus adurere, per aliquod temporis spatium ferrum cādens super partem illam retinere cogimur, sin aliter faceremus, nunquam quod intendimus assequeremur, si hoc idem plumbo efficere vellemus, maiori profecto temporis spatio opus esset, cum non colliquatum plumbum minorem calorem

rem



rem concipiat, & si quem in se receperit calorem, eum breui tempore retinet. Posse igitur globulos calore aliquo, quem ex puluere, vel ex motu conceperint, in corporis parte aliqua, cauterium facere dicemus? Cum ad temporis punctum corporis partem, & si vis vniuersum corpus perforent. Neque eorum opinionem prætereamus, qui ex motus vehementia globulos ignescere dicunt, exemplum ducentes à sulphuræ illitis sagittis, in altumque iactis, quæ accenduntur ex aeris longa attritione, quæ ad accendendum ignem apta est nihilominus, quamuis ex Arist. sciam, & ita re vera cum ipso sentiam, attritionem calefacere posse, tamen tantum calorem plumbeos globulos in iaculationibus suscipere, vt inurere possint, cum his, qui hoc sibi iam persuaserunt, non sentimus: & qui talia de sulphuræ illitis sagittis protulere, adducti magis falsa sententia, quam veritate ipsa, quam obrem ita se habere rem experientia non comprobauerint, antequam hæc tam oscitanter, ac impudenter perferre, admiror, quæ cum mihi fuissent renuntiata, non prius fidem adhibendam ijs duxi, quam oculata fide, num sic esset res cognouissem: propositū .n. mihi in omnibus pro viribus, prius nihil affirmare, veritate non perspecta, & de his maxime, de quibus inter eruditos aliqua est controuersia, vt in his in quibus Vesalius Gal. contradicit (quemadmodum scis) obseruari, de quibus quidquam affirmare, aut negare volui, quam illud ad examen prius reuocauerim, & vero



consentire, luce ipsa clarius perspexerim, vt alias,  
 dijs benefaudentibus cognoscas. Quo circa, vt arti-  
 ficiose, & cū canalibus fabricarentur sagittæ, quas  
 totas cera, & sulphure oblitæ arcu particho &  
 mox balista ingenti, modo in altum, modo in lon-  
 gum iaculati simus, neque sulphur tamen aut cera  
 accensa, aut colliquata fuit, atq; in hoc, multi testes  
 optimi mihi sunt. Adde etiam hoc quod fide di-  
 gnum fortasse non videbitur, (testibus tamen gra-  
 uissimis non caret) sclopetum puluere bombardico  
 onorauisse (vt ita cum vulgo loquar) & sulphureo  
 globulo, quem tandem & à propinquo, & à remo-  
 tiori loco, in parietem semel atque iterum & tertio  
 immisimus, neq; sulphur à sclopetario puluere, aut  
 à motu vehemente, & aeris attritione (quanquam  
 vehementiori impetu, quàm sagitta ab arcu, vel ba-  
 lista missa, feratur) accensum aut liquatum fuit, sed  
 parietem ita grauiter percussit, vt calcem, qua te-  
 ctus ipse erat paries excauauerit, frustulaq; ipsius  
 globuli, circum ipsam excauationem parieti, absq;  
 aliquæ sulphuris immutatione substantiæ, aut colo-  
 ris prioris, quo antequam in sclopetum immittere-  
 tur præditum erat adheferint, teq; hoc experientia  
 docebit: Quare vanissimum esse commentum di-  
 centium sagittas sulphure illatas, & in altum iacu-  
 latas accendi, aut plumbeum globulum à sclopetarij  
 pulueris accensione, & motu ita calefieri, vt  
 possit adurere concludimus, cum nec cera incale-  
 scat hac ratione, neque sulphur ipsum accendatur,  
 aut



aut lique scat, quamuis à vi sclopetarij pulueris accensi impellatur, & citato motu ab circumfuso aere terratur, perfriceturq; , siue sclopeto, siue arcu, aut balista ei aculetur. minus igitur plumbum ignescere dicemus: ex quo etiã vulnera à plumbeis globulis illata, ignis vim sensisse, nulla nec vera, nec certa ratione probari potest: explodenda igitur istorum opinio, quàm absurdam & vanam esse multis rationibus iam probauimus: Præter hæc, si ex calore in motu concepto, crustam globulos inducere velles, manifestissimo huic periculo pugnabit: vulneratus quippe à globulo in quattuor brachiorum distantia iaculato, in paruo illo motu ita posse incalescere globulum, vt perurat carnem, non erit credendum: cum ob puluerem ipsum sclopetarium accensum calorem non contrahat, carnem tamen nihilominus atteret, & contundet, ex quo crustam illam non à calore effici, sed à contusione solum (vt iam à nobis fuit probatum) existimandum est.

Istis igitur sic perpensis, vulnera à bombardicis sphæculis illata, non ignis vim sensisse, nec missas sphæculas (vt dictum est) cauterio posse inficere, aut adurere disces: & tãetsi aduersarij asserant carnem circa vulnus, ignis calorem sensisse & combustionem, id iã falsum esse nostris rationibus, & exemplis, in clarissima luce versatur: Vnde autem in vulneribus, quædam veluti crusta appareat, deinceps dicemus: Ex vehementi proinde contusione, à globulis facta, ipsa crusta videtur induci, qui qui quo-



niam sphaerici sunt, & maximo impetu feruntur, la-  
cerant, diuellunt, contundunt, atteruntq; adeo con-  
taetas partes, vt eas non modo sanguine, sed vitali  
spiritu priuent, quo circa languescunt, liuescunt, &  
emoriuntur, ita vt crustā referant. quæ re vera cru-  
sta non est, quandoquidem hæc ab igne, vel ab ignito  
ferro dura admodum, & solida inducitur, propter  
humoris prius in carne contenti exiccationem. Ista-  
rum vero vulnerationum escharæ ( vt ipsi dicunt )  
humidæ mirum in modum sunt, tantoq; humore re-  
fertæ, vt corrumpantur sæpe, & putrescant, & syde-  
ratione, vt ita dicam, quam σφαίηλον Græci dicunt,  
vrgeantur, ob immodicum humorem in attrita car-  
ne collectum, vt suo loco dicemus. quod in magnis  
etiam contusionibus advertere licebit, veluti nos sæ-  
pe obseruauimus, in ijs, qui in brachio, crure, aut pe-  
ctore, saxo icti fuere, vel globo à lacertoso brachio,  
vel à funda, vel à Balista iactato, vel in contusioni-  
bus alijs, quibus affecti fuerunt ij, in quorum crus  
equus ceciderat, aut quo vis alio modo, membrum  
aliquod obtritum fuerat, & contusum. in quibus sæ-  
penumero caro tanquam mortua, & sanguine, &  
vitali spiritu carens, ex vehementi, & graui illa cō-  
tusione, videbatur, & quæ tandem escharæ formam  
referebat, quamuis re ipsa eschara non esset, nec no-  
mine hoc rectè appellari posset, cum nihil aliud sit  
ἔσχαρα, quàm crusta, & cōbusta caro circa partē,  
cui vel ignis, vel ignitum instrumentum admotum  
fuit, vel aliquid aliud, quod potentia, vt ita dicam,  
adu-



adurendi vim habeat. Huic nostræ sententiæ, suffragatur Pauli autoritas, qui docet, quomodo à re contundente facta vulnerat dignoscantur: Quoniam vero inquit, & lapides sepe, & murices, & plumbeæ glandes, atq; in genus quædam funda eiaculata, tum ex iaculantis vi, tum ex angulis, quibus prædita sunt, in corpus intruduntur, ac latent, ad ea cognoscenda his notis ducemur, si contrectemus, asperum, atq; inæqualem tumorem subesse sentimus, plaga non prorsus recta, sed etiam maior caro item contusa, ac liuida cernitur, dolor præterea cum gravitate quadam infestat. in hanc quoque opinionem iuerunt Avicen. Haly. & Bucasis, & alij, qui à Paulo ipso eam omnes mutuo acceperunt. Quamobrem si diligenter animadversionem adhibueris, in contusionibus, carnem liuidam, contusamq; videbis, quam isti ἐσχαρὰν appellare voluerunt, quia ab ignis vi, globuli vulnera hæc facientes impellerentur, sed tamen contusa caro est, illique simillima, quam in contusionibus magnis, videri diximus, verum illa caro liuidior longe, nigriorque, & cum graviori dolore est, quippe quæ violentiam maiorem passa sit, neque proinde aliud, præterquam attrita caro, atque emortua à proiectedi globuli contusione est, qui quamquam ab inge impellatur, non tamen ignitus esse potest, quandoquidem in bombardico pulvere accenso, non tam diu moratur, ut ignem concipere valeat, quod etiam hoc exemplo clarum euadet, si pro plumbeo



BARTHO. MAGG.

globulo, in sclopeto, aut bombardæ, papyrum imposueris modice digitis vel dentibus contusam, non enim comburetur, sed à sclopeto incombusta, & ab igne vix tacta egredietur, partesque quas tanget male afficiet, ut nonnunquam dum Romæ essemus, in interregno vidimus, dum ludi in foro diui Petri celebrarentur, in quibus quamuis bombardæ omnes, ac sclopeti, puluere sclopetario, & papyro implerentur, tamen ex papyri ictu quibusdam nasus euulsus & perforatus fuit, papyro ipsa illæsa: hoc etiam magis tibi constabit, si pro glande plumbea, ceream spherulam sclopeto cum puluere imposueris: hanc à sclopeto emissam, neque liquefcere, neque incallescere, & partes ad quas perueniet, vehementer ledere videbis, ita ut si vel lignum petat, in eo ingentis contusionis vestigium relinquat, quod quidem, nullo à sclopetario puluere accenso calore affici arguit: adde etiam quod admiratione dignum videtur, rei in quam iniecta fuerat, non adhærere, sed prosilire, & retrocedere, non secus ac plumbea glans in parietem missa, quæ tamen si liquefacta, aut calefacta esset, rei contactæ adhæreret, atque etiam à motus vehementia calorem conciperet, si plumbeus globulus, ita secundum istorum sententiam tum à motu, tum à puluere afficeretur: quæ res cum vero repugnet, illorum erit opinio absurda, qui si ceram calorem colliquefacientem capere non posse, ob viscositatem parvam, paruumque eius humorem responderent, eadem de plumbo essent affirmantes



manda, quod minusquam cæra humidum est, hoc tamen calorem adeo intensum aiunt concipere, vt carnem valeat adurere, quod veritati quidē repugnat, tantum enim in se plumbum calorem retinere non posse, vt carnem perurat, demonstratum est: & si in corporis partes vim faciat, id motu ingēti, & contusione aget, quemadmodum etiam cærea glans, ab eodem instrumento iaculata: Ad hæc licet secundum *Aristo.* motus calefaciat, ita nonnunquam vt plumbum in hisce sagittis, quæ feruntur liquefiat, hoc tamen rationem nostram, non subuertit, probatque globulos sclopetarios comburere: quandoquidem plumbum, quo sagittæ muniuntur, in tenues laminae ac veluti bractæas redactum est, ita vt sine magno labore liquari possit, sed globuli sclopetarij crassi, solidique sunt. Ad hæc cum sagittæ hæ sphericam figuram non habeant, magisque in scindendo aere laborant, spherica aut figuræ vt *Arist.* quarto meteorologicorum scribit, per aerem facilius feruntur quam cæteræ, quocirca cum circumfusus aerem difficilius fundant sagittæ, in motu ingentiorum calorem concipiunt, quod in globulis non fit, cum spherici sint, & circumquaque faciliter voluntur, & modo in hac modo in illa parte callescit, si quam ex motu acquisiuerunt, circumspirante vento extinguatur, & refrigeretur. cæterum sagittæ diutius in aere, dum impelluntur, commorantur, quam globuli, tum ob ascensum, & descensum, si in altum eiaculentur, tum quia ad simpliciorum



aerem possunt peruenire, quo igniri possunt: sclopetarijs autem globulis hoc non accidit, neque enim tam diu per aerem feruntur, neque in altum mituntur. Quare cum collimatum scopum pertingerint, plumbum non colliquari, neque tantum incallescere posse, vt inurere valeat, credimus. Quocirca si neque ex bombardico puluere, vt de cerea sphaerula iam diximus, neque ex motu, vt probatum est, calorem concipiunt, te etiam atq; etiam vellem cogitare, quomodo, si vniuersus sclopetarius puluis in sclopeto comburitur, aut saltē parum extra ipsum, neque globulos, ignis, aut accensus puluis ad metam vsque, in quam iaculantur, sequatur (quæ solet ferē semper ducentum passus distare) quomodo in eis calor erit? calefieri ergo nullo pacto videntur, posse: At aduersarijs id quoq; fieri posse concedamus, quid tum? nonne à circumfuso aere deinde refrigerarentur, ex quo absurda satis, experimentoque aduersa res sequeretur, in omnibus nimirum vulnerationibus à globulis illatis, escharam non reperiri, maxime enim cælo pluuioso, eiectos globulos, escharam non inducere, æquum esset, siquidem calor, vel ex motu, vel ex bombardico puluere conceptus, ab aere, & pluuiā refrigeraretur. ad diuersum tamen non experientia excitauit, quandoquidem in vulneribus omnibus, siue pluuioso, siue sudo, siue pruinoso, siue nivoso cælo à sphaerulis istis plumbeis impositis, semper mortua illa caro, attritaque conspicitur, quam isti ἑσχαράν appellauere, quæ



quæ nullo modo ab igne, sed à contusione inducta  
 est: Cæterum si globulos illos calorem capere ex  
 veloci duntaxat motu, & violentia ipsis globulis  
 adhibita velles, dicerem, neque aliter crederem, ab  
 aere frigido recenti, cui ( dum fertur ) semper oc-  
 currit, posse cælo etiam sereno extinguï, quanquam  
 in nostra adhuc persistamus sententia, neque in suo  
 motu, tantum concipere calorem affirmamus, vt  
 carnem comburere valeant. Si vero ex vulgari il-  
 la opinione, calorem manifestissimè percipi dice-  
 res, si eiaculatus globus statim tangatur, qui parie-  
 tem percussit. Non tantum ob puluerem bombar-  
 dicum, vel ob celerem motum, sed ex aeris collisio-  
 ne, inter globulum & parietem, quæ densa corpo-  
 ra sunt, contractum fuisse calorem responderem, &  
 hoc idem animaduertetur, si manu saxum vel fer-  
 rum in parietem aut aliud, quod corpore sit solido  
 inijceretur, hoc tamen si in molle corpus iaculare-  
 tur, non vtique contingeret: quare globulis non  
 tantum inesse calorem, qui vstionem facere possit  
 patet: in illis tamen aliquem inesse calorem, cum  
 Aristot. sentimus, tantum autem vt corporis par-  
 tes inurant ( quod nostris placuit aduersarijs ) ne-  
 gamus: qui quamuis vulnera à globulis plumbeis  
 iniusta esse affirmant, cum circa vulnera ipsa rubo-  
 rem sequi videant, iniustarum tamen partium hoc  
 solum esse proprium nolumus, quia in alijs quoque  
 vulneribus, seu contusionibus, ob sanguinem tenuio-  
 rem, rubor, quem græci ἐρυσιπιδας appellant, se-  
 qui



BARTHO. MAGG.

qui solet, qui quidem robur, in contusionibus potissimum euenit, cum à contundente re maior fiat dolor, quam ab incidente, vt in his qui flagello, aut virga, aut alia re solida, cæsi fuere, neq; id temere, si quidem facilius irritatus tenuior sanguis in corpore existens, ad particulam dolore affectam, confluit, quemadmodum in corporis partibus ab ignita re ictis, licet videre: Proinde mirum non sit, si in globulorum vulnerationibus, rubor appareat, & dolor, & grauitas sentiatur, vt abunde declaratis arbitror: Quod vero ad nonam vsque diem vulnera ab ignita re facta, increscant, & augeantur, vulgaris opinio est, neque tamen ratione caret, quia escharam ab igne inductam, nouem illis diebus, abscedit, vt plurimum ex puris generatione, & adusta carnis putrefactione, vulgus, ex ignis natura, vulnera talia ad nonam vsq; diem augeri, putauit, hoc tamen idem, abscessione aliarum crustarum obseruatur, quæ à rebus potentia causticis, fiunt, quod si in istis vulneribus etiam apparet, huiusmodi augmentum & dilatatio ex putrefactione, & abscessione contuse carnis, non ex ignis, natura (cum nullam ignis vim senserint) fieri dicemus.

An vulnera hæc ex puluere veneno aliquo infecta sint.

Habes igitur mi Ioannes vulnera à globulis illata adusta non esse, neque etiam vllam ignis vim passa esse: Quapropter vt adusta vulnera, aut aliquomodo ab igne affecta, non esse curanda, sed tamquam ab atterente re, & contundente facta, medicanda, vt dicemus. Adde etiam non vt veneno infectis, medic-



licinas esse faciendas, quamuis alij, præter contu-  
sionem perustionemque, veneno infecta esse, asseue-  
rant, fortasse ita rem se habere, ex hoc adducti, quia  
facile vulnera huiusmodi depascentia, serpentiaq;  
sunt: Verum quantum errent, manifestum euadet,  
si ex quibus sclopetarius pulvis constet, dixerimus.  
Recipit enim, sulphur, nitrum, carbones salicum,  
vel auellanarum, quorum nullum simplex veneno-  
sum est, siue illud, vt internis medearis morbis exhi-  
beas, siue vt externis medicinam facias, affecto loco  
apposueris, vt de sulphure videre licet, quod à Ga-  
leno in libro de simpl. med. fac. ad innumeros mor-  
bos sanandos, maxime commendatur, vt ad scabiem,  
& lepram tollendam, & ad quamplurimos alios affe-  
ctus fugandos, & ad venenatorum quorundam mor-  
sus sanandos, de eo enim sic scribit, Sulphur omne  
trahendi vim possidet, estque temperamenti calidi,  
atq; essentia tenuis, adeo vt ad nonnulla venenato-  
rum animalium, resistat. Si per interius propinatur,  
deleterea natura caret, vt ex Dioscor. libro 5. cap.  
73. colligimus, sic dicente. Prodest tussibus suspi-  
rosis, perulenta extussientibus, in ouo sumptum,  
aut suffitum. Nitrum vero nostrum antiquorum au-  
thoritate carere veneno, non possum probare, nisi  
coniecturis quibusdam quoniam nostrum nitrum, ex  
quo pulvis sclopetarius constat, arte paratum est,  
modoq; diuerso ab illo, quo antiquorum nitrum præ-  
parabatur: Antiquorum enim nitrum, modo ex ef-  
florencia terre cuiusdam, vt sal in mineris supra ter-  
ram



ram, colligebatur, modo arte ex aqua nili flumini  
 fiebat, quemadmodum de salis præparatione Plin  
 tradit, quo frequenter in arte medica utebatur: No  
 strum autem nitrum fit ex terra diu sub tecto serua  
 ta, aut ex suum, vel ouium limo stercoreue superfun  
 dendo aquam per diem, quæ deinde nitrositatem in  
 ea terra contentam contrahat, præterea ad crassi  
 tiem quandam huiusmodi aqua decocta in nitri sti  
 rias vertitur mutaturq; , ex quo sclopetarius pul  
 vis cum prædictis rebus, conficitur: Sed nitrum quo  
 quomodo paratum fuerit, nihil aliud est quam terræ  
 nitrositas quedam concreta, nostro tempore in pa  
 rietibus humidis nitrum eiusmodi colligitur: vtcūq;  
 tamen paretur, nitrum siue epotum, siue extrinsec  
 us admotum, facultatis est digerentis, virtutisque  
 mediæ inter salem, & aphronitrum secundum Gal.  
 9. & 11. de simp. med. fac. nostrum autem nitrum ve  
 nenosa vi præditum sit nec ne, nulla antiquorum au  
 thoritate venenosa vi præditum esse, possem affirma  
 re. Verum cum eodem modo quo antiquorum nitru  
 conficiatur, crederem nullo veneno imbutum esse, &  
 tuto ebibi posse, quemadmodū nonnulli, fidem adhi  
 bentes commentarijs in Mes. à Monachis illis editis,  
 impunè medicamenta ex nitro confecta in magna co  
 pia sumpserunt, ex quo si epotum nitrum non nocet,  
 corporis partibus admotum minus nocere credendū  
 est, quoniam scabiei, & exulcerationibus cutis for  
 titer exiccando, vt sal (cum maiori tamen stipticita  
 te) medetur. Veneni autem vim carbonibus salicis,  
 aut



ut auellana inesse minus credendum est, mulieres  
 ros in affectu piccationis sine periculo comedentes  
 vidimus. Carbones quoque nos in quadam præpa-  
 ratione pillularum pro morbo gallico, vt pulueris  
 præcipitati colorem occultaremus, addidimus, tu-  
 toque exhibuimus. Si vero externæ corporis parti  
 admoqueatur nocebunt minus, cum tantum exiccent  
 absque mordificatione, atque hoc in illis observaui-  
 mus, qui quandoq; characteres, cruces, vel litteras in  
 brachio, vel in alia corporis parte, pingunt, acu vel  
 stylo compungendo, & cuticulam perforando, car-  
 bones deinde in tenuissimum pollinem redactos, loco  
 superponendo, & confricando, nullum tamen vene-  
 ni vestigium, in perforata & compuncta cute appa-  
 ret. Quod si ex admixtione nitri, sulphuris, & sali-  
 cis, vel auellana carbonum, vim quandam mediam  
 veneno non carentem produci diceret, vt de antido-  
 ti virtute, in theriacæ qualitate contra venenum, di-  
 xit Andromachus, dicerem etiam puluerem istum  
 veneno præditum non esse, sed virtute tantum maxi-  
 me exiccante, propter nitrum, sulphurq; crustam  
 aliquam leuem inducentia, vt experientia nos do-  
 cuit: si enim serpentibus vlceribus venis, vel alijs  
 partibus adduntur, insigniter exiccant, exesione  
 interficiendo, nullamq; venenositatē (vt ita loquar)  
 relinquendo: & id facilius intelligetur in illis, in quo-  
 rum faciem granula pulueris dum nimis sclopeti fo-  
 ramini, in quo primum puluis accenditur, admovent  
 vultum, aut quouis modo alio, in faciem exiluerint,  
 quæ



quæ adeo ibi figuntur integra, vt perpetuo, post vl-  
 cusculi facti ab ipsis granulis, percutiētibus, & con-  
 tudentibus, consolidationem, (nisi maxima adhi-  
 bita fuerit diligentia) ibi nigredo appareat, vt plu-  
 ribus, in calce huius tractatus, de hoc agemus, cu-  
 rationemq; huiusmodi vlcusculorum, quam hæte-  
 nus desiderauisti, scribemus, qualem (vt scis) illu-  
 stri Comiti Cornelio Bentiuolo iuueni strenuissimo,  
 adhibuimus, in cuius faciem, ac sinistri oculi adna-  
 tam, sclopetarij pulueris granula multa Romæ, in  
 illis ludis, de quibus paulo ante mentionē fecimus,  
 profiluerant, itaque carni infixa erant, cum nigre-  
 dine non pauca, vt visu turpissimum esset: ei tamen  
 ita medicinam fecimus, vt ne macula quidem, nisi  
 in adnata oculi, cui medicamenta ad mouere veri-  
 tus sum, relinqueretur: nullum tamen in hisce vl-  
 cusculis venenum fuisse imbibitum, animaduerti-  
 mus. Quapropter nunquam adduceret, vt crede-  
 rem, puluerem sclopetarium venenatum esse, aut  
 vulnus à globulis istis impositum, venenum aliquod  
 obbibisse, jēd malitiam si qua dum exeunt præditi  
 sunt (quod tamen falsum esse dicimus) exuere, tem-  
 pore illo quo deferuntur. Quocirca vulnera hæc  
 nullum hausisse omnino venenum, quamuis nonnun-  
 quam σφαιρόν & exesionem patiantur, affirma-  
 mus. Symptomata enim hæc, non à puluere, sed à  
 contusa attritaq; & à mortua carne eueniunt, in  
 qua humor à vulnere profluens imbibitur, qui cum  
 copiosus existat, & naturali calore careat, putre-  
 scit,



cit, & proximas partes contingendo, eas corrumpit, atque hæc rursus proximas deinceps inficiunt, quemadmodum in sphacelo, & phagedæna fieri videmus, aut in maxima totius corporis cachochymia, maxima scilicet causerum, quæ incommodare vlceribus possunt, vt refert Gal. 4. meth. quo loco, de causis omnibus, pluribus verbis differit, quæ vlcera depascentia reddere possunt, quæ vel herpetas nominat, quando scilicet, summa tantum cutis, ab humore maligno exeditur, vel phagedænas, quando subiecta corrumpitur caro, atq; hæc vulnera putrida, & depascentia nonnulli etiam vocauerunt vt Gal. 6. aphor. 45. scribit. Verum vulnera, à globulis plumbeis illata, depascentia, facilius quam cetera sunt, ob attritam, & contusam illam carnem, & ob malorum succorum vniuersi corporis copiam, non quia vt alijs placuit, venenata sint: Quot si ita vt ipsi aiunt esset, vulnera omnia sclopeticis globulis imposita, putrida atq; depascentia esse deberent, essentq; istorum vulnorum hæc propriæ differentie, cum tamen, vlcereis alicuius, has proprias esse differentias, Gal. non placeat, 6. aphor. 45. sed compositas quasdam passiones, ex vlcere, & putredine: & etiam absq; putredine vlcera esse possint, vt idē asseruit, tertio, & quarto meth. sed cum non omnia talia vulnera putreda depascentiaque sint, veneno esse infecta, inficiendum est.

Habes igitur vulnera huiusmodi, nec ex pulvere, nec aliunde venenata esse, neq; ignis vim & calc-



lorem sensisse, & proinde tanquam iniusta, curanda non esse: verum quomodo adhibenda curatio his sit, nunc audies.

*Vulnerum curatio à sclopeto factorum.*

**V**ulnera à globulis illata, quoniam vel in car-  
 nosis partibus sunt, vel in nervosis, vel cum læ-  
 sione ossis alicuius, vel sine læsione, vel carni, vel ossi  
 globuli soli infixi sunt, vel cum vestimentorum par-  
 te vel cum particula armaturæ ferreæ, aut cum ha-  
 mis lorice: erit igitur ab ipso statim initio, diligen-  
 ter animaduertendum, num vulnus simplex sit, sine  
 contusione & dolore, an cum fractura ossis, an cum  
 globulo solo, vel cum vestimenti parte, an cum ar-  
 maturæ ferreæ laminula, an cum hamis lorice, &  
 similium infixione (ut ita dicam) & morbi essen-  
 tia statuenda, & absoluenda, ut admonuit Gale.  
 „ primo ac ut. com. 3. dicens: In primis quis nam sit  
 „ effectus, dignoscere oportet, deinde ipsius curatio-  
 nem, ita aggredi: Non enim eodem modo curari  
 & 3. meth. possunt omnia, ut à Gal. 3. art. med. de simplicibus  
 & compositis morbis proditum est longa oratione,  
 quam in præsentia recensere, superfluo facerem, fin-  
 gamus itaq; carnosam particulam quâpiam à plûbeo  
 globulo ictam, vulnus, cum contusione accepisse,  
 absq; rei alicuius in ipso vulnere retentione, erit qui-  
 dem istius morbi essentia, continui solutio, contusio,  
 & dolor: Solutio continui, & contusio in carne  
 fiet

carnosæ  
 partis vul-  
 nus.



Et à globulo perforante & contundente, dolor de-  
inde sequetur ex carnis dilaniatione & attritu, à  
quibus omnibus, tota curandi ratio, sumenda est:  
Veruntamen indicationes curatiue, quæ ab his su-  
muntur, sibi aduersari videntur: solutio enim con-  
tinui, consolidationem, & vnionem indicat, quæ per  
exiccantia medicamenta absoluetur, secundū Hip.  
lib. de vlc. Contuso autem vulnere, aut phlegmono-  
so, concoquentia, seu pus mouentia, conueniunt, ait  
enim adducto loco Hipp. medendum est, vt quam ce-  
lerrimè, suppuretur, necesse est enim, carnes sic con-  
tusas putrescere, ac in pus verti, vt dictum à Gal.  
fuit 3. & 7. meth. vbi de ventriculi affectibus lo-  
quitur: Dolor vero, medicamentis, calida & hu-  
mida qualitate præditis sedari postulat, sicut à Ga-  
le. declaratur 7. de comp. med. secundum genera, de  
aqua calida ducēs exemplum, verum calida, & hu-  
mida qualitate prædita medicamenta solutioni con-  
tinui aduersantur, Gale. 3. metho. tamen si scopos  
ab ipso propositos intuebimur, ab eo sine quo non,  
curatio erit inchoanda, ceteris tamen nō neglectis,  
vulnere nempe contusione, & phlegmone, vel quo-  
uis alio symptomate, si adderit vulnus tamen ip-  
sam, ab initio re vera esset curandum, quoniam so-  
lutioni continui omni, cum sit morbus in compositio-  
ne, vt ait Gal. 3. art. med. consolidatio conuenit. pro-  
priaq; ipsius est curatio: Quæ quidem continui so-  
lutio, si alicui præternaturali affectui cōiuncta erit  
eius curatio non vt simplicis vulneris erit, sed pri-

& Gal. 3.  
ar. med. &  
3. meth.

& ab Hip.  
lib. de fra.  
cranei, &  
Gal. 5. de  
sim. me. fa.  
& 4. 6. 12.  
13. meth.  
calida &  
hum. me-  
dicamēta  
solutioni  
cōtinui ad-  
uersantur  
vnde cura-  
tio ichoā-  
da.

& lib. de  
cau. mor.

D

m m m



BARTHO. MAGG.

num affectui vulneri coniuncto, deinde vulneri ipsi medebimur: quandoquidem cum vulneri circumiacens caro contusa sit, & phlegmone ut plurimum urgeatur, qui tumor est præter naturam, fieri non potest, ut commodè sanetur vulnus, sed multo maius potius reddetur, nisi loco in quo fuerit, prius medicatus fueris: In proposita igitur nostra hypotesi si contusa, attritaq; sit caro, phlegmoneq; urgeatur, non consolidabitur vulnus: neque etiam attritam, & contusam carnem remouebimus, non sedato prius dolore, si aliquis dolor ulceris locum infestet: Quapropter ei, cui primum mederi debueramus (vulneri nempe ipsi) postremum curatur. Scopi itaque vulnorum curandorum à globulis sclopetarijs, aut bombardicis acceptorum sic erunt propositi, ut primo dolorem remittamus ut etiam Auicē. 4. quarto cap. de vulnere cū dolore placuit, contusione, & vulnere interim non neglectis: deinde animū in ipsam contusionē defigemus: quibus remotis, & vulnere, cauo carne repleto, ut ultimo declarabimus operā dabimus, ut vulnus cōsolidetur quod quidē facile deinde consequemur: Acceptū vulnus à globulo bombardico, seu sclopetario, dignoscetur ex contusione, vulneris figura, quæ circularis est, & parua, ex egrotantis relatione, tumore inæquali, liore carnis, & dolore graui, quem semper aliquod sanguinis profluvium sequi solet, quod secundum Gal. 5. me. sistendum est, quando hoc neglecto, curari vulnus non posset: à quo etiam vulnere, si parua sangu-

quibus no-  
tis vulnus  
acceptū à  
globulis  
sclopetarijs  
dignoscetur.  
& Cel. lib  
5. cap. 26.



guinis copia deflueret, ob contusionem, sanguinem  
ad partem aliam impellētem, vel ob aliam causam,  
fluorem ipsum sanguinis impredientem, exploratis  
prius agrotantis viribus, frictione aliqua, vel le-  
ui caprificatione sanguinem educes, ex Hippo. sen-  
tentia, lib. de vlc. ita scribentis, omni vulnere re-  
center factō, nisi in ventre sit, ex ipso statim plus,  
vel minus sanguinis effluere, expedit, & quæ sequū-  
tur: hoc idē ex Hippo. decreto, admonet Gal. 4. met.  
sic scribens, sit enim, inquit Hippo. effluente sangui-  
ne, vulnus siccius, proinde sanius: addit præterea  
& minus inflāmatione infestatur deinde, si nimis de-  
flueret linteola, vel puluilli in posca (quæ ex aqua,  
& aceto componitur) madefacti apponantur: ve-  
rum quoniam neque acetum omne æque acre est,  
aquæ admixtione ad temperiem quandam, ita vt bi-  
bi possit, reducendum est, ut Gal. 2. ad Glauc. docet,  
vel puluilli aut lenteola illa in oui albore cum sale,  
immergi, & madefieri debeat, vt Paul. lib. 6. cap.  
de palpebrarum affectibus, admonet, quod medi-  
camentum, istis præsertim vulneribus, nostro qui-  
dem iudicio, mirum in modum conducet, & ad at-  
tritam, & mortuam illam carnem exiccandā, quam  
isti escharam vocauerunt, conferet: nec verendus  
est dolor, quippe huiusmodi medicamentum, parum  
vulnera illa mordet, ob carnē emortuam contusam  
& sensu destitutam: non tamen, vt lenteola hoc me-  
dicamento imbuta vulneris fundum tangerent vllō  
modo suaderem, cum vniuersum vulnus carne illa

sistētia flu-  
xū sangui-  
nis.

oui albu-  
men vul-  
neribus cō-  
tufis maxi-  
me cōmo-  
dum.



attrita & que circumdatum non sit. frigida etiā aqua  
 linteola posses imbacre, ex Pau. sententia, lib. 6.  
 cap. 34. repellit enim humores propter dolorem ad  
 vulnus confluentes, fluxumque sanguinis sistit. Cæ-  
 terum si maximum esset sanguinis profluvium, cui  
 albori & sili pulveres aliquos emplasticos posses  
 addere, ut bolum armenam, thus, aloem, & consi-  
 milia, de quibus Gale. 5. meth. scribit, quæ inde si  
 libet desumere poteris. Vulnere deinde uniuerso  
 linteolum vel puluillum, in antedicto medicamen-  
 to, cui aliquid rosacei olei, admistum sit super-  
 pones, tum ut dolor lenetur, tum ut fluxio humo-  
 rum qui facile ad vulnus propter contusionem de-  
 fluere, impediatur, ex Gale. decreto 3. art. med.  
 sic scribentis. Fluentes humores repellendi, qui au-  
 tem fluxere, discutiendi. Verum quoniam omnes  
 vulnerationes tam contundendo quam cadendo il-  
 latae, penicillis ex linteolis, vel ex rebus alijs con-  
 ceptis (quos Barbari turundas & tentas) græci  
 autem τὰ ἐμφοτα appellat, ideo ne claudantur, vel  
 ut aperiantur magis, vel ut mudentur, & deter-  
 gantur, vel ut pus, & χυρ id est sanies defluant, vel  
 ut medicamenta commode in vulnus ipsum immit-  
 tantur, vel ob alias multas causas, quas nunc recen-  
 sere molestum esset, constipari ad fundum usque so-  
 lent: aduertendum etiam atque etiam est (quamvis  
 nonnulli sint, qui laqueum ab utraq; parte, si mem-  
 brum perforatum sit; vulnere inserant) ne hoc in  
 hisce vulneribus faciamus, tum ob ingentem contu-  
 sio-

peniculli  
 fundū vul-  
 neris mit-  
 tendi non  
 sunt tum  
 quales &  
 4. esse de-  
 beant pri-  
 mis dieb.



fionem, quæ causa est, ut attrita caro illa ex vulne-  
 re excidat, tum ob maximum, & vehementissimum  
 dolorem qui accitur, dum laqueus intronittitur, &  
 in vulnere retinetur. Quapropter nullum vel par-  
 uum admodum peniculum primis saltem diebus impo-  
 nimus, & tãtæ duntaxat lōgitudinis crassitudinis-  
 quæ, ut ne vulnus claudatur, possit prohibere, quo  
 aptè ex vulnere pus effluat: Neq; vulneris inte-  
 rioris conglutinatio verenda erit, si quidem tanta  
 attritio & contusione carnis in toto vulnere est, ut  
 nullo modo consolidari possit. nisi post contusa &  
 attrita illius carnis putrefactionē, & ablationem,  
 & nouæ carnis generationē: aliquid tamen ex præ-  
 dictis medicaminibus aperto ori vulneris poteris  
 instillare. fugiesq; magnorum & longorum penicil-  
 lorum & laqueorum insertiones, præcipuè ne dolor  
 ex his excitetur, cum paulo ante monstrauerimus,  
 & ex Gal. placitis probauerimus, in istorum vulne-  
 rum curatione primam indicationem à doloris seda-  
 tione sumi, qui non mediocris commoueretur, cum  
 maximo egrotantis incommodo, si penicilli crassi,  
 & longi ad fundum vsq; vulneris, vel laquei impo-  
 nerentur: tantus enim in istis vulneribus sensus est,  
 ut vix dolori, qui ex penicillorum & laqueorū con-  
 tactu efficeretur, æger resisteret, quāuis in membro  
 carnosio admodum huiusmodi vulnera excepta essent.  
 Vsus igitur peniculorum vniuersum vulnus consti-  
 pantium, primis saltem diebus intercidat, quibus  
 neq; carnis generatione, neq; ulceris abstersione, sed



BARTHO. MAGG.

ex quibus  
peniculi  
fieri de-  
beant.

& Gal. in  
lib. de his  
q̄ in med.  
fiunt & in  
lib. de fas.

postligatu  
rā qd agē-  
dum.

doloris mitigatione, & attritæ carnis putrefactio-  
ne indigemus. Cum vero in vulnere salutē aliquam,  
& securitatem cognoueris, pro vt res suadebit, pe-  
nicillos vulneri impones. Peniculos itaq; ex stupa  
probè pexa, & sordibus omnibus carente, modo mi-  
nores, modo crassiores, modo longiores pro vulneris  
latitudine, & profunditate cōcipies, quos medica-  
minibus, de quibus iam egimus, illitos vulneri leui-  
ter, ne exacerbetur dolor inferes, vel exiguum me-  
dicamenti illius ori vulneris, quod primis quidem  
diebus hiat, ac patet instillabis, his peractis linteo-  
lum, vel puluillum ex eadem stupa (vt dictum est)  
eodem medicamento imbutum, & illitum vulneri su-  
perpones, fasciolaq; lata, & longa, & apta, pe-  
rinde ac membri vulnerati magnitudo exiget, vul-  
nus obligabis, vt Cel. docuit lib. 6. cap. 26. cuius  
verba nō est quod in præsentia adducam, vel decla-  
rem, cum tu sepius vulneribus, secundum eius decre-  
ta mederi me videris, ac tu quæ ab ipso scribuntur,  
per te discere possis, neq; etiam hic locus omnia ad  
omnium vlcerum curationem spectantia, recenseri  
expostulat, & nunc vulnere à sclopetorum globu-  
lis acceptorum, atq; eorum symptomatum curatio-  
nem, de qua nemo ante hac (quod sciam) quod sa-  
tis sit scripsit, persequi statuerimus. Obligatio itaq;  
vulnere, ægro ad sequentem vsq; diem quietem im-  
perabis, membro primum in quo vulnus est in aptis-  
sima figura nec dolore infestetur composito. operam  
dando quoad eius fieri potest, vt interim ab inflam-  
ma-



matione vulnus tuearis, vt in lib. de arti. his verbis admonuit Gal. studendum enim vt contusiones præcipuè quidem ab inflammatione conseruemus, & si inflammantur, vt quam citissime inflammationem finiamus, atque etiam Auic. ter. pri. cap. 28. admonet vt in contusionibus, quantum in nobis est dolorem leuemus, & à membro materiam arceamus.

Ad hunc finem propositum multis modis peruenire poteris, sanguinis missione, clysteribus, purgationibus, ligaturis, frictionibus, quiete, dicta, & repellentibus medicinis vulneris circumiacentibus partibus admotis: de quibus inferius obiter agemus.

Melius tamen consuleres, eodem tempore nulla ratione diei aut noctis habita, si reuulsione gratia venam secares, vt præcepit Gal. in lib. de cur. rat. per sag. mis. cum humores continuè ad vulnus confluat, ipseque dolor humores tanquam cucurbitula, vt à Gal. 5. meth. dictum est, trahat. illud tamen semper memoriæ retineri vellem, vt sanguinis illa missio, citius in ventriculo concoctis, & post, & excrementorum deiectionem fieret, vt in lib. de sanguinis missione admonet Gale. & si sponte alius non deiciat leui aliquo & blando clystere subducenda excrementa sunt, iuxta Pauli sententiā lib. 6. cap. de sec. venæ nisi forte morbi vis & doloris vehementia vrgeret, tunc enim statim sanguis mittendus esset, quādo nullum præstantius remedium sit, quam ipsa sanguinis missio ad dolorem leuandum, vt Gal. placuit I. aph. 23. quia tunc non extra rem esset, venam

D 4 prius

quibus dolor remitti possit.

primo die reuulsione gratia vena secanda & ad dolorem leuandum. postcoctione in ventriculo facta & post excrementorum deiectionem faciendam missio sanguinis.

& 9. meth. clyster sanguinis missionem præcedit.



& Aui. 4. prius secare, deinde clystere aluum purgare, ut 4.  
 p. Auēz, 3. de rat. vic. in acu. admonuit Hipp. namque si hoc ne  
 de feb. gligeretur, vel serius quam par sit clystere aluum  
 ad dolorē purgaremus, forte tum dolor, tum humorum deflu-  
 leuandum xus, vel abscessus alicuius, vel maioris inflammatio  
 sanguinis nis precipuæ causæ essent. Secetur igitur prius ve-  
 missio pre- stâtissimū na, si ita res suadebit Gal. præceptis in lib. de cur.  
 est reme- rat. per sang. miss. & licet in vulnere, aut contusio-  
 dum. ne nulla inflammatio, aut nullus magnus morbus sit,  
 sanguinis missio omitti non debet, hac enim magni  
 morbi futuri, & inflammationis impendens pericu-  
 lum propulsabimus. Auicē. testimonio quar. quar.  
 quod qui magnis istis affecti sunt vulneribus sæpe-  
 numero subeunt, hoc idem quar. p. scribebat his ver-  
 bis, de melioribus cum quibus intendimus curatio-  
 nem vulnerum, & prohibitionem apostematis & c.  
 & 2. de frac. dicebat Gal. caue ante omnia ne fiat  
 inflammatio, licet corpus non sit plethoricum, dum-  
 modo futuri magni morbi immineat periculū, & in  
 lib. de sec. uenæ addebat, at uero nō solum ubi adest  
 plenitudo, siue ea ad uires referatur, siue ad humo-  
 rum infusionem, mirificè prodest uenæ sectio, uerum  
 etiam citra plenitudinem inflammationi incipienti,  
 aut exitu, aut dolore, aut partium debilitate: do-  
 ror enim sanguinem ad se trahit, & partibus debi-  
 litatis inflammationem, etiam si non in corpore ple-  
 nitudo sit, procreat, & in lib. de art. ait etiam exi-  
 stente contusione, vel vulnere paruo confert & c.  
 & 1 lib. de Facta excrementorum euacuatione siue spontanea,  
 pl. lib. de siue



tue per clysteres, venam secari præcipies, sex vel  
 octo uncias sanguinis, aut decem mittendo, pro la-  
 borantis robore, consuetudine, ætate, regione, &  
 anni constitutione. Quæ quidem sanguinis missio,  
 si primis diebus medicorum imperitia omissa fuisset,  
 tertia, uel quarta, uel quinta die, modo humores in  
 motu adhuc sint, & fluere possint, secunda vena est:  
 dierum enim in sanguinis missione, ratio non habe-  
 tur, Gale. in lib. de cur. rat. per sang. miss. sic scriben-  
 te, quocunque enim die sanguinis mittendi scopum  
 inueneris in eo auxilium adhibendum est, & si uel  
 uigesimus is ab initio extiterit, iccirco uena secabi-  
 tur. quod cum gratia reuulsione in vulneribus  
 fiat, secundum Gal. 5. meth. missionem sanguinis bi-  
 partiri magis mihi placeret, ut idem Gale. in lib. de  
 cur. rat. per sang. miss. censuit, prima die igitur par-  
 tem vnâ sanguinis detrahes, sequenti die alteram.  
 hoc enim factò ipso etiam Gale. teste maior fit re-  
 uulsio, quam solam in vulneribus istis spectamus,  
 quam si eodem tempore vnica fieret sanguinis mis-  
 sio: verum quoniam in omni morbo minimè semper  
 eadem vena secanda est, proinde, quæ secanda ve-  
 na sit, animaduertendum. Quippe si morbus, uel  
 plaga supra collum in parte aliqua sit, humera-  
 riam venam, quam alij capitis venam appellant  
 secabis, quamuis ea non semper sed rarissimè à in-  
 gulari vena oriatur, ut ex anathome discas, quan-  
 uis Vesalius aliter, et alij authores scripserint, nos  
 tamen secus rem se habere docebimus, ostende-  
 mus.

sec. venæ,  
 & 4. meth.  
 quæ sang.  
 quantitas  
 mittenda.

i sãg. miss.  
 dierum ra-  
 tio nõ ha-  
 betur.

sãg. missio  
 si partitur  
 maior fit  
 reuulsio.

quæ vena  
 sit secanda.

capitis ve-  
 na rarissi-  
 mè à iugu-  
 lari orit.



musq; si in affectibus supra collum inciditur, prodesse ob fibrarum rectitudinem, non quia à iugulari vena originem ducat, si vero à collo vsque ad septum transversum, quod *διαπάρυμα* dicitur affectio sit axillarem seu iecorariam diffecabis, si infra septum transversum morbum sit, venam poplitis vel malleoli scindes, ut scripsit Gal. in libro de cur. rat. per sang. miss. ubi in antiquos inuehitur, qui indiscriminatim venas secabant. Aliud tamen dignum animaduersione occurrit, quod fideliter memoriæ etiam mandabis, morbo supra collum existente, si plethoricum fuerit corpus, in morbi principio, ac humerariam venam secare non licere, sed ut plenitudinem minuamus ne ad caput sanguis feratur, iecoraria incidenda vena est, deinde ut reuellas ab humeraria sanguinem detrahes, & si infra septum transversum affectus sit, ad sitque plenitudo non ex poplite prius sanguinem mittes, sed ab axillari primum, deinde ex poplite sanguinem educes, ut eodẽ loco fuit Gal. opinio, in quam etiam autor de renum affectibus, & Auicenn. inere. Sed quoniam inter præstantes alioquin Medicos tanta est dissensio, utrum in eodem, an in opposito latere, vena incidenda sit, paucis verbis quid de re hac sentiam, de qua adhuc tanta inter Medicos est discordia, absoluam, & alias (dijis bene fauentibus) in commentarijs nostris in 6. lib. Pau. exactius, & longiori oratione hoc persequemur. In præsentia autem solũ quantum ad propositum attinet, afferã, dicamq; non vno, & eodem modo

Corpore plethorico existente si affectio .s. collũ fuerit humeraria nõ incidenda vena est.

à quo latere vena fecanda sit, paucis verbis declaratur.



modo, & morbis ab internis causis, seu præcedenti-  
 us ortis, quorum causa humorū corruptio, vel mul-  
 tudo est, & his quibus, ob externas causas, vel pro-  
 tarcticas, corpora præsertim sana vrgentur, me-  
 icandum esse. In omnibus igitur vulneribus & pla-  
 is, vt ab aduerso latere sanguis detraheretur, con-  
 ilerem, quia & in oppositam partem reuelltur san-  
 uis, & ad vulnus humorū fluxus impeditur, quod  
 Gal. in lib. de cur. rat. per sang. miss. his verbis ani-  
 naduersum est, influentibus humoribus oportet re-  
 uellere, sed ex qua parte melior moliatur reuulsio,  
 dem 3. art. med. 99. his verbis admonuit, at attra-  
 hēdi ex oī parte, & loco ad oppositas partes cōmu-  
 nis est indicatio, ad quam maxime distantia deriu-  
 cio vero ad vicina &c. Præcepto itaq; Gal. partis  
 aduersæ vena, tanquam quæ à vulnere plurimum  
 listet, incidēda est, ratioq; rei huic subscribit, quo-  
 uiam omnis nostra mens, & consilium est, vt humo-  
 res reuellamus, eorumq; fluxum ad particulam cor-  
 poris læsam, intercipientes, sed reuulsio cum à remo-  
 tiori parte fiat, vt Gal. 4. meth. ex aduerso latere  
 & 5. meth. in princi-  
 & 2. ad gl.  
 in hac re Gal. auctoritatem desideramus 4. meth. sic  
 dicentis, Quando maxime influunt humores, tunc  
 ad contraria reuellere oportet, idem sensit Gal. lib.  
 de cur. rat. per sang. miss. eoq; magis in hanc trahor  
 sententiam quando nos etiam præseruationis causa  
 in istis affectibus sanguinem mittimus, cum Gale.  
 videam, & Pau. libro 6. cap. de sang. miss. in perse-  
 ue-



ueratione appopleſiæ, pedis venam tanquam a  
 victus rō. affecto loco magis remotam incidere. Secta pro  
 inde, vt diximus, in aduerso latere vena, victus ra  
 tio instituenda est, & ea quidem tenuis siquidem in  
 flammationi inceptæ, aut inflammationis impen  
 denti periculo victus tenuis potissimum occurrit  
 & aduersatur, quod à Gale. in libro de cur. rat. pe.  
 „ sang. miss. proditum est, qui sic scribit, verum quoc  
 „ principatus, ac veluti summa curationis non lipien  
 „ tibus modo, sed in omnibus ferè affectibus alijs,  
 „ etiam in accurato victu potissimum consistere, ne  
 „ minem latere opinor, & in lib. de miss. sang. aduer  
 „ sus Erasistratum sic etiam scribit, circa initia ægri  
 „ tudinem, ac inflammationum generationis, omnis ci  
 „ borum sorbitionumq; à dicto prorsus exhibitio sub  
 „ trahenda est, & Auic. asserit tantū solum cibi exhi  
 „ bendum, vt eger sufficiat, & periduret, cui senten  
 „ tiæ Gal. ceterique locupletes authores suffragati  
 „ sunt. ægrum itaque ferculo ex pane confecto, quod  
 „ panatellam vocant, cui melopeponis semina vel sac  
 „ carum, vel ptisana hordeacea optime parata, aut  
 „ ferculis ex boragine, vel lactuca, vel intybo, & si  
 „ milibus, hora consueta nutries ( nisi aliquod sym  
 „ ptoma obstet ) vt consuetudinē retineas, iuxta Gal.  
 „ sententiam I I. meth. cibumq; deduces, & augebis,  
 „ prout morbus consulet, & pro qualitate exerci  
 „ tiorum ægotantis, quando ciborum minor quanti  
 „ tas quiescentibus, quam his, qui ambulant, conce  
 „ datur ab Hipp. lib. de artic. quiescentibus inquit te  
 „ nuior



ior victus exhibendus: Verū à vino arcendi sunt  
 4. meth. aduertit Gal. vbi de vino mentionem fa-  
 cit, inquit enim non latet autem & de vini vsu quod  
 uendū est, vbi phlegmonis suspicio adest, alias da-  
 nihil vetat, sed quoniam in huiusmodi vulneribus  
 maxime ne inflāmatio fiat, veremur, ideo vinū  
 exhibendum non est, vt docuit Hipp. lib. de vul. sic  
 ribes, parum comedere, & aquam potare in omni  
 us vulneribus, & ulceribus maxime confert. &  
 magis recentibus, quā vetustis, vt Cael. & alij  
 grauissimi authores prodidere: exhibebis etiam de-  
 octam aquam per totum saltem tempus illud, quo  
 inflammationis impendeat periculum, & eam vel  
 simplicem, vel cum vino granatorum iuxta Auic.  
 3. cap. 26. reprimit enim feruorem bilis, poteris  
 etiam mulsam porrigere, qua Gal. 3. de frac. vteba-  
 tur, tu tamen mellis loco, vt suauior ad potandum  
 aqua sit, saccharum posses admiscere, simplex quip-  
 pe aqua nervis inimica est, vt adducto loco scripsit  
 Gal. Neque hoc loco opinioni, dicentium dulcia in-  
 bilem conuerti, accedas, siquidem hoc verum per-  
 petuo non est, idque multis medicæ artis studiosis in-  
 quodam meo tractatu demonstraui me, non igno-  
 ras. In cibis offerendis semper aliquid etati,  
 & consuetudini condonabis, non enim omnibus ea-  
 dem conuenit dieta, & prodest, quemadmodum  
 empiricis placebat. egrotis insuper quietem im-  
 pera, quia in lib. de spiran. diff. scribit Gal. quic-  
 quid phlegmone obsidetur id exquisitā integramq;  
 ex-

istis vulne-  
 rib. vinum  
 minime cō-  
 uenire.

& 3. de ra.  
 vic. i acu.

egrotanti-  
 bus quies  
 suadetur.



& lib. de  
art.  
Purgatio  
an conue-  
niat.

expostulat requiem: & licet in vulneribus istis sen-  
per phlegmon non adsit, tamen quoniam periculum  
phlegmones impendet, ægrum quiescere iubebis,  
quia motū vulneribus non conducere scripsit Hipp.  
in lib. de vlc. uniuersum quoq; corpus medicamento  
humorem peccantem adducente purgabis, siquidem  
scripsit Auic. 4. primi oportet cum missione sangui-  
nis, & euacuatione ventris prohibere apostema,  
„ huic sententiæ suffragatur Gale. 4. de comp. med. se-  
„ cundum genera, scribens, nonnullis siquidē vel pur-  
„ gatio sola sufficit, quibusdam sanguinis detractio,  
„ alijs vtraq; hæc adhibere profuerit, & 4. meth. ex  
„ Hippo. sententia in lib. de vlc. sic scripsit, purgatio  
„ per aluum plerisq; vlc. prodest, præterea vul-  
„ neribus, quæ in capite sunt accepta, item in ventre,  
„ & articulis. Manifestum igitur in omnibus vulne-  
„ ribus, omninm consensu purgandum corpus esse. non  
„ ab re igitur etiam fuerit in istis vulneribus medica-  
mento aliquo corpus purgare; morbi ratione habi-  
ta, & aliorum quæ ab Hippo. cum de his quos pur-  
gare oportet, loquitur, præscribuntur, & primis  
quidem diebus hæc facienda sunt, neq; septima, aut  
alia dies pro humorum præparatione, & coctione  
(vt nonnulli faciunt) expectanda est, quia hoc so-  
lum faciendum esset, si tantum euacuandi esset ani-  
mus, sed cum reuellere velimus, nullaq; in corpore  
adsit cacochymia, primis diebus purgandum est, vt  
„ aliàs fusiùs declarabimus, & vt etiam Gal. quarto  
„ meth. scripsit, veluti sanguinem mittimus in vul-  
ne-



eratis non existente plenitudine, nec quo ad vi-  
 es, nec quo ad vasa, ita etiam in illis nulla exi-  
 ente cacochymia corpus purgamus, ad eundem mo-  
 dum nec purgatio in sola vitio si succi abundantia  
 onuenienter suscipitur, sed sicut in missione san-  
 guinis, vel propter ipsius abundantiam vel propter  
 morbi magnitudinem, ita purgatio & propter abun-  
 dantiam alterius succi, & propter vim morbi, ad-  
 hibetur, vt ad diuersum trahat, & euacuet, quæ  
 mirum in modum proderunt agrotantibus: Quibus  
 & si opus erit poteris addere frictions, & ligatu-  
 ras, humores in contrariam partem trahentes, præ-  
 cepto Gal. in lib. de cur. rat. per sang. miss. Ad hæc  
 ne etiam è memoria excidat primis diebus affecto  
 membro repellens medicamen, vt Gale. 4. de comp.  
 med. secundum genera, ait, ad mouere, scribit enim  
 duo sunt scopi in vlcere, vnus ad id quod influit, al-  
 ter ad id, quod fluxum est, ad primum, quæ repellunt  
 &c. quia dum membrum dolore afficitur, ad illud  
 humores fluunt, ideo repellente vtimur medicina:  
 Quapropter Gal. 5. aph. 66. in fine commenti sic de  
 vlceribus, in quibus adest dolor scribit, & hoc mul-  
 tis præsertim fieri vulneribus existimandum est, in  
 quibus adest quidem dolor, & propter ipsum omni-  
 no aliquid influit, à Medicis autem reprimitur val-  
 de infrigidantibus, aut adstringentibus medicamen-  
 tis, & in lib. de comp. med. secundum gen. ait, in prin-  
 cipio mediamenta repellentia prosunt vlceribus, ne  
 phlegmone corripiantur, id quæ subinde in eo libro  
 repe-

frictiones  
vtilis esse

repellētia  
quātū præ-  
stet circa  
vulnera.



repel. qua-  
litas q̄lis  
eē debeat.

& 9. de cō-  
me. sec. lo.  
& i lib. de  
simp. med.  
fac.

alterū ge-  
nus repel-  
lētiū medi-  
camētorū

Stiptica  
magis flu-  
xū humo-  
rum inter-  
cipiunt.

& 6. de cō-  
me. se. lo.  
sang. fluxū  
sistētia fri-  
gida, & sti-  
ptica esse  
debent.

& 2. ad Gl.  
& 3. meth.

stiptica  
corrobo-  
rant.

ad vulnus

repetit. Sed quibus qualitatibus repellentia medi-  
camenta prœdita esse debeant, iam dictum est, fri-  
gida nempe, & adstringente, atq; ea duplicia sunt,  
vt Gal. ait 4. de artic. alia quippe humida, alia sti-  
ptica, quæ humida sunt penetrant magis, & quan-  
doq; non solum statim membrum refrigerant, sed illi  
maiores sæpe quam par sit, stuporem inducunt, vt  
aqua pura, succus papaueris, succus mandragoræ,  
& similia, quibus reuera non egemus, quāvis æsti-  
uo tempore eis quandoq; vtamur, vt ait Gal. 4. de  
comp. med. sec. gen. Alterum genus stipticum est, &  
terreum magis, vt loco, quem adduximus iam dictū  
est, quod magis ad humorum fluxum intercipien-  
dum idoneum videtur, vt Gal. 4. de arti. sic scripsit,  
ex his aut ipsi cum duplicia sint, vt didicimus quæ  
possunt adstringere efficaciorē vim obtinent, qui-  
bus quod influit citius repellatur, debent ergo ista  
esse frigida, & stiptica, quemadmodum illa quæ san-  
guinis fluxum sistunt, vt ait Gale. 5. meth. frigus  
enim sanguinem, & sanguini admixtos humores cō-  
gelando, & densando sistit, vt admonuit Gale. vbi  
de his frigidis verba facit: inest autem medicinis hu-  
iusmodi frigidis vis contrahendi densandiq; corpo-  
ris superficiem, cui admoventur, deinde stipticitas  
affectæ particule robur addere valens Gal. 3. art.  
med. 95. cum stipticorum sit corroborare, & confir-  
mare: his igitur ad perfectam vsq; vulneris conso-  
lidationem vteris ( licet recentiores ad septimam  
vsque solum illis vtantur ) quia Gal. in lib. de frac.  
scri-



scribit humores semper ad vulnus fluere posse. quo-  
circa repellentibus his medicinis informā vnguen-  
ti, redactis, membrum affectum in latitudine quat-  
tuor digitorum illines, vel puluillos austero vino &  
crasso, vel posca imbutos, admouebis: cur autem  
crassum esse vinum debeat 2. de frac. à Gal. dictum  
fuit. Alio etiam medicamento, cuius descriptionem  
& multarum etiam aliarum medicinarum in calce  
huius tractatus habebis, uti poteris. Sequenti præ-  
terea die, cum agrum inuises, puluillos illos, & pe-  
nicillos quos priore die vulneri imposueras, aut ad-  
moueras, remouebis, qui si propter cui alborem tena-  
citer vulneri, & pilis qui circa vulnus sunt adhæse-  
rint, eos posca tepida, vel vino austero etiam tepi-  
do, ne dolor commoueatur, emollies, quibus remotis  
leuiter ne agroto dolorem des, (qui deinde fluxum  
humorum irritaret) linteolo aliquo molli, nitido,  
puroque, ac sicco, vulneris saniem purgabis, ut Ga-  
le. docuit 4. de comp. med. sec. gen. de vlcere loquēs,  
ac circumquaq; leuiter etiam vulnus comprimes,  
& sanguinem collectum, aut pus in fundo vulneris  
blādissimè linteolis mollibus euacuabis, quod etiam  
in lib. de vl. animaduertit Hipp. quauis Auic. 3.  
4. cap. 28. aspero panno detergendum vulnus di-  
cat. sed ipsè panno huiusmodi utebatur, quotiescunq;  
sanies maximè vulneri impacta erat, que abster-  
sione maxima egebat, cauumque vulneris replevi  
carne postulabat, hoc autem tempore panno tali  
non est opus propter sensum maximum, quo prædi-

semper hu-  
mores pos-  
sunt fluere

in 2. iussio-  
ne quid fa-  
ciendum

quibus pul-  
uilli tena-  
citer vul-  
neri adhæ-  
rentes re-  
mouetur.

pāno aspe-  
ro saniem  
vulneri ma-  
ximè adhæ-  
rentem ab-  
stergebat  
Auic.

E tunc



primis die-  
bus parū  
vulnera ab-  
stergēda.

tum est vulnus, & cum solum opera danda sit, ut do-  
lor leuetur, & inflammatio arceatur. Quin me con-  
sulente primis diebus parum absterges, tum ut ne  
dolorem refrices, tum etiam quia hoc tempore mul-  
ta carnis generatione non egemus, ut si intenderis

animum non parum id prodesse ægris reperies, cum  
bis singulis diebus doloris exacerbatio, quæ abster-  
gendo accitur, vitetur, atq; hoc in eos qui se præti-  
cos nominari volūt, dictum sit, qui bis singulis die-  
bus vel inscitia, vel ut diligentiores habeantur præ-  
ter rationem sæpe gossapino, & rebus asperis non ci-  
tra dolorem vulnera astergunt, & ægris dum die-  
bus singulis bis hoc modo medentur, cum dolorem  
irritent, inflammationis, ut plurimum sunt causa,  
quemadmodū experientia nos docuit, licet hæc res  
parui momenti quibusdam videatur. Tu autem quā

blandissi-  
me vulne-  
re, affecta  
membra cō-  
trectanda.

supremā  
vulneris  
partē fer-  
ro ignito  
exiccare  
prodest.

poteris blandissime vulnere affecta membra contre-  
ctabis, atq; ita fieri posset, ut ne dormientes quidem  
ægri à somno excitentur, & si cōmode linteolo vul-  
nus abstergere nō posses. bombice id assequeris, post  
hæc guttam feruentē nostri olei præstantissimi, quod  
intentiones omnes istarum contusionum respicit, ori  
vulneris instillabis, ne contusa, & attrita illa ca-  
ro, quæ cum supra modum humoris plena sit facile  
putrescit, contagione sua proximam carnem non  
affectam corrumpat, quam si aliquo candenti ferro  
totam in suprema vulneris parte optime etiam exic-  
cares, non ab re esset, verum cum egrorum omnium  
non una sit dispositio neque omnes æque adustionem

pa-



patiantur, quemadmodum etiam scripsit Gale. 4. neth. de nonnullis, qui diuturnum potius morbum in sectione, quam breuem cum sectione ferre malunt, ne etiam Medicus inhumani, & feri nomen subeat primis diebus nostri olei gutta feruens vulnere instillata sufficiet, exhausto enim dolore, quem olei calor fecerat, qui ex contusione etiam capiebatur, dolor oleo isto facultate concoquendi contusionem, & doloris leuandi prædito mitigabitur, cuius talis est compositio.

Recipe resinæ abietinæ vnc. v. olei rosacei completi vnc. ij. sem. hypericonis recentis, si haberi possunt drach. v. sem. momordicæ drach. ij. modice terantur ipsa semina & in vase duplici in oleis descriptis dimidium horæ bulliant, deinde colentur, & ad usum seruentur, oleum istud propter rosaceum dolorem leuat, propter resinæ abietinæ viscidam substantiam, & temperatam facultatem concoquit, & pus mouet, & propter ipsa semina vulnus respicit, atq; hac ratione leuatur dolor, contusione & vulnere non neglectis, quemadmodum faciendum esse supra probatum est, membrumq; propter rosarum facultatem robur assumit. Cæterum lintecolum in descripto oleo modice calido vulnere etiam superpones, & proximas partes repellente medicamento oblines, ipsumq; vulnus deinceps fascia obligabis, quietiq; agrum aliquot horas trades, dolorem nullo modo interea reformidans. Fucatum forte hoc nostrum medicamentum tibi videbitur abietinæ resi-

non omni  
bus vna est  
dispositio

olei vulne  
ribus cōtu  
fis salu--  
bris de--  
scriptio.



resina abie-  
tina cali-  
da & sicca

qualia de-  
beant esse  
medicamē-  
ta pus mo-  
uentia.  
& Gal. 5. d.  
simp. med.  
fac.

na per se facultate considerata, admiraberisq; cum calida, & sicca facultatis Dios. & Gale. resina sit, quomodo concoquat: quomodo etiam rosaceum temperata, & semina sicca facultatis prædita hoc præstet, atq; ut semel dicam si olci istius compositionem tecum reuolueris, medicamētum sicca potius quam alterius uirtutis indicabis: concoquit tamen ut experientia compertum habemus: neq; tamen pus mouentia, seu concoquentia, aut coctionem adiuuantia si quis rationem ad examen reuocauerit sicca facultatis esse debent. Principio enim pus excitantia temperata esse debent secundum Auic. quar. quart. cap. 3. nostroq; temperamento similia, neq; multum ad humidum vergentia, ut 4. meth. ait Gal. ubi habet si puris generationem desideramus, exiccantia non sunt ad mouenda: ex calido enim, & humido fit puris generatio, ut ex cataplasmate, ex hordeacea farina & hydrelao parato, aut ex pane & oleo: cui tamen aliqua sit viscositas adiuncta secundum Gal. 5. de simp. med. fac. quæ carnis poros ualeat obstruere, & calorem innatum ne diffletur prohibere, ut melius natura coctionem uel puris generationem operetur: calida præterea uirtutis moderatè, suppurantia medicamenta esse debent, ut sua temperata caliditate naturalis calor, qui perpetuo in putrefacti humoris separatione, & in putredinē uertēdo humorem illum qui putrescere debet, & in assimilatione illius qui nutriturus est operatur, vires colligat ut Gal. scribit 9. de usu par. scis quippe coctionem

nem



nem omnem à calore naturali fieri, qui quandoque imbecillis est, & per halitum resolvitur nimis, in corporibus præsertim vulneribus affectis, in quibus facilius innatus calor frangitur: quocirca medicus innatum calorem fouere, & medicamento aliquo temperate calido ipsum alere debet, vt ibidem scribebat Gal. nec in lib. de const. art. med. tacuit, vbi de his agit quæ naturæ negantur, & quæ Medicus ipsius naturæ minister ei sufficit addēdo intra modum calefacientia, quæ quantum conferant ex his diiudicabis quæ à Gale. traduntur in lib. de simpl. med. fac. & 5. aphor. 22. vbi scribit, calidum suppuratorium cutim indurata[m] molli[t], crassatam extenuat, dolorem sedat, cōuulsiones, ac tetanos mitigat, non sicuti frigidum dolorem insuppurabilem efficit, eo quod si à natura nostra alienum, quæ est calor natiuus, quem coauget vbi mediocriter adhærescit, calor itaque extrinsecus facit h. ec omnia quæ iam dicta sunt nōnulla concoquens & ad melius alterans, quædam vero discutiendo atque euacuando noxia, ad sanitatem perducit, quod si non ex toto sauat, saltem dolores mitigat. Hæsitabis tamen adhuc, & nostra medicamenta sicca facultate prædita quomodo pus moueant, admiraberis, cum omnes artis medicæ authores calidæ & humidæ virtutis suppurantia esse voluerint, in hac re animum aduertas velim, & rem à nullis ante hac animaduersam, aut tractam (licet multi de his quæ pus moueant pluribus verbis scripserint) perpenderes: Non ab il-

coctio oīs  
à calorē na  
turali fit

calorē na  
turalē fo  
uer debet  
Medicus



BARTHO. MAGG.

mouentia  
pus in vul-  
nerib<sup>9</sup> qua-  
lia esse de-  
beant.

pix secun-  
dū caloris  
gradū ex-  
cedit.

terebēti-  
næ vsus in  
vulneri-  
bus.

terebē.ca-  
li.& sicca.

medicamē-  
ta i abscef-  
sibus pus  
mouentia  
in quo ab  
his q̄ pus  
i vulnerib.  
mouēt dif-  
ferant.

lis dissentimus qui suppurantia calida & humida temperate cum viscositate esse volunt, multa tamen apud Gal. & apud recentiores scriptores pus in vulneribus mouentia medicamenta reperiri dicimus, ex calidis, & siccis simplicibus medicinis composita, ex quorum admixtione calida & sicca facultate præditum medicamentum effici uidetur, quod pus nihilominus prompte mouet, quale apud Gal. est tetræpharmacum ex pice colophonia cera, adipe tau-  
rina, & vitulina compositum, quorum omnium maior pars calidæ facultatis est, quemadmodum pix ipsa, quæ secundum caloris gradum excedit, quæ quauis pinguedine, & alijs humidis possit temperari, vim tamen suam cū alijs medicinis admixtam retinet, quæ medicinis abscessus suppurantibus inesse non solet. Medicam artem exercentes, in vulnerationibus terebentina vel larice (quæ vt plurimum pro terebentina non secus ac ætate Gal. venundatur) vtuntur, calidæ tamen facultatis & siccæ Gal. 4. da compo. med. sec. gen. & alijs authoribus est: vitellus vero oui corpori admotus sicca vi quoq; præditus videtur, medicinas tamen huiusmodi in vulnerationibus optimè pus mouere videmus, neq; proinde calidæ & humidæ facultatis sunt. Quocirca vt tandem quæ de suppurantibus medicinis nostra sit opinio dicamus, sentimus medicamenta in abscessibus pus mouentia calida & humida facultate prædita esse debere, siquidē in affectibus his sup-  
purationi duntaxat studemus: in contusionibus au-  
tem



tem affectis vulneribus alijsq; vulnerationibus vel  
 ulceribus inflammatione correptis, variæ oriun-  
 tur medendi indicationes: contusio enim coctionem,  
 vulnus autem exiccationem indicat, quod vt vul-  
 nus exiccandum est neq; negligendum omnino si Ga-  
 le. 10. meth. credimus: in morborum igitur composi-  
 torum curatione prior curatio illi quod magis vr-  
 get debetur, cæteris non neglectis Gal. 3. meth. qua  
 propter medicamenta vulneribus his de quibus agi-  
 mus salutaria, ex his quæ calida, & sicca sunt fa-  
 cultate constare debent: calore enim coctio adiuna-  
 tur, & vulnere siccitas medetur, calor quippe mo-  
 deratus calorem innatum membri vulnerati fouet,  
 & auget, & proprius humor, qui ipsis medicamen-  
 tis inest cum viscositate coctionem adiuvat & pu-  
 ris generationem, prohibendo ne innatus calor dif-  
 fletur, moderata vero siccitas vulnere ipsi occur-  
 rit. Nec inconueniens est idem medicamentum duos  
 respicere scopos ferè diuersos & multos vsus subire  
 quoniam hoc etiam in lib. de comp. med. sec. gen. plu-  
 rimis medicinis concessit Gal. quas πολυκρίστας idest  
 ad multa vtilis appellauit. Cæterū cum in istis vul-  
 neribus duo spectentur vulnus nempe & contusio  
 quanuis prima indicatio ab ipso vulnere secundum  
 Gal. sumenda sit. quod unionem indicat, quoniam  
 tamen hoc medicinis assequi non possumus non abla-  
 ta contusione, ideo symptoma hoc remoueri postu-  
 lat, principalemq; curam ad se trahit, quia ratio-  
 nem eius sine quo non, obtinet: quapropter tibi ne

E 4 sit

in vulnere  
 bus contu-  
 sis vel in-  
 flammatioe  
 correptis  
 variæ oriū-  
 tur indica-  
 tiones.

in cōposi-  
 tis morbis  
 prior cura  
 tio ei qđ  
 magis vr-  
 get debet.  
 vulnerum  
 med. his q  
 calida &  
 sicca facul-  
 tate mode-  
 rata pđita  
 sunt cōsta-  
 re debēt.  
 idē medi-  
 camētū di-  
 uersos sco-  
 pos respi-  
 cere.

πολύκρισται  
 medicinæ.



fit mirum si diuersis medicinis in vulnere, & abscessuum suppuratione utamur. Nostrium proinde oleum tum ob abietinam resinam viscidam porros vulneris obstruentem, prohibentemq; innati caloris resolutionem, & ob temperatum calorem suum, naturalem calorem adiuuantem, & ob rosaceum oleum pus mouens doloremq; leuans (oleum enim vulnereum dolorem sedat ut ait Gal. 2. de simp. med. fac. & post coctionem adhuc magis leuatur eodem Gal. teste 6. aphor. 22. tum ob semen illorum, & abietini olei siccitatem quæ vulnus respicit, & ea quæ à vulnere sumitur indicatio, & ea quæ à contusione capitur absoluantur, hæc si tecum reuolues, nunquid his facultatibus præditis medicinis conuenienter in vulnere contusorum suppuratione utamur, & nunquid talia esse debeant, cognosces: quæ non solum si vulnere instillaueris, verum etiam si eis vulnus obliueris (quanquam absurdum hoc indoctis uidetur, qui ex hoc putre reddi vulnus arbitrantur) inconueniens non erit, egroto itaque huiusmodi medicinae proderunt, & his citissime ex Gal. decreto 4. meth. pus mouebis, & inflammationem fugies, linteolo igitur oleo hoc tepido madefacto vulnus poteris obducere, aut emplastro ex triticea, uel hordeacea farina cum hydreleo, uel ex pane, & aqua, & oleo, uel ex althea decocta cum rosaceo, uel similibus confecto, & si in illis vulnerebus dolor adfuerit non mediocris, (ut ferè fit) ad fortiora emplastra, & ad anodyna confugies, ut ad emplastrum confectum ex pane in ouillo,

& Hipp. in  
lib. de vlc.  
vulnere do  
lenti quæ  
conueniāt  
medicamen  
ta.



lo, nel uaccino lacte decocto, cui etiam ouorum vitellos, & rosaceum oleum posses miscere, quod dolori, quemadmodum cupimus, medebitur, coctioni q; auxiliabitur: ut hæc tamen emplastra leuia sint, ne partem affectam grauantia dolorem excitent, quod deinde maior fieret inflammatio, curabis: quod Gal. scripsit 5. de simp. med. fac. his probè administratis natura, quæ iam vires collegerit, primo concoquet, deinde secernet, ut 4. aphor. 22. dixit Gal. & licet ibi de internis mentionem faciat, idem tamen de externis morbis intelligendum, non enim minus coctio in vulnerationibus, siue ab incidente, siue à contundente refactis, per puris generationem expectatur, quàm in naturali morbo per sputum, & in venarum affectionibus per urinã, vt Gal. in lib. de morb. tẽp. in istis quoq; affectibus nõ secus, ac alijs morbis sua tempora sunt, quibus natura bonum sanguinem à corrupto secernit, pus expellendo, quod coctionis, quæ fit, excrementum est, & qualis coctio ipsa fuerit, pus indicabit: si enim bona fuerit coctio pus album, lene, æquale, non fœtidum, & copiosum iuxta vulneris magnitudinẽ apparebit, veluti apud Gal. legitur primo prog. in fine, quod naturam in puris mutatione recte fuisse operatã arguet, secus autem si pus ipsum tenue, liuidum nimis, viscidum, fœtidum, & minus, vel plus, quàm par sit copiosum videris, iudicabis: tale quippe pus naturæ imbecillitatẽ à præter naturali calore, vel ab ingenti inflammatione cõcoquendi vim labefactante contractam indi-

emplastra  
quæ super  
vulnus po  
nunt lenia  
esse debet

& in lib.  
quos qñ &  
qbus med.  
purg. con.  
coctio in  
vulnerib.  
fit per pu-  
ris genera-  
tionem.  
& in lib. d  
off.  
vuln. nõ se-  
cus ac alijs  
morbis, sua  
habent tẽ-  
pora  
qualis fit  
coctio pus  
indicat.  
puris lau-  
dabilis, &  
illaudabi-  
lis notæ.  
& in lib. d  
inæq. tẽp.  
& 2. de dif-  
fe. feb.



hyberno  
tēpore se-  
mel, æsti-  
no bis me-  
dendū vul-  
neri.

quandiu  
emplastro  
vulneri--  
bus affecto  
locus ob-  
duci de-  
beat.

puluis car-  
nē à putre-  
factione vi-  
dicans.

indicabit, et ex adducto Gal. loco colligitur. in medi-  
candis igitur istis vulneribus tres, vel quatuor dies  
ab his, quæ diximus medicamentis ne discefferis, &  
si hybernum tempus fuerit semel singulis diebus, si  
æstium bis vulneri medeberis, semper oleum no-  
strum, ita vt iam dictum fuit, in vulnere ponendo,  
& ipsum præterea vulnus vniuersum si tumor, aut  
dolor aliquis postulabit, ad tertium vel ad quin-  
tum vsque diem, vel quoad pus bonum appareat  
emplastro aliquo obduces, semper hoc agendo, ne  
attrita caro illa humore immodico, & excrementis  
repleatur, & proximam deinde carnem inficiat:  
quare post quinque dies eam puluere huiusmodi si  
insperseris, benefacies.

Recipe aloes. hepaticæ, thuris, boli armene  
orientalis partes æquales optime his tritis carniq;  
contuse admotis, vulneri non officies, & eam à pu-  
tredine vindicabis, quæ sæpe vniuersum vulnus, &  
membrum quandoq; vniuersum (nisi prouisum fue-  
rit) vt corrumpatur, causa est. Post hæc, quoniam  
huiusmodi vulnera pluribus dieb. coctione egent, si  
res cedit ex sententia, omisis medicinis illis, & em-  
plastris, tetrapharmaco, vel piccato vnguento peni-  
cillis illinere poteris, nisi herysipelatosus rubor, qui  
sæpius ingentem contusionem sequitur (quanuis me-  
dicamenta concoquentia optima sint) vulnus, aut  
vulneri proximas partes obsideat: tunc enim, egen-  
te tamen vulnere coctione, digestiuo loto, quod sic  
paratur, vteris.

Re-



Recipe olei optimi, resinæ abietinæ veræ, si in promptu sit, vel resinæ laricinæ puræ, & clara vnciam vnā, ceræ albæ quantum satis est ad vnguentum molle conficiendum, quod tandem aqua pura multum lauabis, optimeque secundum artem, exprimes. Hoc vnguento peniculos quos vulnere impones, & lintecolum, quo vulnus obduces, oblines, rosaceoq; oleo membrum circa affectam partem inunges cataplasmatibus, quibus primis quatuor diebus vtebaris relictis, quorū diuturnus, & assiduus vsus fugiendus est, ne ex longa puris generatione innatus calor ultra modum resoluitur, siquidem medicamenta χαλαστικά idest remittentia, & mollientia sunt, hisq; membrum magis imbecille redditur, quoniam in puris generatione nutrimentum, quod ad membrum pro nutritione defertur, vel ob membri imbecillitatem, vel ob medicamentum humidum vinctuosumq; vt Auic. quar. quarti. cap. de vul. in vniuersali ait, corrumpitur. Apparente autem pure laudabili, tum in qualitate, tum in quantitate, tum in substantia ægrum sic vsque ad inflammationis remissionem, vel quousq; nullam futuram inflammationem verearis, quæ semper ad septimum diem verenda est tractabis. Hoc modo in vulneribus omnibus hyemali tempore ad septimam vsque diem æstiuo tempore ad quintam, vel sextam diem medicinam afferes, contusionibus etiam vltam septimam iisdem præsidijs, occurre. In omnibus tamen temperaturis eodem tempore coctionis signa non

digestiui  
loti cōpo-  
sitio.

emplastro  
rum vsus  
diuturnis  
fugiendus.

inflamma-  
tio semp  
ad septi-  
mum vsq;  
diem verē  
da.

ī omnibus  
téperatu-  
ris eodem  
tépore co



tionis fi-  
gna nō ap-  
parent.  
& in lib. d  
morb. tēp.

pus mouē  
tia medi.  
diuti<sup>9</sup> vul-  
nerib. con-  
tusis quam  
puncti, aut  
cēsim fa-  
ctis appo-  
nenda.  
mollia vn-  
guēta esse  
debent.

medica. du-  
riora & for-  
tiora quā-  
do adhibē-  
da.

quantū eē  
debēt lin-

non apparent, quoniam in quibusdam citius, in nō-  
nullis serius, vt in lib. de cris. admonet Gal. coctio  
incipit, qui quauis de internorum morborum co-  
ctione loquatur, nihil, vt de externis idem intelli-  
gas prohibet: omnibus enim morbis natura ipsa cu-  
rationem adhibet, quam prudentem medicum imi-  
tari decet, & diligenter explorare vtum magnum  
an paruum vulnus sit, cum parua, an cum magna  
contusione, quæ, vt plurimū, in istis vulneribus esse  
solet, quibus proinde diutius remedia, pus mouentis  
facies, vulneribus autem cēsim, aut punctim factis,  
vt hoc facias, tanto tempore non est opus, vel ipso  
Hipp. in lib. de vlc. sic dicente, nisi sit necessarium  
pus generari in vulnere, non oportet tentare, & per-  
pusillum. Sed fac, vt vnguenta quam maxime mol-  
lia sint, ne sua duricie dolorem inferant, & facilius  
à natura actuari (vt ita loquar) possint, huius quo-  
que fuit sententiæ Gal. in lib. de comp. med. sec. gen.  
& quoniam primis diebus in vulnorum contusioni-  
bus humores ad facile fluendum proni sunt, iccirco  
ex quouis, vel leui incommodo, & dolore fluerent  
facilius: qui tamen si iam quattuordecim dies quie-  
uissent, & omnem fluxus suspicionem deposuisses,  
duriora si liberet, atq; acriora posses medicamenta  
adhibere. His igitur medicinis mollibus peniculos,  
vt diximus, illines, & linteolo eodem medicamento  
(si emplastro nullo opus sit) oblito vniuersum vul-  
nus teges, vt Gal. 4. de comp. med. sec. gen. faciebat,  
sitque linteolum ita amplum, vt vulnus non solum,  
sed



sed vulneri proximas partes in trium digitorum latitudine contegat, ex eiusdem Gal. sententia loco citato, aut pro vnguēto illo molli linteolum illud vnguēto ex chalcitide, quod diapalma & diaphænicinum nuncupatur, à Gal. 4. de comp. med. sec. gen. descriptum, vbi docet quantum ad humores fluentes repellendos valeat si cum rosaceo, aut myrtino oleo dissoluatur, & ad humores in particula aliqua contentos discutiēdos, quod efficacius, si oportuerit, præstabit, si annoso oleo illud dissolueris, vel chalcitidem addideris, vt idem elegantissime docuit. Primis tamen diebus cæratum hoc in omphacino oleo liquefactum vulneribus istis contusis non nocebit: considerabis tamen semper corporis duritiē, & molliē, quoniam corporibus duris fortiora, quam mollibus medicamenta conueniunt, vt 3. meth. ait Gal. & passim etiam in lib. de comp. med. sec. gen. id admonet: quapropter, vt vtriq; hominum generi medicamenta idonea parata tibi sint, operam dabis: parabis igitur corporibus duris tetrapharmacum cum taurina pinguedine, pro mollibus cum vitulina adipe, vt Gal. in lib. de comp. med. sec. gen. censuit, ne eundem calceum (vt aiunt) omnibus pedibus inducas: si partes circa vulnus, vt dolor remittatur, & vt vires confirmentur, rosaceo oleo cū bolo armena, ut magis humores repellātur, & magis etiā membrū roboretur, inunxeris nō errabis: post hæc puluillū affecto loco admouebis, et mēbrū obligabis, cauebisq; multas ligaturas, quæ ita recētiōribus medicis

theolū qđ  
vulneri su  
perponit.

duris corporibus & mollibus, mollia medicamenta conueniunt tetrapharmacū pinguedine taurina duris corporibus. cum vitulina mollibus conuenit.



multæ li-  
gaturæ in  
principio  
cauendæ.

quare in  
principio  
multæ li-  
gaturæ vi-  
tadæ sint.

qñ multæ  
cōueniant  
ligaturæ.

cauū quan-  
do fiat.

cis placent, qui primis diebus puluillis, stupæ, & multis alijs rebus, vt ab ambiēte aere vulnus tuean-  
tur, cōtra Gal. placita in lib. de art. mēbrum deligāt  
qui scribit magis in declinatione, quam in principio  
ab aeris iniuria vulnera indicanda esse, hac ratio-  
ne adducta, quoniam in principio vulnera, vt plu-  
rimum inflammatione aliqua affecta sunt, & sordi-  
bus abundant, quæ frigido aeri resistunt, & veluti  
tegumentum aliquod frigori repugnant, quibus si  
multi puluilli multa quæ addantur ligacula maior  
acciri inflammatio potest, vltra modum ni mirum  
membrum calefaciendo, ad quod humores qui in  
principio in motu sunt confluent. Remota inflamma-  
tione, purgato quæ; vlcere, danda deinde opera est,  
vt frigoris vim arceamus: tunc enim absurdum non  
erit si inter linteola stupæ aliquid posuerimus, vel  
lterioribus, & crassioribus ligaminibus vulnus cir-  
cūligauerimus. Perfecta coctione nullo erysipela-  
te, aut dolore, aut exesione, aut alio symptomate su-  
perueniente, alias indicationes, vt absolvas, operam  
dabis: moto enim in vulneribus pure, multa adhuc  
absoluenda restant, siquidem cauo, vlceri, & sordi-  
bus in eo contentis etiam prouidendum est: Cauum  
efficitur dum pus fit, vt ait Hipp. in lib. de vlc. quo-  
niam corrumpitur caro, & modo maius, modo mi-  
nus pro puris copia, efficitur: quapropter cum glo-  
buli in vulneribus quæ faciunt, carnem contundant  
& atterant, quæ deinde necessario putrescit, in pu-  
ris generatione, & in attrita carnis separatione, ca-  
uum



um præter illud quod perforando globulus fece-  
rat, relinquitur. Sordes quoq; fluentes, vt maior  
fiat cauum non mediocriter conferunt, quoniam sem-  
per vt 3. meth. ait Gal. sicut à corpore duæ superflui-  
tates resoluntur, quarū vna crassa est, altera sub-  
tilis, quæ in vaporem non visibilem resoluitur, cras-  
sa cuti adheret sudor appellata, ita perpetuo ab vl-  
ceribus duæ egrediuntur superfluitates, vna subti-  
lis, quæ icor appellatur, altera crassa vlceri adhæ-  
rens sordes vocata, quæ non parum ab vnctuosis,  
& concoquentibus medicaminibus adaugetur: pro-  
prium enim istorum medicamentorum est, vt sordi-  
da vlcera reddant, quod clarius in cauo vlcere co-  
gnosces: quod cum ita sit nulla nostra indiget proba-  
tione. verum à quo nam horum curatio inchoari de-  
beat, licet hoc à nobis alibi dictum fuerit: si tamen  
id etiam nunc repetatur non erit inutile. Vlneri ni-  
mirum primum medicina facienda esset, & vt con-  
solidaretur, opera esset danda, quia omnis continui  
solutio vnionem postulat, vt Gal. ait 3. met. in prin-  
cipio, vbi inquit, esse medici solutionem continui  
vnire, verum hoc ob sordem, & cauum, vel sympto-  
ma aliud fieri non posse, quapropter an à sorde, an à  
cauo curatio incipienda sit, videndum est, & quia  
fieri non potest, ut vulnus uniatur, ut Hip. in lib. de  
ulc. scribit, nisi carne cauum repleatur: neq; etiam  
cauū repleti potest, si in eo sordes fuerint, ut 3. met.  
scribit Gal. aut si inflammatio, aut humorum copia,  
aut symptoma aliud fuerit, ut idem 2. ad Glau. re-  
fer-

semper à  
corpore  
duæ resol-  
uūt super-  
fluitates.

vnctuosa  
& conco-  
quentia vl-  
cus sordi-  
dum red-  
dunt.  
in sanādis  
vulneri-  
bus à quo  
incipiēdū.

& Gal. 3.  
& 4. meth.  
in fine.

& 2. de cō.  
me. se. ge.



abstergen  
tia medi.  
qualia eē  
debeant.  
& Auic. 2.  
can.

quantū ab  
stergendū.

agendorū  
quantitas,  
nec dici,  
nec scribi  
potest.

ferebat : ab eo igitur quod rationem causæ sine qua non obtinet, curatio exordienda est, quandoquidem citra illius remotionem, quod causæ sine qua non rationem obtinet, nunquam uniri vulnus, aut cauum repleri carne posset : Ad abstringentia quapropter medicamenta confugiemus, ut 5. meth. admonebat Gal. dicens post inflammationis remotionem oportet vulnus purgare. Sed abstergentes medicinae mordacitate carere debent, ut 3. de fract. scrib. Gal. uel saltem parum mordere (inest enim mordacitas quædam abstergentibus medicinis secundū Gal. 5. simp. med. fac. propter amarorem, & nitrositatem in quibus abstersoria uis firmatur) Sed abstersionis quantitas ab indicatione, quæ à sordibus ulceris sumitur significabitur, quod si omnibus carebit symptomatibus, & parum sordidum fuerit parua, si sordidius maiori egebit abstersione, ut Gal. 6. de comp. med. sec. gen. scribebat : verum perfecta coctione in istis, ut plurimum vulneribus pauca sunt sordes, leuiter ideo abstergemus, quia Gal. scribit, si purum est ulcus pauciori eget abstersione, si sordidius ualidiori, quia sordes tanquam tegumentum est, carnis generationem prohibens, atque de hoc paulo post dicemus : & quanuis agendorū quantitas in morbis omnibus nec scribi, nec dici possit, ut Gal. 3. meth. scribebat : coniectura tamen artificiosa, peritus, atque exercitatus medicus, metietur, quo circa Gal. 13. meth. dicebat medicum ingeniosum esse debere, prudentem atq; diligentem, & mente exercitatum, & rerum



verū naturā dignoscere: Illud tamen animaduertes, si diebus primis forte fortuna sordidius fuerit vulnus, illud ne ita accurate, vt nonnulli faciunt fortibus medicinis abstergas, idq; cauebis magis si cum vlcere adfuerit febris, siquidē tunc huiusmodi vulnera, atque etiam vulnera alia magna facile inflammationi sunt obnoxia, quam fortia medicamenta irritarent, cum calidi proprium sit attrahere, & inflammare febremq; adaugere: Quare si adfuerit inflammatio fortia adstringentia medicamenta fugienda esse ex Gal. sententia 4. meth. manifestissimum est. Quapropter leuiter adstringentibus medicinis vtemur, uel siccos penicillos vulnere imponeamus, quod deinde linteolo refrigeranti aliquo medicamine inuncto, tegemus, hoc semper agentes, ut ab inflammatione, à dolore, & ab alijs symptomatibus vulnus vindicemus, quibus cum à nobis fuerit perspectum, vulnere valentiora adhibere remedia licebit, tutissime itaque temperatis medicinis primis diebus vulnere prouidebis: facta proinde coctione talia medicamenta admoueabis.

Recipe terebintinae, seu laricis, resinae purae decies lotae vnc. ij. farinae ordeï drac. iij. mellis rosati colati, vel eius loco, si mellis mordicationem times syrup. rosa. q. s. & fiat vnguentum, quo vulnus impleatur, cui poteris etiam addere cadmiam preparatam, quam aromatarij tuciam vocant cum aloe, thure, & sarcocolla, quemadmodum vulneris exiget magnitudo emplastra, inunctiones, & alia, de

F qui-

Sordidum vulnus fortibus medicinis primis diebus non abstergendum.

& 4. de cōpo. me. se. gen.

medicamentum, quod vulnere apponendum post coctionem factam.



& Cēl. lib  
26.

qualia far  
cotica me  
dica. esse  
debeant.

& Auic. 4.  
quarti ca-  
pit. 3.  
& 3. meth.  
& Gal. 3.  
meth. & 2.  
ad Glau.  
sarcotica,  
quare cali-  
da & sicca  
eē debeāt.  
& Pau. lib  
4. cap. 4. &  
Gale. 2. de  
temp.

quibus iam egimus, omittendo, quia iam dolor erit arreptus, & inflammationis suspitio remota erit: quod si nervi vulnere erūt affecti, lumbricorum terrestrium pulverem, & picem addes: non enim te latet quantopere terrestres lumbrici à Gal. commendentur. Absterso vulnere, quoniam cauum restabit, quod carne, ut refert Gal. 4. meth. est replendus, sarcoticis medicinis id consequeris. Cuius autem qualitatis esse debeant sarcotica primo de compo. med. secundum gen. scribit Gal. qui ibi vult medicamenta talia esse calida, & sicca, cum abstergerendi virtute, & 5. meth. dicebat siccitatem illam paucam esse debere. Scripsit hoc idem tertio meth. nec ratione hoc caret, siquidem si nimis siccarent, caro non generaretur, sed colliquaretur potius, & quod alimētum carnem geniturum esset ab immodica siccitate consumaretur, ut à Gal. 2. de compo. medicinae sec. gen. habetur vulnusq; sordidius redderetur secundum eundem Gal. 3. de compo. med. sec. gen. debent præterea sarcotica mordicatione carere, ut Gal. 3. meth. ait, atq; expertia esse virtutis adstringentis, & 6. de comp. med. sec. gen. apud Gal. legitur, nec ultra primum gradum exiccantia, ut ab Auic. quarta primi proditum est, & ratio quare calida, & sicca esse debeant, est, quia calore suo materiam, seu sanguinē, ex quo generatur caro, attrahūt quod Auicena quarta quarti cap. de generatione car. non tacuit: siccitate autem putrefactionem attracti sanguinis impediunt, illumq; in carnem mutant,



tant, propterea quod æquat complexionem eius, & coagulat ipsum cum exiccatione, ut verbis Auic. utar secundo Can. cap. 4. virtus igitur sarcoticorum medicamentorum ad cauos implendos carne, efficax est. Verum præceptum Gal. secundo de cõp. med. sec. gen. considerandum est, dicentis. Cæterum nemo ignorat ea, quæ propriæ, & primario sarcotica nominantur apta, ulcera carne replere, hoc est quæ caua quidem, non tamen sordes, aut inflammationem coniunctam habent, insuper nec prauorum humorum influxionem, neque carnem in cauo ulcere intemperatam. Ideo in admonitione istorum sarcoticorum considerare debes nunquid intemperies aliqua in carne adsit cum materia, vel sine materia, & nunquid sanguinis, qui influit, in quantitate, an qualitate peccet, & cuique istorum, si opus fuerit, medicinis contrarijs occurre, ut 3. meth. pluribus verbis scripsit Gal. siquidem caro, ut idem 6. meth. inquit, naturæ beneficio gignitur, carnis autem generationis temperatus sanguis, & purus est materia, eodem referente 3. meth. Quapropter tempore quo carnis generationi studemus boni succi cibus aeger nutriendus est, & vino moderato, ut Gal. admonuit: ex illis .n. sanguinis bonus, & moderatus generatur: exhibemus autem vinum, quia cito nutrit. uiresq; auget iuxta Gal. in lib. de temper. Cæterum sarcotica non æque in omnibus corporibus carnem generant, siquidem in quibusdam tantum abest, ut vulnus carne repleant, ut potius carnem excedant,

quid ante  
sarcotico-  
rum admo-  
tionem sit  
consideran-  
dum.

& Pau. lib  
4. cap. 40.  
& Cæl. lib.  
5. cap. 26.

medicamē-  
ta sarcoti-  
ca non æ-  
quē in cor-



poribus oī  
bus carne  
generant.  
& Gal. 3.  
meth. &  
Pau. lib. 4.

propterq̄s  
causas nō  
eque in o-  
mnib. sar-  
cotica car-  
nē produ-  
cant.

Sarcoticū  
immodicē  
exiccās q̄-  
bus notis  
dignoscāt.  
& 3. meth.  
& Pau. lib  
4.

medicamē  
tum ex pō  
pholige p-

vulnusq̄; magis cauum reddant, & non nunquam humidius, ac rubicundius, vt Auic. quar. quarti, cap. 2. mcmnit: sed hoc fieri posse multis causis sciendum est, aut enim propter medicamenti virtutem, quæ plusquam oportet, valida est, aut propter ægrotantis naturam, vel membri temperamentum, aut propter imbecillitatem medicamenti exiccantis, quæ membro affecto non respondet. Si propter potentiam medicamenti nimis exiccantis id contingat, siccitate sua carnem consumit, & colliquat: si autem pauca sit siccitas putredinem non potest prohibere, & vulneris humiditatem consumere: Certa quæ signa siccitatis immodicæ, vel parvæ medicamenti sarcotici elegantissime declarat Gale. 3. de compo. med. secundum gen. scilicet si caro non generatur ob magnam, & vehementem siccitatem, manifestè apparet carnis defectus in dies magis, & vlcus profundius efficitur ob carnis colliquationem tumor in labijs apparet, inflammatio circumcirca conspicitur, atque rubedo, & color simillimus colori salitæ carnis, pus subtile, ichores fluunt, & nonnunquam sanguis, punctio, & mordicatio quoque sentiuntur, hæc omnia medicamenti indicant fortitudinem, quod non solum remouendum est, sed intemperies, quam ex tali medicamento vulnus contraxit medicamenti aliquibus refrigerantibus curanda est, quorum nullum eo præstantius habeo, quod ex pompholige conficitur, quod nos describimus: hoc enim intemperiem calidam non solum remittit, sed carnis



carnis generationem adiuvat. Verum propter debilem medicamenti virtutem, vt Gal. & Pau. aiunt vlcus humidius efficitur, caro minime excrescit, aut mollior seu humidior generatur, vel vlcus ob eam causam, vt 4. de compoſi. medica. ſecundum gen. ait Gal. humidum redditur nec antediſta ſymptomata adderunt: quod autem caro mollis gignatur, hoc fit propter imbecilem medicamenti ſiccitatem, vt ab Hipp. lib. de vlc. dictum eſt. Sarcotica itaque medicamenta, tum mollibus, tum duris corporibus, tum vulneribus in neruoſa, tum in carnoſa parte acceptis congrua parare poteris, & ſi mollis temperatura fuerit, mitiora, ſi fortior temperatura, vel ſi in neruoſo membro vulnus ſit validiora medicamenta parabis, vt 3. meth. ſcribit Gal. ſiquidem ſemper caro deperdit & carni ſimilis generari debet, quæ medicamento intemperie parti deperdit & ſimillimo generabitur, vt ſi ſicca pars fuerit à ſicco medicamento, ſi humidior à minus ſicco gignetur. Carnoſe igitur parti, & temperamento molli vnguentum reſinum cōmune vel ſolum, vel cū ſarcoticis pulueribus, de quibus ſuo loco dicemus, admixtum conueniet, corpori præterea duro, aut ſicciori membro, aut carni molliori vltra modum naſcenti iſis vnguentum carato humido Gal. ſic admixtum, admoueſis.

Recipe iſidis cephalici partem vnā, cerati humidi Galeni partes ſex, modo addendo, modo detrachendo iſim, vel damascenum, prout maiorem, vel minorem optabis exiccationem. Si humidum

ſtātiffimū, ad inflā-  
tionem re-  
mittendā.  
notę ſarco-  
tici medi-  
camēti in-  
dicantes ī-  
becillita-  
tem.  
Sarcotica  
medi. qua  
lia debeāt  
eſſe.

& in lib. d  
cō. me. ſ. g.

vnguētum  
carnoſæ  
parti, &  
molli con-  
ueniens.  
corporidu  
ro medica-  
mentū cō-  
modum.



BARTHO. MAGG.

quō intem-  
peratū co-  
gnoscetur  
medicamē-  
tum.

quot in vl-  
ceris cauo  
carne re-  
plēdo sint

ceratum Gal. in promptu non fuerit, sumere poteris  
vnguenti demasceni vnciam vnam, vnguenti rasini  
vncias v. simul admiscendo, hoc vnguento vulneris  
cauū penicillis illitis, implebis, hac ratione vnguen-  
ta hæc ad temperiem quandam rediges, dignoscesq;  
tunc esse intēperata, si ex vulnere subtilius pus, vel  
sanguinis guttas vna cum pure exire videris, nulla  
causā externa præcedente, tunc enim vim medica-  
menti huius remittes, ad augendo resinum vnguen-  
tum, vel humidum ceratum Gal. vel aliquod aliud  
humidum vnguentum admiscendo, atq; sic tempera-  
tum hoc vnguentum solum vulnere impones, quod  
deinde linteolo illito cerato diacalcitidis, in quo ma-  
ior, vel minor calcitidis quantitas pro corporis duri-  
tie, vel mollitie sit in oleo rosaceo colliquato, vel al-  
bo vnguento Paul. vel alio medicamento refrigeran-  
te admixto conteges, & quia facile in vulneribus  
istis inflammatio, seu rubor erysipelatosus excita-  
tur, propterea libentius huiusmodi medicamenta ad-  
moueabis. His obseruatis, vulneris cauum carne re-  
plebitur considerato in carnis generatione corporis  
proprio temperamento, & sanguinis bonitate, &  
quantitate perspecta: si enim corruptus, & copio-  
sior flueret sanguis, ad carnem producendam, & ad  
vulnus glutinandum esset inutilis, integramq; vale-  
tudinem impediret. Quapropter in cauo vlcere tria  
hæc spectabis, primum, vt in subiecta carne tempe-  
ries sit, deinde vt, qui ad affectam partem fluit san-  
guis, sit bonus, tertio, vt sanguis in quantitate non  
pec-



peccet, vt 3. meth. ait Gal. Expleta vlceris inanitate carne internata, sordibus omnibus remotis, vultus, vt Gal. 5. meth. in fine scribit, coalescere potest, idque fiet, quando caro ita cutim æquabit, vt nulla alia adsit inanitas præter illam in qua generari cutis debet, vt Gal. 3. de comp. med. sec. gen. placuit, quia si cuti æqualis esset caro, eminentior, quam par esset, cutis gigneretur, & si vlcus magis cauum esset, concaua, & ad videndum turpis cicatrix efficere-  
tur: quare cum caro carni, quæ sub cute est, æqualis fuerit, epulotica tunc admouebis medicamenta, quibus cutis vel callosa potius caro iuxta cutim altera, neq; eminentior, neq; submissior producet, nisi ossis quantitas aliqua desideretur, siquidem tunc semper caua cicatrix secundum ossis, quod desideratur magnitudinem, vt Hipp. 6. aph. 45. ait ostendere-  
tur. Neq; vlla afficiaris admiratione si deperditæ cuti, cutis similis non regeneretur, quia cum similitudine membrum cutis sit, regenerari nequit, sed pro cute, callosa duntaxat caro augetur, quæ, quemadmodum Gal. 3. meth. scribit, durior in dies redditur: propterea cicatricem inducentia medicamenta, vehementioris siccitatis, quam ea, quæ carnem produ-  
cunt, esse debent, vt siccitate sua duram, callosamq; reddere possint, non attrahendo neq; colliquando, vt censuit Gal. 5. de simp. med. fac. verum, vt modice adstringant, oportet, secundum eundem Gal. 1. de compo. med. sec. gen. absque erosione, & morsu, vt idem 3. meth. refert, & validiora, quam ad gluti-

consideranda.

& 4. meth.  
& Cæl. lib.  
5. cap. 27.

qñ epulotica medicamēta sūt adhibēda.

& in lib. d  
vlc. & Gale. in cō.

& 3. art. medici.  
qualia epulotica eē debeāt.

& 3. meth.  
& 5. de cō.  
med. se. gc.



& 4. de cō.  
sec. gen.

quibus me-  
dicinis car-  
ni imodi-  
cè excre-  
scēti sit oc-  
currēdum  
& 4. meth.

cathære-  
tica medi-  
camenta

nantia medicamenta, ut duram crassamque partem  
carnis generent, quæ si cutis vicem gerat ex durio-  
ri, & crassiori materia debet constare. Sit igitur  
epuloticum medicamentum siccius maiorisq; stipti-  
citis, quam adglutinans secundum Gal. meth. ob  
adductas rationes. Atq; hæc medicamenta siue pro  
duro corpore, siue molli, siue pro nervosa, siue pro  
carnosa parte parari poterunt, modo in cerati for-  
ma, quale est ceratum minij, spumæ argenti, ut po-  
stea dicemus: modo ea in puluerem redigendo si li-  
buerit, vel in alia forma, modo eundem semper in-  
tuearis scopum, ut cutis scilicet generetur. Si au-  
tem nimis excresceret caro cathæreticis medicinis  
poteris occurrere, cum in numero morbus sit, & in  
toto genere præter naturam, ut Gal. in lib. de caus.  
mor. scribit, sed ea adhibeantur modica, & combu-  
sta, & lota, quo minus mordeant, ut placuit Gal. 5.  
de cōp. med. sec. gen. quale esset alumen rochæ com-  
bustum, erugo æris combusta, & lota, & spuma æris  
ita ut dicemus preparata, calchantum combustum,  
& lotum, pro parte magis sensu prædita hermoda-  
ctilus galla matura combusta que, & similia.

De vulnere partis carnosæ, vel alterius partis  
cum globuli, vel alterius rei præter  
naturam retentione.

**C**Aeterum si globulus vi tanta impulsus non  
fuerit ita, ut membrum totum transfigere ne-  
qui-



quiuerit, neq; per aduersam regionem exire potuerit, sed in membro detineatur, aut inter musculos, vel sub membranis absq; ossis lesione, primum nunquid parietis angulū quēpiā, vel terrā vel ferreā armaturam, vel vestimenta duntaxat tetigerit expendendum est, quia, vt plurimum, globuli isti plumbei aut stamnei sunt, faciliēq; in contactu solidi corporis, vel asperiores, vel teretes efficiuntur, secumque rei, in quam prius impegerint, particulam in corpus trahunt, vt ferē fit quando lapidem vel parietem, vel ferream armaturam, vel lorica hamum, quam maleam appellant, vel clauos, vel laminulas loricae illius, quae laminis ferreis fabricata est, vel terram, vel vestimenta percusserint: trahunt enim secum rei prius contactae frustula quae vna cum globulis in corpore retinetur & supprimuntur, & quae ut difficilius coalescat vulnus causa sunt, vel potius nisi ea natura expellat, aut à perito medico eximantur, nunquā coalescit, semperq; copiosiora effluunt excrementa, & varia oriuntur symptomata. Cognosces autem nunquid huiusmodi aliquid cum globulo retineatur vel ex egrotantis relatione, vel lorica, vel vestimentorum inspectione si aliquid defuerit, vel ex tactu specili, vel coniectura. Quocirca si vna cum globulo detentum aliquid fuerit, cum illud quoque praeter naturam sit, auferendum est, vt faciendum esse admonuit Gal. 3. art. med. in morbo qui in numero consistit, vt cum in manu sextus est digitus, vel in vesica calculus retinetur. Ita quo-

quibus dignoscendū sit nūquid aliud pter globulum ī corpore retineat.

quid ī corpore pter naturā est illud remouendum.



BARTHO. MAGG.

quoque cum in corpore globulus, vel aliud præter naturam retentū fuerit si fieri potest illud remouendū est, nisi naturæ viribus fidamus, quæ à corpore illud possit abijcere, speremusq; vulnus abs vlllo alio incōmodo quamuis intus aliquid quod præter naturā sit detineatur coaliturū. Si vero nulla in natura spes reliqua esset, chirurgia remouēdum esset, quod etiam diuinus cognouit Homerus qui sic scribit.

Namq; alijs multis est æquiparandus vnus.

Vir Medicus, qui infixa perite excidere tela  
Vulneribusq; superdare mitia pharmaca nouit.

in chiru-  
gia mors,  
& vita.

ante glo-  
bulorū ex  
tractiōem  
que confi-  
derāda.

globulorū  
diuersitas.

Qua propter Cæl. non sine causa chyrurgiam homini, & vitam, & mortem inferre posse aiebat, ideo globuli isti summa cura diligentiaq; vna cum omnibus ijs, quæ præter naturam in corpore continentur tollendi sunt. Sed prius globulorū, & eorum omnium quæ sclopeto iaculātur figura, magnitudo, & materia examinanda est, & licet vt plurimum quæ sclopeto iaculantur spherica sint: tamē quandoq; ex cōtactu solidioris corporis, vel dū à sclopeto exiliunt aliam induunt figuram, & quandoque ex sphericis fiunt teretia, & nonnunquā deprimuntur; aliquando etiam quadrata quedam, vel plumbea, vel stamnea, vel ferrea, vel globuli interseēt i, quibus æreū filum insertum est proijciuntur, quos æratos globulos vocant. Neq; solum tela huiusmodi forma differunt, sed magnitudine interdum, & materia, quædam enim magna sunt, nonnulla parua, aliqua plumbea, alia stamnea, quedam ænea, & nonnulla (ra-



ro tamen) ferrea, vt plurimum enim plumbei vel  
 stamnei globuli sunt, qui sclopeto iaculantur: aenei  
 autem, vel ferrei, vel lapidei globuli bombardis  
 emittuntur, & quauis, vel forma, vel magnitudi-  
 ne, vel materia differant in vulneribus quæ intule-  
 rint eadem semper curandi ratio seruatur: magni  
 tamen globuli in membro carnosò occultari mini-  
 me possunt, neque ob id etiam curatio mutatur, &  
 quia in vno vulnere vnus globulus solus, vel aliquo  
 alio frustulo, vel quadrato esse potest, non ob id quo  
 que ad diuersam curationem nos vocat, quandoque  
 cū plumbeo globulo innumera plumbei frustra emit-  
 tuntur, quæ tamen eundem locum non petunt, quia  
 dum à sclopeto profiliunt disperguntur, diuersa quæ  
 vulnera si corpus cōtigerint faciunt, propterea con-  
 iectura, à globulo excepta, nec ne sint, visu, & ta-  
 ctu dignoscēs, operamq; dabis si fieri poterit, vt ea  
 à corpore eximas. Si vero cum globulis, vel qua-  
 dratis plumbeis, aut stamneis in vulnere carnosæ  
 partis armaturæ ferreæ frustulum, aut lorice ha-  
 mum, aut rei alterius præternaturalis particulam  
 non contineri liquido cognosceres, neq; vrgeret do-  
 lor, neq; propè venam aut arteriam, aut in sensibili  
 loco essent, (tunc enim illos extrahere vrgeret ne-  
 cessitas) parua admodum, vt eos educas sollicitudi-  
 ne afficiaris: siquidem citra periculum in corpore  
 coalescunt. Plumbum quippe, & stannum quando  
 nitrositatem, & sordē, si quam ex puluere contraxe-  
 runt, exuerint, & locus in quo retinetur à sanie pur-  
 gatus

quibus nū  
 quid à glo-  
 bulo, an à  
 re alia vul-  
 nus factum  
 sit digno-  
 scendum

plūbei glo-  
 buli, aut  
 stānei quo-  
 minus coa-  
 lescat vul-  
 nus nō im-  
 pediunt.



globuli li-  
cet locum  
mutēt ab-  
fcessum nō  
faciunt.

qñ globu-  
li abscessū  
faciunt.

minor do-  
lor in con-  
trectatiōe  
calidi vul-  
neris q̃ fri-  
gidi perci-  
pitur.

gatus fuerit, quo minus coalescat vulnus non impe-  
diunt, nec erugine obducuntur, quemadmodum me-  
talla alia quamplurima: & quanuis propter eorum  
gravitatem locū mutant, in partibus tamen illis ab-  
fcessus alicuius causa non sunt, quin potius disceden-  
do, & locum mutando medicinam relinquunt, &  
ita sensim locum relinquunt, vt ne ab ægroto quidem  
sensu id percipiatur, licet in corpore triginta annos  
retineantur: quandoq; tamen natura eos ad cutim  
summam detrudit, ibiq; abscessus causa sunt, qui si  
secetur facillime, & sine periculo, vt nos saepe feci-  
mus, eximuntur. Verum si sine maximo dolore glo-  
bulos ipsos extrahere Medicus potest, quo tandem  
certior omnino fiat nunquid aliud in corpore de-  
tineatur, globulum eximet, sed hoc prima die,  
qua quis ictus fuerit molietur commodius, tum quia  
globulus tunc specillo tangetur facilius, & in re-  
centis vulneris contrectatione, cum adhuc mem-  
brum calidum sit, minor accitur dolor, quam cum ab  
aere alteratū refrigeratumq; fuerit, mecūq; in hoc  
ita senties, qui cū forte fortuna ex equo cecidissem,  
plagamq; in sincipite accepiissem, in ea statim digi-  
tum immisi, vt nunquid confracta esset calvaria ex-  
plorarem. tūc nullum omnino percepi dolorem, cum  
autem post duas horas adhuc ambigerem non rectē  
me vulneris essentiam explorauissem, iterū in vulnus  
digitos imposui, ingentissimoq; dolore affectus fui,  
atq; hoc dictum sit, vt ostendam quanti referat vul-  
nus calidū an frigidū pertrectes. Si igitur globuli illi  
euel-



euellēdi erunt, vt id prima die efficias suadeo: quod si, vel imperitia, vel causa alia fuerit omissum, non ita facile deinde occasionem arripies, qua id moliaris: siquidem iam erit vulnus sensibilibus redditum, & tumor iam aliquis aderit, & vulnus angustius erit effectum. Ad hęc si vel caro, vel membrana, vel membranosi tendines rumpantur, aut perforentur, concidunt, globulumq; sæpius tegunt, & intercludunt, qui deinde non sine ingenti dolore euelleretur: neque id mirum sit, quoniam si specillo tangi nequit, difficilius extrahetur, ac si omnino extrahere globulū conareris, non citra dolorem intensissimum, maximumq; ægrotantis discrimen hoc præstares, minusq; hęc vitares incommoda, si postquam humores quieuerē, dolorq; fuerit sedatus opus hoc aggredere. Quandoque etiam globulus cartilaginem percutit, quæ cum osse sit mollior, non rumpitur, sed flectitur, deinde eleuatur, ita, vt quandoque vulneris foramen constipet: & quannīs summa diligentia specillo, digitisque vulneris profunditatē explores, licet id statim post illatum vulnus facias, actum tamen agas, quemadmodum nobis sæpe in thoracis plagis non solum à globulo, sed à cadente telo factis, obtrigit, in quibus vix vulneris foramen inuenimus. Quocirca si globulum prima die extrahere nequueris, neque cum globulo aliquid etiam, quod præter naturam sit in corpore detineri verearis, sic, vt dictum est, facies, admotq; oui albumine cum sale vulnere, globulum, na-

prima die  
globuli e-  
uellendi  
sunt.

vulneris fo-  
ramē quā-  
doq; ocul-  
tatur.



BARTHO. MAGG.


duplīciter  
extrahi po-  
teſt globu-  
lus.  
inſtrumen-  
ta ad glo-  
bulos edu-  
cēdos ido-  
nea.

hamulorū  
in globu-  
lis extra-  
hendis vti-  
litas.

forpices &  
roſtrū cor-  
uinū ī glo-  
buli extra-  
ctiōne quē  
faciant in-  
commoda

tura, vt illum expellat, remittes. Sed ſi omnino ex-  
trahere globulum opus fuerit, dupliciter eum pote-  
ris euellere, aut enim per foramen, quod effecit, aut  
per oppoſitam partem incifam, ſi non longè à cute  
ſit, educes: ſi enim à cute longè diſtaret globulus, aut  
ſi altius infixus eſſet, per effectū foramen extrahen-  
dus eſſet omnino, dummodo ſpecillo perciperetur. In  
vulnus igitur noſtros hamos immittes, quibus globu-  
lum leuiter reuoluendo educere conaberis: habebis  
etiam forpices cauas, forpicem dentatā, cylindrum  
in manubrio habentem, & roſtrum coruinum. At,  
cum forpice dentata, vel alio inſtrumento appre-  
henſus globulus fuerit, leuiter quantum fieri pote-  
rit, educes: inſtrumenta autem ad id apta in piſtu-  
ris videbis: veruntamen minori dolore, incommo-  
dōq; noſtris hamulis loco proprio deſcriptis globu-  
los euelles, qui vulneris meatum non occupant, nec  
vulneris labra extendunt, ſed cum poſt globulum  
immiſſi fuerint, leuiter ſi illos attraxeris, ſecum glo-  
bulum educunt. Non tamen hoc ita commodè for-  
picibus, aut coruino roſtro, efficeret: meatum enim  
vulneris obſtruunt nimis, doloremq; non mediocrem  
inferunt, quando, vt globulum comprehendas, di-  
latantur: nerui enim tunc, aut tendines, aut caro  
iſa in dilatatione illa comprimuntur, ut in ſequen-  
ti piſtura patebit.





Quippe si forceps *b b*, immittatur per vulneris foramen *a*, ad globulum *c*, ut illum comprehendat, dilatari magis debet, quam sit vulneris ipsius magnitudo *d d*, in qua dilatatione non mediocris commovebitur dolor, quem maxime vitare debemus.

Hoc



Hoc autem nostris hamulis non fiet, quoniam licet angustissimum sit vulnus, ingredi tamen possunt, globulumq; euellere absq; dilatatione, extensione, & incisione, quam illi non vitant, qui forpicebus illis vtuntur, vel coruino rostro. Horum igitur instrumentorum vsum semper fugiendum suadeo. At si hamulos nostros inutiles censebis ob ossa confracta, quae carnem quandoq; diuellunt, & lacerant, ingentemq; cauum efficiunt, à quo hamulis illis globulus educi non potest: aliud habebis instrumentum forpice formam referens, cuius vna pars sola, quae veluti spathula quaedam est, ad posteriorem globuli partem mittitur, & sic manu stabilis continetur, altera deinde pars intromittitur, ad globulum comprehendendum, praeterea clauo quodam ambae partes iunguntur ad modum forpice qua calculi à vesica extrahuntur, vt etiam in picturis poteris intueri. Sed mehercule hamuli nostri, modo per proprium vulneris foramen extrahi globuli possint, omnibus alijs instrumentis commodiores sunt & his (vt saepe vidisti) quamplures globulos quamplurimaq; ossium frustula extrahi. Exquisita tamen diligentia adhibenda est semper, vt modo celeriter, modo tardiuscule, prout erit commodum, & aeger tollerabit, opus absoluas, hoc semper agendo, vt tuto quod cupis, & quam minimo cum dolore perficias, sed si fuerit commodum rem quam celerrimè poteris, perages: admonuit enim Gale. 14. meth. in humano corpore ita actiones perficiendas, neque hoc etiam tacuit in lib.

aliud instru-  
mentū ad  
globulos  
euellēdos



lib. de his, quæ in med. fiunt, ubi ostēdit aliquas esse actiones, quæ quam celerrimè sunt absoluendæ, ut incisiones aliquæ, suffusionum depositio: in hac igitur re periti, & exercitati Medici esse debent: extractum deinde globulum ægroto ostendes, afficitur quippe nō mediocri letitia æger, quādo id, quod dolore faciebat, esse amotum videt, præterea sanguinis fluxum sistens medicamentum, quale supra dictum est vulneri superpones. Semperque quod faciendum est, ut vno tempore perficias, neque insequentem protrahas, operam dabis. Aduersam partem incidere consueuimus, ubi caro crassa non est, parumq; abest quin globulus cutim contingat, aut ubi propè ipsam cutim est, neq; neruus, aut os, aut tale quidpiam obstat, quominus ad ipsum globulum vsque sine periculo incidas, deinde hamulis nostris, vel spatula sinum aliquem habentem, in quo firmari commode globulus possit, quemadmodum in pictura poteris videre, vel forcipe anserina etiam illic depicta, quam sic, quia anserini rostri referat similitudinem, libuit appellare, globulum extrahes, iterum post globuli extractionem specillo explorando nunquid adhuc aliquid præter naturam, ut sæpe fieri solet: quod secum globulus in fundum vsq; vulneris traxerit, detineatur, quod si fuerit, illud diligenter remouebis, neq; te lateat in casu hoc commodius cæteris instrumentis in tabellis nostris pictis; quam hamulis extrahi globulos posse, quia cum globuli ad cutim vsq; peruenerint, eam à musculis im-

Extract<sup>us</sup> globulus ægro ostendendus.

Vno tēpore semp quod agendum est, perficere debemus, neq; in sequentē diem protrahendum.

Aduersā pars quādo inci.

Quo instrumēto in sinu cōtētus glo

G pul-



bulus facili<sup>9</sup>  
extrahetur.

Quo recte  
quis globu-  
los explora-  
re, & perqui-  
rere possit.

Quæ præter  
naturā i cor-  
pore detine-  
tur, atq; sty-  
lo ubi sint,  
aut digito p-  
cipi possunt  
naturæ sunt  
permittenda

Quid sit cū  
globulo in  
corpore reti-  
neatur uidē-  
dū diligēter.

pulsione sua, & ab alijs partibus separant, & dum laxatur, sinum quendam relinquit, à quo hamulis circumuolutus globulus educi non potest, libentius itaque forcipe anserina, quàm hamulis vterer. Si rectè globulos istos perquirere volueris, quod ab Hipp. & à Cel. lib. 5. proditum est, obseruabis .s. vt ægri corpus, in figura illa, in qua vulnus accepit, statuas, hoc pacto in quo loco globulus detineatur animaduertes, quod si ob imbecillas ægri vires hoc facere nequiueris, saltem in lecto, ita statui corpus debet, vt proximè ad eam figuram, quam, cum vulnus accepit, obtinebat, accedat: globulum deinde specillo, & digitis diligenter perquires, & inuentū leuiter instrumentis illis, de quibus paulo ante egimus, eximes: hoc idem obseruabis siue vestimenti, siue interioris tunicæ, siue corij, siue cuiusuis alterius rei præternaturalis frustulum eximas: quæ autem neq; stylo, neq; digitis percipi possunt, ea nature permittenda sunt, quæ si primis diebus nequiuerit, post aliquod tempus saltem ea extrudet, neq; aliud in huiusmodi vulneribus à Medicis est faciendum, cum quid retineatur (licet diligenter illud explorent) eos lateat. Præter hæc illud quoq; diligenter aduertendum, quid illud sit quod cum globulo in membro contineatur, quandoque enim priusquam corpus feriat globulus, ferream armaturam percutit, aut diploidem, aut terram, aut saxum, & cum corporibus solidis occurrit, facile aut extenditur, aut deprimitur, aut asper redditur, & rimulis illis



illis, & asperitatibus aliquid substantiæ illius, cui primum occurrit, adhæret, in corpusque trahitur, quod, ut quam primum educatur, vrget, idq; celerimè semper agendum est, corpusq; in ea figura, in qua erat quando vulnus excepit, collocandum est, deinde vulneris, & eorum etiã, quæ à corpore educeris figuram considerabis, dabisq; operam, ut coniectura assequaris, nũ quid adhuc in corpore, quod præternaturale sit, relinquatur: & si adhuc aliquid esse deprehenderis forpicibus, aut hamis educes: præter id ferream armaturam num integra, an fracta sit inspicias, & frustuli illius, si quod in vulnere erit, quantitatem coniectura dimetieris: videbis etiam lorica ex ferreis hamis confectam nũquid illius pars in corpus cum globulo detrusa sit, & nũquid clauis aliqui lorice ex laminis ferreis fabricata, aut etiam laminula aliqua cum globulo etiam in vulnere fixa sit. Si igitur horum aliquid detentum fuerit diligenter explorabis, illudq; educes, siquidem quæcunque ferruginem, aut æruginem contrahunt, in corpore retinenda non sunt, quia ne coalescat, vulnus impediunt, quocirca illa, ut quãprimum euellas, operam dabis, siue in vulneris fundo, siue in latere fuerint. quandoque etiam globuli lorica ex ferreis hamis confectam ferientis, hamos ipsos rumpunt, extenduntque, quos in vulneris lateribus defigunt, & vix specillo tangi possunt, hos tamen, nisi post suppurationẽ, euellere non possumus, natura que, ut plurimum, post aliquot dies eos

Figura rei præternaturalis quæ extrahitur consideranda.

Quæ consideranda sint, ut recte id quod in corpore retineatur sciamus.

Quæ ferruginẽ corrumpunt vulneris consolidationẽ impediunt.



BARTHO. MAGG.

expellit, interdum etiam contingit, ut hamuli illi globulo infigantur, & ita pertinaciter plumbo adhaereant, ut nisi validissima forcipe eos non possis euellere nonnullosque tibi globulos, in quibus tres, aut quatuor hamuli adeo infixi erant, ostendi, ut vix in globuli summitate apparerent, propterea si globuli, quibus hamuli huiusmodi adherent in corpore retinentur, mirum non est, si nunquam vulnus coalescat: hamuli. n. ferrei semper ferruginem contrahunt, ideo cum globulo, & vestibis, & alijs, quae praeter naturam in corpore detinentur per proprium vulneris foramen, vel per incisionem in aduersa parte factam, siue in superficie, siue in fundo vulneris fuerint, euellendi sunt, modo quod cupis, te assequi posse non desperes, quemadmodum nobis in quibusdam obtigit, quibus hypochondrium ad cutim vsq; alterius lateris perforauerat globulus, fit enim saepius, ut omnes corporis partes perforent globuli, aduersae partis cute duntaxat excepta, quam neq; rumpunt, neque perforant, quoniam post illam solidum aliquod corpus non est, quod ictui resistat, ideo cedit, extenditurque, neq; ita facile rumpitur, atq; adeo interdum extenditur, ut ob vehementem extensionem vestimenta lacerentur, neq; solum vestimenta, sed etiam loricae hamuli ferrei diuellantur, quemadmodum anno superiore in Mirandulensi obsidione in Illustrissimi Ioannis Vitelli strenuissimi militis curatione observauimus, qui in postrema spinalis medullae parte, dum inter cohortem hostium pugna-

Oēs corporis partes inter dū excepta cute perforant globuli.

Absque cutis perforatione quandoque uestes, & armaturae lacerantur, & diuelluntur



gnaret fortissimè, globulo iētus fuit, id quoque in Perusino quodā milite obseruauī, qui lorica ex ferreis hamulis confecta armatus, vulnus supra os iuguli exceperat, quod ad posteriorem vsque partem supra scapulam terminabatur absq; cutis perforatione, omnes tamen hamuli partem illam contingentes lacerati, atq; diuulsi fuerunt, non secus ac si per eos globulus transiisset, atq; id propter ingentem cutis extensionem factum fuisse conieci, cutim deinde illam extensam secui, ac cum globulo sex hamulos extraxi: eandem quoq; extensionem in quodam milite leuis armaturæ obseruauī, qui sub axilla dextera inter lorica, & humerū globulo iētus fuit, qui tandem ad quintam vsque costam oppositi lateris peruenerat, costamq; ruperat absq; cutis perforatione: quapropter cum id animaduertas, quauis, etiam parua sectione globulum inuenies, illumque vna cum rebus alijs, quas secum traxerit, eo quo dixi modo extrahes. ac si forte aliquid in vulnere relinqueretur, nunquam ipsius vnionem sperabis: propterea morbum diuturnum futurum prædices, præsertim si læsa ossa fuerint, & si ossibus læsis cum globulo aliquid etiā, quod præter naturam sit, & quod specillo dignosci non possit, accesserit id si prædixeris, calumniam uitabis, vt pri. prædic. dicebat Hippo. At si in osse aliquo infixi sint globuli, vt in osse tibiæ, vel fæmoris, vel ilij, vel alio quopiam osse simili, modo ita hæreant, vt neque compressione, aut specilli impulsione, à loco moueantur. Si prædictis

Quando difficillime uulnus sanetur.

Prædictio æt cet calūniā.

Quo instrumēto in osse fixus globulus possit educi.



BARTHO. MAGG.

instrumentis euellere non poteris, terebello cannula munito, uel solo ipso terebello, quemadmodum magis ex usu esse iudicabis, ut educatur dabis operam, quippe terebello globulum perforabis, terebellumque illud fac in globulo inseras, & ita commode extrahes. neque scalpello ad os circum circa excidendum, quo in alijs telis in ossibus fixis educendis egemus, quoniam globulus sua figura sphaerica, & ictu comminuit os, & frangit, & ab alijs ossibus diuellit: quocirca quam facillimè istis terebellis globulum extrahes. Si autem in promptu terebrum non sit, ægrum dolore ne afficias. siquidem post inflammationis tempus, & post suppurationem, vel postquam contusum os abscederit, remouebitur, ac cum osse ipso egredietur, quoniam læsum os absque desquamatione retineri non potest, præsertim cum à vehementi illa contusione sit alteratum, idque post dies paucos sequetur, quare morbum longum futurum prædices, ut secundum Hipp. faciendum esse diximus, quo calumniam vites, neq; , quæ multis profuit, artem diffames: cæterum si aliquod principale membrum globulis istis ictum fuerit, ut est cerebrũ, cor, guttur, pulmo, iecur, intestina, venter, renes, aut vesica, vel in mulieribus vulua, & iam lethalia signa appareant, neq; citra discrimen globulus possit educi, manum admouere recusabis, cum nullo modo ægroto opẽ ferre possis, ne etiã artis salubris, existimationẽ offendas. Verum si euentus incertus sit, prius quanti periculi res sit, præfaberis, deinde glo-

In vulnere  
bus in mem  
bris principa  
libus accep  
tis, quid sit  
faciendum.



globuli extractionem aggredieris, siquidem præter  
spem multa interueniunt sæpe commoda. ac si in hu-  
iusmodi vulneribus, in quibus salutis spem non om-  
nino abiiecimus globulum relinques, præterquam  
quod ars hæc ob omni humanitate aliena videretur  
(vt alia, quæ à Paul. in cap. de extract. telorum di-  
cuntur omittam) certa quoque mors sequeretur. si  
autem eximeretur bonam fortasse valetudinẽ æger  
consequeretur: quare nunquam globulorum extra-  
ctionem, modo spes aliqua sit, ac specillo percipian-  
tur, fugies. fiunt enim præter omnium spem monstra  
in chirurgia. Hoc etiam vide nunquid aut in ve-  
nam, aut in arteriã impegerit globulus, ne magnum  
sequatur sanguinis profluium, quod si esset non ita  
uenæ ipsius, aut arteriæ consolidatio speranda esset,  
vt si ab incidente telo cæsæ fuissent, tunc enim par-  
tes venam, vel arteriam circundantes coalituras  
speramus: hoc autẽ casu nihil simile expectandum,  
quia propter contusionem ruptæ sunt, & ambiens  
caro attrita, & diuulsa quoque est, hinc ideo ma-  
gnus sanguinis fluxus non solum primis diebus, sed  
aliquot dies post sequitur, dum contusæ partes ob  
putrefactionem abscedunt. quapropter tunc venas  
illas, aut arterias laqueo excipies, vel ferro canden-  
ti adures, neq; ita facile, ac si à gladio cæsæ fuissent  
coalituras speres, quia eorum pars, quæ attrita fue-  
rit semper desiderabitur. Ad medicinas igitur,  
quas 5. meth. scribit Gal. confugies, deinde vulne-  
ris curationem suscipies, quemadmodum in vulnere

Quid sit agẽ  
dũ ubi salu-  
tis, & mortis  
incertus euẽ  
tus sit.

In chirurgia  
fiunt mōstra

Ex cōtusiōe  
uenæ, aut ar-  
teriæ ruptæ  
difficile coa-  
lescent.

Venis uel ar-  
terijs ruptis  
quid sit agẽ-  
dum.

G 4 in



Vulneris in  
neruosa par  
te accepti  
curatio.

Qualia cata-  
plasmata, q̄  
vulneri in ner-  
uoso mēbro  
excepto sunt  
ad mouenda  
esse debeāt.

& 3. de cōp  
med. sec. ge

in carnosā parte excepto faciendum diximus. Si  
in neruoso membro vulnus fuerit eodem modo, quo  
dictum est, victus instituendus, & sanguis mitten-  
dus, & corpus purgandum. Quod autem ad topi-  
ca attinet remedia: cum etiam vulnera hæc contu-  
sionem patiantur, & ex Gal. concoqui, vt diximus,  
debeant, habitæ naturæ partis ratione, vinctuosa  
admodum cataplasmata, de quibus paulo ante egi-  
mus, omittenda, nisi forte dolor, aut aliquod aliud  
symptoma, quod ad se totam curam trahat, te hu-  
iusmodi vti cataplasmatibus cogat, vt quandoque  
esse faciendum elegantissime 4. meth. scripsit Gale.  
verum vulneribus istis ad leuandum dolorem tu-  
to emplastrum ex vaccino lacte, pane, oleo rosaceo,  
vitellisq; ouorum, & modico croco, vel ex althea in  
oximellite, aut in lixiuio cocta, cui etiam rosaceum  
oleum additum sit, admouebis, vel quodpiam aliud  
cataplasma compositum ex fabacea farina in lixi-  
uio cum oximellite decocta, vel pro fabacea fari-  
na hordaceam, aut eruinam, si haberi potest, aut  
aliam eiusdem facultatis assumes, vt 6. meth. scrip-  
sit Gal. vbi in antiquos inuehitur cataplasmata ex  
triticea farina cum hydræleo admouentes, quæ qui-  
dē in vulneribus casim factis vitanda sunt. in contu-  
sis autem vulneribus, in quibus sæpius nō mediocris  
vrget dolor, eorum confert vsus, quæ etiam cum do-  
lorem non valeant remittere, vinctuosis magis quā  
doq; vtimur medicinis, & ad olei dulcis perfusio-  
nem vel embrocationem (vt cum alijs loquar) con-  
fugi-



fugimus, ut nos, cum Illustriss. Macedoniæ Principi  
intrepido duci medicaremur, in Mirandulensi obsi-  
dione coacti fuimus, qui cum me ad vulneris, quod  
acceperat, curationem vocasset, maximoq; dolore  
infestaretur, qui totam ad se curationem vocabat,  
affectum mēbrum oleo, quauis nervis officiat, Ga-  
leni freti sententia 3. de cōp. med. sec. gen. irrigaui-  
mus, lanamq; cum œsypo (quam lanam succidā ap-  
pellant) simplici oleo, & aceto imbutā, ut medica-  
menti virtus ad affectum locum perueniret, super-  
posuimus: debēt tamen medicamenta hæc actu cali-  
da admoueri, quando frigidum vlceribus, & nervis  
inimicū est, ut adducto loco ait Gal. nec 5. aph. 18.  
tacuit Hipp. huiusmodi tamē vnctiosa medica-  
ta vulneribus istis, quæ in nervosis sunt partibus,  
moderate magis, quam si in carnosō essent membro,  
imponenda sunt. post tres, vel quatuor deinde dies  
lumbricorum terrestrium pulverem oleo prædicto,  
quo affectum locum inunges, addes: Nec, aut ad ca-  
lidiora, aut ad sicciora medicamenta primis diebus,  
dum, & confusio, & dolor adsunt, confugerem, si-  
quidem in contusionibus istis adeo atteruntur, &  
contunduntur partes, ut quā facillime ex quauis  
leui causā (licet mitia admoneātur medicamenta)  
inflammatio excitetur, quæ acciretur facilius, si ca-  
lida medicamenta, ut pix cum terebentina, & resi-  
na abietina (quibus nos in vulneribus ab incidente  
telo factis absq; instāmatione, & abscessu vtimur)  
vulneribus nervosarum partium admouerentur,  
hæc

Vnctiosa me-  
dicamēta par-  
tibus in nervo-  
sis partibus  
acceptis quā  
carnosis sūt  
admouenda.

Fortia medi-  
camenta pri-  
mis dieb. un-  
deribus cum  
cōtusiōe nō  
apponenda.



Tendinibus  
detectis me-  
dicamenta  
idonea.

Os totū esse  
fractum pri-  
mis diebus  
quādoq: nō  
cognoscitur.

Non solū os  
in parte, quā  
globulus per-  
cussit, sed  
in alia quo-  
que parte  
posse frāgi.

hæc itaque primis diebus uitamus. Verum post dies  
primos vulnere oleo nostro exiguum picis sicca par-  
tē loco liquidæ picis addere non vereremur, præfir-  
tim si in genu, uel cubito vulnus esset, nullaq; eotē-  
pore extaret inflammatio. At si tendines aliqui ab  
ingenti illa contusione detecti fuerint, aloen hepa-  
ticam, thus, sarcocollam, uel puluerem lūbricorum  
terrestrium, ut putredinem arceas, & alia sarcoti-  
ca loco suo descripta, admonebis: neque penicillos  
in vulnus immittes, & si aliquos velles imponere,  
breues admodum, mollesq; sint, ne dolor concitetur,  
qui primus in horum vulnerum curatione exha-  
riēdus est. Ad hæc, si os aliquod globulus percusse-  
rit, ut os ilij, uel scapulæ, uel alterius partis, absq;  
ossis totius fractura (quod fieri posset, si globulus  
latus uel tibiæ, uel fibulæ, uel femoris, uel radij,  
uel cubiti, uel humeri, petierit, quanuis in ictibus  
istis rarissime contingat, quin os à globulo ictum to-  
tum transuersim rumpatur) primis diebus, licet di-  
ligenter explores, vniuersum os esse ruptum non di-  
gnosces, post aliquot tamen dies in puris generatio-  
ne, iam fractum os laxatur, ac dissoluitur, & per  
conscensum, ut Medici nostri dicunt, os uniuersum  
frangitur quanuis totum à globulo percussum non  
fuerit. Aliud quod te maiori afficiet admiratione,  
addam, os à globulo percussum, non solum in ea par-  
te, quam petierit globulus, rumpi posse, sed in alte-  
ra etiam parte, quam nō tetigerit, per quandam, ut  
ita dicam, reuerberationem, ut fieri in lignis sæpe so-  
let



let, quæ in vno latere percussa, in altero per consensum, & reuerberationem ingentis percussione franguntur. itaque id una cum pluribus medicina candidatis, in nobili quodam nostro Bononiensi animaduerti, qui à sclopetario globulo iectus fuerat in maiore fibula circa medium curis, cum totius illius ossis fractura, neque in egressu vlllo modo tibiam globulus ledere potuit, cū sub ipsa interna parte versus suram per distantiam trium digitorum ab ipsa tibia egrederetur. cum autem, Bononiam aduectus nobilis hic fuisset, tibiam totā manibus pertractando, ipsamq; totam cum fibula per transversum fractam reperi, infra ipsum vulnus in sex digitorum distantia, hoc tamen ita esse Bononienses Medici, qui cum ex castris Bononiam deduxerant, negabant, quos, tandem ratione, & experientia (quanuis, ut sui moris est, pertinaces essent, multumq; sibi tribuerent) in meam adduxi sententiam: hoc idem in alijs quamplurimis obseruavi, qui à globulis sclopetarijs vulnus inter tibiam, & fibulam & inter cubitum, & radius, sine magnorum ossium fractura, acceperant: sed tamen modo iuxta vulnus ipsum, modo supra vulnus, modo infra, ossa illa per transversum fracta deprehendebam, quod ob ingentem ruinam, & impetum, & quandā (ut sic loquar) reuerberationem, uel rem huiusmodi aliam, obtingebat. Et nos quoque turcam quendam arte tibiam annosi bouis, aut æneum pistillum oblongum, aut saxum, modò in parte ea quam percutiebat, modò in alia rumpentē

Taxat Rora.

Turca histeria.

pu-



pugno vidimus: neque tamen eo impetu quo globuli feriunt, res illas percutiebat: quocirca ad rem hanc animaduersionem uertas, & si per transversum rupta esse ossa non deprehenderis, ita, ut dicemus, membra illa pertractabis. Præter hæc nunquid globulus alicuius ossis supercilium, aut appendices, aut parua digitorum ossa percusserit, uel aliud quodpiam os in plures partes cōminuerit, uel in membro detineatur, uel uniuersum membrum penetrauerit, expendes. Si intus detineatur, si fieri potest, eo, quo diximus, modò extrahendus est, & quicquid cum eo præternaturam in corpore fuerit, remouendum. Si solus in corpore fuerit, neque illa, de quibus supra egimus, adsint symptomata, naturæ, ut iam diximus, est relinquendus. Ossium deinde frustula, num forpicibus, uel uolsella, uel alio instrumento remouenda sint, etiam atque etiã uidendum, discantque hoc Empirici, & carnifices Medici, & hi, qui callere optimè artem medicam uideri uolunt, qui dum ægrotis medentur, uel eius potius mortem inferunt, ut aliquid semper agere uideantur, nulla ratione habita, ossa quæcunque forpicibus, & uolsellis conantur euellere, & si magna, magnoque conatu ligamenta, tendines, membranasque cum ossibus diuellunt, inhumaniterque nervos rumpunt, ac laniant: non secus ac si brutorum corpora, aut lapides tractarent, in quibus experiri impunè licet multis modis: neque (modo os illud extrahant) ægrum maximis illis cruciatibus miserè ad internitionem perdu-

Num forpicibus uel uolsella ossa extrahenda sint uidendum:

Nonnulli taxantur Medici.



ducere verentur. Hi quantū, dii boni, errent, quā  
recte ad medicandum edocti sint, Gal. in lib. de his  
quæ in med. sunt, ostendit: ubi fractorum ossium  
euulsionem multis rationibus prohibet, quia in eo-  
rum euulsione ligamenta rumpuntur, caroque, &  
membrana, atque tendines, quibus ossa adhærent  
& coniuncta sunt, dissoluuntur, ex quo dolores ue-  
hementissimi fiunt, abscessus subsequuntur, & mors  
sæpe infertur, uel sinus profundi relinquuntur, uel  
uomica (quam fistulam appellant) ita magna fit, ut  
ei nullo modo natura mederi possit. Atque ossium  
extirpatio magis cauenda est, quando spes aliqua sit  
eorum frusta, siue magna, siue parua sint, callū con-  
trahere posse: naturæ igitur hoc opus permittendū,  
quæ si callo comminutas ossium partes constringere  
nō poterit, in nouæ carnis incremento: sine periculo,  
ea expellet, & carne noua sub osse genita, atq; osse  
per abscessionem, uel desquamationem expulso,  
cauum uniuersum citra naturæ incōmodum replebi-  
tur, quia sic Hipp. in lib. de fract. cap. scribit frag-  
menta, quæ à natura abscedunt, sponte decidunt, à  
carne enim ea expellentur subcrecente, quod non  
tacuit Cel. lib. 8. cap. 4. quocirca Galeno admonen-  
te, ossium frustula si parti alicui adhæreant, & si  
nullum pungendo dolorem inferant, ui non euellat:  
quod si quando per transuersum deducta sunt, uel à  
globulo ad partem nervosam, tendinosamq; delata,  
stimulent, uel si propter pus quod frustula ea à liga-  
mentis, membranis, & à carne separat, ad aliquem  
de-

Ossium fracto-  
rum euulsio  
à Gal. probi-  
betur.

Extirpatio os-  
sium quādo  
magis sit ca-  
uenda.

& Auic. quar-  
to 4. cap. 2.

Ossa quando  
euellenda



descenderint locum, quem pungant, tuto volsella,  
 uel forpice, uel alio instrumento sensim, ne magnus  
 accersatur dolor, educes, quæ si à membranis, uel li-  
 gamentis diuelleres, maximum inde sequeretur in-  
 cōmodum, quanuis minima ea frustula essent: quare  
 si cōmodè ossa extrahere non poteris, opus ne aggre-  
 diaris, siquidem si primis diebus inflāmationē prohi-  
 bueris, & ab ægro mortis periculum propulsaueris,  
 satis erit, illa deinde educes ossa, si poteris, quando,  
 post puris generationem, à ligamentis natura sepa-  
 rauerit, vel ubi abscesserint, vel ubi ex alimenti de-  
 fectu, à cæteris ossium partibus deciderint, si natura  
 ea non extrudet. Si forte magnum quodpiam os glo-  
 bulus impegerit, illud quæ dissoluerit, ut os tibiæ, fi-  
 bulæ, fæmoris, humeri, cubiti, vel radij, vniuersum-  
 que membrum perforauerit, & à sede remouerit, di-  
 gnoscēs, si cum sano membro affectum mēbrum con-  
 tuleris, vel si prius membri ipsius naturalem com-  
 positionem sciueris, ut Gal. in lib. de oss. scibit, si li-  
 ber ille legitimus Galeni Liber est, vel si membrum  
 manibus pertractando inequalitatem perceperis,  
 vel si punctionibus æger afficiatur, ut Cels. dicebat,  
 vel ex totius membri inflammatione, quæ semper om-  
 nes fracturas subsequi solet: post hæc cognita fra-  
 ctura digitis diligenter explorabis, nunquid vel fer-  
 ri, vel panni, vel alterius rei præternaturalis frustū  
 in membro detineatur, quod quanuis aliàs sæpe fa-  
 ciendum admonuerim, tamen quia & utile, & ne-  
 cessarium est, illud subinde inculcare expedit: ac si  
 ali-

Quibus no-  
 tis cōminu-  
 tum os, & à  
 sede propria  
 remorū co-  
 gnoscatur.  
 & 1. ad Glau.



aliquid retineri deprehenderis, arte, vt illud remo-  
ueas, si fieri potest, conaberis. Cæterum si componi  
ossa illa possent, & ad priorem figuram reduci, & in  
propria sede reponi, omni studio, vt id facias adnite-  
ris, vt ab Hippo. in lib. de fract. scriptum est, atq;  
etiam in illius lib. cōmentarijs eius interpres Gale.  
scripsit longa oratione, quā in præsētia adscribe-  
re longum, & superfluum esset: cum ibi, quæ de hac  
re scribuntur, legere possis: neque opus hoc naturæ  
est demandandum, vt scilicet ipsa luxata ossa repo-  
nat, aut fracta componat, quia id natura præstare  
non potest, vt elegantissimè dicebat Gale. in lib. de  
const. art. med. vbi ostendit, quæ naturæ, & quæ Me-  
dico quandoque negentur. Quocirca exercitatus  
Medicus blandissimè ossa illa, si possibile erit, compo-  
net, & in propria sede reponet, deinde stupa in ace-  
to madefacta, & expressa, oui deinde albumine, bo-  
lo armena, & alijs stipticis pulueribus, & oleo rosa-  
ceo ( vt dolor leuetur, & fluxi humores resoluantur )  
obducta, non solum partem in qua fractura est  
sed supra, & infra ipsam fracturā in latitudine sex  
digitorum membrum circumdabis, obligabisq; , vel  
si libet, pro medicamento hoc ( nisi sanguinis obstite-  
rit fluxus ) linteolum amplum cærato humido Gal-  
ilitum, quod humores compescit fluentes, & dolorē  
sedat, admouebis, nullumq; peniculum, vel paruum  
admodum in vulnus immittes, deinde totum mem-  
brum idonea fascia deligabis, non tamen arctissime  
fasciam adstrinxeris, vt in fracturis, in quibus vul-  
nus

Fracta ossa, si  
fieri pōt, cō-  
ponēda sunt  
& luxata in  
sede propria  
reponenda.

Quod medi-  
camētū post  
quam cōpo-  
lita ossa fue-  
rint, aut in  
propria sede  
collocata mē-  
bro sit adhi-  
bendum.

Cæratum hu-  
midum Gal-  
osliū fractu-  
ris & luxatio-  
nibus accō-  
modatum.



In qua figura  
mēbrum  
in quo fractu  
ra cū uulne-  
re fuerit sit  
collocādum,  
tū in qua fi-  
gura primis  
diebus conti-  
neri debeat.

Figurationū  
membrorum  
res scopi.

nus non adest, fieri solet, nullumq; in fascijs ipsis fa-  
cies foramen, quemadmodū nonnulli ætatis nostræ  
Medici, ut dicemus, facere consueuerunt; præterea  
ferulæ, seu asserculi, vel canales, in quibus vulnera-  
tum membrum, contineatur, fabricentur, ferulisq;  
illis membrum (ea duntaxat parte excepta, in qua  
vulnus est, ne dolor refricetur) fulcies, & non ar-  
cta fasciatura, ne exacerbetur dolor, & ne mēbrum  
mortificetur, & ne ossium callus prohibeatur, deli-  
gabis, semper animaduertendo, ut differentia fiat à  
fractura cum vulnere, ab ea, quæ cum vulnere non  
est, ut Gal. admonuit, quo dolore, quam fieri potest,  
minimo æger conficiatur, & pus per vulneris orifi-  
cium expurgetur. In tali igitur figura collocetur  
membrum, ut vulnus in decliuorem partem vergat  
absque dolore, ut commode excrementa purgentur:  
Sed in principio in situ accliui membrum sit, oportet,  
ne ad vulnus humorum fluxus feratur, atque in  
hac figura totum triduum continebis, absque vlla re-  
motione, aut admotione medicamentorum, ut Hipp.  
& Gal. in fracturis cum vulnere faciendum censue-  
runt, & inter cætera studendum, ut affectum mem-  
brum in ea colloques figura, in qua dolore non afficia-  
tur æger, ut Gal. censuit in lib. de his, quæ in med.  
fiunt, qui sic scribit, primus idonearū figurationum  
scopus doloris vacatio esse videtur, Galeno suffra-  
gatur Hipp. 4. de art. figurationum autem lesorum  
membrorū tres sunt scopi, ut loco citato refert Gal.  
quorum vnus accliuis, alter decliuis, tertius æqua-  
lis



lis seu rectus, quos in varijs affectibus variamus, ut 3. de fract. facit Gal. qui modo membrum acclie collocat, modo declie, ut 4. de art. modo æqualiter seu media positura. Acclie collocatur membrum in principio fracturarum, vel defluxionum quemadmodum esse faciendum iussit Gale. ne facile humores ad membrum fluant, aut vbi sanguinis fluxus formidatur, ut Gal. 4. de art. scripsit. Declie collocatur membrum, quando in eo vlcus est humidum, neq; sanguinis fluxum, aut humorum, aut inflammationem timemus, & in decliu illa figuratione sinus expurgatur, ut 4. de art. Gal. æqualiter vero membrum collocatur, cum nihil horum suspicandum est, & perfecta sanitas speratur: sed in qua vis figura membrum colles, si illi pellem aliquam substraueris, maxime profuerit, in qua pus colligatur, ne linteola, ut aduertit Gal. inficiantur: In his igitur figuris affectum membrum continebis, quoad nullum inflammationis immineat periculum, ut 3. de art. scripsit Gal. Nec mireris, quauis dixerim, & locum, in quo vulnus est, & membrum totum, in quo affectio est, esse fasciandum, neque vllum orificium, à quo expurgetur vulnus esse relinquendum, admiratione te potius nostræ ætatis Medici, atq; ex antiquis nonnulli afficiant, qui contra Hip. & Gal. placita scripserunt, volueruntque membrum in quo est fractura cum vulnere, hinc, & inde esse fasciandum, fascia circa vulnus ipsum, vbi fractura est ad formam  $\chi$ . literæ Græcæ deducta, relictoq; forami-

H ne

Acclie mē-  
brū quando  
collocetur,

In decliu fi-  
gura quādo  
membrū re-  
ponatur.

Æqualiter  
quando mē-  
brum com-  
ponatur.

Pellis mem-  
bro affecto  
substrata p-  
dest.



BARTHO. MAGG.

ne pro vulneris curatione: quod grauissimis authoribus, rationi experimentoque aduersatur, vt I I. meth. Gal. admonuit, quo loco eos vellicat, qui nulla facta euacuatione, plenitudine, vel quo ad vires, vel quo ad vasa existente, topica adhibent medicamenta, quæ, vt pars illa inflammatione vrgeatur, in causa sunt, sic enim scribit. Quippe hi cum ex his quæ ipsi met faciunt phlegmonas semper excitent, non animaduertunt, sed isdem semper erroribus implicantur, veluti Hipp. ijs accidere dixit, qui hinc, & inde ossium fracturas cum vulnere deligabant, etenim illi cum phlegmonas in vulnere crearent, nō tamen destiterunt, rati id adeo non ex deligatura, sed alio quopiam errore incidisse. Hipp. quoque in lib. de fract. vbi de fracturis cum vulnere agit, huiusmodi Medicos vndiquaque fractum membrum cum vulnere nō deligantes, damnat: qui propter illam fasciaturam humores ad vulnus confluere cogant, qui deinceps abscessus, & inflammationis causa essent: sed id ob suam illam fasciaturam accidit, quæ humores ad locum illum fascia non circumdatum, qui ex vulnere, & ex fractura iam imbecillis est propellit, quæ incommoda, si vniuersum circumfractum membrum in quo vulnus est obligaretur, & totum triduum sine medicamentorum remotione, sic permetteretur, vitarentur: eo tamen tempore si æstiuum tempus fuerit, splenijs vino imbutis membrum fovebis, & vino quoque irrigabis. Si vero hybernū tempus fuerit, lanam quæ vinum nigrum ad-

Non deligā  
tes uniuersū  
mēbrum cū  
fractura dam-  
nat Hippo.



adstringens, & oleum combiberit, qua affecta pars  
foueatur, admouebis: repelluntur enim vino humo-  
res, & oleo dolor mitescit. Post triduum cum eo tem-  
pore vulnus suppurari incipiat, peritus Medicus  
forpicibus optime secantibus fasciam supra vulnus  
aperiet, quā apertam, & perforatam sic relinquet,  
caueat tamen dum fasciam illam forpicibus scindit,  
& perforat, vt vulneris orificium detegat, quo com-  
mode pus egrediatur, ne cæteræ fasciæ partes rela-  
xentur. iccirco, vt hoc deuities, fasciam in medio sec-  
cabis, idonea quæ medicamenta, & vulnere contuso  
accomoda deinde admouebis, vt antea dictum est,  
rursusque fasciatura duntaxat retentiua (vt ita di-  
cam) vulneris orificium conteges, & deligabis, quo-  
niam tunc iam humores quieuerint, atq; hæc Hipp.  
est, & Gal. sententia, à qua post quam discedere no-  
lui, fœliciter semper curationes fracturarum cum  
vulnere cessere, secus tamen dum meos præcepto-  
res aliter facientes sequi vellem obtingebat. Nec  
te moueat contusum esse vulnus, & quod ita sana-  
ri faciliè fasciatura, & medicaminibus ac si ab in-  
cidente telo factum fuisset, non poterit, quoniam, vt  
loco adducto scribeb. Hipp. & in lib. de fract. calu.  
ossa absque contusione, & collisione non rumpi pos-  
sunt, & tamen eo quo diximus modo ex eiusdē sen-  
ten. fracturæ cum vulneribus curantur: cæterum  
innumeros vsus fasciaturæ perpende, quos Hipp. in  
lib. de his quæ in med. fiunt, & in lib. de fract. scri-  
psit, fasciatura siquidem non solum dissoluta ossa re-

Quādo in fa-  
scia toramē  
sit faciendum  
& quomodo

Absque con-  
tusione, & col-  
lisione ossa  
non rumpun-  
tur.



tinet in sua sede, & luxata in proprio situ, verum etiam ab affecto membro humores repellit, roburq; membro addit, ne ex relaxatione, & vulnere confluentes suscipiat humores, rursus qui fluxerunt humores collectique sunt discutit, & resoluit, quauis extra uenas sanguis esset. Si igitur in uulneribus istis cum fractura ob Medicorum inscitiam, ut factum sepe fuisse animaduerti, prætermissa fuisset ligatura, fascia tu membrum eo quo dixi modo diuincies: attendendo semper animū, num inflammatione uulnus illud urgeatur, quod facile fieri posset, si primis diebus neglecta illa fuisset fasciatura, nihilominus diligenter eo quo poteris modo cōminuta illa ossa repones ac ferulis membrū munies, neq; ita arte illud fascia obligabis, quemadmodum si die prima medicinam fecisses, deligasses, relinquēdo in fasciatura orificium à quo uulnus expurgetur, atq; si fascia deuinctum membrum ad perfectam vsq; curationem relinques, nisi forte aliquod insigne superueniat symptoma, quod te remouere fasciam urgeat: sed tamen fasciæ remotionem quantum in te est fuge: neque secundo membrum ita ut prius obligari posse confidas, quia si Hipp. rationi, & experimentis credendum est, si antequam comminutum os callum contraxerit fascia remoueatur, & locus propter maximam relaxationem debilitatur, humorque qui in callum vertebatur, ex quouis motu minimo dissoluitur, hinc abscessus inflammationes, & dolores sequuntur quæ omnia vitanda sunt, quocirca ne naturam interturbes,

Membrum à quo semel ligaturas remoueris nō ita ut antea fuerat ligatum, deinde obligabis



& eam ob opere distrahas, fascias nullo modo si fieri potest dimouebis. Insuper si os abscessurum esset, vel ipsius desquammatio expectaretur, aut si ossis frustulum per transversum membrum à globulo esset detrusum, & ob fasciæ compressionem, dolorem, vel puncturam vereris, laxius membrum obligabis, & si arcte deligatum fuisset, ligaturam remittes, ut ossium frustula illa exire valeant. Abscessurum os & quicquid præter naturam in vulnere est, siue ferri laminula, siue panni frustulum, siue quidvis aliud sit, istis notis dignoscet, ex puris subtilioris copia maiori quam vulnere illi convenire videatur, exeunte, ut 3. de fract. de osse abscessuro scribebat Gal. ex carne laxa molliq; in ipso vulnere apparente, quo tempore remissiori deligatura, ut diximus vteris, quod si sponte post multum tempus os istud abscessurum esset, tunc fasciam remittere non esset opus. quoniam postquam discussus resolutusq; tumor fuerit, qui primis temporibus vulnera solet inuadere, sponte relaxabitur fascia, & remittetur, asserculos tamen illos quibus membrum prius fulseras, nisi post tempus in quo inflammationis imminere solet periculum, non amovebis, & licet horum asserculorum usus ab Hipp. in lib. de fract. interdicator, non simpliciter, sed lege aliqua in fracturis omnibus non esse adhibendas ferulas Hipp. sententia intelligenda est: proinde quemadmodum me alias sæpe facientem vidiisti, primis temporibus membrum in quo fractura cum vulnere est ferulis fulcies, ne propter aliquem

Fascia nullo modo, si fieri potest, remouenda.

Quibus notis q̄ abscessura sunt dignoscantur.

Quando remissiori ligatura utendū

Ferulæ quando remouendæ.



motum à loco proprio ossa cadant, aut membrum inflectatur, & ita inflexa ossa callum obducant: In nostris præterea fracturis, etiã perpendendum, non solum per transversum ossa rumpi, sed in minutissimas, & tenuissimas partes: interdum quoque ossis substantia deperditur, quæ modo abscedit, modo à reliquis ossis partibus ad aliam partem deferitur, ita ut quandoq; ossis pars desideretur, quapropter exilius redditur membrum, & in sede propria conflatum, vel luxatum os obfirmari non potest: in fracturis autẽ illis in quibus ferulas prohibebat Hipp. nulla ossis pars desiderabatur. quare primis diebus ferulis fracturas istas communies. Sed si ferulas ob abscessum aliquem aut in vulnere aut circa vulnus natũ neglexeris, cum bis in die æstiuo tempore vulneri medicari, & membrum fascia obuoluere necesse sit, ne (quod oscitanter nonnulli faciunt) à lecto aut puluinari aliquo membrũ affectum moueas, quandoquidem ex motu illo non mediocres irritantur dolores, qui licet à Medico floccifiant, vitandi tamen pro viribus sunt, cum bis singulis diebus acciantur, quia, & abscessus, & inflammationis causa esse possunt. Certissima signa ossis abscessuri hæc sunt, si pus subtile, & copiosum magis quam vulneris magnitudini conueniat fluat, si vlceris labra coeant, neq; coalescant, si æger internum quendam motum in membro percipiat, & tunc febres conuulsionesq; sequi facile solent, neq; proinde vlllo modo fasciaturas illas intermittes, dabis tamen operam, ne

In qbus fracturis ferulas prohi. Hipp.

Ossis abscessuri signa certissima.



ne dum membrum eleuas, dolorem facias, siue ita membrum ex contusione sit affectum, siue ex incisione, siue vnum os, siue duo comminuta, & confracta sint, & fascias sic aptabis, membrumq; pertractabis. Primum medicamenta vulnere adhibebis, sub membro deinde in quo vulnus est fascias, vt expediet amplas gradatim, vt a, b, c, d, subijcies, tantæque longitudinis esse debent, vt membrum si opus sit duplici modo deligare valeant, linteolum deinde substernes, vel subtile corium, ne lectus aut linthea inficiantur, cum apto puluinari, ex lino vel panno confecto, vt aptius excrementa colligantur, remoueri que possint, & fasciarum capita, modo nodis coniunges, modo acu si videbitur consues, vt in figuris patebit. Has deinde fascias sine molestia diebus sequentibus exsolues, vel dissues, cum vulnere mederi, & pus abstergere volueris, sine membri eleuatione, & dolore: hoc pacto nos vsq; ad perfectam membri curationem medicari solemus, sæpeq; ægrotantes, vt quiescant adhortamur, si pristina valetudini restitui cupiunt. Nec fidem illis præstes, qui ita affectum membrum absque fasciatura permitti posse dicunt, quot enim ex fasciatura sequantur commoda iam ex Gal. didicisti: puluinaria deinde à latere vulneris, vt res postulabit collocabis, quibus etiam membrum confirmabitur magis. Hunc ordinem si sequutus fueris, vulnera quamplurima dubio procul, ab inflammationibus vindicabis, recteq; curabis, & me vera declarasse percipies, alio-

Quid in fracturis cum vulnere sit primum faciendum, & quid secundo &c.



Os fib' oleū  
aduersatur,  
& quare.

Super dete-  
ctum os fila-  
menta sicca  
ponenda.

Labijs uul-  
neris q̄ me-  
dicamēta ad-  
hibenda.

Qui uulnere  
cum fractu-  
ra affectus ūt  
eo mō, quo  
ij qui in ca-  
pite uulnus  
acceperat tra-  
ctandi.

rumque nugas, quæ reuera sine docti viri alicuius  
authoritate, sine ratione experimentoque prolatae  
sunt, paruifacies. Aliud scitu, & animaduersione  
dignum non prætereamus, ossa, vel carne, vel cute  
denudata aliquo oleo nō esse inungenda, illud enim,  
quanquam sicca naturæ sit, ossibus tamen, ut docet  
experientia aduersatur, huiusq; rei ratio reddi po-  
test, quia quauis sicci temperamenti os sit, siccisque  
medicinis, ut 6. meth. scribit Gale. gaudeat, tamen  
cum porrosum sit, & oleum tenuium sit partium fa-  
cillimè per poros illos in os penetrat, nec inde facile  
egreditur, quare putredine corripitur hac ratione  
ossibus oleum aduersissimum est, ut alias dijs bene  
fauentibus in nostris cōmentarijs in cap. 90. 6. lib.  
Paul. in quo de caluariæ fracturis sermo habetur  
fusus dicemus, quo circa super detectum os sicca  
pones filamenta, quousque futura inflammationis  
nulla adsit suspicio: vulneris verò labijs tetraphar-  
macum, vel picatum medicamentum, quæ olei vi-  
sciditate carent admonebis, & si libet nostro etiam  
oleo vulneris labris tuto etiam adhibebis, in cæ-  
teris ea quæ iam docuimus omnia obseruabis, non  
neglectis his quæ à Medicis vniuersalia dicuntur  
præsertim in victus tenuis institutione, ut 4. de fra-  
ctu. fuit Hipp. sententia, ubi affectos fractura cum  
vulnere, ita, ut qui in capite vulnus acceperat esse  
tractandos asserit: Eorum sententiæ nec subscribas,  
qui alijs fracturis cum vulnere fortasse sic esse me-  
dendum dicunt: non autem ijs quæ ab istis tormentis  
bel-



bellicis fiunt: quoniam ex Hipp. sententia, omnes fractura cum contusione sunt. similiter ergo, ut cæteræ fracturæ cū vulnere sunt pertractandæ: quod si tibi molestum esset, eo quo diximus modo fasciam illam, qua obuolutum est membrum, in quo cum vulnere fractura est incidere: tuto etiam mēbrum illud fascijs circundabis, modo illo quem Pau. lib. 5. cap. 109. de fract. cum vul. docuit, in fascia parua orificia relinquendo, pro vulneris curatione, illam quæ à lateribus vulneris deducendo ad figuram  $\chi$ . Verum præter ea quæ à Paulo fuerunt declarata, postquam membrum cōmunieris, & illud fascia, vel hoc, vel antedictō modo obligaueris, puluillum ex stupa conceptum (tantæ magnitudinis crassitudinisq; ut ora illa in fascia derelicta tegat) in aceto madefactum, & deinde expressum, & medicinis illis, de quibus paulo ante diximus, illitum, illi orificio relicto admouebis, quem fascia, quæ membrum ter possit ambire, non nihil arte deligabis, quam deinde post tres dies solam, cū medicamentum adhibere vulnere opus fuerit, ut iā à nobis dictum fuit, remouebis. neque ob id ab Hipp. præceptis discedes: quoniam hoc etiam pacto vndiquaq; membrum vniuersum fractura cum vulnere affectum, circundatum, & cōmunitum erit, si diligenter quæ diximus omnia obseruantur. hæc eadem obseruabis si in vulnere illo globulus sit, quem educere non potueris: ferulis tamen leuioribus quàm si solum fractura sine vulnere esset, & sine globuli retentione, membrum ful-

Alter modus fasciandi mēbrū, in quo fractura cū vulnere sit.

Leuiorib; ferulis mēbrū ī quo fractura cū vulnere sit, si ītro globulus retineatur est fulciendum.



BARTHO. MAGG.

Et Cel. lib. 5  
cap. 26.

Vulnus cum  
symptomate  
nō sanari po-  
test.

Simplices fra-  
cturas sequi-  
tur dolor.

fulcies, modo nullum aliud adsit symptoma, vt do-  
lor, gangrena, pruritus, inflāmatio, erysipelas, exe-  
sio, aut putrefactio, quæ saepe in istis vulneribus so-  
let adesse, aut sphacelus, aut œdema, aut scirrhus, si  
in iunctura affectus sit, aut propè ipsam iūcturā, aut  
vlcus fluidū aut sordidū, aut caro addita, aut ex ve-  
tustate callositas (ut sic dicā) labiorū, ut Gal. 4. met.  
declarabat: quibus omnibus symptomatibus nisi fue-  
rit consultum, siue sola sit fractura, siue cum vul-  
nere, siue solum adsit vulnus, nunquam fieri pote-  
rit, vt vulnus sanetur, vt citato loco dicebat Gale.  
& Hipp. in lib. de vulc. qui sic scribit, si aliquod in  
vulnere adsit symptoma illud consolidari nequit:  
quapropter symptomatibus summa cura occurren-  
dum, cum quandoq; magis quam vulnera ipsa, ac  
ceteri affectus præternaturales vrgeant, vt 12.  
meth. ait Gal. totamq; ad se curationem vocent, vt  
idem 11. meth. scribit. Symptomatibus igitur prius  
prospiciens, quando, si adfuerint, vt sanetur vulnus:  
est impossibile, & si vrgeat necessitas fascias ipsas,  
quibus membrum iam deligatum fuerat, etiam dis-  
solues: Dolorem præterea simplices fractura se-  
qui, ex his quæ in lib. de fract. scribit Hipp. perspi-  
cuum est, verum eius causa diligenter indaganda,  
nunquid scilicet ob os aliquod pungens, an ex mala  
membri figuratione, an ex vltra modum calidis me-  
dicinis, an ex humore ad locum affectum fluentem,  
qui partes extendendo continuum soluat, & ma-  
lam inducat intemperiem, an à simili alia causa con-  
tin-



tingat. nisi enim morbi causam sciueris, ut præter naturalem remoueas affectum impossibile est, ut dicebat Gal. in lib. de const. art. med. Si propter os pungens infestet dolor, tactu, & leui contrectatione, vel verbis ægrotantis dignoscas, mitescetq; dolor huiusmodi fasciarum remotione, aut relaxatione, ferulisq; amotis, vel si illud os, si fieri poterit, extraheris. Si ex medicinis contingat, exercitatus Medicus, ex carnis colore percipiet, easq; mutabit, & in membro contractam intemperiem remittet, & fascias laxabit. Si ex humorum defluxu, si nullum ex prædictis symptomatibus, neque signum aliquod futura prædicta significet symptomata, adsit, tumor & futura inflammationis signa apparere incipient, cui illis rationibus, & medicinis, de quibus paulo ante egimus, prospicies, curamq; totam ad ipsam inflammationem conuerteres, & fasciam remittes. Si noxius pruritus accedat, ex sanici acrimonia cutim excedente id ab ægro percipies, & ex pustulis in cute apparentibus: membrum itaq; aqua perfundes, & lauabis temperata, ut saniem illam pruritum facientem eluas, quod faciendum Hipp. & Gal. censuerunt: nos etiam quandoq; aqua ipsa salsa membrum madefecimus, nec non linamentum ex vnguento aliquo succo plantaginis diluto, vel ex albo vnguento Pauli, vel Rhasis cū camphora paramus, & illud penna exceptum, inter fasciam & membrum ponimus, aut partes membri illius pruritu affecti, vnguento populeonis, & similibus, quibus facile pru-

Et in lib. de inæq. intep.

Dolor ex pū gente offe qūo cognoscatur, & remittatur.

Doloris notē ex fortib. medicinis.

Ex defluxu dolor qūo deprehendatur

Pruritus à quibus colligatur, & quibus medicinis sanetur.



pruritus remouetur illinimus, absq; fasciarū remotione: si tamen pruritus huiusmodi non remouetur, fasciam relaxabis, vt commodè mēbrum inungas, & pruriginem arceas: sic etiam idoneis medicinis tumori alicui phlegmonoso aduenienti, & in abscessum prorumpenti providebis. Cāterum si in vulneribus sine ossium fracturis, vel cum fracturis, phlegmon superuenerit, vt fieri sepe solet, vt 3. & 8. meth. scribit Gal. ne phlegmon adaugeatur, prohibere oportet: facillē autem prohibebis, vniuersalibus, & concoquentibus, vel si rursus vniuersalia ipsa ratione noui morbi suborti cum concoquentibus reiterabuntur, & repetentur. Sed si in parte alia quam in ea in qua vulnus, & fractura illa erat (vt fieri sepe solet in plagis quas bombardici globuli faciunt) phlegmon suppuretur, suppuratorio aliquo cataplasmate facillē ad exituram (vt cum Arabibus loquar) deueniet: quē etiam si opus fuerit, lanceola potius quam falcato illo instrumento, quo nostrates Medici in secandis huiusmodi abscessibus, vti consueuerunt, secabis: quia acutum magis, subtilemque aciem habet lanceola, partesque diffecantur facillius, & per carnem sine ferē noxa, doloreq; transmittitur. Falcatum autem illud instrumentum, cum sit magis crassum, minus ad abscessus diffecandos, vtile est, multaq; incommoda, quę lanceola vitantur, affert. Hoc itaq; modo in abscessu collecta sanies effluet & expurgabitur. Quod si cutem nolles secare, medicamento aliquo eruptio-

nem

Quibus modis phlegmoni fracturis superuenienti occurri possit.

Phlegmoni alia in parte quam ubi ē fractura orti quo medendum.

Lanceola potius quam falcato instrumento abscessus secantur.



nem in cute faciente & abscessum adiuuante, uti posses, quale à Gal. in lib. de cōp. med. sec. gen. describitur. Primū igitur ut abscessum aperias medicamentis attrahendi & colligendi vim habentibus operam dabis, & ad id maxime accommodum esset basilicum vnguentum Mes. quod abscessus rumpit, materiam ad cutem attrahendo, si res hoc medicamento non cedit, ad alia medicamenta à Gal. & à Paul. descripta confugies, ut ad emplastrum ex radicibus narcisi, in mulsā coctis, cum radicibus iridis, vel ad emplastrum aliud, ex mollibus arundinum radicibus, cum melle, & similibus factum, aut ad aliquod scepticum medicamentū in forma olei per artē chymicam destillati, aut ad aliud quod sicca sit substantia, quod infra describemus. Verum nisi à medicamentis huiusmodi aperiatur abscessus, ferro ut disseces melius est, minor si quidem sit dolor, neq; locus inflammatur, & cito sanies effluit. Naturæ tamen si permetterentur abscessus, sponte omnes rumperentur, propter saniem carnosas partes, cutemq; ipsam erodentem, & propter expulsivam virtutē, quæ continue ad exteriora superfluitates expellit. Sed si intensus infestaret dolor, & periculū impenderet, ne pars aliqua princeps, aut nervosa, aut venosa, aut arteriosa, exederetur, abscessum excidere cogemur, ut cito sanies euacuaretur, neq; naturæ, provincia hæc esset deleganda, propter vrgens periculum. Quin sæpe ante perfectam abscessus suppurationem, ut impendentia pericula vitemus, ipsi

&amp; à Pau. lib.

4.

Cutem rumpentia medicamenta.

Sponte si naturæ permittitur abscessus rumpitur.

Quādo coarcti abscessus dissecemus.

Quō ante perfectā suppurationem inciduntur abscessus.

lan-



lanceolam adhibemus, vt si in articulo aliquo, vel in pectore, vel circa anum, vel in oculorum angulis, vel in iuncturis abscessus esset, ne ex puris acrimonia, & nitrositate corrodantur, & corrumpantur tendines, & affecti membri motus aliquis deperdatur, vt in lib. de motu mus. ostendit Gal. vel ad nobile aliquod membrum pus descendat: quod facile contingeret, si in pectoris partibus abscessus esset, proinde ipsum excides, antequam pus cutem erodat, & ad interiorē thoracis partem penetret, & vomicam seu fistulam efficiat, vt Auic. docuit: hac etiam de causa abscessum circa anum ortum, ante suppurationem diuidimus, ne propter loci humiditatem vomica fiat, vt in lib. de fist. scribit Hipp. sic etiam abscessus in angulis oculorum ortis, vt vomica vitetur, vt ait Aet. diuiduntur: quapropter in his affectibus curandis, horum grauissimorum virorum, à quorum placitis nunquam nos discedimus, authoritatem non diffugies: ipsos deinde diuisos abscessus sic curabis, ac si suppurati, & aperti spon te fuissent, medicinis scilicet pus mouentibus. Principio igitur diebus primis tetrapharmacum, aut nostrum digestiuum lotum impones, vel digerens medicamentum, ex terebentina, & oui vitello confectum, admouebis, vel alia similia medicamenta à Gal. in lib. de compo. med. sec. gen. & 13. meth. descripta adhibebis. Si verò sinus esset, uel vlcus humidum linteolū diaphœnicino vnguento in melino, uel anetino, vel omphacino oleo colliquato illitum ad-

mo-

abscessus ani  
ante suppu-  
rationem se-  
catur, & qui  
in oculorum  
angulis oriū-  
tur, & quare.

Secti abscef-  
sus quomodo  
curandi,



nouebis: quod etiam mirum in modum prodesset,  
 quauis adhuc suppuratus abscessus non esset, & in  
 membro robur extaret, vt ait Gal. 4. de comp. med.  
 sec. gen. posses quoque nonnunquam adstringente vi  
 no vlcus ipsum abluere, quod si hæc parum prodes-  
 sent medicamenta, ad alia, locis suis à medicina au-  
 thoribus descripta confugies, de quibus abūde Pau.  
 & Gal. 2. ad Glau. scripsere. In excidendis ab-  
 scessibus à Pauli præceptis lib. 6. cap. de abscessibus  
 descriptis non discedes, nec ab ijs, quæ à Gal. 4. de  
 anatom. administ. & multis alijs locis tradita sunt,  
 de quibus DEO fauente in nostris cōmentariolis in  
 6. lib. Pau. agemus. Gangræna quoque non solum  
 fracturis, sed vulneratis membris, & exulceratis,  
 aut alio morbo affectis accidere solet, verū nos hoc  
 loco solum de gangræna, quæ fracturis, & alijs par-  
 tibus absq; vlcere accidit, agemus, quæ nihil aliud  
 est, quàm principium mortificationis (vt ita dicā)  
 membri, cui adhuc ademptus sensus non sit, sed he-  
 betescat, vt Gal. 2. ad Glau. scribit, quæ quidem li-  
 cet ob multas causas fieri possit: eius tamen, vt plu-  
 rimum præcipua causa est, vehemens inflammatio,  
 cuius occasione propter sanguinem plurimū in affe-  
 cto loco impactum, & propter arterias ob loci an-  
 gustiam se se dilatare nequeunt membra (nisi ci-  
 tiissime præsto simus) emoritur. Gangræna igitur si  
 medicinis non curatur aut remittatur, propter eius  
 malitiam, & propter humorum multitudinem in  
 affectum seniores desinit, in membri scilicet extin-  
 ctio-

Diaphænici  
 num nō sup-  
 puratis ab-  
 scessib<sup>9</sup> etiā  
 utile.

Gangræna  
 quid sit.

Et in lib. de  
 tumor præter  
 nat. & Paul.  
 lib. 4 & Aet.  
 4. tetra. ser-  
 mo. 2.

Gangræne  
 causæ.

Gangræna in  
 quæ affectū  
 definere so-  
 leat.



Syderatio à  
paralesi, in  
quo differat

quid sit spha-  
celus Gal.

Et 1. ad Gla.  
& 14. meth.

Syderō abs-  
que membri  
amputatiōe  
nō curatur,  
nisi cum ad  
huc perfecta  
non est.

Etionem, vel in sensus mēbri illius hebetudinem. Sed  
hebetudo hæc gangrenæ nomen nō meretur, nec ita  
debet nominari: Sed secundū Arabes ascachileos,  
& secundum Latinos syderatio, cum scilicet mem-  
brum sensu destituatur, ac quasi stupefeat, ut in pa-  
ralesi fieri solet: differt tamen à paralesi syderatio  
non parum, quoniam hæc membri corruptionem se-  
quitur, & à similitudine membri emortui sic nuncu-  
pata est à Gal. 4. de diff. resp. à Græcis σφαχελον vo-  
catur, ut Pau. ait, & ut etiā à Gal. 7. de anat. adm.  
& 7. aph. 50. scribitur: ubi ostendit sphacelum, cu-  
tis, carnisq; & nervorum esse corruptionem, quæ si  
ita seuiat ut ossa etiam ipsa carie infestentur, esthi-  
menos nuncupatur, vel sphacelus, quoniam sic quan-  
doq; capitur à Gal. 4. meth. & in lib. de tumo. præ-  
ter naturam, verum nomen hoc esthiomenos, idem  
apud Arabes, & Græcos significat, vlcus nimirum  
depascens & exedens putrefaciendo, ut ait Gal. in  
lib. de tumo. præter nat. conueniunt igitur esthiome-  
nos & sphacelos, quia exedit vterque, & depascit:  
quapropter gangrena medium quoddam erit, inter  
inflammationem & sphacelum seu esthiomenū: non  
n. in gangrena tantus est sensus, ut in inflammatio-  
ne, nec ita sensu membrum caret, ut si sphacelo infe-  
staretur, quæ tanto seuior est, & peior inflāmatio-  
ne, quanto syderatione leuior est inflammatio. Sy-  
deratio totius est membri substantiæ corruptio, quæ  
cum adest curari nullo modo potest, absq; membri  
amputatione: primis tamen diebus quando adhuc  
per-



perfecta syderatio non est, sed gangrena, quæ ad syderationem tendit, vt Gal. 4. de fract. ait curationem admittit: curabitur igitur euacuato, quam fieri potest, sanguine plurimo, in affecto membro impaeto, propter quem membrum corrumpitur. Tota itaq; cutis, multis, profundisque vulneribus, vna cum subiecta carne secanda est, vel frequentibus, & altis caprificationibus incidenda, absq; substantiæ exitio, membrum ad propriam figuram, & humorum symmetriam, vt in vera morborum curatione fieri solet, transferendo: Sed in omnium morborum curatione vt sæpe Gal. admonuit, ipsorum causa prius inuenienda, & abscindenda est, deinde ad ipsam quæ facta est ægritudinem, deueniendum, proinde gangrenæ causæ, quauis variæ sint, & ab omnibus scribantur, sæpius tamen inflammationis sequitur magnitudinem, vt 4. de art. legitur: fit itaq; vt plurimum à sanguine copiosissimo, in aliqua parte collecto, siue propter dolorem fuerit attractus, siue sanguis ille propter vulnus in illam defluxerit partem, siue propter partis imbecillitatem fuerit susceptus, qui deinde cum euacuari, aut difflari non possit, corrumpitur, sic enim scribit Gale. in lib. de inæquali intemp. quippe quæ perspiratu carent celerius putrescunt, & calor ita ibi feruescens, calorem præternaturam accendit, qui postea natium extinguit calorem, perinde atq; maximus ignis exiguam flammam, & membrum comburi, & mortificari incipit, nutrimentoque membrum, & vitalibus

I spi-

Nō perfecta  
sydera. quō  
curetur.

In morborū  
omniū cura-  
tione, causa  
morbi, prius  
inuenienda,  
& auferenda

& 2. ad Glau  
Gāgrenæ cā  
frequens.

Sanguis col-  
lectus in par-  
te aliqua, &  
qui difflari  
nō possit, pu-  
trescit tacile



## BARTHO. MAGG.

Ex magna  
refrigeratio  
ne gangrena

spiritibus priuatur, & ita deinceps, cutem, carnem, nervos, & ossa deniq; corrumpuntur, vniuersumq; membrum emoritur, idem in lib. de tum. præter nat. refert Gal. fieri quoq; potest ex membri magna refrigeratione, vt is sæpe successit, qui per niuem iter facere, quibus etiam perniones accidunt, idest affectus illi qui à nostratibus Bononiensibus busanchie dicuntur, vel mal de la mula, deinceps membri illius mortificatio sequitur, sed in primis stupor fit, & hebes redditur sensus, propriusq; membri mutatur color ob frigus spiritus vitales animales & naturales intercipientes, ex quo gangræna primum afficitur membrum, totum deinde emoritur, fitq; syderatio. Atque frigus affectum huiusmodi posse conciliare perspicuum euadet, si ad longum frigidorum medicamentorum usum adhibueris animum. quæ heri sy-pelatibus, & inflammationibus admota, adeo quod ad particulam influebat prohibent, & quod in parte ipsa continetur, diffletur, impediunt, vt ne spiritus quidem illuc deferantur, aut per halitum resoluantur, hoc etiam fieri hyberno tempore cum niuib; terra contacta est, advertere poteris, quæadmodum eleganter Gal. 2. de compo. caus. mor. scripsit, vbi morbos vel ab aeris ambientis frigiditate, vel ex vicinitate rei frigida fieri scribit. Sciendum tamen quanuis, vt membrum corrumpatur, inflammatio causa sit, tamen ad eam causam quæ impedit transpirationē reduci posse, siue prohibita hæc transpiratio à medicinis frigidis, siue à frigore, siue à mul-



multitudine collecti sanguinis causam habeat, & quia transpirationi varia causa possunt obstare, proinde curationis scopi mutari debent, neque mali quidam Medici imitandi, qui vni morbo, vno semper modo nulla distinctione, aut ratione causa habita, quae ipsum morbum fecerit, citraque delectum eorum, quae ab ipsis, quos profitentur, authoribus docentur, medicari solent, & se bonos esse Medicos ob duos aut tres medicinae canones, quos uix intellectos memoriae mandauerint putant, partem alteram medicinae, chirurgiam, nempe ipsam omnino contemnendo, sed boni Medici, nec ne sint, aliorum esto iudicium. ego autem quomodo hoc nomine sint digni non plane intelligo, vna vix parte medicinae intellecta, & reliquis, quibus ars ipsa perficitur, de quibus Gal. in lib. de fract. & Auicen. scribunt, neglectis. Sed ut ad rem redeamus, ab arcta supramodum ligatura fieri etiam gangraena potest, quae meatus per quos deferuntur spiritus occludat, ita ut pars illa spiritibus destituta emori, & putrefieri cogatur, ut sepe penumero in fracturis, vel luxationibus obtigit, in quibus arcta nimis fasciatura obligatum membrum fuerit, ut 6. meth. ait Gal. vel ex maxima, & longa compressione aliqua, in parte aliqua facta, ut longo tempore iacentibus in lecto obuenit, vel cum crassi humores in venis, vel arterijs, vel nervis contenti, spiritus quibus animantium vita tenetur intercipiunt, ut 4. primi scribit Auic. in fracturis, tamen & luxationibus ex hac causa rarissime fit gangra-



Ex materia  
uenerosa gā  
grena.

na, si eidem Auic. credimus. Fit etiam ex materia aliqua uenerosa ad membrum aliquod delata, quod tu quoque anno M D LII. cum multis alijs medicinae candidatis obseruasti, in iuvene illo, quem apud diuum Petronium ueterem inuifimus, qui febre mala, & uenerosa correptus, tandem materia illa ad dextrum crus delata, crus uniuersum sua malitia interfecit, & ad syderationem deduxit, nullo (quod admiratione dignum est) apparente, vel tumore, vel rubore, nulloque dolore præcepto. Sed solum quædā frigiditas ab ægro percipiebatur, quæ tandem digitorum pellem reddidit liuidam, in eaq; quasdam excitauit uescas, & in summa totum crus interfecit, ex quo nos deinde crus ipsum uniuersum excidere (ut uidisti) coacti fuimus: Fit quoque

Ex arteriarū  
& uenarū sectione gāgre

gangræna ex arteriarum, & uenarum, quæ spiritus, & alimentum ad membrum deferunt, sectione, cui ea quæ gangræna ex alijs causis ortæ admodum curatio non potest: Fieri quoque gangræna potest ex medicamento mortifero, ac corrumpendi facultate prædito, quale esset capitellum, quod vulgo ruptorium dicitur, vel aliud septicum eiusdem facultatis, vel ex aliquo medicamento ueneroso calido, vel ob istum animantis uenerati, qualis vipera est, de cuius morsus uenerositate scribit Gale. in lib. de

Ex medicamento mortifero, & ueneroso, uel ex ictu animalis uenerati gāgre.

Gāgrenæ orta a uenerosis medicinis & animalibus ueneratis si gna.

Ther. ad Pisonem. Signa autem gangrænae, ab huiusmodi mortiferis medicinis, & animantibus ueneratis factæ, licet innotescant, ea tamen subscribam, primum magna sequitur inflammatio, & ab initio

tu-



tumor, & rubor perspicuus apparet, pulsatiles do-  
lores percipiuntur, durties tactui, & sensui reti-  
nens deprehenditur, & in agro caliditas compre-  
henditur, sensim deinde locus liuidior efficitur, &  
rubor inflammationis, dolorq; ille remouentur, tor-  
por sentitur, & sensus immutatus videtur, vt 4. de  
art. ait Gal. Cæterum si specilli cuspide, vel acie no-  
uacula pars pungatur vel disseccetur, obtusus quoq;  
in ea percipitur sensus, vnaq; effluit sanguis: si aut  
ex tactu specilli, vel ex incisione nouacula pars non  
sensierit, licet sanguis egrediatur, gāgræna amplius  
non est, sed syderatio, aut syderationis principiū, vt  
iā ex Gal. & Aet. sentētia diximus, in qua etiā par-  
te, licet quoq; alte specillum figas, aut eam nouacula  
excidas, nullo modo sentiet, vt grauissimi adducti  
scriptores censuere, siue in summa parte, siue in pro-  
funda fiat incisio, à qua deinde flauus humor subti-  
lis fætidus admodū, & aquosus egredietur, & car-  
nis color viuidus non erit, vt Celsi. lib. 5. cap. vlti.  
scripsit. His perpensis rursus in præsenti curatione  
videndum, an gangræna sit facta ex suborta inflam-  
matione, an ex ingentibus fasciarum compressioni-  
bus. Si ab inflammatione orta fuerit, ligatura ipsa  
dissoluenda, & ætate, tempore, & viribus consen-  
tientibus, sanguinem mittere expedit, & victus ra-  
tio (vt dictum est) instruenda: post hæc vt 8. &  
14. meth. ait Gale. optimus Medicus (vt par est,)   
morbi tēpore expendet, & nunquid morbus tan-  
quam gangræna sit curandus, an tanquam sphace-

& 7. apho. 50  
& 2. ad Glau

Gangre. quā  
do amplius  
non est, sed  
syderatio.

& Gal. in lib  
de diff. mor.

Gāgræne ab  
inflammatio-  
ne factæ cu-  
ratio.



BARTHO. MAGG.

Vna gangre  
na curatur si  
statim medi  
cina ei fiat.

Quibus gan  
grena cura  
tur.

Et Gal 4 me  
th. & 2. ad  
Glaucō.  
Post caprifi-  
cationes gā  
gre. affectus  
locus quib⁹  
lauandus sit  
& quæ appo  
nenda em-  
plastra

lus, seu syderatio, proprijs signis dictus videbit. Si  
vera gangræna fuerit, ei si quamprimū medicinam  
feceris sanabitur, sin minus in syderationem (tanta  
morbi illius sēuitia & malitia est, vt adducti au-  
thores scripserunt) & corruptionem transibit: sa-  
nabitur itaque gangræna caprificationibus profun-  
dis, quas indocti Medici formidant, sanguinis  
fluxum verentes, & largam euacuationem, & quo  
maior est gangræna, maioribus indiget caprification-  
ibus, & si turgidæ venæ in parte gangræna labo-  
rante fuerint, hæ protinus incidendæ, vt sanguinis  
copia in ipsis detenta statim euacuetur, vt Aetio  
placuit, siquidem vt plurimum ob sanguinis abun-  
dantiam, membrum, arteriasque comprimētem,  
grauantēque, ita vt ad caloris euentationem at-  
tollī nequeant, pars corporis mortificatur, quapro-  
pter vt suo munere fungatur arteria, & ne natura-  
lis suffocetur calor, moliēda via est, qua calor euen-  
tetur, vt Paul. præcepit lib. 4. cap. 19. post hæc me-  
dicamenta putrescentibus membris conuenientia,  
apponenda, qualia sunt siccantia, vt inter alios au-  
thores Aet. admonuit, & inter cætera post caprifi-  
cationes salsa aqua affectum locū lauabis, vt cras-  
sior sanguis, & qui alioquin ibi concresceret, egre-  
diatur, vel aceto cum sale, aut lixiuio, in quo lupi-  
ni decocti fuerint, emplastrum deinde ex eruina fa-  
rina si haberi potest, aut ex oleacea, vel hæc etiam  
si non adsit, ex fabacea farina cum oxymelite super-  
dabis: per se oxymel quoq; conduceret, quippe hæc  
me-



medicamenta, ichores, putredinesque absumunt, & detergunt sua siccitate, frigiditate autem quod nondum vitiatum est roborant, malam eam intemperiem remittendo, & putredinem arcendo: aut post ipsas caprificationes, & lotiones caratum diaphœnicinum ita à Gal. I. de compo. med. sec. gen. in hoc casu laudatum affecto loco admouebis: ubi vero feruor subsederit, vulneris curationem non relinques (si illud in hoc affectu fuerit) vinctuosa medicamenta omittendo, pro ut symptomata, quæ vulneri coniuncta fuerint, suadebunt, ut inferius uidebis, & meth. ista, uera gangrænæ curatio perficitur, quam ad hanc usq; diem, qui noua se scribere iactant scriptores, non docuerunt, quibus nihil aliud sibi curæ est, quam ea quæ ab alijs scripta fuere in suas chartas ut transferant, imposturam potius hominibus rudibus facientes, quam quod ex usu sit aliquid docentes, neq; (proh pudor) curationem ab alia curatione distinguunt, ut in capitibus quæ de gangrænâ scripsere patet: in quibus pro gangrænæ curatione, medicamenta exedentia describunt, quæ non affectui huic, sed syderationi seu sphacelo per accidens conueniunt: uera enim curatio est, quando affectum membrum uel in figura, uel in temperie, ad naturalem statum reducitur absque ulla amputatione, & alicuius partis ablatione, ut in libro de plen. dicebat Gal. non autem quando putrida pars aliqua exciditur, & locus deinde sanatur, quia, & si sequitur sanitas, non tamen uera sanitas nuncupari de-

Vera curatio  
quâdo fit.



Gāgrene ex  
arcta fasci-  
tura curatio

bet, sed per accidens, vt ex adducto Gal. loco colli-  
gere possumus: Istis remedijs sæpius nos in fractu-  
ris incipientes gangrænas sanauimus, & vltra pu-  
tredinem serpere prohibuimus. Atq; si ex nimis ar-  
cta fasciatura membrum interfici inciperet, idem  
esset faciendum, & fasciatura remouenda, deinde  
vt dictum est sanguinem mittes, quanuis si in san-  
guine nullum adsit vitium, & in membro duntaxat  
sit constipatio, quæ spirituum descensum, ad mem-  
brum pro illius vita, & alimento prohibet, quibus  
tamen spiritibus succurrere etiam possumus lotione  
aquæ calidæ salsæ, leui facta caprificatione, non tan-  
tum, vt sanguis in membro peccans euacuetur,  
quantum, vt inflammatio, quæ gangrænam sequi-  
tur remittatur, & ad naturale temperamentum mem-  
brum reducatur. Siquidem ista attractione, atque  
caprificatione, calor spiritusque vna cum sanguine  
ad membrum attrahuntur, & locus aliquo modo  
euacuatur, deinde ex his quæ diximus medicamen-  
tum aliquod superdabis, & tibi fœliciter res cedit,  
dummodo morbi causa (vt diximus) prius à te fue-  
rit recte explorata, & cognita: Si autem gan-  
græna ex frigore duxerit originem (quanuis de hac  
re locus iste sermonem nō postularet, tamen maioris  
doctrinæ gratia, id etiam obiter dicemus) mem-  
brum prius decocto aliquo calido lauandum, &  
fouendum est, vt naporum, lupinorum, florum ane-  
thi, & similium decocto, quod illarum partium ob-  
structiones, spirituum descensum prohibentes, re-  
mo-

Gāgrene ex  
frigore cura-  
tio.



moueat: Omni igitur cura, spirituū via aperiantur,  
 vel decoctis supradictis, vel caprificationibus leui-  
 bus in summa mēbrorū parte factis, vt innatus ca-  
 lor euentetur. Neq; indoctos imiteris Medicos, qui  
 eodem semper medicamento, gangrenæ ex quauis  
 causa factæ, medentur, incognita morbi essentia, &  
 causa, & stultè gangrenæ, syderationis remedia  
 adhibent, & syderationi grangrænæ medicinas fa-  
 ciunt: sic etiam præpostere depascentia curant vlce-  
 ra, ex eadem causa, ex qua gangrenæ, originem ha-  
 bere existimantes, quorum omnes in præsentia erro-  
 res recensere, longum esset. verum si diligenter quæ  
 à Gal. scribuntur videris, nunquam decipieris. Si  
 autem corruptionis membri, medicamentum frigi-  
 dum admotum loco affecto inflammatione, aut eri-  
 sypelate causa fuerit, cum nigredo apparuerit, non  
 amplius erysipelate, vel phlegmone, locum illum la-  
 borare dici potest, vt elegantissime dixit Gal. I. de  
 comp. med. secun. gen. cap. de diaphœnicini natura,  
 quo tempore aqua calida lauandus est locus, & fo-  
 uendus, caprificandusq; deinde diaphœnicinum,  
 in oleo veteri colliquatum, admouendum, vt citato  
 loco dicebat Gal. transeundumq; ad curationem,  
 quam pro gangrenæ, ob magnam inflammationem  
 facta, descripsimus: Quod si ex crassis humoribus  
 (quauis rarissime fiat) in membro fiat corruptio  
 eos pluribus modis poteris attenuare, vel oxymel  
 exhibendo, vel decoctum hyssopi, pulegij, tymbræ,  
 origani, & similiū, vt 10. meth. faciebat Gal. quos,  
 post-

Membri pro-  
 pter frigidū  
 medicamen-  
 tū corrupti,  
 curatio,

Corruptiōis  
 ex crassis hu-  
 moribus cur-  
 ra,



BARTHO. MAGG.

Gāgrenæ ex  
attritiōe uel  
compressio-  
ne, uel ex ue-  
narum, arte-  
riarūque in-  
cisione cura

Incisas ue-  
nas, aut arte-  
rias esse qui-  
bus digno-  
fci possit.

postquam attenuati fuerint, cathartico aliquo me-  
dicamento educes, ut causam remoueas: ut verò  
vie in affecto membro humoribus crassis obstructæ  
aperiantur magis, emplastra ex farinis calidis, &  
oxymelite confectis, appones, & si morbus exiget,  
partem ipsam caprificabis. Si ex attritione, vel cō-  
pressionē, vel venarum, vel arteriarum incisione,  
vel laniatione, contingat gangræna, tunc huius gan-  
græne curationis spes non extabit, præsertim si va-  
sa omnia, membrum nutrientia dissecta fuerint, &  
nulla adsit spes nutritionis illius membri, nec mem-  
brum illud, vllō modo, quin totum corrumpatur, &  
syderetur, prohibere poteris. Sed tamen, ne partes  
omnes proximæ membri illius corrumpantur, cum  
cæsa illa esse omnino dissecta videris, antequam ali-  
qua adhibeas medicamenta, totum membrum exci-  
des: ablata enim iam via est, per quam spiritus, &  
alimentum pro vita, & nutritione deferantur: Co-  
gnosces autem venas illas, & arterias excisas esse,  
ex anatome, tum ex pellis quadam corrugatione,  
quæ infra vasa ipsa excisa fieri solet, membri quoq;  
extremi sentitur frigiditas: cuius similem, cæteras  
corporis partes manibus contrectando, non perci-  
pies: Quapropter statim membrum excides, idque  
facies, antequam virtus imbecilla reddatur, ut nos  
experti fuimus, in nobili quodam ciue Papiensi, qui  
cum in extremitate cubiti, inter iuncturam manus,  
in carpi interna parte, vulnus accepiisset, cum arte-  
riarum manus nutrientium incisione, eius manum,  
ut



ut ipsum ab interitu seruarem, amputandam iudi-  
 caui, licet tunc nullum adhuc syderationis signum,  
 in manu appareret: futurum tamen sphacelum, sum-  
 pta ab arteriarum, & venarum incisione, indica-  
 tione iudicaueram, contra multorum Medicorum,  
 qui ad ipsius egroti curationem accersiti fuerant,  
 sententiam; qui antequam manus excideretur, prius  
 emplastra illa ex oxymelite, cum farinis iridis, de-  
 inde ignem experiri volebāt. quorum ego sententiæ  
 aduersabar, & ea esse optima medicamēta pro gan-  
 grænæ curatione factæ, vel ex inflammatione, vel ex  
 humorum quamplurimum collectione: non autem ex  
 venarum, aut arteriarū incisione dicebam: ipsi au-  
 tem in sua sententia pertinaciter perstabant, mihiq;  
 iuueni Medico, vera tamen dicenti, refragabantur.  
 quare ob gregem illum Medicorū, illius manus ab-  
 scisio in sequentem diem delata fuit: ea autem die,  
 tum quia exactius rem perpeuderant, tum quia fu-  
 turam corruptionem timebant, tum quia pericula  
 futura egroti affinibus prædixeram, eos tandem,  
 tanquam coactos, in meam adduxi sententiam, &  
 ut manus amputaretur, quo brachium a putrefa-  
 ctione vindicaretur, assensere: quocirca, quasi iam  
 mihi omnino Medicos illos assensuros esse non dubi-  
 tassem, instrumenta expedita clam deprompsi, illi-  
 coque manum excidi egroto persuadendo, me arte-  
 riam quandam aut venam, quo sanguinis fluxum,  
 compescerem, esse illaqueaturum, nec ipse ad ter-  
 tium usque diem, sibi excisam fuisse manum, rescie-  
 uit.



BARTHO. MAGG.

Gangrenæ à  
septico me-  
dicamēto fa-  
cta cura.

Gāgrenæ ex  
morsu vene-  
nati animan-  
tis curatio.

Venenati a  
animalis mor-  
sus calidus.

uit. dabam siquidem operam, ne dum mederer, vul-  
nus inspiceret, & postquam medicamenta admoue-  
ram, in cubili extremitate, manicam stupa plenam,  
& linteolis contectam, ita aptabam, vt manū om-  
nino referret. Hoc etiam modo tibiae excidimus, in  
quibus sub genu venæ, & arteriæ crus nutrientes  
dissectæ fuerant: statim enim crus totum amputavi,  
caprificationibus, emplastrisq; istis, tanquam inu-  
tilibus omisissis. Si verò à septico medicamento fa-  
cta fuerit gangrena, remouenda primum illa sunt  
medicamēta, & intemperies inducta, alterantibus  
medicinis est corrigenda: Si ex morsu animalis fue-  
rit, medicamenta, quæ virus illud à forma specifica  
respiciant, & quæ intemperiem illam calidam, pos-  
sint mutare, adhibenda, & demorsus locus caprifi-  
candus, sanguisque in eo contentus, euacuandus.  
Nec extra rem, affecto loco cucurbitulas applica-  
re fuerit, vt impactum in membro virus, euacuetur,  
& retrahatur, ne ad principalia mēbra deferatur,  
totum deinde membrum, licet tumefactum sit, em-  
plastro obducendum, cum terra cimolia, vel terra ci-  
neria, quam isti cretam vocant, in aceto dissolu-  
ta, & succo semperuini, vel lactucæ, quod medica-  
mentum, quanuis repellens videatur, ictibus tamen  
viperae, & cuiusvis animalis venenati, sua frigidita-  
te aduersatur, cū venenati animantis morsus cali-  
dus sit. si Gal. & Cel. credendum est. præterea ratio-  
ne terræ, à qua animalia virus contrahunt, maxi-  
me salubre hoc est medicamentum, quanuis maxi-  
mus



mus tumor appareat, vt nos sæpe experientia docuit. Si verò propter ipsum virus, vel propter venenatam materiam critice ad membrum delatam, in syderationē desierit, id cognosces præcedentis morbi essentia, & natura bene explorata, optimeq; perpenſa, hoc pacto facile causam, quæ syderationem fecerit, cognosces: difficile tamen erit huic syderationi, vel sphacelo, salutare remedium adinuenire: etiam ob medicamenta minime valida admota, aut non oportuno tempore adhibita, vel prætermiſſa, vel ob morbi malitiam, primæ speciei poſſet syderatio euenire cutem, carnem, & ſimiles partes alias, duntaxat corrumpendo, quam aſchachileon Arabes vocant: quæ etiam fieri poſſet, vel propter vlcera prauam Janiem emittentia, qua madafacta caro corrumpitur, vt Gal. 2. de fract. ait, vel etiam propter maximam inflammationem: nullo etiam vlcere exiſtente, vt iam diximus. proinde ſi ex ingenti inflammatione fuerit talis syderatio, primum cognosces, quia in membro illo nullum erit vlcus, tum ex ipsis caprifcationibus abſq; dolore, & ſenſu factis, tum ex perforatione ſpecilli abſq; agrotantis læſione, tum ex nigredine in particula contracta, tum ex partis molitie, tum ex ſanguine non defluente, tum ex malo carnis colore, tum ex ichoribus fætidis, ab ipsis caprifcationibus eſſluentibus. Si verò ex vlcere, ex quo malignæ ſordes fluant facta ſit, diiudicabis ex fætoſe ſenſiſſimo, qui à partibus illis exhalatur, ex loci denigratione, ex ichorum profluio.

Si

Gāgrenæ ex materia venenosa critice ad mēbrū delatæ cognitio, & curatio.

Ob medicamenta oportuno tempore nō admota, uel nō valida syderatio.

Notæ gāgrenæ ex inflammatione.

Gāgrenæ facta propter malignas ſordes ab ulcere defluētes notæ.



BARTHO. MAGG.

& 2. ad Glau.

& in lib. de  
tumo. pteger  
natu. & Cel.  
lib 7. cap. ul.  
& Auic. 3 4.  
4. & 4. cap. de  
putred.

Quæ prius  
medicinæ tē  
randæ ante  
maiora re-  
media.

Si nō extiterit vlcus, post repetitas caprificationes,  
ad valentissima remedia confugiendum, cum vt ta-  
lis remoueatut affectio, nullo modo fieri possit, nec  
æger viuere, aut curari, nisi parte illa membri cor-  
rupta, exiccata, & ablata, vt scripsit Gal. 7. aph.  
50. & hoc quam citissime faciendum, quoniam par-  
tes corruptis partibus proximæ, velociter corrup-  
puntur, vt 2. ad Glau. dixit Gal. & ita esse facien-  
dum admonuit Pau. lib. 4. cap. 19. quod commodè  
fiet, vt Cel. inquit lib. 5. cap. vl. incisione, & medi-  
camento aliquo: Sed elegantius Gal. 14. meth. &  
6. de comp. med. sec. gen. scribit, vbi communem in-  
sanibilibus morborum scopum docet, dicens: Insa-  
nabiles partes à corpore esse amouendas, quæ ferro  
excidentur, interdum igne, nōnunquā adurentibus  
medicinis, verū Gal. per insanabiles illos morbos, in-  
telligit morbos factos ab atra bile, quibus nullo mo-  
do prosunt medicina, vt cancer confirmatus, & hu-  
iusmodi: Verum priusquam ad validiora deuenia-  
mus remedia, nunquid hæc quæ dicemus medica-  
menta conducant, experiemur: Aegyptiacum igitur  
primum admonebimus, quod constat ex ærugine  
æris, alumine rochæ, melle crudo, & aceto æquis  
partibus admixtis, & coctis, & hoc vnguentū, vel  
solum adhiberi potest, vel vt exiccet magis, illi pos-  
ses addere lupinorum decoctum, in lixiuio factum:  
cui etiam posses addere eam salis cōmunis quanti-  
tatem, quæ manu posset comprehendī, & tale medi-  
camentum, putrefactionem arcet, & putrefactam,  
&



Et corruptam partem à sana separat, & abscedere cogit, & escharam inducit, & sanam conseruat partem, ac tuetur, vt 4.4. ait Auic. vnguento hoc linia ex filamentis confecta illiniantur, quibus vlcus quoad caro corrupta remota fuerit, impleatur. cognosces autem remotam esse, cum bonam carnem in vlcere apparentem videris, ad pus laudabile, & fœtore carens, & firmam, solidamq; carnem nascentem: quod si medicamenti huius efficaciorẽ vim desiderares, prædictis adijce sublimatum, & singulis decem vncijs prædicti vnguenti in fine coctionis, adde drachmā vnā argenti puri, putiq; subtilissimè leuigati: Et si morbus adhuc non cedit, tritos optimè aliquos pastillos Polydæ, aut Pasionis adde: probatur etiam calchanthum combustum putrefactæ parti impositum, & arsenicum, quod vocant sublimatum, vel solum, vel in vino dissolutum, aut linamento aliquo exceptum, & inter sanam, & affectam partē positum: sistit. n. hoc medicamentum confestim morbum, cum dolore minimo, & si opus sit, vt melius medicamēti vis penetret, specillo corruptam carnē à sana separabis: In horum medicamentorum vsu, vt tutius res agatur, corporis egrotantis temperatura (vt supra aliàs diximus) est diligēter consideranda, nam vt Gal. 2. ad Glauc. testatur, rustici corpus, quod natura durum est, validissima ferre remedia potest: mulieres, infantes, vel pueri, quia molle habent corpus, leuiore poscunt medicinas: virile etiam corpus album, molle balneis assuetum, &

Corruptam  
carnem re-  
motam esse  
quibus co-  
gnoscat.

In fortiorū  
medicamen-  
torum usu æ  
groti tempe-  
ramentū cō-  
siderandū &  
partis affe-  
ctæ natura.

in



inexercitatum: leuia etiam exposcit medicamenta. Partis præterea affecta natura est consideranda: nunquid nervosa, carnosae sit, & nunquid facile, an difficile putrescat. siquidem nervosa pars, quia maxime sensibilis est, fortia remedia non feret: præterea carnosæ, & humidae partes putrescunt facilius, quocirca citissime illis non leuia medicamenta sunt apponenda, quale Aegyptiacum esset, & lupinorum decocto, in lixiuio facto partes illæ fouenda: Sed quando medicamenta hæc admouentur, defensionum parti sanæ, quæ corrupta est proxima, applicare mirum in modum conducet, quo facto escharæ casus procurandus, aut tetrapharmaco medicamento, ut Gal. 2. ad Glauc. scribit, vel alio simili vnguento, quod si alicui in appositione tetrapharmaci, & similium, viderer mihi met non constare, cum dixerim humida, & concoquentia, gangrænæ, & syderationi nullo modo conuenire, sed exiccantia. Responderẽ nunc amplius nec gangranam, nec syderationem esse, quoniam iam extinctæ partes sunt, nec ratione gangrænæ aut syderationis admouentur, sed alterius symptomatis gratia, vel ut crusta cadat: post cuius casum; si adhuc inflammatio adsit: quam etiam adesse credendum est, ex tot calidorum vnguentorum appositione, vnguento pompholigis, quo nullum aliud præstantius inflammationi illi, atq; intemperiei calidæ, & siccæ, quæ præcipua corruptionis erat causa, occurres, quemadmodum nos sæpe fecimus. nec post ablationem causticorum medi-

Inflamatio.  
ni post casū  
escharæ reli  
ctæ, quibus  
occurres.



camentorum calida adhibenda sunt medicamenta, sed frigida propter adductas rationes, & vt nos docuit experientia: quia saepe ex calidorum medicamentorum impositione, intendi corruptionem videbis, ex istis enim inflammatio augetur, & adustio deinde fit, quapropter meth. à nobis tradita procedendū est, nisi gangrena, & corruptio ipsa causam traxerint à sanie, in particula aliqua contentā, in magnis abscessibus, quæ sua nitrositate, & acrimonia partem mortificet, quæ si educeretur, nec gangrenam, nec corruptionem faceret, & sponte corrupta pars à sana separaretur: Verum si seuiret morbus adhuc, propter maximam humoris corrumpentis malitiam, ad ferrum confugere cogereris, & sic putrefactam carnem, à sana separatam nouacula excideres, vel forpicibus emortuam illam carnem, solum ad viuam vsque secares, vt facilius medicamenta ipsa vim suam exercere, & semiputridam partem exiccare possent, vt Gale. 2. ad Glauc. & Paul. scripserunt: Post excisionem escharam inducens medicamentum superpones, qualis esset calcitis simplex, vel calchanthum, quod apud nos facilius reperitur, & melius feceris si efflorescentiam illam albam, quæ supra calchanthum nostrum est, imposueris, quæ quidem calcitidi magis assimilatur, quam interior calchanthi pars, vel sandaracam Græcorum, quæ pars est auri pigmenti, à natura magis elaborati, aut ipsum aurum pigmētum, aut æris æruginem, & similia, vt argentum etiam sublima-

Post causticorum medicamentorum ablationē calida medicamenta non sunt adhibenda.

Et Bucar. capite 189. & Cels. lib. 7. cap. ul.

Escharam inducentia medicamenta.

K tum,



Et in lib. de  
simpl. medi.  
fa. & 4. meth

Acrida medi-  
camenta hu-  
mores attra-  
hunt.

zum, quæ omnia si comburerentur, eorum obtunde-  
retur acrimonia, & magis id fieret, si deinde acer-  
rimo aceto abluerentur, vt in præparatione calci-  
tidis faciendum esse admonet Gal. in lib. de compo.  
med. sec. gen. & ex compositis medicinis, proderunt  
antiquorum iam dicti pastilli, nec inter cetera medi-  
camenta sine dolore exedentia, præcipitati puluis  
vltimū obtineret locum, nec orbiculi de minio Ioan-  
nis de Vigo essent etiam negligendi: Vbi igitur me-  
dicamenta hæc imposueris, linteolum frigido aliquo  
medicamento imbutum, vt inflammatio prohibea-  
tur superdabis, vt 3. de comp. med. secun. gen. docet  
Gal. Istis igitur morbis hoc pacto medicinas facies,  
& modo mitia, modo fortiora, pro vt magis, minus-  
ue putrefactum fuerit membrum admouebis. Si le-  
uioribus medicinis opus fuerit, præcipitati pulue-  
rem accipies, quem si conferre non videris, ad for-  
tiora confugies, vt aliàs dictum est, & tuto poteris  
calchanthum cum Aegyptiaco admonere, aut anti-  
quorum pastillos, aut nostram aquam, de super dein-  
de ponendo filamenta Aegyptiaco vnguento illita,  
modo recto iudicio id facias, quod, nec scriptis, nec  
verbis exprimi, aut doceri potest: Aduertendum  
tamen est in horum medicamentorum impositione,  
vt ante optime purgatum corpus sit, quia si impur-  
gatum corpus esset, phlegmon posset acciri ut 4. met.  
dixit Gal. propterea quod acrium medicamentorum  
propriū est, humores ab vniuerso corpore ad affe-  
ctum locum trahere: qui ita facile remoueri non  
pos-



possunt. ut 5. meth. dixit Gal. in fine, ubi de malignis  
 vlceribus agit. & 3. de composi. med. sec. gen. & in  
 lib. de sanguinis mis. ubi cuiusdā patientis scabiem  
 palpebrarum meminit, cui acria admouere medica-  
 menta statuerat, tamen propter corporis plenitudi-  
 nem, hoc facere ausus non fuit, ante corporis purga-  
 tionem, quod etiam faciendum admonet. Auic. 4. 4.  
 cap. de vul. putrid. & si ob morbi seuitiem, ad medi-  
 camenta hæc fortiora confugere coactus fueris, an-  
 tequam purgans pharmacum exhibeas, humorum  
 coctionem expectare non curabis, quoniam humo-  
 res corrupti, prauique coctionem non admittunt, vt  
 Galeni fuit sententia. præterea ob morbi malitiam,  
 non expectata humorum coctione purgans medica-  
 mentū est dandū, vt ipse Gal. 10. meth. illi exhibuit,  
 qui tumore lingue patiebatur cui fortia catapotia  
 exhibuit: quapropter illico cathartico aliquo medi-  
 camēto corpus purgabis, nisi forte in ægroto parua  
 fuerit humorū malitia, vel non magnus fuerit mor-  
 bus: posses enim tunc admouere hæc medicamenta,  
 ante corporis purgationem, vt ostendit Gale. 1. de  
 compo. med. sec. gen. posses etiam hoc facere, si cor-  
 pus plethoricum non esse, vt 11. meth. scripsit Gal.  
 quare si parua fuerit humorum malitia, & vlcus  
 paruum debiliora admouebis medicamenta, absque  
 noua alia purgatione, & tale medicamentum pos-  
 ses admouere, æruginis æris scrup. i. tutiæ præpara-  
 tæ drach. i. minij drach. i. misceantur, & fiat pul-  
 uis subtilissimus: lauabis etiam vlcus aqua alumi-

K 2 nosa,

Corrupti hu-  
 mores cocti  
 esse non ad-  
 mittunt.

Quādo ante  
 corporis pur-  
 gationem a-  
 cria admo-  
 ueri possint  
 medicamēta  
 & 3. & vulg.  
 morb. 62.

Medicamēti  
 modice artis  
 descriptio q̄  
 putredini re-  
 sistit.



nosa, quæ supra modum vlceribus malignis prodest:  
 aqua etiam forti, vbi magna putredo fuerit vti po-  
 teris, quæ tantæ virtutis est, vt statim carnes molles  
 ac semiputres, paucissimo cum dolore vel saltem  
 breuissimum tempus infestante, exiccet, operatur  
 enim quam celerrimè, vt sæpius vidisti, & quam ci-  
 tissimè actuetur, & eius acredo ab humiditate pu-  
 tridi vlceris, vel corruptæ carnis remittitur: me-  
 cumq; senties aquam hanc præstantissimam esse, in  
 corruptionibus istis, & maxime salutarem, præser-  
 tim vbi contusa caro, & corrupta à sana non separa-  
 tur, sed sanam illi proximam inficit, & corrumpit, vt  
 in vitiato pomo fieri solere animaduertimus, in quo  
 pars corrupta pomum totum successiue (vt ita dicam)  
 corrumpit: aqua proinde ista statim malitia, & cor-  
 ruptio illa extinguetur: si itaque aqua hac vti vo-  
 lueris, gossipione, vel lini filamentis, specilli cuspi-  
 dem inuolues, aquamque illam filamentis illis, vel  
 bombice sic excipies, putrem deinde carnem contin-  
 ges, & manum aliquantisper continebis, vt facilius  
 actuetur, atque hoc pacto madefactum vulnus filis  
 siccis replebis, & refrigerans aliquod vnguentum,  
 vt præternaturalis calor quo affectum vlcus est, &  
 ex acribus medicamentis contracta intemperies remit-  
 tatur, impones, quale illud esset, quod ouorum al-  
 bumina optime concussa capit numero tria, boli ar-  
 menæ vncias duas, oxymellis simp. vncias duas, quo  
 linteolum illines, & vulnere, & proximis vulnere  
 partibus admouebis, & bis, terque, prout morbi ma-  
 gni-

Quoniam aqua  
 forti utendū  
 & quid post  
 quam aqua  
 hac vlcus fu-  
 erit madefa-  
 ctum, sit fa-  
 ciendam.



gnitudo postulabit, sic affectæ parti medeberis, donec corruptam carnem separari, & morbi vim remitti cognoscas, post hæc medicinas quæ inductam escharam remouere possint, admouebis, quale esset vnguentum pompholigis, & præcæteris quotiescunque ad ægrum accesseris, vlcus aqua plantaginis, vel calibeata, in qua rosæ, cum hordeo, camphora, & alumine rochæ decoctæ fuerint, lauabis: in qua aqua si tendo aliquis sit detectus, puluis huiusmodi infundatur, qui partem vnā aloes hepaticæ, & cadmiæ præparatæ, (quam tutiam, vel pompholigem appellant) partē mediam capit. Exedens aqua illa, & corruptam carnem tollens, sic paratur. Summe calchanthi libr. duas, aluminis rochæ, (quod liquidum volunt nonnulli) libr. vnā, salis nitri libram mediam, simul calchanthum, & alumen trita misceantur, & in vase terreo ponantur, & igni admoueantur, non tamen vsque ad rubificationem, sed tantum, vt partes tenues per halitum resoluantur, & ab ignis vi exiccetur. postea addito nitro in vas, quod botiam dicunt, recipiantur omnia, luto sapientiæ inuolutum, & contectum, cū capello (vt aiunt) & vase, quod stillas recipiat, optime etiam omnibus orificijs, & partibus, vbi vasa hæc committuntur, & coniunguntur luto constipatis, & ad ignē secundi gradus, hoc est per cineres, secundum artem chymicam sublimentur, & destillentur: destillatam deinde aquam, in vase vitreo optime clauso, & obturato ad vsum seruabis: verum in principio ignis il-

Medicamentū, intemperiem ex usu medicamentorum acriū contractam, remittens.

Vlcus quibus aquis laundum, & qui pulueres in aqua iniiciendi si nudatus tendo fuerit.

Quibus illa aqua exedens & fortis præparatur.

Qualis ignis esse debeat.



Candēti ferro an phar-  
maco quod  
potētia cau-  
terio afficiat  
in ulceribus  
putridis sit  
potius uten-  
dum.  
& Haly. abb.  
9. præct.  
Actualis cau-  
terij cōmo-  
da.

Quādiu per-  
urendum sit  
putridum ul-  
cus.

le secundi gradus sit mediocris, qui gradatim augea-  
tur, prout eorum, quæ in botia continentur sit reso-  
lutio, & aqua ista vti poteris, si calchanthi oleum,  
aut sulphuris defuerit, vti etiam poteris aqua tar-  
tari, quæ cæteris leuior est, & hæc in principio vte-  
ris, cum semper à leuioribus sit inchoandum. At si  
morbi vis sit talis, vt vinci difficile queat, & vltē-  
rius malum serpat, post partis corruptæ incisionem,  
candenti ferro ulcus inures, ut dixit. Aet. 2. tetra-  
fer. 4. & id facere præstiterit magis, quā si aliquod  
quod potentia cauterio afficiat, admoneris, ut Bu-  
ca. placuit. actuale. n. (ut isti dicunt) cauterium,  
parti robur addit, & malitiam citissime aufert, &  
paruo dolore afficit, nec quemadmodum potentiale  
(ut sic loquar) malam relinquit intemperiem, & ut  
semel dicam nullum remedium præstantius ipso igne  
est, modo Gal. præcepta 14. meth. obseruentur, ut  
scilicet operatio citissime fiat sine dolore si possibile  
est, uel saltem cum dolore paucissimo, & tuto. Sed  
quod medicamentum partis corruptionē aliquā, tu-  
tius, & citius, & cū minore dolore remouebit, quā  
candens ferrum? quapropter post putrefactæ car-  
nis sectionem, locum tantisper ferro ignito adures,  
dum mollis illa caro, durior, solidiorq; effecta fue-  
rit, caue tamen ne plusquam par sit, partem illam  
inuras, sed solum quoad caro illa putrefacta, perfe-  
cte exiccata sit, perurendum ulcus est: quando exic-  
cata fuerit caro illa, tactu id cognosces: post hæc do-  
lorē remittentia medicamenta appones, qualis esset  
por-



porri succus, quem Gal. 2. ad Glauclaudat, in cuius sententiam omnes etiam Græci iuere, uel (ut nos solemus) oui albumen cum aceto, & aqua rosacea concussum subinde admouebis, eschara deinde ut cadat, operam dabis, uel butiro, uel emplastro ex triticea farina, aut hordeacea, cum hydrelæo, aut trapharmaco unguento, quo etiam Gal. utebatur: Tandem si adhuc putrefactio aliqua relicta fuerit, eam aliquo ex medicaminibus dictis auferes: Nos tamen frequentissimè ingentes corruptiones, his de quibus paulo ante egimus medicinis remouimus, nostra præsertim illa aqua, absque ferro aliquo ignito, utimurq; sæpius hoc remedio, quia nimis ab ægrotantibus ignis formidatur, semper tamen summam diligentiam adhibeas oportet, ut corruptionis causam remoueas, quod consequeris, si purgantibus medicinis, sæpius humores malos in corpore contentos, eduxeris.

De membri sphacelo affecti, & corrupti excisione.

**S**I morbus iam tantam fecerit corruptionem, ut carnem, neruos, ossaq; uitio affecerit, ut fieri nōnunquam 2. de fract. dixit Gal. ac spiritibus naturalibus, uitalibus, & animalibus membrum priuauerit, ita ut curationis nulla spes reliqua sit, neq; solū partem illam non seruare posse speremus, uerū etiam ne sensim proximæ partes corrumpantur, impende-

Dolorem remittentia.

Si eo peruenit corruptio, ut curatione desperetur membrum excidendum est.



re periculum videamus, membrum, ut ante diximus excidendum est: quandoquidem, ne proximæ partes corrumpantur, membri quod paulatim emoritur sectio, vnicum restat auxilium, licet miserrimum vt Cel. inquit. si quidē quod putruit, tāquā venenū suo contactu, quod adhuc sanū, & integrum est corrumpit, & inficit. Totum itaq; membrum abscindendum, vt Hipp. ait 4. de art. cum membrum denigratum, & emortuum fuerit. Sectio autem secundum Cel. 7. lib. fiet hoc modo: loro aliquo prius membrum supra corruptam partem deligabis arētissime, ita vt aliquo modo obstupescat, nouacula deinde infectā partem à sana separabis vnde quaque, ad ossa vsque, post hæc ferra optime fabricata ossa quam citissime præcides. præterea venæ, arteriæq; sectæ, & semicorrupta illa caro, candenti ferro adurenda, primo aptissimum erit falcatum instrumentum, deinde alio instrumento, vel gladij formam habente, vel aliam formam, vt sanguinem comprimas, vti poteris, vel si videbitur, membrum illud, à quo putrefacta illa pars abscissa fuerit, ad sanam vsque partem in simplex oleum feruens, aut cum sulphure colliquato admixtum, immerges: Verum candentia hæc feramenta eadem omnia, quæ ipsum oleum vel simplex, vel cum sulphure admixtum efficeret, præstabunt. Sed tamen vt cautius res peragatur, loco, à quo excisum membrum fuerit, puluerem combustī chalcantī, quod ab Arabibus colcotar nuncupatur insperges, deinde dolorem sedans medicamen-

Quod putruit suo cōta  
Et reliquū  
inficit.

Quando mē  
brum sit ab-  
scindendum

Quo fiat se-  
ctio, & quid  
post sectio-  
nem facien-  
dum

Locus à quo  
mēbrum fue-  
rit abscisū



mentum, & sanguinis fluxum compescens appones. Aliter tamen recentiores Medici putrefactum mēbrum præcidentes faciunt, qui vno, & eodem tempore instrumento quodam candenti, gladij magni formam habente, membrum excidunt, & carnem, venasq; , & arterias adurunt, vtunturq; huiusmodi instrumento, ne sanguinis magnum sequatur profluvium, nec quot incōmoda (quæ mox ostendemus) sequantur animadvertunt. Nos tamen corrupta mēbra, ita vt diximus amputare solemus, & hunc secandi modum nostro Marte excogitatum, & multis rationibus munitum semper seruabis: Membro igitur in sana parte arctissimè deligato, si à iunctura corruptio distabit, vel propè articulum, aut in ipso met articulo, si ipsi articulo proxima fuerit corruptio, membrum transversum amputabis, vt Hpp. fuit sententia 4. de art. Si autē in sana parte secaretur membrum, modo sectio illa supra genu, vel supra cubitum fieret periculosissimum esset, propter insignia vasa, quæ ibi adsunt, & propter principium membrorum vicinitatem, quare supra articulos illos, seu iuncturas, & præsertim supra genu, nisi coactus, sectionem facere non auderem. Facta ergo sectione, in sana parte, potiusquam in ægra, nouacula optimè cædente, quam celerrimè ad os ipsum vsque, antequam scindatur os, instrumento falcato candenti vasa omnia, à quibus sanguis profluit, quæ in summa parte sunt, adures, & fluxum sanguinis sistes. serra deinde os præcides, & rursus alijs idoneis

calchati put  
uere est a-  
spargendus.  
Recentiorum  
medicorum  
modus in ex-  
cidendis mē-  
bris dānatur

In qbus lo-  
cis sectio in  
parte sana fa-  
cta periculo-  
sa.



Post præcisi-  
onem q̄ appo-  
nenda sint me-  
dicamenta.

Membrū præ-  
cisum quō  
locandum.

Tertia die  
post mēbri præ-  
cisionē quid  
sit faciendū.

Præcisorum  
uasorū oscu-  
lis, q̄ puluis  
semp̄ appo-  
nendus sit.

neis instrumentis ignitis, quæ in extremitate globu-  
lum quendam habent, oliuæ vel sphaerulæ similitu-  
dinem referentem, vasa illa, quæ in sana parte sunt  
adures, & calchanthi puluere cum sarcocolla in-  
sperges, vt crassiorem crustam contrahant, deinde  
platisma ex pilis leporinis conceptum, ouorum al-  
buminibus, bolo armena, aloë, & similibus oblitum,  
vt sanguinis fluxus comprimatur, admoueabis, & stu-  
pam eodem oblitam medicamenro superdabis, de-  
fensiuumq; sanæ parti adhibebis, membrumque fa-  
sciatura (vt aiunt) retentiuâ obuolues, ac cliue præ-  
terea mēbrum collocabis, ne faciliè ad excisam par-  
tem sanguis fluat. Tertia die medicamentis illis,  
posca, vel vino nigro prius madefactis (vt facilius  
à pilis, & à vulnere remoueat) remotis, penicil-  
los, & puluillos ex filamentis mollibus conceptos,  
& tetrapharmaco vnguento illitos, quibus eschara  
remoueat, vt 2. ad Glauc. faciebat Gal. & dolor,  
inflammatioq; remittatur, vt idem 3. de fract. ad-  
monebat, admoueabis: qui rursus in oleo hyperico-  
nis, vel momordicæ, tum ad dolorem leuandum, tum  
ad coctionem adiuuandam madefieri debent: Nec  
ex memoria excidat, super vasorum præcisorum ori-  
ficia, puluerē aloës hepaticæ, & boli armenæ orien-  
talis ponere, qui non solum sua natura emplastica  
sanguinis fluxum compescet: verum etiam à putre-  
dine, nervos, tendines, vasaq; tuebitur. Absoluta  
coctione nullo superueniente symptomate, leuiter  
in principio, medicamento abstergente inferius de-  
scri-



scripto, vlcus absterges, ad sarcotica deinde, & tan-  
dem ad epulotica descendens medicamenta: insti-  
tuta ante ea victus ratione, quæ affectis maximis  
vulneribus conuenit. In membrorum amputatione  
antedictum malui seruare modum, quam antiquos  
aliter membra præcidentes sequi. Verebar siqui-  
dem si eos imitarer, ne ingens aliquod sequeretur in-  
commodum, vel ex serra, vel ex ægrotante, vel ex  
ministris, quod opus impediret, & maius deinde fie-  
ret sanguinis profluvium, propter quod facile æger  
deinde moreretur. Quocirca, ne in hac re pecca-  
rem, falcato nostro instrumento prius sisto sangui-  
nem, quam os abscindam, aut inurem: cæterum si fer-  
ro illo cadente, & candenti præciderem membrum,  
vt eodem tempore, & secare, & cauterio afficerem  
(quod tamen Medicis nostræ tempestatis placet)  
Cel. aduersarer grauissimo authori, qui lib. 8. capi.  
3. nervos igne calefacere prohibet, & ab Hipp. in  
lib. de art. & Gal. in eiusdem lib. com. sententia di-  
scederem. quocirca, ne à principibus medicinæ dis-  
sentirem, neq; aliquid offenderem, neque cum nostri  
temporis Medicis in eodem errore versarer, mem-  
brum, eo quo diximus modo excidere placuit: siqui-  
dem, post incisionem nouacula factam, nerui quia  
statim contrahuntur, si ignitū admoueatur ferrum  
non aduruntur: præterea membri abscisio celerius  
absoluitur hoc modo, quam si gladio illo ignito, &  
cadente eodem tempore, membrum, & abscindere-  
tur, & inureretur, atque hoc pacto, opus, breui tē-  
pore,

Quare portus  
antedicto mo-  
do, quam re-  
ceterorum mo-  
re membra sit  
excidenda.



Obiectio.

Et Gal. 2. ad  
Glaucō.Non semper  
in sana par-  
te præciden-  
dum mem-  
brum.

pore, paucō cum dolore, & tuto, ut Gal. 14. meth. iu-  
bebat, perficitur, ut cuique hæc quæ docemus dili-  
genter perpendenti, manifestum erit. Si autem quis  
obijcerit me abscisionem in parte sana fieri iubere  
contra Pauli placita lib. 6. cap. 84: qui inter sanam  
& corruptam partē membrum amputat, sana om-  
nino parte, intacta: Dicerem id in omni abscisione  
esse faciendū non suadere, & veram esse Pauli sen-  
tentiam in excisione, non totius membri, sed partis  
alicuius corruptæ: quæ tamen adhuc os ipsum non  
vitiauerit, ita ut membrum vniuersum sit ampu-  
tandum: si. n. os vitio esset affectum, & pars ea pu-  
trefacta quæ relinquitur adureretur, in exiccatio-  
ne illa os detegeretur, & carne detectū relinqueretur,  
quod deinde amouere esset laboriosum cum car-  
ne amplius tegi nequeat, & debeat discedere, ut in  
lib. de fract. scripsit Gal. Sed si infectum os fuerit,  
quandoq; in sana parte secare erit rationabile, ne  
corruptum os derelinquatur, & post carnis excisio-  
nem os ipsum deinde excidere, præsertim quando sa-  
na illa caro, post venarū, & arteriarum obstructio-  
nem (ut ita loquar) sæpius ut cauterijs afficiatur  
non eget, ut si semiputrida, corruptaq; caro relin-  
queretur, quæ sæpe candenti ferro adurenda, exic-  
candaq; esset, ut citato loco Galeni fuit sententia,  
& sic Pau. sententia & Gal. 2. ad Glau. intelligen-  
da est, cui ceteri quoq; probati subscribunt autho-  
res. Verum cum duobus modis excidi membra pos-  
sint, an in sana parte sint amputanda, an ut Paul.  
lib.



lib. 6. cap. 84. & Gal. 2. ad Glauc. dicebant, inter sanam & corruptam, quid de hac re sentiam fatebor ingenuè, dicamque, perpetuo, neq; in sana, neq; inter sanam, & agram partem esse membrum secandum, quia in sana parte excidere quandoq; profuerit magis, quam in corrupta, præsertim cum non certo sciamus, nunquid maligna illa putredo ulterius sit progressura, & hoc tempore secandum in parte sana membrum est, quod si membrum ulterius corruptum iri, certo sciremus, tunc inter sanā, & agrā partem transuersum membrum possemus secare: obseruando tamen hoc in ipsa incisione, quæ fiet inter sanam, & affectam partem, vt primum sectio carnis putrefacta fiat, deinde antequam secetur os ignito ferro, tota semiputrida caro exiccetur, quoad fuerit consumpta, & ipsa inustio ad sanam partem peruenerit. post hæc os ipsum proximè carnē, quam poteris maximè secabis, ne denudatum post sectionem, & detectum relinquatur: In hac incisione nullus dolor fiet, nec vlla sanguinis sequetur profusio, cum iam caro illa emortua sit, atq; si debilis virtus esset, non imbecilior redderetur, ita vt si in sana parte sectio fieret: Quando autem hoc faciendum sit, docere est difficile, fortasse longo vsu sine præceptore discas, sat sit ex Gal. sententia sectionem hoc modo fieri posse ostendisse: Sed vt transuersum dissectum os contegatur in membrorum incisione ministris iubere soleo, vt amputandum membrum contineant, & ad se quantum possunt membri illius cutem

Verum in sana parte, an inter corruptā & sanā partem excidendum membrum sit.

In incisione quæ inter sanā & affectā partem fit, quid obseruandum.

Vt dissectū os contegat quid faciendum sit.



rem, carnemque trahant, ut dissecta pars, in cutis, & carnis musculorum relaxatione, facilius tegatur, atque ita quandoque statim os illud contegitur, ut nullo modo conspiciatur, ex quo facilius curatio absoluitur. hoc tamen commodo careremus, si extra carnem os promineret, quod chirurgia esset deinde remouendum, & si naturæ permitteretur, nisi post longum tempus abscederet. In iuncturarum amputatione ut os contegatur, diligentius soleo obseruare, iubeoque ministris, ut quantum in ipsis est, pellem, quæ supra iuncturam est, ad se trahant, facta deinde arctissima ligatura, membrum in ipso articulo, excido, vasa præterea sanguinem effundentia inuro, post hæc ut ministri, quam contraxerant manibus pellem, carnemque remittant, impero, quæ quandoque bonam iuncturæ partem, non nunquam totam iuncturam sponte contegit, non secus ac si dedita opera manu attraheretur coniungereturque, & nullis, vel paucis saltem, ut sanguinis fluxus compescatur, membrum eget cauteriis quippe à pelle illa vasa conteguntur, & fluens sistitur sanguis: sed tamen, ut melius pellis committatur, digitis non nihil eam attrahes, deinde eo modo, quo pelles fiuntur, illam consues, dando operam, ut omnino iunctura contegatur, emplasticis postea medicinis vulnus, ut dictum est communies. Neque hunc modum amputandorum membrorum à me relatum, & obseruatum Venetorum lictores ignorauerunt, qui facinoroso alicui homini manum excisuri, pellem, eo (quæ diximus)

mo-

In iuncturarum amputatione, ut os contegatur diligentius obseruandum.

Mos, qui à lictoribus Venetorum in manibus facinorosorum hominum amputandis obseruatur.



modo ad superiora contrahunt, & post manus amputationem, illico contractam pellem laxant, & diligenter circa iuncturam consuunt, vulnereq; ventrem gallinæ morientis adhibent, nec vllum deinde fit sanguinis profluvium. Nec hoc à Gal. sententia abhorret, qui 5. meth. scribit, sanguinis fluxum sisti, ex propriae cutis superpositione, quapropter tuto hoc modo membra secabis, qui si tibi satisfecerit illum te docuisse non me penitebit, daboq; operam dijs volentibus, ut propediem, & maiora, & utiliora intelligas.

## DE ERYSIPELATE.

**V**ulneribus etiam inflammationem illam quæ erysipelas dicitur in lib. de vlc. scribit Hipp. & ex eiusdem sententia, non solum (æstiuo præsertim tempore) circa vulnus, sed ipso etiam vulnere nascitur. In istis autem vulneribus à sclopetarijs globulis factis, quoniam ex vehementi contusione, & attritione maximus accitur dolor, qui humores attrahit, sæpissimè erysipelas contingit. verum cum erysipelas variæ accersant causæ, ut sæpe alias admonuimus, eius causâ quæ fuerit est exploranda, & remouenda, quod etiam in omnibus alijs morbis curandis observandum diligentissimè est, siquidem morbi causâ non ablata, morbum ipsum remoueri est impossibile, ut Gal. 3. art. med. & in lib. de oprima sec. ad Trasib. dicebat: est autem erysipelas inflama-  
tio

Et Paul. lib.  
4. Auic. 4. 4.  
Gal. 3. & 4.  
meth.

Erysipelas  
variæ accer-  
sant causæ.  
Morbi cau-  
sa non abla-  
ta.  
Morbum ip-  
sum auferre  
est impossi-  
bile.  
Et 14 meth  
& 2 ad Glau



Quid sit ery-  
sipelas, &  
unde fiat  
& Gal 4. me-  
th.

Duplex ery-  
sipelas.

& 5. aph. 23.

Phlegmō e-  
rysipelatosus

Ex puro hu-  
more rarissi-  
me fit morb

Quando esse  
circa uulnus  
erysipelas co-  
gnoscatur.

tio à flaua bile facta, ut in lib. de tum. præ. nat. ait Gal. quæ tamen fit ut plurimum ex malorum humo-  
rum abundantia in corpore existentium, ut Hipp. in lib. de vlc. dixit, aut ex usu medicamenti alicuius calidi nimis, ut Gal. in lib. de inæq. intep. refert, qui sic scribit, Iam ex medicamentis, quæ foris corpori occurrunt, inæqualis intemperies gignitur, &c. aut ex ambiente aere calido, vel etiam ex stricta nimis ligatura, vel causa alia procatartica, ut ex contusione forti, quemadmodum in istis vulnerationibus contingere solet: ex forti enim contusione cum grauis excitetur dolor, humores attrahuntur, & præcipuè biliosi, qui tennes admodum sunt, prompteq; fluunt: Rursus duplex fieri potest erysipelas, purum ex flaua bile, & non purum, ex sanguine flauæ bili admixto, vel alteri humori, ut citatis locis legitur. Atq; erysipelas, vel ulceratum esse potest, vel non ulceratum, ut 14. meth. scribebat Gal. de ulcerato, hoc loco verba non faciemus, sed de eo solum, qui ex sanguine flauæ bili admixto fit, quod erysipelas phlegmonosum dicitur. erysipelas à sanguine tenuiori factum dicitur etiam phlegmon erysipelatosus, semper ab humore vincente nomen assumens, ut adductis locis scribit Gal. Notandum tamen est, rarissimè ex puro quopiam humore morbum fieri, ut 2. ad Glau. scribebat Gal. Erysipelas circa vulnus esse cognoscetur, quando undiquaq; rubor apparebit in partium vulneri proximarum superficie, quas si digito compresseris, rubor ille statim disce-



scedit, sed ubi remoueris digitum illico rubor ille re-  
currit, vt 2. ad Glau. dicebat Gal. & Auic. 3. 4.  
cap. proprio, ubi quæ scripsit omnia ex Gal. desum-  
psit, ruborq; in sola cute est, vt in lib. de tum. præ-  
nat. ait Gal. atque hanc affectionem sæpe subsequi-  
tur febris, vt Cels. ostendit cap. de accid. vul. quare  
si vulnera hæc febris sequatur, si erysipelate corre-  
pta sint non mirum erit. Si verò non solum cutis ip-  
sa, sed vulnus erysipelate laboret, vulnus sensibilius  
reddetur, quam si caro symmetriam propriam serua-  
ret, & ita quandoq; efficitur sensibile, ut vix specil-  
li bombice inuoluti, leuem contactum ferat, carnis  
præterea color rubicundior videbitur, & nonnun-  
quam pustule excitantur miliares vt 4. 4. cap. 6. di-  
xit Auic. quæ nonnunquam per cutem serpunt, qua-  
rum causa est vitiosus humor salsus, vel biliosus in  
corpore existens, aut acris sanies partes illas ero-  
dens. Si pustulas has cacochymia excitauerit, cogno-  
sces ex corporis tēperamento, & ex victu, quo æger  
ante vsus fuerit, quare victum qui alteret institues,  
& corpus vniuersum purgabis. Si sanies acris pu-  
stularum illarum causa fuerit, victum quoque alte-  
rantem institues, & vnguentum ex lythargirio, vel  
cerusa, uel minio, quod in plumbeo mortario, cum  
aceto, & succo solani, vel plantaginis sit cōfectum,  
admouebis, & leuiora, & fortiora huiusmodi pa-  
rabuntur medicamenta, pro vt pustularum circa  
vulnus, vel in ipso vulnere existentium, malitia po-  
stulabit. Si itaque malignæ fuerint, & fortius me-

Et 13. meth

Vulnus erysi-  
pelate labo-  
rans sensibi-  
lius redditurEx cacochy-  
miapustulas  
miliares, in  
erysipelate  
genitas esse  
quibus no-  
tis cognosca-  
tur.Malignæ pu-  
stule fortius  
postulāt me-  
dicamentū.

L di-



BARTHO. MAGG.

Pustulæ in-  
ueteratæ, &  
prurigo sine  
ulceribus q-  
bus remo-  
ueantur.

Quibus no-  
tis erysipe-  
las phlegmo-  
nosum extra  
necus exillēs  
dignoscatur.

dicamentum requirant, eas decocto radicū lapati,  
& chelidoniæ maioris cum sale lauabis, aut similia  
medicamenta, cum prædictis succis admouebis. Sed  
si pustulæ circa vulnus, vel prurigo sine ulceribus  
inueteratæ fuerint, post habitis vulneribus, mirum  
in modum humoris peccantis conferet euacuatio:  
humores autem in loco contenti caprificationibus  
euacuari poterunt, vel hirudinibus, pustulis ipsis,  
vel partibus pustulis ipsis proximis admotis, ad to-  
pica etiam iam dicta remedia confugere poteris,  
quæ si tantæ virtutis non fuerint, vt morbum illum  
omnino possint auferre, pustulas illas nostra aqua,  
vel sulphuris oleo, vel calchanthi, leuiter madefa-  
cere poteris, vt malitia illa, & mala illa intempe-  
ries in parte contracta, remoueatur, & extingua-  
tur, Galenum imitando qui 4. de comp. med. sec. gen.  
in lepræ curatione, indurata cutem, & scædam iu-  
bet abradere: nos tamen pro abrasione, caustico ali-  
quo, vel acri medicamento utimur, in morbis huius-  
modi inueteratis, quod quauis aliquem inferat do-  
lorem, maxime tamen confert: adhibemus frigida  
medicamenta, quibus tandem remouetur excitatus  
dolor, & huiusmodi causticis medicinis, inueteras  
tales affectiones, & impetigines sæpius curauimus  
fæliciter. Si extra vlcus erysipelas phlegmonosum  
fuerit, præter dicta symptomata aderit tumor ma-  
ior, & durior, nec rubor ille, quem compressione di-  
gitis facta expuleris, ad locum tam cito regreditur:  
aderit etiam intensior dolor, ut apud Gal. & alios me-



medicinæ authores poteris legere. Verum quauis inter puri erysipelatis, signa, dixerim esse rubedine, non tamen de purissimo erysipelate dictum fuit, sed de eo, quo dari simplicius potest, quoniam scis Gal. in lib. de plenitud. carnem, & sanguinem solum rubere dixisse, ideo cum ibi rubor sit sanguinis peccatum uidetur indicare, qui re uera tenuissimus est, nec erysipelatis ueri proprius est color, sed flauus color: puri erysipelatis est proprius, absq; tumore ullo, & granitate, sicut Gal. in lib. de plen. ait, quoniam peccans bilis tumorem nullum, nec grauitatem facit: diximusq; illud esse purum erysipelas, respectu alterius erysipelatis, quod si ex succis uitiosis, biliosisque fiat, curabitur, si humores ipsi euacuabuntur, secus autem, nunquam vulnus curaretur, aut coalesceret: huiusmodiq; humores multis modis euacuari poterunt, uel sanguinis missione, ut Cels. ait, scopis stantibus, qui in sanguinis missione spectari debent, cui assentire uidetur Auic. 3. 4. sed sanguinis missionem esse faciendam dicit ipse quando materia est inter duas cutes, hoc est, quando materia, & cutem, & carnem occupauerit, morbusque fuerit factus, qui magnus possit nominari, tunc ratione morbi magni, & peccantis sanguinis, missio illa sanguinis conueniet: licet Gal. 2. ad Glauc. & 14. meth. & Paul. lib. 4. in erysipelate sanguinis missionem prohibere uideantur. quam tamen, licet Cels. & Auicenna probauerint, non semper tamen in omnibus erysipelatibus sanguinis missionem proba-

L 2 uisse,

Rubedo i purissimo erysipelate non est.

Flauus color proprius est puri erysipelatis.

Erysipelatis ex succis uitiosis, biliosisque curatio.

In omnibus erysipelatis non conuenit sanguinis missio.



uisse, est intelligendum, sed in non exquisito, uel ubi plethorico corpori contingit, tunc enim sanguinem audacius mittimus, quàm ubi bili est sanguis admixtus, atque eger inflammatione ingenti, magnaque febre uexatur, post sanguinis missionem, cataracticum medicamentum propinamus, quo uitiosus humor educatur, ut Hipp. in lib. de ulce. his uerbis docebat, si uulnus erysipelas occupauerit, corpus purgare oportebit, per superiora, uel inferiora. Hippocrati assentitur Gal. 4. & 14. meth. qui etiam sic scribit, quid opus est dicere? erysipelati nullum præstantius remedium, quam medicamentum flauam bilem educens: bilem itaq; purgabis rore melleo quem manna appellant, uel simplici uel rhabarbaro admixto, uel electuario ros. Mes. uel cassia fistulari, uel mucaro rosaceo, & similibus medicamentis, quæ omnia recenserem, nisi me superfluo facturum putarẽ, si in nostros hos sermones, ea quæ ab alijs longa oratione, & doctissime scripta fuerunt, transferrem. Si erysipelas exiguum fuerit, acri clystere uteris, ut Gal. 2. ad Glau. dixit, purgatio quoque sola, absq; sanguinis missione conferret. Si febris aderit, quam excitauerit erysipelas, medicinis alterantibus (bile euacuata) remittetur. Si autem ab humorum agitatione febris ea sit facta, ut fieri sæpissime solet primis diebus, quando uulnus acceptum est, præsertim si corpus, aut putredini paratum, aut malis refertum humoribus, aut uehementi affectum dolore, propter contusionem, uulnus acceperit, medici-

Quibus pcc  
cās bilis pur  
getur.

Exigui erysi  
pelatis cura  
tio.

Febris ab ery  
sipela. uel  
ab humorū  
agitatiōe ex  
citata, qbus  
remoueat



dicinis temperatè euacuantibus, & alterantibus  
 medicamentis, & congrua victus ratione remouebi-  
 tur, & vsu frigidorum, & humidorum, quæ corpo-  
 ris temperamentum, & humorum illorum abundan-  
 tiam alterent, vt 10. meth. de ephæmeris, & putri-  
 dis febribus dicebat Gal. si erysipelas ab extrinseca  
 causa ortum esset, aut ex acrium, vel calidorum me-  
 dicamentorum appositione, vel ex calido aere am-  
 biente, vel ex forti constrictione, vel ex contusione,  
 nulla stante in corpore cacochymia, vel plenitudi-  
 ne, quam adesse, vel abesse facillè deprehendes, per  
 vniuersalia discurrendo, neque venæ sectione, neq;  
 purgatione vlla opus erit vt Cels. ait lib. 5. sed dun-  
 taxat extrinseca causa auferenda. Topica deinde  
 sunt admouenda, quæ à quacunque causa factum sit  
 erysipelas (modo in corpore cacochymia nō sit, quia  
 tunc ad membrum aliquod humores repellerentur)  
 frigida esse debent, vt Hipp. in lib. de vlc. refert,  
 vbi exemplum solani adducit, non tamen adstrin-  
 gentia debent esse, aut parum saltem adstringere, vt  
 Gal. 10. de simp. med. & alibi cum humiditate: vt  
 Paul. lib. 4. cap. 58. Tamen cum circa vulnus sit  
 erysipelas quod exiccationem postulat, non mirum,  
 si etiam vnguentum cerusæ, in quo camphora est,  
 succo plantaginis, vel solani, vel semperuini, & si-  
 milium lotum, apponitur, & vnguentum albū Pau.  
 vel vnguentum album Rasis, in quo sit camphora,  
 vel camphora careat, & infrigidans Gal. 11. meth.  
 & 6. de tuen. val. descriptum. Verum vt medicā-

Erysipelatis  
 à causa ex-  
 trinseca orti  
 curatio.

Et Gal. 2. ad  
 Glauco.

Topica erysi-  
 pelati cōue-  
 nientia frigi-  
 da eē debēt.  
 Et Gal. 10. d.  
 simp. med. f.  
 & 1. de cōp.  
 med. se. gen.  
 & Gal. 2. ad  
 Glauco.

Vnguēta nō  
 nulla erysi-  
 pelatib. con-  
 uenientia.



Parti erysi-  
pelate labo-  
ranti sæpius  
apponi, & re-  
moueri me-  
dicamēta de-  
bent.

Quare semp  
digerēs ali-  
quod medi-  
cinis erysi-  
pelati cōueni-  
entibus miscea-  
tur.

menta hæc maiorem afferant vtilitatem, sæpius re-  
moueri debent, & recentia iterum apponi, vt Gal.  
dicebat, quoniam cum calida effecta sunt, non mo-  
do non refrigerant, sed calefaciunt, quapropter re-  
mouenda sæpius sunt, præsertim si in vulnere, vel  
circa vulnus magna adsit inflammatio, conferet  
etiam vnguentum ros. Mes. cauendum tamen, ne in  
vulnus cadat ne propter vinctuositatem vulneri of-  
ficiat, sed eo solo, vel alicui succo frigido admixto,  
vulneri circumiacentes partes inungantur. Ad hūc  
quoq; vsum aptum est vnguentum de spuma argen-  
ti, vel populeonis, præsertim vbi aliquis infestet do-  
lor, quibus linteolum illines, & vulnere, cui prius  
propria medicamenta adhibita sint, superdabis. Et  
si vlcus erysipelate vrgeatur, medicamenta ista,  
aqua rosacea, vel plantaginis abluantur, aut lacte  
caprino, aut vaccino, aut mulieris lacte, bono tem-  
peramento præditæ, vel aliquo ex prædictis succis  
frigidis, & siccis, quibus intemperies remittetur,  
neq; vlceris indicationem contemnes, quoniam non  
nihil siccabis. Ad mitiora etiam si opus sit confu-  
gere poteris medicamenta, vt ad vnguentum pom-  
pholigis, & ad linamenta sicca, quæ etiam paranda  
sunt quia vulnere intensa febris coniuncta est, vt, &  
vlceris, & totius corporis intemperies, quam febris  
ipsa excitauit, remittatur. Neq; admiratione affi-  
ciar, si semper frigidis his medicinis, digerentia  
aliqua admisceantur, quale oleum est, siquidem sem-  
per opera est danda, ne ex frigidorum medicamen-  
torum



torum appositione, membrum durum reddatur, & transpiratio prohibeatur, ne (vt dictū est ex Gal.) fiat corruptio, caueq; semper, ne medicamenta hæc, quæ huiusmodi vlceribus, quibus febris coniuncta fuerit, adhibebis, subluere obliuiscaris, quoniam vniuerso corpore, inflammatione, & febre affecto, indicatio curatiua ab ea caliditate sumi debet, vt in libro meth. docuit Galenus.

De vulnere depascente, vel serpente, quod à Græcis *voron* dicitur.

**I**nflammatione affecta, vel vlcera, vel vulnera, depascentia quandoque fiunt, vt Hipp. in lib. de vlc. quæ vlcera serpentia, herpetes esthiomeni, nomæ, phagedenæ, & vlcera maligna putrescentia nuncupantur: verum vlcera hæc, quanuis varijs nominibus appellentur, & in eo quod magis, & minus est differant, omnia tamen sub herpetis curationem reducuntur: dicebat enim elegantissime Galenus 2. ad Glau. quatuor esse inflammationū species, phlegmonem scilicet, erysipelas, herpetem, & carbunculum, quasi illud innuens, quanuis alia inflammationum genera reperiantur, ea ad vnam harum specierum posse reduci, veluti bubo, phyma, phigetlon, ophtalmia, peripneumonia, pleuresis, & similes affectus, qui ad phlegmonem reducuntur, qui quidem tantum ratione loci quē infestant, differunt, & quibus à læsa particula nomen inditum est, ita quoq; vl

Quatuor inflammationū species.



cera depascētia, noma, phagedena, aphta maligne in ore vlcus putridum ad herpetis esthiomeni curationē possunt reduci, qui herpes vlcus est malignum, profunde depascens, quanuis inter se, in eo, quod maius, & minus est differant, vt noma, & putridum vlcus, quæ sunt tanquam genera omnium vlcum malignorum, quæ cadunt super vlcus malignum, & serpens, vt optime dicebat Gal. 5. de comp. med. sec. lo. cap. de aphta, & 5. meth. vbi vlcera penis putrida vocat. Aduertendum tamen, putredinem in vlcere, causam veram non esse nominis vlcis, neq; malignitas propria vlcis est differentia, cum vlcus, & putredo per se esse possint sine malignitate, quæ tamen si contingat accidentalem efficit differentiam, vt ait Gal. 6. aph. 45. Phagedena quoque est vlcus serpens, & malignū, veruntamen profundius quam herpes exedit, vt Paul. lib. 4. cap. 45. ait, ita ut cutem, & carnem exedat, ut in lib. de tum. præter nat. & 6. aph. 45. & 14. meth. scribit Gal. ubi cur exedat rationem reddit, dicitque id fieri ob crassitiem, quæ profundioris ex ulcerationis causa est, quibus tamen eodem modo curatio adhibetur, cum tantum inter se, veluti genus, & species differant, ut adducto loco Paul. dicebat, neque tantum est nominum uarietas curanda, ut in lib. de const. art. med. referebat Gale. de qua tanta sollicitudo habenda non est, dummodo recta intentio curatiua habeatur. quapropter existente in uulnere, uel ulcere malignitate serpente, eadem quæ herpeti esthiomeno est

Et 3. meth.



est adhibenda curatio. Verum cum herpes, & omne malignum vlcus, ab humoris biliosi, acris, & mordacis abundantia fiat, qui malus ex adustione efficitur, corpore prauis humoribus referto existente: vt Hipp. in lib. de vlc. retulit, si moueri debent, eorum causa est abscindenda, medicinis humorem peccantem attrahentibus, vt Hipp. in lib. de vlc. ait, quemadmodum etiam de erysipelate dictum fuit, & purgatio, quantitati humoris peccantis debet respondere, eadem exhibendo medicamenta, quæ gangrenæ iā conuenire diximus, quæ adustos euacuent humores, rectaq; victus ratio instituenda, qua calida totius corporis intemperies mutetur. Cæterum considerandum quoq; est, depascentia fieri vulnera, non solum propter vitiosos succos in corpore contentos: verum etiam propter acria medicamenta, & mordacia, vulneribus imposita, quoniam exasperata ab illis fuerunt, præsertim si illa vulnera in cacochymo fuerint corpore, & quod mala victus ratione vsus fuerit. Ex contactu putridæ carnis depascentia quoq; vulnera fiunt, vt in vulneribus, à sclopetarijs globulis illatis, sæpenumero patet, in quibus contusa putrescit caro, quæ deinde contactu suo bonam inficit carnem, redditq; vulnus exedens, & malignum. quod etiam fit, quando caustica parti alicui admouentur medicamenta, quam cauterio afficere volumus, vt ad partem illam humor aliquis reuellatur, aut deriuetur, ab huiusmodi cauterio, si combusta illa caro, & putrefacta non remoueatur,

exe-

Herpes, & maligna ulcera unde fiant, & eorū curatio.

Et Gale. 6. apho. 45. 3. ð  
tempe 4. meth. & 2. ad  
Glaucō.

Et Gal. 2. meth. & Auic.  
cap. de ulce.  
putrido.

Acria medi.  
ulcus depa-  
scēs efficiūt

Cōtactus pu-  
tridæ carnis  
depascēs ul-  
cus efficit.



Ex intēperie  
calida & sic-  
ca uulnus e-  
xedens fit.

Quibus no-  
tis ex intem-  
perie calida  
& sicca exe-  
dens factum  
ulcus fuisse  
dignoscem<sup>9</sup>

Depascentis  
ulceris cau-  
sa remota ad  
topica deue-  
niendū est.

Et 14. meth.  
& Pau. cap.  
proprio.

Ulcus depa-  
scentis medi-  
camēta qua-  
lia esse de-  
beant.

Vnguentū e-  
xedentibus  
ulcerib<sup>9</sup> ido-  
nea.

exedentis ulceris causa est. Ex mala quoq; intem-  
perie calida, & sicca in membro aliquo contracta,  
exedens quoq; vulnus fit, atque exedens vulnus,  
ab huiusmodi causa factum fuisse, his notis digno-  
scas, ex febre, ex sicco ulcere, ex non mediocri siti,  
qua aeger afficietur, ex ichoribus feculentis, ut Cel.  
ait 5. lib. cap. de accid. ex croceo colore, quæ notæ  
omnes bilis redundantiam significant, ut Gal. 1.  
prog. com. 25. scribit, non nunquam ulceris labia  
quasi inuersa sunt, vel eleuata, rubor circa vulnus  
extat, venule in ulcere albæ, & cum citrinitate  
quadam, apparent, & in toto ulcere inæqualitas  
quædam conspicitur. exacta quoq; sensibilitas, dum  
pertractatur, & abstergitur vlcus, licet leuissimè  
pertractes, vel abstergas, percipitur, neque vlcus  
ipsum in eodem statu permanet, sed diebus singulis  
augetur, maiusq; efficitur: Si omnia hæc signa, vel  
ex his signis, multa ulceri inerunt, malignum esse  
vlcus significabunt: Remotis causis istius affectio-  
nis, ad localia est deueniendum, non ad medicamen-  
ta frigida, & humida, quæ erysipelati conuenie-  
bant, sed à frigida, & sicca, quemadmodum Gal. 2.  
ad Glauc. scribit, & inter cætera vnguentum pom-  
pholigis, pro remotione inflammationis, & erosio-  
nis, admouebis, indicatione semper sumpta ab vlce-  
ris propria differentia: non autē à tempore, ut Gal.  
3. meth. docuit. corrosiuus enim, & inflammatis vl-  
ceribus vnguentum hoc confert, quorum malitiam  
in principio remittit, & carnis adiuuat generatio-  
nem.



rem. ad mouere etiam posses vnguentum de calce, a quo, si vlceris malitia illa non vincatur, ad fortiora confugies: Nec inutile fuerit sanguinis fluxum ab ipsis vlceribus prouocare, vt Hipp. dicit, & Gal. 4. meth. ex ipsius Hippocratis sententia: Quocirca vlcera ipsa, vt sanguinis fluxum irrites, aspera re aliqua perfricabis, sanguinemq; effluere sines, siquidem cum ipso sanguine, prauis etiam humores, in parte illa qui infixi erant, euacuabuntur, vt dixit Auic. 4. 4. cap. 9. vel hirudines applicabis affe- Et e parti: frigidum deinde aliquod, & siccum medicamentum, impones, locumq; aluminosa aqua lauabis, quæ vlceribus istis conducere mirum modum solet, nam valide influentes humores repellit, & qui fluxerunt exiccat. partem etiam infra scripto deco- Et o lauabis, quod recipit rosarum rub. malicorij, ba laustiorum, vel citrinorum mirabolanorum, nucum cupressi, partes æquales, aquæ calibeate, vel aquæ plantaginis q. s. & vt validius vlcera ab humorum influentium malitia vindicentur, defensiuo partes circa vulnus, illines, in vulnus deinde puluerem aliquem refrigerantem, & exiccantem immittes, qualis esset puluis, qui ex his constat. Recipe lithargij, plumbi vsti, cadmiæ preparatæ (tutiā vocant) stimij partes duas, æris combusti, & preparati, partem vnā, lapidis hematitis veri, quo fabri ad inaurandum vtuntur, vt aurum, quo loricas, aut aliquid aliud obducunt, magis splendescat, pul. corallorum, pul. mirabolanorum, partes duas, omnia intenuissi-

A depascen-  
tibus ulceri-  
bus sangui-  
nem prouo-  
care cōfert.

Aluminosa  
aqua depa-  
scentibus ul-  
ceribus con-  
ducit.

Decoctū e-  
x edentibus  
ulc. condu-  
cens.

Puluis refri-  
gerans, & ex-  
siccans.



BARTHO. MAGG.

Si exedēs ul-  
cus medi-  
nis nō cedit  
iterū corpus  
purgandum  
est, deinde ad  
fortiora me-  
dicamenta  
transeundū.

Ignis depa-  
scentibus ul-  
ceribus prae-  
stātissimum  
remedium.

Et Gal. 4. me-  
th. & 2. ad  
Glaucō.

mum puluerem redigantur, qui in vlcere ponatur,  
deinde penicilli, vel splenia concipiantur, quae vn-  
guento pompholigis, vel calcis, vel carusa, vel albo  
vnguento Pau. vel vnguento minij, cum camphora,  
vel sine camphora, illinantur, & vulnere admouean-  
tur. Caterum post huiusmodi pulueres, & linamē-  
ta vlceri adhibita, puluillos postea imbutos, vel alio  
decocto frigido, & stiptico, vel vnguento aliquo  
ex dictis, frigido, & sicco illitos superpone: Si ad-  
mota haec medicamenta vulnere non medebuntur,  
& in dies magis morbus serpat, & augeatur, iterū  
corpus purgabis, & audacter fortia applicabis me-  
dicamenta, cauendo, ne nimis in eorum admotione  
insistas: ad medicamenta igitur escharotida confu-  
gies, & nonnunquam ad ignem, vt Gal. 2. ad Glau-  
facit, qui inter cetera praestantissimum est reme-  
dium, quod si ager candens ferrum, propter timo-  
rem, vel propter nimis delicatam naturam reformi-  
dauit, & medicaminibus morbum cessurum spe-  
res, acriora admouebis medicamēta, quauis Hip.  
in lib. de vlc. vlceribus istis sicca conuenire medi-  
camenta, & mordicationis expertia dixerit: sed ta-  
lia medicamenta cōuenire intelligit, si malignū non  
sit vlcus, & putrescens, vt Gal. 2. ad Glaucō. osten-  
dit, quapropter verenda non sunt medicamenta,  
istorum vlcerum malitiā superantia, quibus si mor-  
bus non cedit, vt in tractatu de sphacelo primae spe-  
ciei diximus, ad ignem confugiendum est. poteris  
igitur in primis admouere puluerem precipitati,  
vn-



unguentum ægyptiacum calchanthum, aut aquam nostram fortem, quæ in istis exesionibus præstantissime operatur, uel ea medicamenta, quæ in capite de corruptione scripta sunt, adhibere, gradatim procedendo, si quidem medicinis istis, siue igne vlceris malitiam vinces, vt nos sæpe fuimus experti, & tu quoque vidisti.

## DE SORDIDO VLCERE.

**V**ulnera atq; vlcerà, quandoque sordida adeo redduntur, ut p<sup>ro</sup>terea à Græcis dicantur: emittunt enim quandoque crassum adeo excrementum, & copiosum, vt totius vulneris, vel vulceris cauum repleatur, ac si diutius talia emiserint excrementa, in vulnera, siue vlcera depascentia tandem desinunt, & si malitia effluentium humorum augeatur, in sphacelum euadunt, quem ascachileon Arabes vocant, & tandem in ipsum esthiomenum desinunt morbum, vitamq; adimunt: huiusmodi vlcerum causæ, vt 4. de com. med. secun. gen. refert Gal. sunt prauis, & crassi humores, sanguinis naturam quodammodo referentes, qui feruescentes, venenositatem, & malignitatem non parvam contrahunt. Talia quandoque vulnera, vel vulcera redduntur, ex longo unctuosorum medicamentorū vsu cum prauis succis, vel, vt sæpius fit, sine succis ipsis, vel ex medicinis debiliter exiccantibus, vt 4. de compo. med. sec. gen. scribebat Gal. vel quando vulnere alteri,

Sordidorum  
ulcerà causæ



Et 4. de cōp.  
med. sec. ge.  
Signa sordi-  
di ulceris ex  
fortitudine,  
uel ex imbe-  
cillitate me-  
dicamento-  
rum.

Sordidi ulce-  
ris ex prauis  
humorib. cu-  
ratio.  
Et 4. de cō.  
med. sec. ge.

teri, aut morbo, natura intenta est, vlcus quoq; sor-  
didum fit, propter abstergentia fortia medicamen-  
ta, quæ vlcus excavant, vt 4. meth. scripsit Gal. po-  
tissimumq; huius causæ signum esse indicabis, si in-  
dies cauum magis vlcus efficiatur, & extra robur  
appareat, & pauci ex vlcere ipso profluant icho-  
res: Si ex medicamento imbecillitate, tale redditum  
sit vlcus, cognosces ex albedine, quæ tanquam tela  
quædam, totum ambiat vlcus, & virtute illorum me-  
dicamentorū, & egrotantis perpenſa, & ex subal-  
bis venis, quas cum perspexeris, ne vlcus depascens  
fiat formidandum, pauca præterea effluunt excre-  
menta, quæ excrementorū effluxus à sordibus probi-  
betur: quæ etiam transpirationem impediunt, &  
euentationem caloris innati, ex quo partis corru-  
ptio sequitur, & exesio. Si sordidum effectum sit  
vlcus, quia alteri morbo intenta sit natura, cogno-  
sces ex ipso vulnere, & si internas, externasq; cau-  
sas omnes exploraueris, non erit difficile, sordium illa-  
rum causam inuenire: Sordidum vlcus (si huiusmo-  
di fuerit affectum, propter malos humores, quemad-  
modum fieri sæpenumero solet) si corpus purgaue-  
ris vniuersum, vt 4. meth. censuit Gal. deinde topi-  
ca adhibueris conuenientia, & si inter cætera, vt  
ab vlcere ipso fluat sanguis operam dederis, vt cum  
ipso sanguine prauis euacuentur humores: & si etiā  
vlcus ipsum muria, vel marina aqua, vel salsa ab-  
lueris, & linteolo aliquo, vel abstergente aliquo  
medicamento, vlcus illud absterſeris: si valde sordi-  
dum



dum vlcus non fuerit, tale adhibere abstergens me-  
dicamentum poteris, quod recipit mellis ros. tere-  
bentinæ lotæ partes duas, farinæ hordei partem me-  
diam, thuris partem quartam: medicamento etiam  
huic posses addere aristolochiæ, & iridis, partem  
octauam: quod si maiori opus esset abstersione, vn-  
guentum apostolorum admouebis, vel isis cephalic-  
um Gal. & singulis isis partibus, quinq; partes cæ-  
rati humidi, aut vnguenti resini, vel digestiui loti,  
potes addere, hoc modo. Recipe isis cephalici drac.  
i. cæcati humidi, drach. v. & misce, vel R. vnguen-  
ti damasceni, partem i. vnguenti resini, vel alterius  
vnguenti ex dictis, partes v. vel vi. & misce: Posses  
etiam ægyptiacum admouere, vel puluerem preci-  
pitati, quia cum magnæ sint sordes, leui medicamen-  
to auferri non possunt: præstantissime igitur medi-  
camentum hoc absterget absque dolore: Quod si su-  
pramodum sordidum videbitur vlcus, absq; inflam-  
matione: abluere etiam illud aqua saponaria, vel  
lixiuio poteris. emplastrum deinde aliquod frigidū  
superdabis, vel vlceri circumiacentibus partibus  
vnguentum ex bolo armena admouebis, & puluil-  
los posca imbutos, & vnguento aliquo frigido illi-  
tos, adhibebis, & hac via perges, quoad purgatum  
fuerit vlcus, vt 4. de comp. med. sec. gen. Gal. admo-  
nebat. Neque in sordidis his vlceribus, quemadmo-  
dum in alijs morbis, à leuioribus medicinis est inci-  
piendum, sed à fortioribus, vt 4. de comp. med. sec.  
gen. dicebat, quoniam sordes est veluti tegumentum,  
quod

Abstergetis  
medicamen-  
ti cōpositio.

Valide ab-  
stergetia me-  
dicamenta

In sordidis  
ulceribus à  
leuiorib. me-  
dicinis non  
est inchoan-  
dum.  
& 4. meth.



quod medicamentorum mordicationi resistit: descendendum præterea est ad leuiora medicamenta, postquam ablata sordes fuerint, quia tunc iam sensibilius redditum vlcus erit, à qua sensibilitate sumenda est indicatio qualitatis medicamenti: Aduertendum tamē inter cætera illud est, vlcus sordidum, factum propter oleaginosorum medicamentorum vsum, leui abstergente medicamento egere, quale illud esset, quod ex melle ros. farina hordei, & oleo abietino, aut terebentina constat, quod si leue nimis medicamentū videbitur, ad validius confugies: non tamē statim ad ea, quæ validissima sunt medicamenta, deuenies, nisi omnino phlegmonis generationis remota suspitio fuerit. Vitabisq; magis validissimorum medicamentorum vsum, si febris adfuerit: ex horum enim appositione, periculum esset, ne propter inflammationem, vlcus depascens efficeretur, aut abscessu locus afficeretur, quem ὁ πύονημα Græci vocant: tunc enim filamentis siccis, aut leuiter abstergente medicamento, purgare vlcus niteris, quibus, licet perfectè vlcus purgare non possis, ne sordidius fiat, saltem prohibebis, quoad febris, vel remittatur vel auferatur, & futuram amplius inflammationem non timeas. Si lethale vulnus esset, aut propter ipsum, magnū veremur morbū, & propter sordes ipsas vlcus malum fieret, vt causam primum remoueas, opera est danda, & prout tempus consuluerit (modo vlcus abstergas) & lenibus, & fortibus medicinis abstergentibus vti poteris, & si quæ

Vlcus ex medicinis oleaginosi factū sordidū medicina leuiter abstergēte eget.

Valide abstergētia medicamēta uitanda, si febris adfit.

Lethalia ulcera, & sordida quomodo abstergēda.  
Sordidum vlcus ex ualidis medicinis redditū, quibus notis



quæ dixi omnia fideliter memoria mandaueris, & tuto vlcus abstergetur. Si ex validis medicamentis sordida effecta fuerint vlcera, videbis (vt iam dixi) in dies vlcus, & maius, & profundius, & rubicundius fieri, & ichores, & subtile pus, calidumque admodum effluere, ac si mitiora imposueris medicamenta, ex animi sententia succedet curatio. Aptissimum itaque erit pompholigis vnguentum, linteolum deinde frigido aliquo medicamento illitum superpones. quod si hæc non profuerint medicamenta, & malignum magis vulcus fiat, magisque diebus singulis exedat, carnemque corrumpat, ad medicamenta, in capit. de depascentibus ulceribus descripta, confugies: Si postquam purgatum vlcus fuerit, nullum adsit symptoma, & cauus repleatur, dubio procul vlcus coalescet: Verum si forte fortuna vlcus aliquod sordidissimum esset, & ualido medicamento ad abstergendum esset opus, aris squamma preparata, aut præcipitati puluere, vlcus ipsum inspergere, ne verearis, & pulueribus ipsis, sicca adijce filamenta: deinde linteolum frigido aliquo medicamento illitum, ne facile vlcus inflammatione afficiatur, adhibe, præmissis semper conuenientibus purgationibus; quæ si non contulerint, & seua magis sequantur symptomata, ad alia medicamenta, quæ ante à nobis suis locis dicta fuere, transibis.

cognoscatur  
& quæ medi-  
cinæ deinde  
illi conue-  
niant.

Medicamen-  
ta ualidissi-  
me absterge-  
tia.



BARTHO. MAGG.  
De ulcere sinuoso, & ualde humido.

Vlcus humi-  
dū, & sinuo-  
sum quod.

Humidi ulc.  
uariæ causæ.

Quamuis abundè Gal. 2. ad Glau. de sinuoso, ac ualde humido vlcere scripserit, statuimus tamen nos, hic etiam nonnulla adscribere, non ut aliquid noui doceamus, sed potius, ut quæ sparsim à medicinæ authoribus scripta fuere, hoc loco oculis subiiciamus, ac præponamus: libenterque hoc negotium suscipimus, præcipuè, cum symptoma hoc facta à contendente re ulcera, sæpius subsequatur, neque quæ dicemus à nostro abhorreant instituto, & ea quasi innouata, & à tenebris eruta fortasse uidebuntur. Sinuosum, aut humidum vlcus illud appellamus, à quo longe maior, quàm vlceris magnitudini, quæ in superficie apparet, puris copia egreditur: Sed cum hoc uarijs causis fieri possit, summa diligentia, propria causa est exploranda, si recta institui curatio debet. Humidum igitur ulcus fieri potest ex ingenti aliqua contusione, in membro cum uulnere facta, ut fieri solet sæpe in uulneribus à sclopetarijs globulis illatis, qui vehementi sua contusione, non solum uulneratas partes, sed uulneri circumiacentes, nonnunquam ita atterunt, & contundunt, ut ossa percussorum membrorum, proluxentur uel subluxentur: quod quanuis primis diebus, aliquibus signis non pateat, post aliquot tamen dies, cum extensa ligamenta, extensi que tendines, relaxantur, uel ob excitatam inflammationem, uel ob pus genitum, dolores inferunt graues, & maximi saniei efflu-



effluxus, causa sunt: Neque mirandum, si primis  
 diebus, proluxatio non animaduertatur, quoniam  
 in proluxationibus, non ita ligamenta, ut in ueris  
 luxationibus extenduntur: cum igitur minor fiat ex-  
 tensio, minor quoq; fit læsio, quæ quidem, cum parua  
 sit, illi natura, quæ in ipso principio fortis existit, fa-  
 cilius resistit imbecillis, deinde reddita affectio fit  
 manifesta, purisq; maximam copiam, si deinde ef-  
 fluere uideris, non est quo admiratione afficiaris,  
 quippe scribit Hipp. in lib. de fract. cap. mirandum  
 non esse, si uulnera talia, à contusione facta, maio-  
 rem puris copiam emittant, quoniam uulnerum à  
 contusione factorum, proprium est humorum, & pu-  
 ris copiam magnam emittere: sic enim scribit: Telis  
 autem id potissimum os scindit, & latentibus, &  
 cōspicuis, collidit, & ita prorumpit, ut desidat, quod  
 teretem, orbiculatum, planum, retusum, graue, &  
 durum, idem quoq; carnem collidit, maturat, & la-  
 cerat: uulnera præterea, sub huiusmodi telis, à la-  
 teribus, & in orbē caua fiunt, purulenta magis, atq;  
 humida, & longiori tempore purgantur: quæ om-  
 nia, cum in uulneribus istis obseruentur, quorsum  
 magnum humorum copiam, ab istis uulnerationibus  
 profluentem, mirabimur? Cæterum ob ortam ali-  
 quam inflammationem, ulcera aliquando ultra mo-  
 dum efficiuntur humida, quæ uarijs modis ad ab-  
 scessum, seu ad exiturā (ut cum Arabibus loquar)  
 uel ad suppurationem perducitur, modo in ipsa cor-  
 poris superficie, modo in profundo, modo propè ul-



cus ipsum, modo in remotiori parte, & pus modo in parte aliqua excipitur, modo per uulnus per giros uarios, & plexus descendit ita, ut ipsum ulcus quamuis exiguum uideatur, humidum tamen reddatur, ut fieri sæpe in vulnerationibus, à tormentis bellicis factis, vidimus: Humidum quoque vlcus redditur, quando os aliquod abscessurum est, ut 3. de fract. scripsit Gal. ubi ossis futurae desquamationis signa describit, sic dicens, Pus copiosus emanat, quam par sit magnitudini ulceris: Tale etiam reddetur ulcus, si quid in ipso, quod præter naturam sit, detineatur, ut ferè fit in plagis, à bombardicis globulis factis: trahunt enim sæpenumero secum globuli, vel vestimenti, vel lorice frusta, vel ferreos hamulos, quibus retentis, vulneris agglutinatio prohibetur, semperque pus tenuius, copiosiusque quam vulneris magnitudini conueniat, egreditur, ita ut humidum ulcus fiat, ut diebus superioribus, non semel dum mecum medicinam exerceres, animaduertisti, præsertim in vulnere Illustris Domini Astoris Baglioni, qui in Mirandulensi obsidione dum Mirādulenses milites, qui ex præsijs exierant, incursionesque faciebant, acriter persequeretur, globulo sclopetario ictus fuerat, supra regionem ossis ilij, non procul à dextro inguine, cum fractura appendicis illius, ac transfixione (ut ita loquar) sexti, & septimi musculi, qui ad superiora crus mouent, & quamuis lorica ferrea esset indutus, globulus tamen profunde penetravit, secumque frustula vestimentorum, loriceque ferreae tra-



eraxit, quæ ex vulnere nunquam exitura (ut scis) indicavi, ad id prædicendum ductus quod ex vulnere copiosissimum efflueret excrementum: quapropter si in huiusmodi vulneribus, humorum ingentem copiam effluentem uideris, aliquid præter naturam, in vulnere detineri, iudicabis: Nonnunquam etiam peniculorum filamenta, in ulcere ab imperito Medico derelicta, ut sæpe obseruavi, ut pus copiosius effluat, vlcusq; humidum reddatur, efficiunt: Humidum quoq; ulcus quandoq; fit, ex partis imbecillitate, ob saniem debilitantem, ut 4.4. cap. 28. scribit Auic. Rursus tale vlcus redditur, ex mala aliqua intemperie, in vlcere, vel circa vlcus ipsum existente, vel propter prauum humorem, in corpore illius, qui vlcus patitur contentum, qui quidem humor ad vlcus defertur, humidiusque, quam par sit vlcus reddit. Atque hæc quæ dixi omnia facile conijcies, si probe causas omnes consideraueris. Sed si propter contusionem, humidius effectum vlcus fuerit, ex ægrotantis relatione dignoscetur, vel vulneris circulari figura, & tumore circa vlcus existente, ex vulneris inequalitate, & ex dolore, quemadmodum Paul. in cap. de extractione sagit. dicit, ubi contusorum vulnorum signa, ut suo loco diximus, recenset, in quorum curatione, quæ proprio loco declarata sunt, obseruabis: Nulla que afficeris admiratione, si ex illis vlceribus, copiosius pus effluxerit, nec omnino laudabile, dummodo alio symptomate non corripiantur. Sed si ob inflammationem, quæ suppura-

Pus copiosius  
quā par sit,  
si uulnere ali  
quid præter  
naturam de-  
tineri signi-  
ficat.

Quibus no-  
tis pus copio-  
sum exire, p-  
pter contu-  
sionē cogno-  
scemus.

Quibus no-  
tis humidū  
effectū fuisse



ulcus ppter  
suppuratam  
inflammatio-  
nem digno-  
fcetur.

& 2. ad Glau.  
& in lib. de  
tumo. præ-  
nat.

Exiccantib<sup>9</sup>  
medicinis  
utimur, re-  
motis ab ul-  
cere omni-  
bus sympto-  
matibus.

& 3. de cõp.  
med sec ge.  
Quare exi-  
stete aliquo  
symptoma-  
te exiccanti-  
bus uti non  
possumus.

Sinus cura-  
tio quomo-  
do instituenda.

ta fuerit, vlcus humidum sit, cognosces id, quoniam  
iam inflammationis signa præcesserint, dolores nem-  
pe pulsatiles, rubedo, febris, et durties, vt 14. met.  
scribebat Gale. quæ symptomata omnia remitten-  
tur, cum vlcus expurgari cõmode poterit. Si autem  
sinum aliquem esse, fueris suspicatus, specillo plum-  
beo, vel argenteo, ut nihil te lateat, explorabis: &  
si adesse sinum omnino perceperis, carne vt replea-  
tur, operam dabis, modo exiccantibus medicinis ap-  
positis, modo instrumento aliquo in sinum ipsum in-  
iectis, vt 2. ad Glau. admonebat Gal. Verum cum  
huiusmodi medicamentis vti volueris, nunquid sym-  
ptomata omnia remota sint, aduertendum est, dolor  
nempe, inflammatio, tumorque, ac nunquid amplius  
ullum futuræ inflammationis immineat periculum,  
quandoquidem talia si adessent symptomata, aut si  
inflammationis periculum impenderet, tuto his me-  
dicamentis vti non posses, vt 3. meth. longa oratio-  
ne scripsit Gal. & vt nos experientia comprobau-  
mus: huiusque rei ratio est, quia si in ulceribus istis,  
uel inflammatio, uel tumor existeret, medicamenta  
exiccantia qualia sinui conueniunt, ut carne replea-  
tur, illa adaugerent symptoma. Nullo igitur exi-  
stente vel dolore, uel tumore, uel inflammatione aut  
alio symptomate, præter cauum ipsum, vel sinum cu-  
rationem hoc pacto institues. Primum lotiones ali-  
quas leues, vt aquam hordeacem, cum melle ros.  
inijcies, idque magis facies, si adhuc ulcus aliqua  
inflammatione vrgeatur, vel si non longum tempus  
abie-



abierit, postquam recesserit inflammatio: vel cum hordeo rosas decoques, uel aristolochiam, uel centaureum minus, uel maius, poteris etiam cum hordeo ipso symphitum, ihus, aloen, & similia concoquere, uel sola etiam, uel cum rosaceo melle admixta, & si fortiori egere exiccatione videbis, mulsam solam inijcies, vel melicratum, ut Gal. 3. de comp. med. sec. gen. dicebat, uel uinum cum melle coctum, uel simplex uinum, si tempus consolidationis fuerit, vel thermarum aquam, qualis aqua Porrettæ, uel aquam spōte à mineris scaturientem, uel aluminosam aquam, uel lixiuium dulce cum melle, & similia: vel prædictis decoctis, partem aliquam Aegyptiaci unguenti addes: confert enim supra modum sinubus, qui difficilè consolidantur, ut nos, & ratio, & experientia docuit. siquidē corruptam carnem exedit, & bonæ non officit. in sinubus. n. sæpius molles carnes generantur, quæ nisi remoueantur, optimā sequi consolidationē impediunt: sed unguentum hoc, omnia quæ sinubus sanandis conducunt, præstat: habenda tamen semper ratio est, in fortium medicamentorum usu, ne ulcus scilicet inflammatione laboret, ut 4. meth. admonebat Gale. postquam ulcus laueris, illud exiccabis, aliquo unguento deinde penicillos, qui ulceri ipsi inserantur illines, dehinc latum linteolum medicamento etiam aliquo idoneo illitum, ut diaphænicino Gal. aut alio medicamento debiliori, uel fortiori, quod corporis temperamento non aduersetur superdabis, in linteo

Simplicia ulceribus exiccatis idonea

Aegyptiacū sinuibus cōsolidandis aptissimum.

Post ulceris linteolum quid faciendum.

Foramina in linteis facienda quibus commodè pus ex purgetur.

M 4 ipso



Isis cephalicū & diacarthu finibus profunt.

& in lib. de comp. med. sec. gen.

Situs mēbri ut cōmode pus purgetur est querendus.

Fortia medicamēta quæ extra ulceri admoventi possunt. Epispastici uires.

Post lotiōes quibus cōsolidatio fit curanda.

ipso foramina constituendo forpicibus, unde ulcus commodissimè expurgetur, ut adducto loco Gal. placuit, ac si non ab re uideris esse, isis cephalicum cum cerato humido, uel ros. oleo colliquatum in sinum inijcies, aut diachartu, ros. oleo admixtum, tum ut eius acuitas remittatur, tum ut commode in ulcus ipsum demitti possit, quod medicamentum in sinuum curatione Gal. 2. ad Glauc. commendabat. Post hæc membri cōmodum situm requires, ut pus sponte euacuari possit, ut 4. meth. & locis adductis Gal. præcipiebat, modo lectum ipsum eleuando, modo depri-mendo, modo membrum ipsum attollendo, modo demittendo, pro ut ulceris orificium consulet, & pro ut expurgabitur sanies, ut fusius docuit: Quod si cauus carne non repleatur, & non consolidetur, habita semper ratione habitudinis totius corporis, & generationis optimi sanguinis, tum qualitate tum in quantitate, ac aliorum de quibus 3. meth. Gal. meminit, in caui ulceris curatione, fortiora medicamenta extra poteris applicare, ex metallicis confecta, ut epispasticum de quo Gal. 5. de simp. med. facult. scribit, quod humorum fluxum prohibet, fistulasque sanat, & sinus exiccat, uel medicamentum ex squammis compositum, ut 4. de compo. med. sec. gen. idem docuit Gal. Ceterum post prædictas lotiones, & prædicta medicamenta sinui imposita, & iniecta, sinus consolidationem, puluillis fundo ipsorum sinuum appositis, curabis, modo neque inflammatio, neque aliud adsit symptoma, uel no-

uas



uas spongiarum in decocto, quod scribemus madefactas, & expressas, circumpones; atque alligatio incipiat quidem in fundo sinus, finiat autem ad os, & linteorum circumvolutiones fundum sinus sine dolore constringant, paulatim vero relaxentur, usque ad os sinus, ut 2. ad Glauc. dicebat Gal. si noua non adfuerint spongiae, lineum pannum duplicatum, in lixiuio cum nitro nostro, quod in vetustissimis parietibus colligitur, ebullitum capies, huncque pannum pro molli spongia, & noua, sinus circumpones: decocti descriptio est huiusmodi. Sume nunc cupressi numero triginta, absinthij, rosarum rub. florum camomillae, anethi, singulorum manipulum unum, in vino omnia decoquantur ad tertiae partis consumptionem, & his si libet nonnunquam alumen rochae addatur, sed vas, in quo decoctio haec fit, optime obturatum sit oportet, ne vini tenuiores partes per halitum resoluantur, & decocto hoc sinum lauabis. Quod si validius optaueris medicamentum, exiccantia magis addere poteris, ut nitrum, alumen nostrum rochae, vel decoctionem illam cum aquis thermarum facies, & similibus. quod si medicinis istis non agglutinetur sinus, animaduertes, nunquid id, vel propter incommodam expurgationem, & propter puris retentionem accidat. quod si deprehenderit, opera danda est, ut viam, qua commode sanies expurgetur moliaris, ut 2. ad Glauc. admonebat Gal. quandoquidem, ut aiunt, quod a putrido tangitur, putridum redditur: Expurgabitur autem

Decocti exiccatis deleripio.

Contactu a putrido putrescit.

com-



BARTHO. MAGG.

commodè, si sinus orificium angustum secueris, & ad effluxum puris, sectionem ipsam feceris: facile enim hoc modo pus expurgabitur, & in fundum sinus facilius medicamenta immittentur, cum in hac parte, carne repleti sinus primum debeat, non in superficie: & si in fundo sinus pus detineretur, maior cauus efficeretur: Posses etiam lanceola sectionem ex aduerso facere, si non longè ipsius sinus fundus à cute distet: quod si sectionem hanc ex aduerso faciam fœliciter cessuram non putares, vel quod opposita pars à sinu longè distaret, vel quia æger perpeti non posset, fistulam aliquam in fundum usq; sinus, immittes: deinde per fistulam, acum hamos ad modum ferri quo lanceæ muniuntur habentē, quam in picturis depictam uidebis, mittes: in cuius extrema parte, sericum insertum sit filum, hanc acum deinde manu impelles quoad aduersa sinus pars transfigatur, quam deinde euelles, sed filum sericū, quod secum acus traxerit, in mēbro relinques, ut inde facilius pus effluat, quod si ampliore foramine sit opus, aliud sumes instrumentum lanceolæ formam habens, & in extrema parte foramen in quo filū inseri potest, ut dictū est: huius tamen instrumenti cuspidem cera obduces, ne in ingressu carnem compungat: cum uerò ad fundum sinus peruenerit instrumentum hoc, ad partem, quæ tibi ad sinus expurgandum commoda magis uidebitur, impelles, quo sanies possit effluere: in sinubus enim disseccandis, nihil est utilius, quàm opportuna, & commoda sectio, à qua

Instrumenta  
apta ad sin<sup>9</sup>  
in aduersa  
parte secan-  
dos.

In dissecan-  
dis sinubus  
nihil utilius  
quàm cōmo-  
da sectio.



à qua facile pus fluat, ut 2. ad Glau. Gal. placuit, modo huiusmodi sectio, absq; neruorum, uenarum, arteriarumq; læsione fieri possit, hac uia sinus facile agglutinantur, sananturq; neque tot medicinis opus erit, si quidem natura ipsa, quasi sua sponte, sinus ipsos carne replet, consolidatq; ut Gal. Paulo, cæterisq; assiduis Medicis placuit, & quemadmodum hoc etiam experientia comprobatur: Quod si in sinibus forte fortuna à carne cutis esset separata, nec ut fieri sepe solet lotionibus, nec puluinariis, nec comprimentibus cū fasciatura expressua, ut aiunt, quemadmodum 2. de fract. Gal. docuit, nec spongijs circumiectis, nec cævatis, nec emplastris à Gal. descriptis impositis, ullo modo carni adherere posset, totam illam cutem, secundum membri longitudinem, dissecabis. Sed cum maximum uideatur in commodum, tantam pellem nouacula (spathula lignea, prius sub ipsa cute posita, ut Pau. lib. 6. cap. de sinibus) dissecare, nostro instrumento in tabellis picto, facile cutem illam uniuersam, quanuis sit multa, ad punctum temporis dissecabis, tuto, & paucum dolore, quemadmodum 14. meth. esse faciendū scribebat Gal. Cuspidem igitur instrumenti nostri cæra inuolues, ne dum in sinū mittitur, carnē ledat, quod ubi immissum fuerit, manum attolles, cutemq; uniuersam, una sectione præcides. Nec Bucasis forcipibus utaris: non enim commodæ uidentur in sinuum dilatatione, aut saltem paucis sinibus conueniunt: Quod si in cute duo sint foramina, aut plura

ex

Cutis, q̄ car-  
ni adherere  
nō potest est  
dissecanda.

Instrumenta  
ad curē disse-  
candam apta.

Bucasis for-  
pices nō ap-  
tæ ad finis  
dilatandos



BARTHO. MAGG.

ex Gal. decreto 2. ad Glauco. ubi de laceroso ulcere sermonem facit, foramina illa ad unum tantum foramen sunt redigenda, quoniam si à carne cutis separata sit, carni illa nunquam adherere poterit, aptissimum erit ad id faciendum, nostrum instrumentum pro fistulis ani dissecandis fabricatum, & in tabellis descriptum, quod ea parte quæ specillum imitatur, in sinum immittes, & si uidebitur commodum, uel rectum, uel in partem aliam inclinatum, attrahes, facileq; & commodè hoc instrumento, ex duobus foraminibus, unum constitues, nulla supposita spathula, ut antiqui præcipiebant, & quanuis ager non quiescat, facile tamen locum dissecabis. Post sectionem, sanguinis fluxum sistes, oui albumine, cum stupa, vel alia emplastica medicina: Sequenti verò die, ulceris curationem aggredieris, quemadmodum symptomata ulceri ipsi cōiuncta persuadebunt. Verum si propter egrotantis impatientiam, qui potius ut 14. meth. scribebat Gal. maiores ferre velit dolores, ac diuturniorem curationem, quam incisionem, septicum aliquod appones medicamentum, si quæ in aduerso latere dissecanda cutis est, sit sinui proxima. Posses itaq; calcem viuam, cum sapone nigro, admouere, ut Paul. lib. 6. cap. de palpeb. affectibus docebat, nam medicamentum hoc, calce recenti præparatum sit, in horam, si ad magnitudinem auellaneæ admoueatur, cutem ad membranam vsq; carnosam, vel ad carnem vsque, cum paucò dolore aduret. sed si vetusta calce præparetur, intra duas, tresue, aut quatuor

Instrumentū aptū ex duobus foraminibus ad unū foramen constitutuendum. Post sectionem quid faciendum.

Septicū medicamentū ad finis apertū.



quatuor horas, id præstabit, secundum partis, cui  
 admouebitur, temperamentum, quod in admotio-  
 ne omnium causticorum non solum, sed in omnium  
 medicamentorum applicatione est considerandum,  
 vt 3. meth. ait Gale. nec totius corporis tempera-  
 tura simpliciter exploranda, sed cuiusvis affectæ  
 partis, vt eidem 1. ad Glau. placuit: pars enim ipsa  
 affecta docet, quantum refrigerandum, aut calefa-  
 ciendum sit, quantumq; sit humectandum, aut exic-  
 candum, & præter hæc, non solum naturalis tempe-  
 ratura, sed aduentitia, quæ quandoq; propria sit,  
 vt 8. meth. ait Gal. est consideranda: Sed vt ad rem  
 redeamus, nec septicum hoc medicamentum, de quo  
 paulo ante egimus, si plusquam par sit, loco cui ad-  
 motum fuerit, adhæreat, ea quæ cætera caustica pa-  
 reret incommoda: singulis enim horis, medicamenti  
 huius vis imbecillior redditur, quare inter cætera  
 medicamenta caustica, medicamentum huiusmodi  
 comprobauimus. Admouere etiam poteris septicū  
 illud, quod paratur ex prima aqua, ex qua sapo fit,  
 quæ magistra dicitur, quæ in vase æneo tandiu co-  
 quitur, vt ad mellis crassitudinem redigatur, sine al-  
 terius rei admixtione: quanuis nonnulli, chalcanti-  
 thum, & similia addant, & septicum hoc præstan-  
 tissimum est, & postquam aqua illa ad mellis crassi-  
 tiem perducta, ab igne remota est, durefcit, lapide-  
 scitq;, debetq; in vitreo vase optimè clauso seruari  
 ac in sicco loco reponi. si enim secus fieret, in aquam  
 rursus mutaretur. septicum itaq; hoc quando vti vo-  
 lue-

Corporis to-  
 tius tēpera-  
 tura nō solū  
 cōsideranda  
 ī applicatio-  
 ne omnium  
 medicamēto-  
 rū sed cuius-  
 que membri  
 particularis.

Septicum  
 aliud.



BARTHO. MAGG.

lueris, in cupa glandis, vel sine careo ponatur, parti deinde per horam tantum admoueat, quoniam citissime operatur, hoc medicamentum, ubi remoueris, locum diligentissime absterges: nisi enim abstergeretur, sphaceli causa esse posset: Sed posteaquam in huius septicum medicamenti mentionem incidi, publicae utilitatis gratia, quaedam quae tibi non ingrata futura arbitror, & quae te mihi semper accepta laturum, certo scio, addam: neque me ab hoc proposito nonnullorum ingratitude (quae in nostra hac urbe maxima est) remouebit, qui ut haec nostra discant experimenta, indignissimi sunt: vincat tamen publica utilitas, & quod fortasse aliquis, tanquam arcanum sibi à dijs commissum, reticeret (quauis vera esse arcana existimem morborum essentiam cognoscere, & in ipso tempore medicinam facere) in omnium bonorum gratiam, quibus maiora, & meliora debentur, in publicum prodeat. Septicum hoc medicamentum, si in aquam versum fuerit, atque illi quintam partem humanae pinguedinis, ut penetret addideris, & partem etiam exiguum opij, supra modum tibi gratum erit: isto enim commodissime cutem, carnemque perforare poteris, si hoc pacto eo usus fueris, primum perforandus locus optime abstergetur, deinde baculo buxio, vel oleagino (quod depressi specilli formam habeat) in hoc medicamento madefacto, vel cuspide specilli argentei in huiusmodi medicamento etiam madefacta, locus in quo debet fieri incisio, secundum incisionis magnitudi-

Septicū ad  
dilectandum  
cutē, carnē-  
que sine do-  
lore mirabi-  
le.



tudinem, quæ fieri debet, perfricetur, dum perfricabis, colorem proprium perfricatam illam partem, mutare videbis, idq; aduertes magis, si paulisper perfricationem intermiseris. Tunc autem alteratam partem illam lanceola scindere tuto poteris: leui tamen incisione, quod sine aliquo dolore fiet, quia pars illa, iam alimēto destituta, & emortua non sentiet, deinde eodem specillo, vel ligneo, vel argenteo, vt magis commodum fuerit in eodem medicamento iterum madefacto, refricabis, & rursus partē illam, quæ post primam incisionem proprium etiam colorem mutauerit, secabis, hoc pacto perges, quoad profundam etiam sectionem, vt opus erit, feceris. Possem quoq; medicamenta alia septica recensere, quale illud esset, quod ex chalcantio, nitro, alumine, & similibus paratur, per artem chymicam, sed cum maxime penetrent, violentissimeq; operentur, & propterea maximos inferant dolores, illa soleo ut plurimum respuere, quocirca ea silentio inuoluam: Hoc autem nostro medicamento, abscessus perforare quamplures poteris, & membra breui tempore, & ferè sine dolore, cauterio afficere: aduertendum tamen, ne ibi adsit inflammatio, aut aliquid aliud, quod locum illū calefacere prohibeat: Nulla nec te capiat admiratio, licet omnibus abscessibus, vel partibus omnibus dissecandis, hoc medicamentū conuenire nō dixerim. Siquidē si aliquē locū aperire necesse est, libentius ego secundum Gal. & Pau. optimè scindente ferro aperio, quia incidens ferrum, partem in  
flam-



BARTHO. MAGG.

Ignis cōmo  
da i abscesfi  
b<sup>o</sup> aperiēdis

Ablato igne  
nullus senti  
tur dolor.

flammatione non afficit, nec magnum dolorem infert, neque humores attrahit, igne quandoq; vtor, modo agrotantes illum non formident, qui quanuis quibusdam formidabilis videatur: minorem tamen infert dolorem, quā causticum aliquod medicamentum, aut ferrum, si Bucasi, & Halyabbati credimus. & præterquam quod minor accitur dolor, igne, particula iniusta roboratur. & quod vix credibile videatur, igne statim ablato, nullus omnino sentitur dolor, perinde ac si nullo modo igne locus ille contactus fuisset, vt à multis, qui & caustica medicamenta, & incisiones, & ignem fuerant experti, didici. Ad hæc qui igni aperiuntur abscessus, rarissime in vomicas desinunt: secus autem abscessibus, qui inciduntur sæpe obtigit. fit enim dum inciduntur dolor, & post ipsam etiam incisionem per horas aliquot ipse perseuerat dolor, & locus imbecillus redditur, ex quo fistulæ facilius nascuntur. Nos tamen in abscessibus aperiendis, omnibus antedictis modis vsi sumus, sed semper cum quadam præmeditatione: explorabamus enim abscessus, qui caustico medicamento tuto possent aperiri, & qui lanceola, & qui igne. sic etiam tu, vt facias consulo. quod si post illorum causticorum medicamentorum applicationem, cutem ad partem vsque in qua sinus est, disseccare volueris, aut escharam, butiro, aut tetrapharmaco remouere, id tuum sit iudicium: Si autem sinus orificium dilatare volueris, medicinis de quibus in cap. de ossis corrup. curatione egimus,



mus, uti poteris, & ut iam ostensum est, curationem sequi: Si ob os, quod desquamari debeat, humida erunt vlcera, specillo, nunquid os illud remoueri possit inuestigabis, & forte in effluentibus excrementis, nigri aliquid perspicies: caue tamen, ne nigredo illa, quæ in medicinis ex mineralibus paratis apparere solet, te decipiat. siquidem ex vlceribus illis, quibus talia adhibentur medicamenta, effluens excrementum, nigredine aliqua semper affectum videbis: Itaq; nunquid in osse ipse coloris alteratio sit, quæ contracta fuerit, aut ex ictu, aut ex vulneris diuturnitate, aut ex sanie nitrosa, quæ ipsum os affecerit, aut ab aere alterante expendes, istis coniecturis propter os illud, quod desquamari debet, humidum redditum esse vlcus videbis: Quod si os ipsum à natura non desquamaretur, ab optimo, & perito Medico, ossis pars illa alterata remoueri debet, alioquin humiditatem illam exiccari, aut vlcus consolidari, erit impossibile, ut Paul. lib. 6. cap. de fistu. ait: Alteratam igitur ossis partem, ut probe remoueas, ea notabis, quæ proprio capite de ossis corruptione dicuntur. Si autem ex alicuius rei præter naturalis retentione, humidius sit redditum vlcus, omnia quæ primis diebus, quibus acceptum fuit vulnus, contigerunt, tecum expendes, egrotos interrogando, quomodo læsi fuerint, quæ ferrent arma, quibus induti essent vestimentis, hæc, & similia exquires diligenter, quandoquidem istis exacte perpensis, sæpe ad veram morborum cogni-

Quibus notis humidum effectum esse vlcus, propter os quod desquamari debet cognosci possit.

Et Cel. lib. 8 cap. 2. & Gal. 3. de fract. Humidum vlcus ex retentione rei præter naturalis quibus possit cognosci.

N tio-



BARTHO. MAGG.

Et Paul. lib.  
6. cap. d. fra.

tionem perducimur, vt lib. de fract. docebat Hipp.  
explorabisque recte, nunquid armaturæ aut vesti-  
menti pars aliqua defit, quæ vel sola in vulnus in-  
gressa sit, vel eam secum globulus traxerit, quod si  
in corpore aliquid huiusmodi, vel solum, vel cum  
globulo detineatur, non solum, vt humidum sit vl-  
cus, in causa erit, sed vt nunquam consolidetur, &  
præsertim, si ferri frustulum sit detentum, quod fer-  
rugine continue obducitur. Præter hæc videndum,  
nunquid in vulnere forte fortuna, ob Medici impe-  
riti incuriam, penicillus, vel fila aliqua, quibus pe-  
nicillus esset conceptus, relicta sint, quemadmodum  
nos sæpe ostendimus, in nonnullorum vlcerebus, qui-  
bus alij Medici medicati fuerant, sed nisi aliqua ad-  
sit suspitio, quæ flamēta aliqua, aut penicillos à Me-  
dico in vulnere fuisse relictos, te moueat difficile id  
cognosces. poteris tamen aliqua coniectura propius  
accedere, si causas omnes, quibus humidum effici vl-  
cus potest, expendaris, inflammationem scilicet, con-  
tusionem, sinum, os quod desquamari debet, malos  
humores in corpore contentos, & tandem causas re-  
liquas, quæ humidum vlcus possunt reddere, quas, si  
ad examen reuocaueris, & vtrum hæc res, vel illa,  
causa huius symptomatis sit, expendaris, propter  
quam causam humescat vlcus illud, tandem, asse-  
queris: Ad hæc nunquid alia inconsueta alteratio  
in vlcere fiat, videbis, ut exiccatio propter aliquam  
inflammationem (nulla adueniente causa externa)  
vel excrementorum augmentum, quanuis prius  
vlcus



vlcus exiccari, & consolidari videretur, eo tamen  
 tempore, quasi vno impetu, pus copiosius defluere,  
 quæ si animaduertes, statim in suspicionem rei alicu-  
 ius præternaturam detentæ incidēs. quocirca, vt  
 quod præternaturam detinetur deprehendas, specil-  
 lo explorabis, illudque educere studebis, vel locum  
 secundo, vel exedentibus medicinis, vt res postula-  
 bit, quemadmodum in corrupto osse faciendū etiam  
 esse dicemus: Si vero aliquid in vlcere detineretur,  
 quod putrefactionis expers semper esset, & quod  
 consolidationem non prohiberet, in corpore illud  
 permitti posset, quanuis morbus in numero esset, &  
 toto genere præternaturam, ut calculus in vesica, &  
 alia, de quibus Gal. in lib. de caus. morb. quæ encl-  
 lenda, & remouenda esse idem statuit Gal. Penicil-  
 los autem Medicorum negligentia in vulnere reli-  
 ctos, in quodam nobili Ioanne Stanchino vidi, qui  
 vulnus acceperat in tendine sexti musculi tibia mo-  
 uentis, quod & in quintū, & octauū femoris muscu-  
 lū, & ad ipsum vsq; urinariū meatū penetrauerat,  
 ita vt quandoque per vulnus vrina egrederetur, &  
 in sinu, quem vulnus istud fecerat, penicillus fuit re-  
 lictus. quare quanuis Medicis vlcus istud per humi-  
 dum videretur, in plenilunio tamen, exiccatum iri,  
 & consolidatum sperabant, in plenilunio tamen,  
 vulnus vniuersum, cuius labra ferè coinerant, aper-  
 tum fuit, excrementa q; copiosiora effluxere, medici-  
 nis tamen post aliquot dies, ad priorem ferè conso-  
 lationem perducebatur: in sequenti autem pleni-

Peniculi in  
 uulnere re-  
 licti.



lunio iterum eo quo diximus modo apertum vlcus fuit, & excrementorum copia effluxit, & hoc decies, & eo amplius in hoc vulnere fieri vidimus: singulis enim mensibus aperiebatur vlcus, & copia puris ingens emanabat: tandem natura penicillum excreuit, magnum quantus est digitus: post quindecim autē dies vulnus coaluit perfecte. Ratio autē quare singulis plenilunijs vulnus istud aperiretur, & pus emitteret, esse potest, quia pars illa affecta, reddita imbecillior fuit, & cum in plenilunio omnium humidatum fiat augmentum, vt in arboribus, & testaceis animalibus patet, humores facilius ad imbecillam, quam ad fortem partem, confluebant, adauēti itaque humores erumpebant, vulnusq; aperiebant: memoria itaque fide hæc omnia mandabis. Sed si intus globulus plumbeus retineretur, vt eum euellas, ne sis sollicitus: plumbum enim in corpore retentum, putredine non corripitur, & facile in membris consolidatur: detentum siquidem in corpore plumbum per triginta annos vidimus, quod ægrum nullo afficiebat dolore, quanuis singulis diebus locum mutaret, quia ita sensim locum deserebat, vt ne perciperetur quidem, semper in loco, à quo discedebat, medicamentosam suam vim derelinquendo, tandem ad partem aliquam descendebat, in qua inflammationem, & abscessum excitabat, qui si secabatur, facillimè plumbum educebatur. Si ex partis imbecillitate humidius sit vlcus, cognosces, si nec saniei retentio, nec os abscessurum, nec aliud adsit, & tamen vlcus

In plenilunio omnium humiditatu fit augmentum.

Plumbum p annos 30. in corpore retentum sine dolore.

Vlceris humidi ex imbecillitate notæ.



vlcus non consolidetur, sed humidius semper fiat, quare roborantia adhibebis medicamenta. Similiter si vlcus esset propter debilem medicinam, fortius adhibebis medicamentum, quod si tale sit vlcus, propter sanguinem peccantem in quali, & in quanto, corpus purgabis, ut 3. met. docuit Gal. si ex fortibus medicinis humescat vlcus, illis remotis, modo debilia adhibebis medicamenta, modo fortiora: exterius autem aliquod cæratum, vel epispasticum Gal. admonendum. Si ex intemperie humeat vlcus, tum ex partis affectæ colore, tum ex tactu, tum à iuuantibus, & nocentibus, tum ex ijs, quæ ab ipso vlcere prodeunt, & ex multis alijs, quæ prudens nunc prætereo, cognoscetur. Sed si humida ista vlcera in iuncturis essent, ab istisque humor albumini ouorum similis proflueret, qui nihil aliud est, quam tendinum excrementum, seu nutrimentum, quod vbi ad vlcus, vel ad partem imbecillam membri peruenerit, nec in alimentum verti possit, ab vlcere egreditur: propterea cum huic vlceri quoque succurrendum sit, nec exiccantibus illis medicinis succurres, de quibus paulo ante egimus: Sed vbi medicinas adhibueris, quales symptomatibus vlceri illi coniunctis conueniunt, ab initio præstabit, ex farina fabacea, & oxymellite, emplastrum confectum, calidum superdare, quandoquidem ab isto medicamento, illa exiccabitur humiditas: Neque mireris ex vlceribus in partibus huiusmodi existentibus, si multarum humiditatum effluxum videris, si quidem nervosa-

Vlceri humido propter medicamentum debile, uel propter peccantē sanguinem quō sit succurrēdum.

Vlceris humidi ex intemperie notæ.

Vlceribus iuncturarum humidis quibus medicinis sit succurrēdum.



BARTHO. MAGG.

Neruosarū  
partium na-  
tura est, ut  
multa excre-  
menta emit-  
tant.

Medicamen-  
tū neruosis  
partibus uul-  
neratis ro-  
bur addens.

rum partium talis est natura, ut multa emittant ex-  
crementa. Si tamen partibus illis robur addere opta-  
ueris, post aliquot dies, cum farina fabacea, fursu-  
rem, camomillam, flores hypericonis, nuces cupressi  
in puluerem redactas, in vini sufficienti quantitate  
posses decoquere, omisso oxymellite, quod sua subti-  
li uirtute ad profundas partes potest penetrare, uel  
similia addendo, uel remouendo ut res postulabit.

De œdemate.

Quid sit  
œdema.

œdema sepe  
uuln. accidit

œdematis si-  
gna.

Quoniam œdemate ulcera quandoq; solent affi-  
ci, propterea de tumore hoc etiam pauca dice-  
re statuimus. præsertim cum contusis istis vulneri-  
bus affectio hæc sæpe obueniat: quid autem hic tu-  
mor sit, & quæ eius sit causa à Gal. 2. ad Glauc. &  
14. meth. scribitur, & nihil aliud est œdema, quàm  
tumor mollis, indolensque, à pituita, quam flatus  
detulerit ad partem aliquam, genitus, ut ait Hipp.  
in lib. de flatibus, uel est tanquam symptoma in ma-  
la corporis habitudine, uel in aquam intercutem,  
sed de istis nunc nō dicemus: Oedema itaq; in vulne-  
ribus ut plurimum prouenit, ex virtutis concoctri-  
cis membri imbecillitate, quæ à morbo facta est, ita  
ut sanguis, à natura ad membrum illud demissus, in  
alimentum non conuertatur, sed in flatum, & pitui-  
tam: Huius tumoris signa sunt, albedo, seu color  
morticinus (ut isti aiunt) mollities, quæ si tangitur  
digitorum recipit vestigia, & dolore caret. Cura-  
tur



tur autem medicinis partem roborantibus, videlicet calidis, & siccis, & stipticitatem habentibus, remota prius causa si adfuerit. Sed si vulnus adfit, non ita œdema te vrgeat, nisi forte tam magnum sit, vt ad se curam trahat, ac si propter ipsum vulneris consolidatio prohiberetur, œdemate affectum locum oleo tartari, vel myrthi, vel oleo laurino, & similibus inunges, vel cœrata cum aceto præparata, applicabis, & epispasticum Gal. aut spongiam nouam cum leui fasciatura, in decocto quod scribemus madafactam, admoueabis, sed hoc facies post vulneris consolidationem. Decoctum illud recipit ros. rub. flor. camomille, anethi, singulorum manipulū vnum balaustiorum, cuparum glandium, vtrorumq; manipulum medium, nuces cupressi numero viginti, flor. salicis, manipulum vnum & semis, aluminis roche vnciam vnā, misce, & in lixiuio bulliant, vel in vino nigro stiptico, ad tertias, in decocto hoc spongiæ nouæ madesiant, & parti applicentur, vel similes alias adhibe medicinas, in forma emplastri, vel fomenti, modo cum stipticitate exiccent, & vniuersum membrum, æqualiter fascietur, & à spongia complectatur, vt 2. ad Glau. & 14. meth. docet Gal. & alligatio in inferiori parte incipiat, finiat autem ad superiorem, & linteorum circumuolutiones inferiorem partem constringant: in superiori autem parte relaxentur, vt fieri in fracturis solet, & si spongia noua desit, spongiam aliam in lixiuio, cum nitro, vt docet Gal. sumes, apud quem, hæc, & plu-

œdematis  
curatio.

Decocti de-  
scriptio.



ra legere poteris, si cupis, & quanuis nostrum nitrum, non sit idem cum antiquorum nitro, eo tamen pro antiquorum nitro uti poteris.

De carnis additæ, atq; superflue curatione.

Et Cels. lib.  
5. cap. 26.

Quædam me  
dico, & quæ  
dam naturæ  
negantur.

4. de comp.  
med. sec. ge.

Admouendo  
tuum medica

**I**N vulneribus adeo quandoque caro excrescit, ut ultra modum augeatur, ut Hippo. in lib. de ulceribus scripsit, ex quo compositus morbus fit, ex ulcere nempe, & addita carne, & morbus hic inter morbos in magnitudine reponitur, ut 3. meth. ait Gal. quapropter adauctæ illa caro, auferenda est: Sed cum nonnulla, ut in de const. art. med. ait Gal. naturæ negentur, ut luxati membri repositio, & fracti compositio, & additæ carnis remotio, ac nonnulla Medico, ut carnis generatio: Proinde cum morbus hic in toto genere præter naturam dicatur, naturæque adauctæ carnis ablatio negetur, chirurgia, aut medicinis est auferenda, ut adducto loco, & alibi etiam dixit Gal. medicinæ ad id commodæ, exiccantes esse debent, ut 3. meth. scripsit Gal. sed cum medicamenta huiusmodi debilia, uel fortia, uel validissima esse possint, cauendum, ne in horum medicamentorum usu, aliqua sequantur incommoda: indicationes igitur à partibus, quibus medicamenta hæc admoneri debent, sunt sumendæ, ut longa oratione Gal. 2. ad Glauc. & 3. meth. scripsit, ubi à quibus indicationes sint sumendæ medicamentorum admonendorum docet: Atq; in appositione fortium medi-



medicamentorum, indicatione à partis sensibilitate ait, siquidem oculi, aut cerebri membrana, fortia ferre medicamenta non possunt: quo circa partium diuersam naturam expendes, an scilicet nervosæ sint, & ideo sensibiles: corporis etiam totius temperatura aduertenda, nunquid mollis, vel dura sit, quandoquidem corpora dura valida ferre possunt remedia, vt 3. meth. dicebat Gal. mollia contrario modo se habent. Si igitur addita illa caro, mollis, & pauca fuerit, in sensibili parte, atque in vlcere, future inflammationis nullum impendat periculum, alumine rochæ combusto, solo, vel cum bolo armena admixto, auferetur, vt 4. 4. ait Auic. remouebitur etiam alio medicamento, quod alumen zuccarinum vocant, quod quidem medicamentum, quanuis ex multis constet, minus tamen mordicat, quàm simplex alumen, quanuis sit combustum: idem præstabit hermodactilus, simul cum tartaro, vel cinere conchilium, seu testaceorum animalium, vt Paul. lib. 3. scribit. Ad hunc etiam vsus apta erunt filamenta, in muria madefacta & exiccata, calcitis, squamma æris, & hæc præparata esse debent, & combusta, vt docebitur, quo minus mordeant: Atque huiusmodi medicamenta, non solum ad auctam carnem adimunt, sed quoque cutem generant, vt dixit Gal. in lib. de cõp. med. sec. gen. horumq; medicamentorum vsus est variandus, ad carnem additam auferendam, largius illis vteris, & in corpore humido, humidaq; particula, facilius operantur: Videndum præ-

mentorū in-  
dicationes un-  
de sumendæ.

Et 4. de cõp.  
med. sec. ge.

Quibus addi-  
ta caro re-  
moueri pos-  
sit.

Et Gal. in de  
simp. med.  
fac.



BARTHO. MAGG.

Et 4. de cōp.  
med. sec. ge.

Post acrium  
medicamen  
torū usum, q̄  
sint admouē  
da medica  
menta.

Caustica si  
desint ferro  
urēdum aut  
igne.  
Et 3. de cōp.  
med. sec. ge.

præterea est, ne huiusmodi acria medicamenta ad-  
mou eas, impendente aliquo inflammationis pericu-  
lo: in partibus siccis, minori horum medicamentor-  
um quantitate utimur, & modicè etiam adhibita  
cutem generabunt: Quod si validior medicina pla-  
cuerit, æris æruginem combustam, & purgatam ad-  
mouebis, ut Gal. 5. meth. scribebat, quæ quidem  
æris ærugo, ut infra edocebimus præparatur. Ve-  
rum si adaucta illa caro multa esset, & callosa, ad  
fortiora confugies medicamenta, ut ad aquam no-  
stram, ad calchanthi oleum, vel ad aquā sulphuris,  
deinde sicca filamenta, & linteolum medicamento  
aliquo frigido illitum, superdabis, quod circum-  
quaq; vulnus in latitudine trium digitorum conte-  
gat: aptissimum esset pompholigis vnguentum, vel  
album vnguentum Pauli, & circum circa defensi-  
uo partes possent illini, vel succis frigidis madefieri,  
ut succo solani, plantaginis, & similium, vel adau-  
cta illa caro, trochiscis de minio inspergi posset, de-  
inde escharæ casus procurari, postmodum ea vlceri  
adhibenda cura est, quam symptomata ipsi coniun-  
cta exigent. Si medicamenta hæc defuerint, scal-  
pello, vel nouacula auctam illam carnem posses re-  
mouere, ut Cel. suaserit, & ut etiam ex Gal. elici po-  
test, ubi vniuersaliter, de morbis in toto genere præ-  
ternaturam curandis, loquitur, & 14. meth. quos  
aut igne, aut medicamento adurente, censet curan-  
dos: Quapropter si causticis illis medicinis, addita  
caro non remoueatur, vel si aliquid causticorum me-  
dica-



dicamentorum vsum impediat, forpicibus, vel noua cula eam præcides, deinde medicamentum aliquod quod crustam inducat, adhibebis, quod superflua carnis reliquias absumat, quemadmodum sæpe Paul. docet lib. 6. vbi de Thimis, & condylomatibus curandis agit: vel si morbi malitia, aut adauctæ carnis magnitudo, aut partis natura ferret, candenti ferro, superflua illius carnis reliquiae remoueantur

De carnis callosæ curatione.

**S**I forte vlcus in labijs callum obduxerit, vt nonnunquam ex diuturnitate fieri solet, vt 4. meth. dixit Gal. & vt Cel. non tacuit, ex negligenti tractatione, dignoscetur, si vlceris ipsius labra non rubuerint, sed albuerint, & si puris exigua effluxerit copia (nisi forte pus in sinu aliquo retineatur) & si specillo vlceris labia cõtigeris, & ab agro paruus, in illo contactu, aut nullus percipiatur sensus: quapropter, si vt vlcus coalescat, optaueris, callus ille omnino remouendus est, vt 3. meth. scripsit Gal. qui symptoma est, curationem impediens, & eius sine quo non, rationem obrinens: natura itaque calli est consideranda, nunquid scilicet, mediocriter, an maxime dura sit, rursus nunquid callus ipse in vlceris labijs, an circa labra in parte extrema sit, vt Gal. 3. methodi docuit, & si extra, circum vlceris labia sit callus, mollientibus medicinis remouebitur, vt medulla ceruina, vel vitulina, & similibus de quibus

Callus in ulcere contractus, quibus cognoscatur

Callū remouēs medicinæ.



Callus extra  
ulceris labra  
raro contra  
hitur.

Et Cels. lib.  
5. cap. de ac  
cident.

Calli qui in  
ulceris labris  
sunt, quibus  
remoueant.

Cauistica cal  
los remouen  
tia.

bus Gal. 2. ad Glau. cap. de scyrrho agit, vel si hæc  
desint resina aliqua humida, vt idem 4. methodi do-  
cuit, vel vnguento basiliconc, vt 4. 4. scripsit Auic.  
Callus tamen raro extra vlceris labia contrahitur:  
si tamen contrahatur, medicinis istis tolli potest, &  
quanuis nonnulli ex nostri temporis scriptoribus,  
eisdem medicamentis, contractum in vlceris labijs  
callum posse etiam remoueri, dixerint: Gal. tamen  
callis ijs, qui extra vlceris labia sunt, has scripsit  
conuenire medicinas, non ijs, qui in vlceris labris  
sunt contracti, qui (vt idem 4. meth. scripsit) ferro,  
vel adurente medicamento sunt amouendi, & ferro  
illo, siue frigidum, siue candens sit, vniuersus cir-  
cumquaq; vlceris callus est auferendus. Cauendum  
tamen semper, ne vel vena, vel arteria, vel neruus  
ledatur: Postquam autem callum ipsum secueris,  
sanguinis fluxum compesces oui albumine, cum bo-  
lo armena, & sale: Veruntamen cum nonnulli agro-  
tantes, nec excisionem, nec ignem ferre valeant, nec  
calli omnes, vt igne tollantur, necesse sit, libentius  
caustica adhibeo medicamenta, vel valida, vel mi-  
nus valida, prout calli consulit durities, quæ si me-  
diocris sit, vnguento apostolorum, Aegyptiacoue,  
vel puluere precipitati, remouebitur: vel si hæc nō  
contulerint, adhibeo trochiscos de minio Ioannis de  
Vigo, qui fistulis conducunt maximè, cum eorum la-  
bia callum obduxerint, & quæ tunc veræ fistulæ  
possunt nuncupari, vt Pau. lib. 6. ait, nec Gal. in lib.  
de comp. med. sec. gen. tacet, de quibus suo loco dice-  
mus.



mus. Trochisci itaque isti callos tollunt, qui cum duræ sint substantiæ, in cauos omnes possunt immitti, quanuis angustissimi sint, ex his trochiscis vnum in vlcus immittes, & vlceri circumiacentes partes, proprijs defensiuis munies, vt 4. de comp. med. sec. gen. in appositione cunium acrium medicamento- rum, faciendum esse dixit Gal. frigidum deinde aliquod medicamentum superdabis, quale esset oui albumen cum aceto, exceptum stupa, vt humorum fluxus prohibeatur, butiro deinde escharam remouebis: Trochiscos hos, quos hoc loco sum descripturus Ioannes de Vigo composuit, quare illi medicamentum hoc acceptum refero, nec Aesopico graculo volo esse similis, nec mihi, vt multi faciunt aliena vsurpare, nec me aliorum doctæ inuentis venditare cupio: neque enim doctos viros suis laudibus vnquam defraudare studui. medicamentum proinde istud egregium, omnium studiosorum gratia, iisdem verbis, & eodem modo, quo doctissimus ille vir scripsit, describam: Sume igitur panis fermentati, vncias quatuor, sublimati argenti purissimi, vtrorumque vnciam vnā, minij vnciam mediam, panis in aqua rosacea, vel cucurbitea madesiat optimè, & dissoluitur, cui argentum in tenuissimum puluerem redactum, cum minio, & sublimato, superponatur, & optimè omnia misceantur. post hæc digitis rotulæ conficiantur, vel pastilli, & magnorum, & parvorum peniculorum formam referentes, qui in clibano tepido exiccentur, & ad vsum seruentur. Vbi crusta,

In appositio-  
ne acriū me-  
dicamento-  
rum partes  
affecto loco  
uicinæ defen-  
sio sunt mu-  
niendæ.

Trochiscorū  
Io. de Vigo  
descriptio.



BARTHO. MAGG.

Ita, seu eschara illa indueta, fuerit amota, digestiue  
nostro loto vti poteris, vel alijs medicinis, prout res  
postulabit: vel admouebis vnguentum de colopho-  
nia, quo semper cum affecto loco medeberis, penicil-  
los illines, vnguentum quippe hoc callos remouet:  
non tamen tantæ virtutis est, quantæ trochisci Ioan-  
nis de Vigo: quos tamen si non ita esse validos opta-  
ueris, sublimati partem detrahes, vel addes si vali-  
diores esse desideraueris: Trochisci etiam huiusmo-  
di possunt in puluerem redigi, quo vlceris callum  
inspergere etiam poteris, vel peniculos qui in vlcus  
immitti debent, vel sublimatum, & argentum ali-  
cui vnguento admiscebis si videbitur, & eundem  
scopum vnguento hoc attinges, vel ad remedia quæ  
in cap. de ossis corruptione dicemus, confugies, quæ  
ad vlcera dilatanda, dedita opera scribemus.

Quibus modis pulueris sclopetarij granula  
carni infixæ remoueantur.

**S**clopetarij vel bombardici pulueris granula,  
quandoq; in faciem, locumue alium prosiliunt,  
quæ non solum contundunt, sed nigredine afficiunt,  
ita ut corporis pars illa turpissima videatur, præ-  
sertim si ita facies affecta fuerit: Huic igitur affe-  
ctioni curatio etiam aliqua est adhibenda, & quan-  
uis impactum nigrorem illum remouere sit difficile:  
nos tamen primi (quod quidem sciamus) huius affe-  
ctionis curam inuenimus: in primis itaq; conside-  
ra-



rabis, nunquid partes, ab huiusmodi pulueris sclopetarij granulis ictæ, coaluerint, an adhuc coalescere debeant. Si igitur recentes illorum granulorum notas videris, vlceraq; adhuc non coaluerint, summa cura, vt puluerem illum ab vlcere posca abluas, vel vt specilli cuspide impactos granulos leuiter educas, operam dabis: deinde oui alborem admouebis, vt humores reperiuntur, ac vt dolor ab humorum defluxu excitatus, mitigetur: sequenti die rursus posca vlcuscula illa abluas, & specillo iterum pulueris reliquias, quas poteris, remouebis: foraminaq; illa nostro digestiuo loto replebis, partemq; illam, in qua illa vlcuscula erunt, linteolo eodem digestiuo loto, vel oleo rosaceo cum vitello oui illito, per dies tres conteges, diligenter semper diebus singulis pulueris nigrorem posca, vel specillo remouendo, vsq; ad vlceris fundum, qui quidem nigror, si cum pure egrediatur, bene erit: sin autem tantum Aegyptiaci quantum satis esse duxeris, in vlcera illa immittes, vt vna cum cutis, & contusæ carnis exesione, nigredo illa tollatur; sin minus guttula nostræ aquæ descriptæ, vel olei calchanthi, vel sulphuris specilli alicuius, vel lignei, vel argentei, cuspide excepta, vlcera illa madefacies, & hoc pacto nigredo illa omnino remouebitur: quæ nisi istis modis auferatur, semper maculæ illæ nigræ apparebunt: nigredinem igitur illam vbi remoueris, vlcera vt coalescant curabis: coalescant autem, facillè, si admoueris vnguentum de nenuphare citrino,

Quibus modis pulueris sclop. granula in parte aliqua fixa remoueat.



Ferro cāden  
ti quō macu  
læ pulueris  
sclopetarij  
tollantur, &  
quō aduren  
te medica  
mento.

in malo citreo factum: quod etiam, ut deformes mi  
nus reddantur cicatrices, conducit: Quod si iam ul  
cera illa coaluerint, notaque illæ, ob Medicorum insci  
tiam, insignes appareant, partem totam nigrore in  
fectam igne, vel medicamento adurente, auferes: si  
igne partem illam remouere volueris, ferrum spe  
cilli formam habens, sumes, quod ubi calefeceris, ni  
gredine affectum locum sensim perforabis, & adu  
res, quoad ad partem perueneris, in qua nulla am  
plius sit nigredo; deinde oui albumen cum aqua ro  
sacea, ut ignis caliditas inducta mite scat, appones:  
Sequenti die butiro, vel alio medicamento ex di  
ctis, cum de casu escharæ ageremus, escharā remoue  
bis, descendendo ad vnguentum citrinum: Medica  
mento autem adurente, sic maculæ illæ tolluntur:  
specillum ligneum, vel paruum, vel exiguum, prout  
magnitudo, vel paruitas maculæ, quam es remotu  
rus exigit, fabricabis, quem in nostro illo medica  
mento, de quo in capite de sinibus diximus, intin  
ges, locumque in quo macula est, perfricabis, ut cu  
tis, & pars illa tota, in qua nigredo est, cauterio affi  
ciatur, sed cum exiccari cutem videris, eam lanceo  
læ cuspide aperire nonnihil conaberis, & rursus spe  
cillo in eodem medicamento madefacto, locum refri  
cabis, ut profundius partem illam aduras, tandiuque  
id facies, quoad nigror ille aboleatur; crustam dein  
de remoue bis medicinis paulo antedictis, descende  
do ad citrinum vnguentum, quod in calce huius volumi  
nis, una cum multis alijs medicinis, describemus.

Duri-



*Duritie quæ in iuncturis remanet, post vul-  
neris, vel vlcis consolidationem, curatio.*

**P**ost perfectam vulnerum consolidationem duri-  
ties relinquitur, præsertim si vulnera illa in ner-  
uosa parte accepta fuerint, vt Cel. lib. 5. cap. 26.  
ait, quæ illius mēbri motum impedit: Sed quoniam,  
vt eleganter Gal. in lib. de motu mus. scribit, tripli-  
citer membra motum possunt amittere, aut propter  
humores exiccatos, vel propter tendinum, neruo-  
rumq; incisionem, aut propter eorundem corruptio-  
nem, quæ fieri solet, quando vulneribus abscessus,  
qui suppuratur, accidit, in quo copiosum pus colligi-  
tur, quod sua deinde acredine, & nitrositate, tendi-  
nes, nervosque, & ligamenta corrumpere potest.  
Si igitur lesa sit iunctura aliqua, eiusque motus  
ablatus fuerit, ob corruptionem, vel vulnus, vel glo-  
buli ictum, qui tendinem aliquem ruperit, pristini  
motus restitutio, desperanda est, vt loco citato dixit  
Gal. quod si lesio sit ex cicatricis duritie, vel ex hu-  
more aliquo in iunctura exiccato, vt sæpius fit, quæ-  
admodum dixit in de caus. morb. 6. mollientibus me-  
dicinis, & relaxantibus, recipi adhuc motus potest,  
vt adducto etiam loco Paul. dicebat, pinguedine  
anatis, vel gallinæ locum inungēdo, vel ceruina, vel  
vitulina medulla, uel resinis aliquibus parum siccis,  
aut gummi aliquo pingui, aut althea in veteri oleo  
decocta, aut radicibus cucumeris asinini, in oleo

O etiam

Tripliciter  
motus amitti  
potest.

Motus pro-  
pter vulnus,  
aut corrup-  
tionem amif-  
sus, non re-  
stituitur.

Motus ex du-  
ritie cicatri-  
cis, uel ex hu-  
more exicca-  
to, recipi ite-  
rum potest.



BARTHO. MAGG.

Medicamen-  
ti Diosc. de-  
scriptio.

Oleū ex cē-  
ra durities e-  
mollit & ci-  
catrices pul-  
chras reddit

Oleū ex cē-  
ra quomodo  
paretur.

etiā decoctis, aut embrocis olei dulcis, aut decocto  
altheæ, fenu græci, seminis lini, & similium, de qui-  
bus Gal. 2. ad Glauco, pluribus verbis tractat, cap.  
de scyrrho, & Paul. aptissimum etiam erit, medi-  
camentum à Gal. 7. de comp. med. sec. gen. ex Diosc.  
descriptum, quod sic paratur. Sume cæra lib. vnā,  
colophoniam, galbani, iridis illiricæ, lib. med. olei iri-  
ni, fecule vini q. s. & secundum artem fiat vnguen-  
tum, quod optimum est, ad difficiles artuum motus,  
& ligamentorum omnium duritiem tollit: Sed iri-  
num oleum secundum Diosc. descriptionem, parari  
debet, vt nos semper obseruauimus: vel transibis ad  
acopa medicamenta, à Gal. 7. de comp. med. sec. ge.  
scripta, semper corporis temperamenti, & naturæ,  
ratione habita: Siquidem si durioribus corporibus  
parandum sit medicamentum hoc pinguedinibus sic-  
cioribus illud parabis, vt ibidem ipse docuit: vel ad  
nonnulla nostra remedia experta confugies, vt ad  
oleum ex cæra pingui per chymicham extractum,  
quod quidem ad emolliendas durities præstantissi-  
mum est: maxime enim penetrat, emollit, ac discu-  
tit, nec vulgare medicamentum est ad cicatrices  
pulchras reddendas, modo post aliquot dies, post vul-  
neris consolidationem, eo vtaris, ne noua fiat inflam-  
matio, oleum hoc sic paratur. Nouam cæram su-  
mes, & quam maxime pinguem, quam in vase ali-  
quo, igne modico colliquabis, & eam in vino sæpius  
manibus comprimendo lauabis, hanc rursus colli-  
quabis, & in eam tegularum, vel coctorum laterum  
fru-



frusta calefacta, & ignita, quæ ceram illam absorbeant, proijcies, frusta deinde hæc in vas (quod botiam flexam appellant) optimè luto sapientiæ obdilatam, ponantur, igni deinde vas admoueat, & vas alterum, quod stillas recipiat, supponatur, prius aqua egredietur: ultimo tandem purissimum oleum stillabit, quo ad emolliendas durities uti poteris. Membra quoq; motu priuata, in veruecis recenter mortui viscera, immittuntur: Poteris etiam vino, in quo althæa, cum absynthio, & rosis decocta sit, ut emolliti humores discutiantur, affectum locum lauare, vel affectam partem, pyrite, vel molari lapide ignito, & aceto acerrimo asperso, suffies, ut 2. ad Glauc. admonuit Gal. Alio etiam uti medicamento poteris, quod capit, olei lumbricorum in duplici vase facti, olei amigdalorum dul. vtriusq; vncias v. olei antiquissimi vnc. iij. pinguedinis suillæ, vel humanæ, si pro molli corpore paretur, vel si pro duro, pinguedinis bubulæ, vel caprinæ, pingue. gallinæ, & anseris, omnium vncias quatuor, radicum althææ, cucumeris siluestris, manipulum medium, in minutas partes incidantur radices, & in superscriptis mittantur, cum vncijs quinque vini optimi, & in vase terreo, optime uitreato (ut aiunt) & optime pasta obturato, in furno temperate calido, ad vini consumptionem, decoquantur: Absumptum esse vinum cognosces, si olei guttam super prunas proiceris, neque crepitum faciat: Post hæc coletur, & quibuslibet, sex vncijs istius liquoris, dragmæ tres

Ad emolliendas durities aliud medicamentum.



Diapryitis  
Gal. prestans  
ad durities  
molliendas.

pulueris hermodactilorū addantur, & cere quan-  
tum sufficit, ad molle vnguentum faciendum, quo  
affectum locum inunges. Post dies aliquot, si uali-  
dius uolueris medicamentum, emplastrum diapryi-  
tidis Gal. admouebis, quod ad durities omnes emol-  
liendas præstantissimum est.

De osse detecto, & corrupto.

Quibus ossa  
corrumpi, &  
alterari pos-  
sint.

**Q**uoniam post aliquot dies in vulneribus istis,  
uel ulceribus, ossis corruptio quandoque sequitur:  
De ossis igitur corruptione aliqua dicere statui-  
mus, ut quæ ab antiquis medicinae authoribus, plu-  
ribus tradita fuere, paucis tibi, hoc loco, ante ocu-  
los proponam. Corruptio itaque in osse fieri potest,  
ob multā aeris alterationē, uel ob saniei acredinem,  
quæ sua nitrositate ossa potest alterare, præsertim  
si sanies ipsa, in sinu aliquo cōtineatur, & in ossium  
porositatibus imbibatur, uel ob contusionem, ut fe-  
rè fit in ictibus sclopetariorum globulorū, qui for-  
titer os percutiendo, ipsorū ossiū porositates possunt  
comprimere; & inde alteratio sequitur, id quæ ma-  
nifestum tibi fiet, si primis diebus os denudatū fuisse  
deprehenderis uel si multi dies abierint, neque illo  
alio superueniente symptomate, ulcus non coale-  
scat, uel si ægrum interrogaueris, nunquid in ictu  
ipso, percussionem, & concussionem senserit in mem-  
bro: magis autem fies certior, si oculis os poteris con-  
spicere, & explorare, nunquid proprium seruet co-  
lorem



lorem vel nigredine sit infectum, vel carie affectum  
 vt Cel. dixit lib. 8. cap. 2. vel si tecum expenderis,  
 nunquid ex puris generatione, vel retentione, os  
 contrahere vitium aliquod potuerit, uel si ex ulcere  
 copiosius, tenuiusque pus, quam vulneris magnitu-  
 do postulet, exeat, vt 3. de fract. de osse quod absces-  
 surum erat, dicebat Gal. si aliqua ex his, vel paulo an-  
 te fuisse, aut etiam nunc adesse, vulnus non coalitu-  
 rum certo scies, nisi quod alteratum est os, aut cor-  
 ruptum, à natura expellatur, aut à Medico abra-  
 datur, uel medicamentis remoueat, aut desquam-  
 metur, vt Cel lib. 8. cap. 2. dicebat. Si igitur rectam  
 volueris curationem instituere: inter cætera etiam,  
 corrupti, vel alterati ossis substantiam, expendes,  
 nunquid scilicet dura, aut mollis sit, quales esse os-  
 sum appendices solent, quæ naturaliter spongiosæ,  
 & fungosæ (vt ita dicam) sunt, & qualia etiam  
 nonnulla pedis ossa, & brachialis, & manus esse so-  
 lent, vel cartilagine, vel nunquid dura ossa, ita af-  
 fecta sint, qualia grandia ossa esse consueuerunt:  
 Deinde nunquid læsio in osse sit duntaxat in super-  
 ficie ex aeris alteratione, aut ad medullam vsque os  
 vitium contraxerit. Si os solum in superficie sit al-  
 teratum, nec carie aliqua laboret, specillo non exa-  
 cte acuto, neq; obtuso, percipietur læsio, quia os lu-  
 bricum esse cognoscitur, nec in eo specilli cuspidis fi-  
 getur, vt idem adducto loco dicebat: cauendum ta-  
 men, ne forte ex porositatibus in osse existentibus,  
 in quibus specillus figatur, affectum carie os putes  
 esse.

Ossis corru-  
 pti, uel alte-  
 rati substan-  
 tia est conti-  
 deranda.

Quo os in  
 superficie al-  
 teratum pos-  
 sit dignosci.



Carie affecti  
osis cogni  
tio.

Osis altera  
ti curatio.

Auic. 4. 4. &  
Cels. loco ad  
ducto.

Quandiu os  
sic abraden  
dum

Isis osibus  
detectis am  
cum

Sarcotica  
qualia esse  
debeant.

esse. Carie autem os affectum esse cognosces, quia in ea solum parte, quæ carie laborat, non in alijs ossis partibus specillum sæpe si volueris imprimes: Si igitur absque carie os sit, & ab aere duntaxat alteratum, istud scalpello abradere satis erit, modo com mode abradi posse videas, vt Paul. lib. 6. cap. 77. præcipit, & tandiū abrasdes, donec aliquid sanguinis appareat, ille quippe sanguis, indicabit vltius alteratum os non esse, quia quod vitiatum est, aridum vt sit necesse est, vt Cel. lib. 8. cap. 2. dixit, post ossis abrasionem, puluere cephalico inspergendum os ipsum est, vt puluere ireos, aristolochiæ, panacis chironei, & similium, vt os tueatur, carneque tegatur: Vel ossi cephalicum medicamentum admouebis, quod capitale vnguentum, aut de betonica, aut matrisilua dicitur, aut adhibebis isis Gal. cærato humido temperatum, quod à Gal. in lib. de comp. med. sec. gen. in capitis fracturis, & in alijs ossibus detectis, commendatur. Cuius ratio esse potest, quia sarcotica omnia, calida, & sicca esse debent, vt iam ex Galeni sententia dictum fuit, calida, vt nutrimentum pro carnis generatione attrahant, sicca, vt illud à corruptione vindicent, quo deinde naturæ opera caro generetur. Sed medicamenta huiusmodi, magis, vel minus calida parari debent, secundum partium, quibus admoueri debent naturam: cum igitur sicca naturæ os sit, calidiora, quæ illi adhibentur medicamenta, esse debent, & valide attrahere, vt etiam ex gummi cōposita, esse debent, quæ si pro carno-



carnosa parte parentur, vt ab ossibus attrahant pro  
carnis generatione, calida esse necesse est, & sicca,  
propter sicciorem partem, quæ conseruari debet, vt  
3. methodi scripsit Galenus, & hoc etiam in carti-  
laginibus obseruare conaberis. Si autem scalpro os  
alteratum remouere nequueris, terebris aliquibus  
vti poteris, quæ per vlceris foramen mittes, & alte-  
ratum vniuersum os illud remouebis, vt in tractatu  
de fracturis apud Paulum legere poteris: Quod si,  
nec terebro, nec scalpello, propter vlceris angustiam  
vt aliquando euenit, alteratam ossis partem abra-  
dere, & remouere posses, ipsum vlcus tribus modis  
latū reddere poteris, nempe si in illud aliquid, quod  
possit intumescere, immiseris, & quod imbibendo  
humorem, vlcus dilatet, vt vitiatum, & corruptum  
os, quod abradi debet, detegatur: Hoc assequi po-  
teris penicillis in fundum vsq; vlceris immisis, aut  
si vlceris ori, spongiam vino lotam, & exiccata, aut  
apposueris, aut oui abumen adhibueris, cum forti li-  
gatura, non remouendo splenium, vel penicillum  
vsq; ad perfectam ipsorum exiccationem, vel si lo-  
co spongiæ, vlceri radicem aristolochiæ longæ, &  
veræ imposueris, de clematide non loquor, quoniam  
admodum tenues radices habet, nec vt putant mul-  
ti longa est, uel radices etiam aristolochiæ rotundæ,  
vel gentianam, quæ re ipsa cæteris omnibus præstan-  
tior est: nec mihi in hoc casu admodum spongia pla-  
cet, quoniā adeo extenditur, intumescitq; vt etiam  
ipsius spongiæ foramina, & porositates in se carnem

Si scalpello  
os nō potest  
remoueri te-  
rebro uren-  
dum

Tribus mo-  
dis dilatarē  
ulcus pōt.

Gentiana ad  
ulcera dila-  
tanda præstā  
tior cæteris.



Spongię usũ  
in ulceribus  
dilatandis, q̃  
sequatur in-  
commoda.

Ante exedẽ-  
tium medica-  
mentorũ im-  
positionem,  
corpus pur-  
gandum.

3001 BARTHOL. MAGGI  
recipiant, quãsi deinde volueris ex vlcere extra-  
here, carnem dilaniabis, dolorem excitabis, & san-  
guinem ad fluxum irritabis, qui deinde vt rectẽ os  
abradatur, impedit. Ceterum si sub vlceris foramen  
aliquis extaret sinus, adeo in inferiori parte impo-  
sita spongia intumesceret, vt euelli non posset, quare  
aristolochiæ radicibus, & gentiana, quæ vt docet  
Dios. exiccata sit in papyro inuoluta, aut ad vmbra  
in pauimento suspensa melius vt poteris, & tutius.  
Quod si istis ad dilatandum vlceris os, vti nolueris,  
medicamento carnem exedente vti poteris, quo pe-  
nicillos illines, & vnguentum nostrum de colopho-  
nia præstantissimum esset, vel trochiscos de minio  
impones, qui quanuis aliquem dolorem inferant: vl-  
cus tamen dilatant, verum si trochiscis his vti uolue-  
ris, vlceri proximas partes defensiuis communies,  
deinde loco oui albumen, cum bolo armena, & oleo  
rosaceo impones, tum vt dolor sedetur tum vt con-  
fluentes repellantur humores: atq; ante horum exe-  
dentium medicamentorũ impositionem, corpus pur-  
gabis vniuersum, illud semper agendo, ne vlcus in-  
flammatione corripiatur. sequenti die idoneis medi-  
cinis escharã remouebis, & contractam ex acribus  
medicamentis intemperiem, proprijs medicinis re-  
mittes, ea semper adhibendo medicamenta, quæ in  
vlcere existentia symptomata exigent. quibus remo-  
tis alteratũ os abrasdes: At si medicamentis his uti  
nolueris, vlcus nouacula dilatabis, ac os vi tium  
deregēs, vt Cel. lib. 8. cap. 2. dixit: cauendo in sectio-  
ne



nē ne venas, aut arterias, aut nervos, aut ligamen-  
ta cadas, & sic faciliior curatio sequetur, minusq;  
dolorosa. Si verò lesio ad medullam perveniret, to-  
tum os abradendum, vel terebrandum erit, ad sa-  
nam vsq; partem, quemadmodum medicinae autho-  
res prodidere: osse enim aliqua in parte existente vi-  
tiato, nunquam vlcus coalesceret, quandoquidem  
ossa, vt in lib. de vsu par. scribit Gal. carnis fulci-  
menta sunt: quod etiam in principio lib. de ossib. (si  
liber ille legitimus Gal. liber est) scripsit. Quod si  
propter loci sensibilitatem, nec medicinis, nec inci-  
sione, propter nervos, venas, aut arterias, & simi-  
lia detegere os liceat, cannulam ferream in vlcus  
immittes, deinde candens ferrum, per ipsam cannu-  
lam, quod ad os vitiatum perveniat, bis, terq; se-  
cundum ossis corruptionem, mittes, & os hoc modo  
cauterio afficies. post inustionem medicamentum do-  
lorem sedans adhibebis, vt oui albumen cum vitel-  
lo si placet, & oleo rosaceo: super os autem stupam  
in vino madefactam pones. canna, & ferrum, quo-  
modo esse debeant in picturis videbis. Ossis quoq;  
desquamatio posset fieri, medicinis super corrupta  
ossa, aut alterata, positis, quæ ut Paul. ait, lib. 6.  
cap. de fistulis, sua siccitate, os siccius reddere va-  
leant, ex quo facilius à reliquo osse, id quod altera-  
tum erit abscedet: commode pulvis huiusmodi pos-  
set admoueri: sume æruginis æris, scrupulum unum,  
aristolochiæ rot. ireos, radicis panacis herculei, vel  
frustulorum ligni, quod in oppoponaco reperitur,  
quo-

Si læsum os  
ad medullā  
usq; sit, quid  
sit faciendū.

Ossa, carnis  
sunt fulcimē-  
ta.

Pulvis ad of-  
sium desquā-  
mationē ido-  
neus.



BARTHO. MAGG.

quoniam illius radice ramenta sunt, omnium dragmam mediam, misceantur, & in puluerem redigantur: uel uitiatum os gutta olei calchanthi, uel sulphuris, per artem chymicham facti, tanges. aut nostra aqua bis, terue, aut plus, aut etiam minus, prout uidebitur, madefacies: considerando principalem membrorum uicinitatem, & medicamentorum potentiam, & acredinem, ne errorem committas. deinde super os descriptum antea puluerem, sine æruginè pones, cauendo, ne ulceris labra acerbis illis medicamentis tangas. & sic deinde permittes quoad sponte os ipsum cadat, uel abscedat, quod si abscissum non speraueris, quæ paulo post dicemus obseruabis. Si uniuersum os uitium contraxerit, & carie totum sit affectum, si in conspectu os sit, uitiatum esse dubio procul cognosces, ex nigrore, & alteratione facta in colore proprio. præterea si specilli cuspide os illud perfricabis, in os specillus facile figetur, ut citato loco Cel. dixit. Caue tamen, ne ut ante monuimus, ossis spongiosi, & maxime porosi natura, te decipiat, aut cartilago. præterea nigri ichores ab ulcere egredientur, os ita affectum si curare uolueris, scalpellis erit abradendum, quousq; ad sanum os perueneris, & nigredinē uniuersam amoueris, & quoad sanguis appareat, ut ex Cel. dictum fuit, deinde supra os cephalicos pulueres iam dictos sparges, & si post abrasionem pars aliqua corrupti illius ossis relicta fuerit, eam adurentem medicamento absumes, uel remouebis: quæ si medicamen

Os uniuersū  
uitiatū, qui-  
bus possit  
cognosci, &  
quibus de-  
beat curari.



to non cadat, candenti ferro est adurenda, ut Celso,  
 & Paulo placuit, tandiuq; candens ferrum admo-  
 uebis, donec in osse existens humiditas, exiccetur,  
 ut Gal. docuit, candensq; illud ferrum sæpius remo-  
 uendum, & adhibendum, ne ex longa mora caro  
 ipsa aduratur: aliquantisper tamen ferrum ipsum  
 supra os est continendum, ut ignis uirtus in os impri-  
 matur, & humiditas exiccetur: medicamenta de-  
 inde dolorem sedantia adhibebis, quale oui albu-  
 men cum rosaceo oleo, & osi stupam in uino made-  
 factam: ut paulo ante etiam diximus, impones: hoc  
 modo uitiatum os à sano separabitur, & sinus car-  
 ne replebitur. Quod si ad alteram ossis partem,  
 peruenerit corruptio, totum os excidendum, ut in-  
 quit Cel. siue os illud capitis sit, siue pectoris, siue  
 costa, siue quod uis os aliud, quia inutile illud est,  
 atq; illud præcidere est necesse. Sed si aliquod os  
 transuersum fractum, corruptum sit, serra dissecan-  
 dum est, ut elegantissimè docuit Paul. diligentiam  
 adhibendo, ut lamina aliqua, uel linteis, uel lana, ne  
 caro ossa ambiens à serra ledatur, prohibeas: quem-  
 admodum Gal. fecit, cum puero integram costam  
 amouit, de quo in lib. de anat. administ. loquitur:  
 hoc etiam modo undiquaque, à carne denudatum  
 os, dissecamus, ut inquit Paul. quanuis carie non in-  
 festetur, neq; sit corruptum. Nullo enim modo fieri  
 potest, ut ossa circumq; uaq; carne denudata, carne  
 rursus contegantur, uerum in horum ossium pertra-  
 ctatione, affectæ partis cum reliquis partibus, co-  
 gna-

Quando totum os excidendum.  
 Et Pau. lib. 9  
 cap. de fist.

Os transuersum fractum  
 & corruptum,  
 serra dissecandum.

Carne circum  
 quaq; denudata ossa, rur-  
 sus carne cõ-  
 tegi nõ possunt.



Eodem tem-  
pore os dete-  
gendum, &  
diffecandum.

COL

BARTHO. MAGG.

gnationem, & uicinitatem, considerabis, & morbi  
magnitudinem, & aegrotantis robur. Et si ossa exci-  
dere coactus fueris, ut eodem tempore ossa detegas,  
& incidas, operam dabis, aut saltem in sequenti  
die id efficies, antequam oriatur inflammatio, ut ele-  
gantissimè Cels. dixit: Nec audiendi sunt, qui osse  
nudato tertium expectant diem, deinde illud exci-  
dunt: Quod si commodè excidi os non poterit, no-  
stra aqua forti, os ipsum madefacies sæpius, & quæ  
abscessura est pars disceder. uide tamen ne ulceris  
labia madefacias, quia maximè aqua illa penetrat,  
ita, ut non solum carnem, sed ossa, & quoduis lignū  
durissimum ualeat penetrare, quemadmodum ex li-  
gnarijs fabris, qui aquis fortibus, & per chymicam  
artem destillatis, ligna quouis colore inficiunt, di-  
scere poteris: ita enim aquæ illæ fortes ligna dura  
penetrant tota, ut quauis ligni illius partem dedo-  
les, semper idem color appareat. Habes igitur mi  
Ioannes Peline vulnerrum omnium, & ulcerum, atq;  
eorundem symptomatum curationes tumultuario  
scriptas: quibus cum cæteris medicinæ candidatis  
fruere, breui dijs uolentibus à me maiora, utiliora-  
que accepturus.

F I N I S.

MEDI-



## MEDICAMENTORVM OMNIVM

## DE QVIBVS IN OPERE

agitur, descriptio.



**I**N hoc volumine multorum medicamentorum descriptiones ex Galeno non adinueneris, non erit mirandum, quoniam trado, quæ à nobis pluribus diebus sunt comprobata, & quæ commodè possunt parari, cum multa, ob simplicium ingredientium defectum, conficere nequeamus.

*Repercutiua medicamenta pro parte carnosâ  
sub forma linimenti, vel vnguenti.*

**R**ecipe olei rosacei optimi, vel completi: id enim præstans in omnibus compositionibus, vnc. vi. ros. rub. myrtillorum, boli armeni, an. dragmam i. cære albæ quantum sufficit ad linimentum formandum. Sed pulueres in modum farinæ debent redigi: deinde cæra, & pulueres in ollam proijciantur: eaque paulatim ab igne remoueantur, illa continuè baculo, vel re simili, agitando, vsque ad totius vnguenti refrigerationem. Deinceps aqua rosacea, vel aceto si partibus carnosiss parabitur, lauabis. Vel sic R. olei rosati omphacini optimi si haberi potest,



BARTHO. MAGG.

test, sin autem prædicti, vnc. v. boli armeni drag. viij. aceti optimi, vel rosacei vnc. i. & simul omnia misceantur. Sed si oleum simile omphacino qualitatibus cuperes habere: in rosaceo oleo completo oliuarum folia minutim incisa, cum tertia vini parte, in duplici vase bullias, vsque ad vini consumptionem, quod cognosces, si olei guttulam supra prunas deijcies: si enim crepitum ciebit, signum erit vinum adhuc non esse consumptum.

Sub forma fomenti.

**C**apias balaustiorum, seu eorum loco cytinorum, hoc est mali punici flores, gallarum, granorum myrti siluestris, ros. rub. hoc est communium an. manipulum i. boli armeni vnc. iiij. omnia decoquantur in vino austero nigro, illis prius concisis, quam optimè vas terreum claudendo, in quo vsque ad tertias decoquantur, in cuius fine, si pro partibus carnosissimis parabitur, addas aceti optimi decimam partem: postmodum membrum fouebis, aut stupa circundabis, vel linteis in prædicto decocto illitis, cum retentiva fasciatura, si ea egebis, vel aliud, quod facilius præparabitur conficies, capiendo albumina ouorum numero tria, boli armeni vnc. ij. aceti optimi, vel rosacei vnc. i. s. albumina separatim concutiantur, ut eorum visciditas dissoluatur, postea pulueres, & acetum iniicies perfectè simul miscendo, quæ parti superponantur cū stupa, vel linteis: ista enim defen  
sua



*sua, oleis, & vnctuosis destituta, valde à nobis com-  
mendantur, quia particulam magis roborant, vehe-  
mentiusq; repellunt, & humores discutiunt: prædi-  
ctis etiam posses quam plura alia repellentia adde-  
re, vt acatiam Arab. & aromatariorum, quæ quan-  
uis ignoretur an sit vera acatia: tamen re ipsa stipti-  
ca est, aut sandalos omnes, corallia, ros. & similia:  
Aut vnguentum, quod sic paratur. Recipe olei ros.  
completi, vel optimè parati ex rosis, olei ros. ompha.  
id est ex oliuis immaturis facti, an. vnc. v. olei myr-  
tini vnc. ij. sandalorum alborum, rubeorum, citrino-  
rum an. drag. ij. boli armeni drag. vi. sanguinis dra-  
conis in lachrymis drag. iij. in cuius defectu, potes  
adaugere quantitatem boli armeni, aut rosas in pul-  
uerem redactas, addes, cære quantum sufficit. cui  
colliquata, & iuxta ignem lentum posita, addes pul-  
ueres subtiliter attritos, baculo, vel spathula omnia  
simul agittando, vsque ad vnguenti refrigerationē,  
quod potentius efficies, si aqua rosacea, vel aceto la-  
ueris, atque erit fortius, si pro qualibet libra, scru-  
pulum vnum camphoræ optimæ, etiam apposueris.  
Nec miraberis, si cum oleis, vel vnctuosis, parantur  
à nobis nonnunquā defensiuæ, extra antiquorum ri-  
tum, quoniam non sine iusta ratione id agimus: Scis  
enim ex Gal. 3. meth. humores fluentes repellendos  
esse, fluxos vero discutiendos: cum ergo aliqui sint  
fluentes, & aliqui fluxi. hi qui fluunt, à stipticis, fluxi  
vero ab vnctuosis, propelluntur. hac igitur de causa  
taliam nos repellentiam cum vnctuosis paramus, præ-  
cipue*



ripiuè cum ab eodem sic literis proditum fuerit: iam factam, atq; existentem ægritudinem curare oportet: Sed quæ non dum quidem adest: futura autem, est prohibendum, ne fiat ab ea, quæ est in corpore dispositione: quod etiam fuit confirmatum 14. methodi. Similiter si pro loco nervosarum partium defensionum paramus, addimus (præsertim processu temporis) oleum vermium terrestrium, aut ipsos terrestres vermes in pulverem redactos, aloen, thus, omittendo camphoram, ac acetum, nisi sang. fluxus suspicio id suadeat. Insuper non est mirandum, si huiusmodi defensiuo calida addiderimus: Gal. enim 66. apho. 5. par. inquit partes nervosas, calefacientia, & exiccantia desiderare: sic scribens. Maxime autem dolores patiuntur partes nervosæ, quæ medicinas calefacientes, & exiccantes desiderant. Quod etiam confirmatum fuit 4. de artic. Si enim inquit frigida admouerentur, convulsionem excitare possent: quanquam frigida admouenda sunt ratione repercussionis: tamen talia esse nō debent, qualia pro partibus carnosiss parari solent.

Concoquentia, seu vt Barbari dicunt, digestiua, hoc est pus mouentia.

**V**arijs modis hæc confici possunt, sed communiter ex vno vitello oui, olei ros. vnc. i. simul permixtis: vel sic. Recipe resinæ tereb. optimæ seu larinæ puræ, aut abietinæ vnc. i. & s. vitellum vnius oui,



oui, & etiam si placet, olei ros. vnc. s. & simul misceantur: posses etiā si videretur, modicum croci addere, pro sedatione doloris, sed si forte inflammationē suspicareris, resinas prædictas laua modicum farina hordei benæ cribratæ addendo: vel sic, & dicitur digestivum lotum mirabilissimæ operationis, pro omnium vlcerum concoctione, dummodo bene paratum sit. Recipe olei ros. completi, terebinth. vel resinæ prædictæ, an. vnc. iiij. cæra parum, & fiat vnguentum, sed molle sit. Postea vero lauetur aqua pura pluribus vicibus: & hæc concoquentia semper mollia præparabis: hoc enim modo facilius actuantur, nec dolorem inferre possunt sua duritie, vt rectè animaduertit esse faciendum Gal. vt iam dictum est: istud enim facile concoquit etiam si vulnera essent inflammata. Insuper nisi empiricum videretur dictum nostrum, dicerem non solum concoquere, sed sæpius abstergere, ac cavitatem replere. Secundum vero antiquos, vt apud Gale. hæc fiebant concoquentia: picatum, quod constabat ex pice, cæra, & oleo: Sed tanta quantitas olei est apponenda, ut medicamentū liquidum sit, quo facilius actuari possit, absq; læsione: cuius virtus est dolorem remittere, & pus mouere, etiam si vlcus cum inflammatione sit, vt in lib. de fract. fiebat etiam tetrapharmacum, constans, ex pice colophonia, cæra, & pinguedine taurina æqualibus portionibus, de quo Gal. lib. de elementis. Sed parabitur pro corpore duro cum pinguedine taurina, si pro molli cum vitulina,

P at



at si constitues medicamentum hoc æquali portione videbis illud nimis effici durum. Ideo maiorem pinguedinis quantitatem, ob rationes supra assignatas, appones: cuius virtus est inflammationes sedare, vt 3. de fract. Gal. & pus mouere, vt 13. meth. quod vulneribus coctione egentibus admoetur, tandiū, donec pus laudabile appareat nullo alio adueniente symptomate. Si que prædicta obseraueris, ex vnoquoque istorum optimam coctionem percipies.

## De abstergentibus.

**A**bstergens leue, quod poni solet in vulneribus, post perfectam coctionem, tale est. Recipe terebenth. vel laricis, vnc. ij. mellis ros. col. vel si mellis mordicationem times, syrups ros. vnc. i. farine hordei drag. ij. thuris sarcocolæ, an. drag. s. aut absque his duobus vltimis parabis. Omnia colliquantur in vase æneo ad ignem lentum, deinde sicca in pollinem redacta projiciantur, semper cum baculo miscendo, vsq; ad perfectam mixturam, sed pulueres infundantur, cum terebenth. & mel fuerint ferè infrigidata: Sic miscendo vsq; ad perfectam infrigidationem. At si paraueris pro partibus nervosis, pulueris lumbricorum partem aliquam addes. vt sic. Recipe vng. rasini, vel basiliconis, si vulnus in parte nervosa sit, vnc. ij. mellis ros. col. vel syr. ros. ex rosis aridis vnc. i. pul. lumb. vnc. s. quæ simul ad  
ignem



ignem misceantur. Si vero potentiora desiderabis  
abstergētia pro ulc. sordidis, hoc est pro saniei cras-  
sæ abstersione, confugies ad ung. apostolorum: quod  
quavis à Mesue, & à multis alijs describatur: hic  
tamen describendum censui, ut si forte iter aliquod  
facturus esses, & dosim memoriæ non haberes, te-  
cum ferre tot libros cogaris, cum hic in ijs optime  
(ni fallor) tibi inservire queat, hoc pacto igitur erit  
preparandum. Recipe armoniaci, bdely, olibani  
masculi, hoc est thuris bene pinguis, aristol. rot. sar-  
coco. an. drag. v. myrræ, galbani, an. drag. xv. aloes,  
opoponacis, an. drag. ij. & s. floris æris, idest æru-  
ginis æris, sic Arabes uocant, longe enim differt ab  
æris ærugine, drag. ij. resina, drag. xiiij. ceræ albæ  
unc. ij. olei q. s. Aduertendum tamen est in hac com-  
positione, ut in alijs ingredientia bona, & præstan-  
tia esse debere: At hic gummata sint sicciora, quo-  
niam hoc medicamento emollire non intendimus,  
sed exiccare, præterea cum vera myrra apud nos  
non reperiatur, potes accipere bdellium minus pin-  
gue, loco myrræ, quod dissolues in aceto, & lithar-  
gyrium cum oleo coquitur, donec liquefiat, & tunc  
ab igne remoueat, & refrigerari aliquantulum  
permittatur: Cæterum adde armoniacum bdellium,  
& alia dissoluta, ad ignemq; rursus reducatur, &  
cum coagulata fuerint ultimo, reliqua addantur.  
Aliud forte simile dictum ung. damascenum, quod  
sic fit. Recipe ung. rasini unc. ij. æruginis æris scrup.  
s. his ad ignem liquefactis, & parum deinde refri-

P 2 gera-



geratis, additur ærugo optime puluerizata, uel aliud fortius, quod isis cephalicum dicitur, quod sic paratur. Rec. cæra drag. l. terebinth. puræ, uel laricis, uel resinæ abietinæ, dragmas c. squammæ æris, æruginis rasæ, aristolochiæ rot. thuris, salis armoniaci, hoc est salis gemmæ, ammoniaci pinguis, an. drag. iij. aloes combusti, drag. iij. æris usti drag. iij. myrræ, aloes, galbani an. drag. vi. olei ueteris heminam mediam, idest unc. iij. & s. aceti acris heminam i. hoc est unc. x. radicum dracunculi, idest serpentariæ optime in umbra siccata, drach. iij. Quæ possunt puluerizari, in mortario diligenter terantur: quæ uero liquari, simul colliquantur, ut cæra, oleum, terebinth. &c. Sed galbanum cum aceto una cum alijs maceretur: misceanturq; liquida simul secundum artē, ultimo manibus comprimendo, in aceto fortissimo q. s. lauabis. Sed æs ustum, & squamma præparanda sunt, quanuis à Gal. non recensentur in illo libro, ut dicemus. Eo factō, emplastrum istud, diu in uase aceto pleno, antequam in usu ponatur est seruandū, cumq; se occasio obtulerit, eo simplici non utaris, sed mixto (ut declarabitur) cū cerato humido, quod si simplex adponatur, valde exiccat, ut in fracturis ossiū, & super ossa solū cōfert nō mediocriter ad morsus hominū, & ad alios morsus uenenosos, ut sua exiccatiua uirtute potētī, uirus ad exteriora educat, ad nervos vulneratos, uidelicet si inflāmatione nō infestabuntur, ad fistulas, ad sinus omnes, si colliquatum, & contemperatum cum



cum oleo ros. fuerit, vel cerato humido, cohibet etiam futuros abscessus contemperatum, simplex vero exedit, ideo ad gangrenas prohibendas non parum proderit. At si cerato humido contemperatur, vlcerà cauterio afficit, & canos sine mordicatione replet, & duæ, vel tres partes cerati humidi ponantur, vt monuit Gal. 5. de compo. med. sec. gen. prout locus sensibilis, & temperamentum corporis, nec non morbus forti, vel leui exiccatione egere tibi videbitur. Sic enim secundum Galeni sententiam medicamentum hoc fit leuius, & mitius, ex largiori humidi cerati admixtione. nec mirandum, si olei dosis alia est, quam à Gal. describatur: ob additionem enim dracunculi radicum, & cæterorum, dosim variauimus, cum ipse simile nunquam parauerit, nec ingredientium quantitatem docuerit: Modus autem, quo dracunculi radices parantur, talis est: eas colligunt tempore æstiuo, iam caule exiccato, & herba, deinde amputant, & loco solem non habente, reponunt, transactis vero sex, vel septem diebus, radix in orbiculos, & frustula diuiditur, & filo traicitur, suspenditurq; in loco, solis ingressum non recipiente, ex quibus sic exiccatis huiusmodi conficitur medicamentum, quod malignis vlceribus mirum in modum prodest.

Vnguentum Aegyptiacum abstergens saniem crassam, ac sordes, quandoque admouere oportet, quod quidem putrefactam, & corruptam carnem valet exedere: bonam autem, & nullo vitio affe-



Etiam, conseruare, quia virtus eius, cum valide potens non sit actuari, nisi in mollem carnem agere non potest, non autem in bonam, quæ solidior est. ideo valet ad abstergendā sordem, cuius descriptio secundum Gal. talis est. Recipe floris æris, hoc est æruginis æris, quoniam flos æris aliud est, nec capitur à Mesue, nisi pro æruginē, & mos Arabum sic est nominare æruginem, drag. v. mellis drag. xiiij. aceti fortissimi drag. vij. Coquantur ad ignem donec misceantur, & sic optimum erit. Puluis præcipitati cum valeat abstergere sordida, hic etiā inter abstergentia reponitur. Sed præstantius erit, si præparetur, quemadmodum dixit Gal. primo catag. de mysi, calcitide, squāma æris, atq; de omnibus mineralibus, quæ si aceto lauentur, minoris efficiuntur mordicationis, & validioris exiccationis, rationem & ibi reddit: quoniam vero metallica crassiorum sunt natura partium, ideo vim suam ad profundum corporis non extendunt, & ob hoc, vt tenuiora fiant, ipsa cōterere, & in aceto dissoluere conuenit: quæ postea ita attenuata, ad penitiora penetrant. Accedit autem, & aliud quoddam commodum, in huiusmodi medicamentorum confectiōe: quod diligenter elaborata, corporis meatus facillimè pertranseunt, & quanuis calidioris naturæ sint, sine morfu, munere suo funguntur.

Teratur igitur diligenter præcipitatum, quod preparari debet, deinde desuper acetum acre proijciatur & cum pistillo diu ducatur, & soli exponatur,



tur, sæpius agitando, postea acetum abijcies, cum in fundo subsiderit, rursus acetum acre, vt prius infundas, lauando, sicque decies agendo, quo facto permittatur exiccari, demum in puluerem redigatur, & vsui seruetur. Si hoc modo præparatum fuerit præcipitatum, longe minoris mordicationis erit, & uehementioris exiccationis, & abstersionis: idem de æris squamma, præsertim combusta, dicendum: ex combustionem enim (ut dictum est) metallica, atque mineralia acria, Gal. sententia loco præallegato, minorem retinent mordicationem.

De sarcoticis.

**V**ng. rasini talis est descriptio, & pro corpore molli, carneaque parte. Recipe resinae pini, terebenthinae, cerae citrinae, olei communis, an. vnc. iij. dissoluta cera, resina cum oleo, ultimo terebenth. omnia colentur, & in cacabo ad ignem lentum bulliant, deinde permittantur in frigidari. Aliud sarcoticum. Recipe terebenth. mel. ros. col. an. vnc. ij. thuris, aloes, sarcocollæ, farinae hordei subtiliter cribratae an. drag. i. dissoluta terebenth. cum melle, addantur pulueres, semper agitando vsque ad perfectam mixturam, quod si pro parte nervosa paratur, semidrach. pulueris lumbricorum terrestrium addatur: puluis sarcoticus pro parte carnosâ. Recipe aloes sarcocollæ, an drag. iij. thuris pinguis drag. ij. mis. & subtiliter puluerizentur, cui posses addere

P 4 arist.



## BARTHO. MAGG.

arist. rotun. quartam partem. Aliud, quod dicitur  
 vng. aureum. Recipe cæra nouæ drag. i. olei com-  
 munis vnc. iiij. terebenth. vnc. s. picis græcæ .i. co-  
 lophonie drag. ij. thuris mastiches an. drag. i. scrup.  
 i. croci scrup. s. subtiliter puluerizetur mastiche,  
 thus, & pix per se primo, vltimo simul, & cribren-  
 tur. Deinde liquefactis oleo, cæra, vltimo tereben-  
 th. & ferè infrigiditatis, addantur pulueres, sub-  
 sequenter crocus, omnia, vt supra dictum est baculo  
 agitando. pro parte nervosa vng. basilicon maius.  
 Recipe cæra albæ vnc. ij. rsinæ pini, terebenth. an.  
 vnc. s. sebi vaccini, picis naualis, thuris, myrræ, an.  
 drag. ij. scrup. ij. olei communis vnc. iiij. quæ sunt te-  
 renda, terantur, primo per se, vltimo simul, & cri-  
 brentur. Deinde quæ liquefcere possunt, dissol-  
 uantur ad ignem lentum, vltimo terebenthina,  
 in æneo lebate: quo factò superdatur pix, postremo  
 alia: collentur deinde simul, permisceanturq; vsq;  
 ad infrigidationem: pro corpore duro. Recipe vng.  
 damascenæ vnc. i. rasini vnc. iiij. misceantur simul,  
 & ad ignem lentum cum baculo agitentur, ne pul-  
 ueres fundum petant. Vel Reci. isis cephalici drag.  
 iiij. vng. rasini vel digestini loti, aut cæcati humidi  
 drag. x. misceantur cum spathula, vel Recipe vng.  
 apostolorum drag. iiij. vnus ex prædictis vnguentis  
 vnc. i. & s. misceantur: ex istis enim potes per te met  
 ipsum fortia, & leuia conficere medicamenta, pro-  
 ut videbitur, & quantitatem exedentium, vel mi-  
 tium medicamentorum augebis, prout erunt corpo-  
 ri



ri duro, & parti nervosa ac ficca, aut molli applicanda, ceratum humidum Gal. parabitur ex oleo ros. & cera alba, ex quibus nos sic conficimus. Recipe olei ros. optime parati, vel & melius completi libr. i. & s. cerae albæ libr. v. & ad ignem simul dissolvantur: isto enim cerato, isis cephalica, & prædictorum acuitas reprimitur.

Diacalcitis Gal. sic paratur.

**R**. adipis vetusti, quem nonnulli axungiam appellant libr. i. olei veteris libr. ij. argenti spumæ libr. iij. calcitidis vnc. iiij. sed cum careamus vera calcitide, accipias partem superficialem albicantem, quæ reperitur super chalcanthum romanum, nec ut faciunt multi, debet poni chalcanthum, quoniam pars illa superficialis, est tenuioris, & subtilioris virtutis, & penetrationis: sicq; paratur. mundatur adeps à pelliculis, postea cum oleo simul dissolvatur, distilleturq; & perfecte mundetur, ut nulla membranula remaneat, & cum emundatæ fuerint addantur spuma argenti, & calcitis, deinde ad ignem lentum carbonum coquantur, usque ad perfectam cocturam, & ad formam emplastri, & inducantur ramuli palmæ, quasi æstas, unius diei, si verò hyems duorum sint, & si haberi non potest, eius loco accipiantur radices arundinum, vel baculus salicis recentis, ut nos libentius agimus, scindendo in frustula, quæ cum baculo salicis recentis ducan-



BARTHO. MAGG.

ducantur usque ad finem, cuius virtutes declarantur à Gal. longo sermone in lib. catag. Sed talis descriptio mollibus corporibus præstatius inseruit, ut pueris, mulieribus, & in ocio degentibus, ut inquit Gal. quàm duris. Si autem pro corpore duro, ut pro rustico, vel robusto, volueris parare, nec artem vna cum alijs studiosis empirice exerceas, secundum duas descriptiones parabis ut hoc modo. Recipe calcitidis vnc. v. vel vi. olei veteris, lithargirij, an. lib. iij. adipis vetusti, quam axungiam vocant, libr. i. & ut diximus decoquantur. Ex quo mirum non est, si varia apud Doctores post Gal. reperiantur descriptiones istius medicamenti.

Vnguentum citrinum.

**S**ume boracis, hoc est naturalis, quo aurarij fabri utuntur drag. ij. camphoræ drag. i. corallorum alb. drag. i. amenti dulcis drag. s. vmbilici marini veri, tragacanthæ albæ, amyli, marmoris, crystalli, antalis, dentalis, olibani, nitri, an. drag. iij. marmoris albi drag. ij. gersæ serpentariæ vnc. i. cerusæ vnc. vi. terantur omnia per se, in marmoreo mortario pistillo ferreo, deinde panno cribrentur: deinde sume axungie porcine libr. i. & s. sebi ovis, vel capræ recentis vnc. i. & s. pinguedinis gallinæ recentis vnc. i. axungie in duplici vase simul liquefiant, & colentur, in quas, pulueres omnes, præter camphoram, & boracem iniiciantur, & cum baculo



lo agitentur optime, quo inuicem omnia probè misceantur: Post hæc citrum assumes, quem excauabis, & mixtura illa replebis, ac igni admouebis, ut bulliant, semper etiam baculo agitando: Rursus mixtura illa in citro ebullita, in vas proijciatur, & illi borax, & camphora adijciantur cum frigescere cœperit, & ad vsum seruetur: Sed quid pro amento dulci sit accipiendum, paucis expediam: Assumenda est superficies illa alba, & perlucida, quæ supra gipsum reperitur, quæ à nonnullis non sine ratione lapis specularis dicitur, à vulgaribus verò alumen scaiola nuncupatur, sed combusta esse debet. pro antalo, & dentalo, lapides illi, qui in marinis locis reperiuntur assumendi, quos aromatarij corrupta uoce his appellant nominibus, à Dioscoride lib. 2. cap. 2. buccinæ nominantur, quia sonum ad modum buccinæ inflatæ reddunt, & concha est clauiculatim intorta, & turbinatu scabra, sine aculeis, magnitudine purpuræ inferior, buccino turbinato, quo sonus editur similis, excepto ore rotundo in marginem inciso, à Plin. cerix, Latine murex appellatur. pro gersa serpentaria, radix aron vulgaris, seu serpentariæ minoris preparata, quæ sic ad mulieres fucandas paratur. colliguntur dracunculi minoris radices, & optime mundantur, lauanturq; quæ minutim incise, filo inserto ad umbram exiccantur, deinceps in puluerem redduntur, qui aqua rosacea inspergitur, & soli expositus exiccatur, rursus iterum aqua rosacea inspergitur, & iterum exic-



BARTHO. MAGG.

exiccatur Soli expositus, & id quinquies fit, vt per  
fectè puluis ille albescat. Atque hic puluis etiam  
solus conducit ad faciem dealbandam, si cum aqua  
florum fabarum, aut limonum sublimata, miscue-  
ris, & faciem perfricaueris, deinde mane aqua fa-  
ciem laueris.

Vnguentum album Pauli.

**R**Ecipe ceræ dealbatæ vnc. vi. olei ros. completi,  
vel optimi ros. simp. libr. i. & s. spumæ argenti,  
cerusæ, an. vnc. ij. amygdalini olei vnc. ij. albumina  
ouorum v. & misceatur oleum cum cerâ ad ignem  
lentum, deinde amygdalinum addatur, quibus ferè  
infrigidatis, ouorum albumina bene quassata, ad-  
des, donec incorporentur: Istud enim valet ad om-  
nes inflammationes, & tam ad vlcera, quàm pustu-  
las, vt per ingrediētia patet, & præsertim ad ignis  
combustiones, & inter cetera mollia medicamen-  
ta, cuti non adhærescit. & hoc patet cum linteolum à  
particula remouetur, quod per pauca alia faciunt,  
& talis compositio non est mutāda, & si in quibus-  
dā codicibus reperias amyli vn. ij. quemadmodum  
in multis codicibus scriptum vidi, sed in meo tam  
Græco quàm Latino codice, legi amygdalini, loco  
amyli, & ego amygdalino semper composui, & fæ-  
liciter operatur. verum curauī semper, vt haberem  
amygdalinum nuper confectum, cum illud oleum  
facile corrumpatur.

Aliud



*Aliud album commune.*

**R**ecipe olei ros. completi, vel optimi simp. vnc. ij. cerusæ optimæ vnc. i. & s. ceræ albæ vnc. i. liquefacta cera cum oleo, apponatur cerusa subtiliter puluerizata. ultimo cum ros. aqua lauetur, vel omittatur. quod si volueris esse ceratum de minio, loco cerusæ accipies minium commune, quod est sandix Gal. & rectè nuncupabitur vng. sandicis, & sic præparatur. Recipe olei ros. completi, vel optimi, terebenth. an. vnc. ij. sandicis. i. minij nostri unc. ij. ceræ citrinæ vnc. vi. & s. & simul ut dictum est misceantur. cui si addere vis unc. i. tereb. potes, secundum tuam intentionem.

*Vnguentum de tutia.*

**S**ume olei ros. omphacini, olei ros. completi, olei scaparorum, an. vn. vi. olei myrtini, vnc. ij. vng. gal. vng. populeonis, an. vnc. ij. foliorum plantaginis, centaurij minoris, solani, lapatij, an. man. i. & s. Herbae incidantur crasso modo, & simul infundantur per septem dies, deinde parum bulliant, quo facto colentur: cui adde ceræ albæ quantum sufficit ad formandum vng. molle, postmodum ab igne remoueatur, & sæpe baculo agitentur, donec tepida fiant. ultimo hæc addes, spumæ argenti, & auri, in vnc. ij. & s. tutiæ præparatæ drag. ij. recrementi plumbi drag. vi. hordei combusti, stercoris canini, an.



BARTHO. MAGG.

an.drag.i. & s.camphoræ bene purgatæ drag.i.boli  
armeni orientalis drag.i. & s. & omnia bene mi-  
sceantur in mortario plumbeo & ducantur per ho-  
ram secundum artem.

*Vnguentum de molybdena.*

**R**Ecipe olei ros. aceti fortis, an. vnc. iij. molyb-  
denæ pul. vnc. ij. in mortario plumbeo per ho-  
ram simul ducantur, vsque ad perfectam mixtio-  
nem secundum artem.

*Vnguentum colophonie.*

**R**Ecipe thuris, aluminis rochæ, arsenici, an. vnc.  
v. olei camomelini vnc. v. colophonie, resinæ  
pini, terebenth. an. vnc. ij. resina pini, colophonia,  
& oleum sola, ad lentum ignem liquefiant, & colen-  
tur, cui colaturæ addantur terebenthina, & pulue-  
res, & cum refriguerint, addantur aceti fortissimi  
vnc. ij. cum baculo agitur, donec simul omnia pro-  
bè admixta sint, & fiat vng.

*Diacadmia epuloticum ex Gal. 2. catag.*

**R**Ecipe cadmiæ ex vino preparatæ, calcitidis  
vstæ, an. vn. ij. ceræ vnc. x. colophonie vnc. viij.  
vini optimi quantum satis est. Calcitis, & cadmia  
in vino terantur, vt humidi cerati spissitudinem ha-  
beant.



beant. ceram, & resinā in frusta diuisam in vas ficti-  
le immittito, atq; his olei myrtei lib. addycito, de-  
inde carbonibus superponito, continuē agitando,  
cum soluta fuerint, ab igne tollito, vbi refrigerint,  
radito, leuigatisq; indito, ac mixta excipito, in vso  
oleo myrteo subigito.

*Puluis cicatrices inducens Gal. 5. Catag.*

**R** Ecipe calcis viue drag. iij. mannæ thuris, idest  
sulfuris thuris, squammæ æris, an. drag. ij. om-  
nia per se puluerizentur, vltimo simul misceantur.  
Istud etiam optimum est epuloticum.

*Ceratum de spuma argenti sic paratur.*

**R** Ecipe lithargirij libr. i. olei vetustissimi libr. ij.  
& s. aceti acutissimi vnc. vi. coquantur oleum  
& spuma argenti simul, ita vt manus non inqui-  
nent, vltimo acetum addatur.

*Epispasticum Gal.*

**R** Ecipe spumæ argenti, cerusæ, salis, an. vnc. x.  
olei veteris sextarium vnū, hoc est libr. i. & s.  
sal, cerusa, spuma argenti ex oleo ipsis adiecto terun-  
tur, deinde curiose mixta, & in vase fictili cocta, as-  
sidueq; mota, donec nō inquinēt, deinde in mortario  
transfusa, rursusq; tunsa excipiuntur, & vsui sunt.

Pro



**P**Amphilon ad sinus conglutinandos, ad vlcerum fluxiones, ad oculorum epiphoras, hoc est lachrymarum fluxum, fronti impositum. Recipe spuma argenti drab. l. cere drag. xxv. tereb. thuris, an. drag. xij. & s. ceruse drag. l. aluminis scissi, quod vulgo vocatur flos petre vnc. i. piperis albi drag. i. & s. olei veteris heminas duas, hoc est libr. xvij. & secundum artem composito.

Quauis in nostro hoc opere meminerimus de trochiscis Musæ, & Pasionis: hic eos tamen non descripsimus, cum ob nonnullorum ingredientium penuriam parari non possint, sed duntaxat Andronij, qui sic parantur. Recipe cytinorum, hoc est florum malorum punicorum drag. x. gallæ drag. viij. myrrhæ, vel eius loco bdelij, mali terre, hoc est aristolochiæ, an. vnc. s. chalcanti, aluminis scissi, hoc est aluminis plumæ an. drag. ij. misios cypri, hoc est superficies albicans in chalcantia cyprio drag. ij. passo hoc est vino facto ex vuis, vel sapa, omnia hæc simul diluantur, & rotulæ formetur ex Gal. catag.

## Diacarthu Gal.

**R**Ecipe squamæ, gallæ, myrrhæ, an. drag. viij. sandaracæ, quæ est species auripigmenti rubicundioris, arsenici, elaterij, an. dragm. iij. thuris drag. ij. atramenti scriptorij, idest chalcanti drag. ij. car-



iiij. cartæ combustæ quantum satis est ad inducendum colorem, deinde cum sapa trochisci conficiantur: ex Gal. catag.

Pastilli Ioannis de Vigo præstantissimi.

**R**ecipe panis fermentati crudi vnc. iiij. argenti sublimati finissimi drag. i. aut plus, minusve, prout intendere, & remittere istorum pastillorum vim volueris, minij, drag. v. panis cum ros. aqua, vel cucurbitæ, dissoluatur cum pistillo in mortario, cui addatur argentum sublimatum, optimè in modum farine redactum, ultimo minium, vel si eos optas alterius coloris habere, carbones subtiliter pul. vel terram nigram melantheriam dictam, postea orbiculos ad nucleorum pineorum figuram finge, vel placentas, aut alias figuras, quos in furno tepido exiccabis, eosque servabis.

Diapyritis.

**S**ume bituminis, spumæ argenti, an. vnc. ii. & s. picis, cæræ, an. vnc. i. pyritis, idest marchasitæ, terebintih. an. drag. xxv. propolis, quæ vulgo cera vergine dicitur, aluminis scissi, an. drag. xv. ammoniaci pinguisimi vnc. i. & s. galbani, aloes, an. vnc. i. eruginis æris, manna, an. drag. v. olei vetustissimi sextarios duos, hoc est libr. iiij. coquitur oleum

℞ cum



BART. MAG. MED. DESCRIP.

cum argenti spuma quantum satis est, deinde adij-  
ciuntur bitumen, cera, pix, resina, propolis, quibus  
liquifacitis, refrigeratisque, ærugo, & lapis pyri-  
tes immittantur, deinde cum vas ab igne remotum  
fuerit, & quæ in eo fuerint modice refrigerint,  
amoniacum, alumen, galbanum, manna injiciantur,  
& postea in aquam frigidam immittantur.

FINIS.

INDEX



INDEX. 114  
INDEX RERVM NOTABILIVM

quæ in opere continentur.

- A
- A**bscessura quibus notis dignoscantur pagina  
51. facie prima.
- Abscessus potius lanceola, quam falcato instrumen-  
to secandi, & quare. fol. 54. 2
- Abscessus si naturæ permittuntur sponte omnes rum-  
puntur. fol. 55. 1
- Abscessus quando coacti diffecemus. fol. 55. 1
- Abscessus quomodo ante perfectam suppurationem  
incidantur. fol. 55. 2
- Abscessus ani, & qui in oculorum angulis oriuntur  
ante suppurationem secantur, & quare. fo. 55. 2
- Abscessus secti quomodo curandi. fo. 55. 2
- Abscessibus non suppuratis diaphenycinum uti-  
le. fo. 56. 1
- Abstergentia medicamenta qualia esse debeant. f. 32. 2
- Abstergentia valide medicamenta. fo. 80. 1
- Abstergentia valide medicamenta si febris adsit vi-  
randa. fo. 80. 2
- Abstergentia validissime medicamenta. fo. 81. 1
- Abstergentis medicamenti compositio. fo. 79. 2
- Abstergentium descriptio. fo. 106. 2
- Absterfio saniei maxime adhærentis secundum Aui-  
cenam. fo. 25. 1
- Acclivæ membrum quando collocetur. fo. 49. 1
- Acria medicamenta humores attrahunt. fo. 65. 2
- Acria medicamenta vlcus depascens efficiunt. f. 77. 1
- Aduersâ pars quando incidatur. fo. 41. 1
- Aduerentia sanguinem compescunt. fo. 4. 2

Q 2 Adu-



## I N D E X.

- Aegrotantibus quies suadenda.** fo. 23. 2  
**Aequaliter quando membrū reponatur.** fo. 49. 1  
**Aegyptiacū sinibus cōsolidāris aptissimū.** f. 84. 1  
**Aestiuo tempore vulnere bis in die, Hyberno semel medendum.** fo. 29. 2  
**Agēdorū quāritas nec dici nec scribi pōt.** fo. 32. 2  
**Alter modus fasciandi membrum in quo fractura cum vulnere sit.** fo. 53. 1  
**Aluminosa aqua depascentibus vlceribus conducit.** fo. 78. 1  
**An vulnera ex puluere venenū retineāt.** f. 15. 1. & 2  
**Animalis venenati morsus calidus.** fo. 62. 2  
**Ante sarcoticorum admotionem quid considerandum.** fo. 34. 1  
**Ante globulorum extractionem quid considerandum.** fo. 37. 2  
**Ante maiora remedia, quæ prius tētāda.** fo. 63. 2  
**Aqua forti quomodo vtendū, & quid postquam hac aqua vlcus fuerit madefactū sit faciēdū.** f. 66. 2  
**Aqua illa exedens, & fortis quibus componatur & quomodo.** fo. 67. 1  
**Aristotelis ratio de motu.** fo. 1. 2

### B

- Bilis peccans quibus purgetur.** fo. 74. 2  
**Bucasis forcipes nō aptæ ad sinus dilatādos.** f. 86. 1

### C

- Ceratum humidum Gal. ossium fracturis, & luxationibus accommodatum.** fo. 48. 1  
**Calida, & humida solutioni continui aduersantur.**



# INDEX.

II5

- tur. fo. 17. 1  
 Calidum vulnus contrectando minor causatur, do-  
 lor, quam frigidum. fo. 38. 2  
 Calorē naturalē Medicus fouere debet. fo. 27. 1  
 Callum remouentes medicinæ. fo. 94. 1  
 Callus in vlcere contractus quibus cognosca-  
 tur. fo. 94. 1  
 Callus, qui in vulneris labris est quibus remouea-  
 tur. fo. 94. 2  
 Callus extra vlceris labra raro cōtrahitur. f. 94. 2  
 Candenti ferro, an pharmaco, quod cauterium po-  
 tentia efficit, sit potius vtendum. fo. 67. 2  
 Carbones, exiccant sine mordicatione. fo. 15. 1  
 Carni immodice excrefcenti quibus medicinis sit oc-  
 curendum. fo. 36. 2  
 Caro addita quibus possit remoueri. fo. 93. 1  
 Caro corrupta quando remota fuerit quibus cogno-  
 scatur. fo. 64. 1  
 Cataplasmata, quæ vulneri in neruoso membro ex-  
 cepto apponūtur, qualia esse debeant. fo. 44. 2  
 Caustica medicamenta, postquam admoueris, cali-  
 da non sunt apponenda medicamēta. fo. 65. 1  
 Caustica si desint, ferro, aut igne vtendū. fo. 93. 2  
 Caustica callos remouentia. fo. 94. 2  
 Cauterii actualis commoda. fo. 67. 2  
 Cauum quando fiat. fo. 31. 2  
 Charēctica medicamenta. fo. 36. 2  
 Chirurgia mortem, & vitā inferre potest. fo. 37. 2  
 Cicatrices emollit, ac pulchras reddit oleum ex cæ-  
 ra. fo. 97. 2  
 Coctio omnis à calore naturali fit. fo. 27. 1  
 Coctio in vulneribus fit per puris generationē. 29. 1  
 Coctio qualis sit pus indicat. fo. 29. 1

Q 3 Coctio-



## I N D E X.

- Coctionis signa in omnibus temperaturis eodem  
tempore non apparent. fo. 30. 2
- Commoda sectione nil vtilius in sinibus dissecan-  
dis. fo. 85. 2
- Cōcoquētia seu pus mouētia medicamēta. f. 105. 2
- Cōsolidatio post lotiones quibus curāda. fo. 84. 2
- Contactum à putrido putrescit, fo. 85. 1
- Contactus putridæ carnis vlcus præpascens effi-  
cit. fo. 77. 1
- Cōtusis vulneribus oui albumin vtile. fo. 18. 1
- Corporis totius temperatura in applicatione omniū  
medicamentorū non solum consideranda, sed cu-  
iusque membri particularis. fo. 87. 1
- Corpori duro medicamentum cōmodū. fo. 35. 1
- Corpus antequam purgaueris quando acria medica-  
menta admoueri possint, fo. 66. 1
- Corrupti humores coctionē nō admittūt. fo. 66. 1
- Corruptio si eo peruenerit, vt curatio desperetur  
membrum excidendum. fo. 68. 1
- Corruptionis ex crassis humoribus cura. fo. 61. 1
- Curatio vnde inchoanda. fo. 17. 1
- Curatio vera quando fir. fo. 60. 1
- Curatio erysipelatis ex biliosis, & vitiosis suc-  
cis. fo. 74. 1
- Curatio exigui erysipelatis. fo. 74. 2
- Curatio quæ erysipelati à causa extrinseca orto con-  
uenit. fo. 75. 1
- Cutem rumpentia medicamenta. fo. 55. 1
- Cutis quæ carni adhærere non potest est dissecan-  
da. fo. 86. 1
- D
- Decliuē membrū quando componatur. fo. 49. 1
- Decocti exiccantis descriptio. f. 85. 1. 92. 1
- De-



# INDEX. 116

- Decoctū exedentibus cōducēs vlceribus. fo. 78. 1  
 Diacadmia epuloticum Gal. fo. 112. 2  
 Diacalcitidis Gal. descriptio. fo. 110. 1  
 Diaprytis Galen. præstans ad durities emollien-  
 das. fo. 98. 2  
 Diaphenicinū nō suppuratis abscessibus vtile. f. 56. 1  
 Digerēs aliquod medicamētū quare semper medici-  
 nis erysipelati cōueniētibus misceatur. fo. 75. 2  
 Digestiui loti compositio f. 30. 1. 106. 2  
 Dioscoridis medicamenti descriptio. fo. 67. 2  
 Dolor quibus remittatur. fo. 20. 1  
 Dolor minor in contrectatione calidi, quam frigidi  
 vulneris percipitur. fo. 38. 2  
 Dolor ex pungente osse quomodo cognoscatur & re-  
 mittatur. fo. 54. 1  
 Dolor ex defluxu quo modo deprehēdatur. f. 54. 1  
 Dolorem remittentia. fo. 68. 1  
 Doloris ex fortibus medicinis notæ. fo. 54. 1  
 Duæ superfluitates semper à corpore resoluun-  
 tur. fo. 32. 1  
 Duobus modis potest extrahi globulus. fo. 39. 2.  
 Duris corporibus & mollibus eadem medicamenta  
 non conueniunt. fo. 31. 1

## E

- ἐχυμωσις quid fo. 3. 1  
 Emplastra vulneri apposita leuia esse debēt. f. 29. 1  
 Emplastro quandiu vulnere affectus locus sit obdu-  
 cendus. fo. 29. 2  
 Emplastrorū vsus diuturnus, fugiendus. fo. 30. 1  
 Epispastici Gal. vires. fo. 84. 2  
 Epispastici Gal. descriptio. fo. 113. 1

Q 4 Epu-



# INDEX.

Epulotica medicamēta quādo sint adhibēda	f. 36. 1
Epulotica qualia.	fo. 36. 1
Erysipelas quid sit, & vnde fiat.	fo. 72. 1
Erysipelas variæ accersunt causæ.	fo. 72. 1
Erysipelas duplex.	fo. 72. 2
Erysipelas circa vulnus esse quando cognosca- tur.	fo. 72. 2
Erysipelas phlegmonosum extra vlcus existens qui- bus notis cognoscatur.	fo. 73. 2
Erysipelate vulnus laborans sensibilis reddi- tur.	fo. 73. 1
Erysipelate parte aliqua affecta, sepius apponi & re- moueri medicamenta debent.	fo. 75. 2
Erysipelati purissimo rubedo nō accidit.	fo. 74. 1
Erysipelati cōueniētibus medicinis quare semper ali- quod digerēs medicamētū misceatur.	fo. 75. 2
Erysipelatibus omnibus nō cōuenit sang. miss.	f. 74. 1
Erysipelatibus vnguenta conuenientia.	fo. 75. 1
Erysipelatis puri flauus color nō est proprius.	f. 74. 1
Erysipelatis ex succis vitiosis biliosisque cura- tio.	fo. 74. 1
Erysipelatis exigui curatio.	fo. 74. 2
Erysipelatis à causa extrinseca orti curatio.	f. 75. 1
Erysipelatosus phlegmon,	fo. 72. 2
Escharæ ab ignita re factæ, quomodo ab his quæ à contundente re factæ sunt differant.	fo. 10. 2
Escharam inducentia medicamenta.	fo. 65. 1
Ex puro humore rarissime fit morbus.	fo. 72. 2
Exiccantibus medicinis quando vtamur.	fo. 83. 2
Exiccantibus quare vtī non possumus medicinis exi- stente aliquo symptomate.	fo. 83. 2

## F

Fascia nullo modo si fieri potest remouēda.	f. 51. 1
Fascia-	



# INDEX.

117

- Fasciaturæ vsus. fo. 50. 1  
 Fasciaturæ membri in quo fractura cum vulnere sit  
 aliud genus. fo. 53. 1  
 Febris ab erysipelate, vel ab humorū agitatione ex-  
 citata quibus remoueat. fo. 74. 2  
 Ferro candenti, an pharmaco, quod potentia cau-  
 terio afficiat in vlceribus putridis sit potius vten-  
 dum. fo. 62. 2  
 Ferruginem contrahentia vulneris consolidatio-  
 nem impediunt. fo. 42. 1  
 Ferulæ quando remouendæ. fo. 51. 1  
 Ferulas in quibus fracturis prohibeat Hippocra-  
 tes. fo. 51. 2  
 Ferulis læuioribus membrum in quo fractura cum  
 vulnere est si intro globul. retineatur est munien-  
 dum. fo. 53. 1  
 Figura rei præternaturalis quæ extrahitur conside-  
 randa. fo. 42. 1  
 Figurationum membrorum tres scopi. fo. 49. 2  
 Filamenta sicca ossi detecto apponenda. fo. 52. 2  
 Flauus color erysipelatis puri non est proprius.  
 fo. 74. 1  
 Foramen in fascia quando faciendum, & quomo-  
 do. fo. 50. 1  
 Foramina in lintheo facienda quibus pus commodè  
 purgetur. fo. 84. 1  
 Forcipes, & rostrum coruinum in globuli extractio-  
 ne, quæ faciant incommoda. fo. 39. 2  
 Fracturas cum vulnere vndiquaque non deligantes  
 damnat Hipp. fo. 49. 2  
 Fracturas simplices sequitur dolor. fo. 53. 2  
 Fracturis cum vulnere quid primo faciendum sit, &  
 quid secundo. fo. 52. 2  
 Fra-



## I N D E X.

Fracturis si phlegmon superuenerit quibus modis  
occurri possit. fo. 54. 2  
Frictiones utiles sunt. fo. 24. 1

### G

Gangræna quid. fo. 56. 1  
Gangræna in quæ affectû desinere soleat. fo. 56. 1  
Gangræna ex maxima refrigeratione fieri pôt. 57. 2  
Gangræna ex materia venenosa. fo. 58. 2  
Gangræna ex medicamento mortifero, & venenoso,  
vel ex ictu animalis venenati. fo. 58. 2  
Gangræna ex arteriarum & venarû sectione. 58. 2  
Gangræna quando amplius non est, sed sydera-  
tio. fo. 59. 1  
Gangræna vera si statim ei medicina fiat cura--  
tur. fo. 59. 2  
Gangræna quibus curetur. fo. 59. 2  
Gangræna affectus locus post caprificationes quibus  
lauandus, & quæ apponeda emplastra sint. 59. 2  
Gangrænx causæ. fo. 56. 1  
Gangrænx causa frequens. fo. 57. 1  
Gangrænx à venenosis medicinis, & animalibus ve-  
nenatis ortæ, signa. fo. 58. 2  
Gangrænx ab inflammatione factæ curatio. fo. 59. 1  
Gangrænx ex arcta fasciatura curatio. fo. 60. 2  
Gangrænx ex frigore curatio. fo. 60. 2  
Gangrænx ex attritione, vel compressione, vel ex ve-  
natum, arteriarumq; incisione cura. fo. 61. 2  
Gangrænx à septico medicamêto factæ curatio. 62. 2  
Gangrænx ex morfu animalis venenati cura. fo. 62. 2  
Gangrænx ex materia venenosa critice ad mēbrum  
delata, cognitio & curatio. fo. 63. 1  
Gan-



# INDEX. 118

- Gangrænæ ex inflammatione notæ. fo. 63. 1  
 Gangrænæ factæ propter malignas sordes ab vlcere  
 defluentes, notæ. fo. 63. 2  
 Gentiana ad vlcera dilatanda cæteris præstan-  
 tior. fo. 100. 2  
 Globuli si igniti essent vestes prius adurêtur. 4. 1  
 Globuli iaculati si illico in vola manus sustineantur  
 nulla calliditas percipitur. fo. 7. 2  
 Globuli si ex motu ignirentur eundem calorem reti-  
 nerent cum aliquid perforant. fo. 7. 2  
 Globuli quamobrem in ingressu non in exitu cru-  
 stam inducant. fo. 8. 1  
 Globuli plumbei, aut stamnei, ne vulnus coalescat  
 non impediunt, & quare. fo. 38. 2  
 Globuli quando abscessum faciunt. fo. 38. 2  
 Globuli prima die sunt euellendi, & quare. fo. 39. 1  
 Globuli quomodo explorari, & perquiri possint,  
 fo. 41. 2  
 Globuli omnes corporis partes interdum excepta cu-  
 te perforant. fo. 42. 2  
 Globulis euellêdis multa idonea instrumêta f. 39. 2  
 Globulis extrahendis hamuli vtilis, fo. 39. 2  
 Globulis euellendis aliud instrumentũ vtile. 40. 2  
 Globulorum diuersitas, fo. 38. 1  
 Globulus aceruo pulueris si tegatur, deinde puluis  
 ipse accendatur non ignescit. fo. 6. 2  
 Globulus plumbeus, aut stamneus si liqueceret me-  
 tam non contingeret. fo. 7. 1  
 Globulus sulphureus sclop. ei aculatus non accen-  
 ditur. fo. 9. 2  
 Globulus cæreus à sclop. emissus non liquefit neq;  
 incalescit, & partes quas tangit vehementer læ-  
 dit, fo. 11. 2  
 Glo-



## I N D E X.

- Globulus dupliciter extrahi potest. fo. 39. 2  
 Globulus extractus egro ostendendus, & quare. f. 41. 1  
 Globus in sinu contentus quo instrumento facilius  
 extrahatur. fo. 41. 1  
 Globus in osse infixus quo instrumento possit edu-  
 ci. fo. 43. 2

### H

- Hamulorū in globulis extrahēdis vtilitas. f. 39. 2  
 Herpes, & maligna vlcera vnde fiant, & eorum cu-  
 ratio. fo. 77. 1  
 Humidi vlceris ex imbecillitate notæ. fo. 90. 2  
 Humidi vlceris ex intemperie notæ. fo. 91. 1  
 Humidis iuncturarum vlceribus quibus medicinis  
 fit succurrendum. fo. 91. 1  
 Humido vlceri propter medicamentum debile, vel  
 propter peccantem sanguinem quomodo sit suc-  
 currendum. fo. 91. 1  
 Humidū effectū esse vlcus propter os quod desquam  
 mari debet quibus notis cognosci possit. f. 89. 1  
 Humidum vlcus ex retentione rei præter naturalis  
 quibus possit cognosci. fo. 89. 1  
 Humores semper ad vulnus fluere possunt. f. 25. 1  
 Humores corrupti coctionē nō admittūt. fo. 66. 1  
 Humores, fluentes repellendi, fluxi vero discutiē-  
 di. fo. 105. 1  
 Humorū fluxus quibus magis intercipitur. f. 24. 1  
 Hyberno tempore vulneri semel in die, æstiuo bis  
 medendum. fo. 29. 2

### I

- Idē medicamētū diuersos scopos respicit. f. 28. 2  
 Igne



# INDEX.

119

- Igne ablato nullus sentitur dolor. fo. 88. 2  
 Ignis qualis esse debeat. fo. 67. 2  
 Ignis depascentibus vlceribus præstantissimum re-  
 medium. fo. 78. 2  
 Ignis cōmoda in abscesibus aperiendis. fo. 88. 2  
 In vulneribus à sclopetorum globulis illatis vnde  
 crusta appareat. fo. 10. 2  
 In morbis compositis à quo incipiendū. fo. 28. 2  
 In omnibus temperaturis eodem tempore coctionis  
 signa non apparent. fo. 30. 2  
 In operationibus quæ obseruanda. fo. 40. 2  
 In incisione; quæ inter sanam & affectam partem fit  
 quid obseruandum. fo. 71. 1  
 In iuncturarum amputatione vt os contegatur dili-  
 genter curare debemus. fo. 71. 2  
 In plenilunio omnium humiditatum fit augmen-  
 tum. fo. 90. 2  
 In acrium medicamentorū appositione, partes effe-  
 cto loco vicinæ defensiuo sunt muniendæ. f. 95. 1  
 Indicationes admouendorum medic. vnde suman-  
 tur. fo. 92. 2  
 Inflammatio semper ad septimum vsque diem ve-  
 renda. fo. 30. 2  
 Inflammationi post casum escharæ relictæ quibus  
 occurre. fo. 64. 2  
 Inflammationum quatuor species. fo. 76. 1  
 Iis cephalicū, & diacarthu sinibus profunt. f. 84. 1  
 Iis osibus detectis amicum. fo. 99. 2  
 Instrumenta multa ad globulos educendos ido-  
 nea. fo. 39. 2  
 Instrumenta ad sinus in aduersa parte secandos a-  
 pra. fo. 85. 2  
 Instrumenta ad cutem dissecandā apta. fo. 86. 2  
 In-



## I N D E X.

- Instrumentū aliud ad globulus euellēdos, fo. 40. 2  
 Instrumentum aptum ex duobus foraminibus, vnum  
 conficere. fo. 86. 2  
 Intemperies calida & sicca vulnus exedens red-  
 dit fo. 77. 2  
 ὕπωπιον, & ὑπόσφαγμα quid. fo. 3. 1

## L

- Lethalia vlcera, & sordida quomodo abstergen-  
 da. fo. 80. 2  
 Ligaturæ multæ in principio cauendæ. & qua-  
 re. fo. 31. 2  
 Ligaturæ multæ quando conueniant. fo. 31. 2  
 Lintheolum quod vulneri superponitur quantum  
 esse debeat. fo. 31. 1  
 Locus à quo membrum fuerit abscissum chalcanti  
 puluere est inspergendus. fo. 69. 1

## M

- Medicamēta pus mouentia qualia esse debeāt. 26. 2  
 Medicamenta in abscessibus pus mouentia in quo ab  
 his, quæ in vulneribus pus mouēt differāt f. 27. 2  
 Medicamenta vulnerum ex quibus constare de-  
 beant. fo. 28. 1  
 Medicamēta vulneri dolēti cōueniētia. fo. 28. 2  
 Medicamenta pus mouentia diutius vulneribus con-  
 tusis, quam punctim, aut cæsim factis apponen-  
 da. fo. 30. 2  
 Medicamenta duriora, & fortiora quando adhiben-  
 da. fo. 31. 1  
 Medicamēta vinctuosa, parcius neruosis partibus vul-  
 nera-



# INDEX.

120

- neratis quam carnosus admouenda . fo. 45. 1
- Medicamenta fortia primis diebus vulneribus cum  
contusione non apponenda . fo. 45. 1
- Medicamēta tendinibus detectis idonea. fo. 45. 2
- Medicamenta, quæ post præcisionem apponen-  
da. fo. 69. 2
- Medicamenta, parti erysipelate laboranti sæpius ap-  
poni, & remoueri debent. fo. 75. 2
- Medicamenta fortia, quæ extra vulnere admoueri  
possunt. fo. 84. 2
- Medicamenti modice acris quod putredini resistit  
descriptio. fo. 66. 1
- Medicamentorum admouendorum indicationes vn-  
de sumendæ. fo. 92. 2
- Medicamentum quod vulnere post coctionem fa-  
ctam apponi debet. fo. 33. 2
- Medicamentum ex pompholige, ad inflammationem  
remittendam præstantissimum. fo. 34. 2
- Medicamentum intemperatum quomodo cognosca-  
tur. fo. 35. 2
- Medicamentum intemperiem ex vsu medicamento-  
rum acrium contractam remittens. fo. 67. 1
- Medicamētū neruosis partibus robur addēs. f. 91. 2
- Medicamentum quod postquam composita fuerit  
ossa, aut in propria sede collocata membro sit ad-  
hibendum. fo. 48. 1
- Medicamentum durities emolliens. fo. 98. 1
- Medici nonnulli taxantur. fo. 46. 2
- Medicinis fortioribus si vti volueris quid prius con-  
siderandum. fo. 64. 2
- Medicorum recentiorum modus in membris exci-  
dendis damnatur. fo. 69. 1
- Medico quædā, & quædā naturæ negatur. fo. 92. 2
- Mem-



## I N D E X.

- Membra quare potius antedicto modo, quam recentiorum more sint excidenda. fo. 70. 1
- Membri propter frigidum medicamentum corrupti curatio. fo. 61. 1
- Membri situs vt commodè pus purgetur est querendus. fo. 84. 2
- Membro affecto pellis subtracta prodest. f. 49. 1
- Membrorum figurationum tres scopi. fo. 49. 2
- Membrum in quo fractura cū vulnere fuerit in qua figura sit collocandum. f. 48. 2
- Membrum quando accliuè quando decliuè, & quando æqualiter collocetur. fo. 49. 1
- Membrum vniuersum cum fractura non deligantes damnat Hippocrates. fo. 49. 2
- Membrum a quo semel ligaturas remoueris non ita vt antea fuerat ligatum deinde obligabis, & quare. fo. 50. 2
- Membrum in quo fractura cum vulnere sit, si intro globulus retineatur leuioribus ferulis est muniedum. fo. 53. 1
- Membrum quando sit abscindendum. fo. 68. 2
- Membrum præcisum quomodo locandum. f. 69. 2
- Membrum postquam excideris post tres dies quid sit faciendum. fo. 69. 2
- Membrum non semper in sana parte debet abscindi. fo. 70. 2
- Membrum vtrum in sana parte, an inter corruptam, & sanam partem sit excidendum. fo. 71. 1
- Monstra in chyrurgia fiunt. fo. 44. 1
- Morbi causa in morborum omnium curatione prius inuenienda, & auferenda. fol. 57. 1
- Morbi causa non ablata, morbum ipsum impossibile est auferre. fo. 72. 1
- Mos,



# INDEX. 119

- Mos, qui à liſtoribus venetorum in præcidendis manibus obſervatur. fo. 71. 2  
 Motus tripliciter amitti poteſt. fo. 97. 1  
 Motus propter vulnus, aut corruptionem amiſſus non reſtituitur. fo. 97. 1  
 Motus, ex duritie cicatricis, vel ex humore exiccato recipi iterum poteſt. fo. 97. 1

## N

- Neruoſarum partium natura, eſt vt multa excrementa emittant. fo. 91. 1  
 Nitrum veneno caret. fo. 14. 2  
 Nitrum antiquorum vnde colligatur. fo. 14. 2  
 Nitrum noſtrum ex quibus fiat, & quomodo. fo. 14. 2  
 Nitrum ſcabiei, & cutis exulcerationibus medetur. fo. 15. 1

## O

- Obiectio. fo. 70. 2  
 Oedema quid ſit. fo. 91. 2  
 Oedema ſæpe vulneribus accidit. fo. 91. 2  
 Oedematis ſigna. fo. 91. 2  
 Oedematis curatio. fo. 91. 2  
 Olei vulneribus cõtuſis ſalubris deſcriptio. f. 26. 1  
 Oleum dolorem ſedat. fo. 28. 2  
 Oleum oſibus aduerſatur, & quare. fo. 52. 2  
 Oleum ex cæra cicatrices pulchras reddit, durities emollit, & quomodo paretur. fo. 97. 2  
 Omnibus ad patiendum non eſt vna diſpoſitio. fo. 26. 1  
 Os rotum eſſe fractum primis diebus non cognoscitur. fo. 45. 2

R      Os



# INDEX.

- O**s non solum in ea parte, quam percusserit glob. sed  
in alia quoque parte potest frangi. fo. 45. 2
- O**s comminutum, & à propria sede remotum quibus  
notis cognoscatur. fo. 47. 2
- O**s detectū vt contegatur quid faciendū. fo. 71. 1
- O**s in iuncturarum amputatione vt contegatur dili-  
genter obseruandum. fo. 71. 2
- O**s in superficie alteratum quomodo possit cogno-  
sci. fo. 99. 1
- O**s quandiu abradendum. fo. 99. 2
- O**s si scalpello remoueri nequit terebro vten-  
dum. fo. 100. 1
- O**s si ad medullam vsque sit læsum quid facien-  
dum. fo. 101. 1
- O**s vniuersum vitiatum quibus possit cognosci, &  
quibus debeat curari. fo. 101. 2
- O**s totum quando excidendum. fo. 102. 2
- O**s transversum fractum, & corruptum ferra disse-  
candum. fo. 102. 2
- O**s eodem tēpore detegendū, & secandū. fo. 102. 2
- O**ssa an forpicibus, vel volsella euellenda sint viden-  
dum. fo. 46. 2
- O**ssa quando euellenda. fo. 47. 1
- O**ssa fracta si fieri potest componenda, & luxata in  
sede propria reponenda sunt. fo. 48. 1
- O**ssa postquam composita fuerint, aut in propria sede  
collocata quod medicamentum membro adhi-  
bendum sit. fo. 48. 1
- O**ssa absque contusione, & collisione non rumpun-  
tur. fo. 50. 1
- O**ssa quibus corrūpi & alterari possint. fo. 98. 2
- O**ssa carnis sunt fulcimenta. fo. 101. 1
- O**ssa circumquaq; carne denudata rursus carne con-  
regi



# INDEX.

120

- regi non possunt. fo. 102. 2
- Ossi detecto filamenta sicca apponenda. fo. 52. 2
- Ossibus detectis isis amicum. fo. 99. 2
- Ossis abscessuri signa certissima. fo. 51. 2
- Ossis corrupti, vel alterati substantia est confide-  
randa. fo. 99. 1
- Ossis carie affecti cognitio. fo. 99. 2
- Ossis alterati cognitio. fo. 99. 2
- Ossiū fractorū euulsio à Gal. prohibetur. fo. 47. 1
- Ossiū extirpatio quando magis cauenda. fo. 47. 1
- Ossium fracturis, & luxationibus cæratum humi-  
dum Galeni accomodatum. fo. 48. 1
- Oui albumen contusis vulneribus vtile. fo. 18. 2

## P

- Parti erysipelate laboranti, sæpius apponi, & remo-  
ueri debent medicamenta. fo. 75. 2
- Pellis mēbro affecto substracta prodest. fo. 49. 1
- Peniculi in fundum vulneris non sunt immittendi  
tum quales. fo. 19. 1
- Peniculi ex quibus constare debeant. fo. 19. 2
- Peniculi in vulnere relictī. fo. 90. 1
- Phlegmon erysipelatosus. fo. 72. 2
- Phlegmoni fracturis superuenienti, quibus modis  
occurri possit. fo. 54. 2
- Phlegmoni altera in parte, quam vbi est fractura or-  
ti quomodo medendum. fo. 54. 2
- Picis qualitas. fo. 27. 2
- Plumbum quæ perfricat nigredine inficit. fo. 54. 2
- Plumbum liquatum, & in chartam coniectum ipsam  
non adurit. fo. 7. 2
- Plumbū liquatum bombicē non adurit. fo. 8. 2

R

2

Plum-



## I N D E X.

Plumbum liquefactum bullas excitat, non autem adurit.	fo. 8. 2
Plumbum per triginta annos in corpore retentum.	fo. 90. 2
πολύκριται medicinae.	fo. 28. 2
Post ligaturam quid agendum.	fo. 19. 2
Post præcisionem quæ apponenda sint medicamenta.	fo. 69. 2
Post acria medicamenta quibus medicinis utendum.	fo. 93. 2
Prædicto arcet calumniam.	fo. 43. 1
Primo die reuulsionis gratia, & ut dolorem leuemus vena secanda.	fo. 20. 1
Pruritus ex quibus colligatur, & quibus medicinis sanetur.	fo. 54. 1
Pulueris descriptio, carnem à putrefactione vindicans.	fo. 29. 2
Pulueris sclopetarii granula in parte aliqua fixa quibus remoueantur.	fo. 96. 1
Pulueris sclopetarii maculæ, ferro candenti quomodo tollantur, & quomodo medicamento adurent.	fo. 96. 2
Puluilli tenaciter vulnere adherentes quibus remoueantur.	fo. 25. 1
Puluis sclopetarius omnium facillimè accenditur.	fo. 3. 2
Puluis sclopetarius ex quibus constet.	fo. 14. 2
Puluis sclopetarius veneno caret.	fo. 16. 1
Puluis refrigerans, & exiccans.	fo. 78. 2
Puluis ad osiū desquamationē idoneus.	fo. 101. 2
Puluis cicatrices inducens Galeni.	fo. 112. 2
Purgatio istis vulneribus an conueniat.	fo. 23. 2
Puris laudabilis, & illaudabilis notæ.	fo. 29. 1

Pus.



# INDEX.

121

- Pus copiosius in vulnere, quam par sit, aliquid præ-  
ter naturam detineri significat. fo. 83. 1
- Pus copiosum exire propter contusionem quibus no-  
tis dignoscamus. fo. 83. 1
- Pus vt commodè purgetur foramina in linteo fa-  
cienda. fo. 84. 1
- Pus vt commodè purgetur situs membri est quæren-  
dus. fo. 84. 2
- Pustulæ malignæ fortius postulant medicamen-  
tum. fo. 73. 1
- Pustulæ inueteratæ, & prurigo in vlceribus quibus  
remoueantur. fo. 73. 2
- Pustulas milliares in erysipelate ex cacochymia ge-  
nitas quibus notis cognoscatur. fo. 73. 1
- Putridum vlcus quandiu perurendum. fo. 68. 1
- Putridum suo contactu tanquam venenum quod sa-  
num est inficit. fo. 68. 2

## Q

- Quæ in operationibus obseruari debeant. fo. 40. 2
- Quæ præter naturam in corpore detinentur, neque  
stilo, aut digito vbi sint percipi possunt naturæ  
permittenda. fo. 41. 2
- Quæ considerata sint, vt recte, quæ in corpore de-  
tinentur, sciatur. fo. 42. 1
- Qualis coctio sit pus ostendit. fo. 29. 2
- Quantum abstergere debeamus. fo. 32. 2
- Quatuor inflammationum species. fo. 76. 2
- Quibus rationibus ignitos esse globulos sclopeta-  
rios nonnulli Medici arbitrentur. fo. 1. 2
- Quibus dolor remittatur. fo. 20. 1
- Quibus dignoscendum, an aliud præter globulum  
in corpore detineatur. fo. 37. 1

R 3

Qui-



## I N D E X.

- Quibus nunquid à globulo, an à re alia factum sit co-  
gnoscatur. fo. 38. 1  
Quies ægrotantibus suadenda. fo. 23. 1  
Qui in corpore præter naturam est, debet remoue-  
ri. fo. 37. 1  
Quid sit quod cum globulo in corpore detinetur, di-  
ligenter videndum. fo. 41. 2

### R

- Repellētia circa vulnera valde sunt vtilia. f. 24. 2  
Repellentia pro parte carnosā sub forma linimenti  
vel vnguenti vel fomenti. f. 104. 1. 2  
Repellentium qualitas quæ esse debeat. fo. 24. 2  
Repellētium medicamētōrū alterū genus. fo. 24. 2  
Resinæ abietinæ qualitas. fo. 26. 2  
Reuulsionis gratia, & vt dolorem leuemus primo  
die secanda vena. fo. 20. 1  
Rubedo in purissimo erysipellate non est. fo. 74. 1  
Rostrum coruinum, & forpices ad globulum ex-  
trahendum damnantur. fo. 39. 2

### S

- Sagittæ cæra, & sulphure illitæ, & in altum arcu  
parthico iaculatæ non accenduntur, aut colliquan-  
tur. fo. 9. 2  
Sanguinis fluxum sistētia. fo. 18. 1  
Sanguinis missio post coctionem in ventriculo fa-  
ctam, faciēda. fo. 20. 2  
Sanguinis missio ad dolorem leuandum præstantis-  
simum remedium. fo. 20. 2  
Sanguinis quæ quantitas mittēda. fo. 21. 1  
San-



# INDEX.

122

- Sanguinis mittēdi diē ū ratio nō habetur. f. 21. 1  
 Sanguinis missio si partitur maior fit reuulsio. fo. 21. 2  
 Sanguinis fluxum sistentium qualitas. fo. 24. 2  
 Sanguinis missio in omnibus erysipelatibus non con-  
 uenit. fo. 74. 1  
 Sanguinis fluxum ab vlceribus depascentibus pro-  
 uocare confert. fo. 78. 1  
 Sanguis in parte aliqua collectus, & qui dissari non  
 potest, putrescit facile. fo. 57. 1  
 Saniei maxime adherentis abstersio secundum Aui-  
 cennam. fo. 25. 1  
 Sarcotica medicamēta qualia esse debeāt. fo. 33. 2  
 Sarcotica quare calida, & sicca. fo. 33. 2  
 Sarcotica antequam apponantur, quid consideran-  
 dum. fo. 34. 1  
 Sarcotica medicamenta non æque in omnibus corpo-  
 ribus carnem generant, & quare. fo. 34. 1  
 Sarcotica medicamenta qualia. fo. 35. 1. 99. 2  
 Sarcotici medicamenti imbecillitatem indicantes  
 notę. fo. 35. 1  
 Sarcoticorum descriptio. fo. 109. 1  
 Sarcoticum immodicè exiccans quomodo cogno-  
 scatur. fo. 34. 2  
 Sectio quomodo fiat, & quid post sectionem facien-  
 dum. fo. 68. 2. 86. 2  
 Sectio in parte sana facta in quibus locis periculo-  
 sa. fo. 69. 1  
 Secunda inuisione quid faciendum. fo. 25. 1  
 Septicum medicamentum ad sinus aperiendos a-  
 ptum. fo. 86. 2  
 Septicum aliud. fo. 87. 1  
 Septicum aliud ad disseccandam cutem, carnemque  
 sine dolore, mirabile. fo. 87. 2

R 4 Sim-



# INDEX.

Simplicia exiccandis vulneribus idonea.	fo. 83. 2
Sinubus cōsolidandis ægyptiacū aptissimū.	f. 84. 1
Sinubus medicamenta alia commoda.	fo. 84. 1
Sinubus diffecandis commoda sectione nihil uti- lius.	fo. 85. 2
Sinus curatio quomodo instituenda.	fo. 83. 2
Solutioni continui calida, & humida medicamenta aduersantur.	fo. 17. 1
Sphacelus quid.	fo. 56. 2
Spongiæ vsum in vulneribus quæ sequantur incom- moda.	fo. 100. 2
Stiptica, humorū fluxū magis intercipiūt.	fo. 24. 2
Stiptica corroborant.	fo. 24. 2
Sulphuris facultates.	fo. 14. 1
Syderatio à paralesi in quo differat.	fo. 56. 2
Syderatio absque membri amputatione non curatur nisi cum adhuc perfecta non est.	fo. 56. 2
Syderatio nō perfecta quomodo curetur.	fo. 57. 1
Syderatio ob medicamenta oportuno tempore non admota, vel non valida quandoque euēnit.	fo. 63. 1

## T

Terebenthinæ vsus in vulneribus.	fo. 27. 2
Terebenthinæ qualitas.	fo. 27. 2
Tertia die post membri incisionem quid facien- dum.	fo. 69. 2
Tetrapharmacum cum pinguedine raurina duris cor- poribus cū vitulina mollibus cōuenit.	fo. 31. 1
Topica erysipelati conuenientia frigida esse de- bent.	fo. 75. 1
Trochiscorū Ioānis de Vigo descriptio.	fo. 95. 1

Tur-



# I N D E X.

123

Turcæ Historia. fo. 46. 2

## V

Vasorum præcisorum osculis qui pulvis apponen-  
dus. fo. 69. 2

Vbi salutis, & mortis incertus euentus est quid fa-  
ciendum. fo. 44. 1

Vena primo die, vt reuellamus, & vt dolorem leue-  
mus secanda. fo. 20. 1

Vena secanda quæ. fo. 21. 2

Vena capitis rarissime à iugulari oritur. fo. 21. 2

Vena humeraria affectione supra colum existente in  
corpore plethorico non est secanda. fo. 21. 2

Vena à quo latere secanda. fo. 21. 2

Venæ, & arteriæ ex contusione ruptæ difficilè coale-  
scunt. fo. 44. 1

Venas aut arterias incisas esse, quibus dignosci pos-  
sit. fo. 61. 2

Venis vel arteriis ruptis quid agendum. fo. 44. 1

Vera curatio quando fit. fo. 60. 1

Vestes, & armaturæ quandoque absque cutis perfo-  
ratione lacerantur & diuelluntur. fo. 42. 2

Victus ratio qualis esse debeat. fo. 22. 2

Vinum istis vulneribus haud conuenit. fo. 23. 1

Vlcera lethalia, & sordida quomodo abstergen-  
da. fo. 80. 2

Vlceri medicamenta fortia quando admodum pos-  
sunt. fo. 84. 2

Vlceri modo propter peccantem sanguinem quomo-  
do sit succurendum. fo. 91. 1

Vlceribus humidis iuncturarum quibus sit succur-  
rendum. fo. 91. 1

Vlce-



# INDEX.

- Vlceris cauum vt carne repleatur, quæ consideranda. fo. 35. 1
- Vlceris depascentis causa remota, ad topica deueniendum est. fo. 77. 2
- Vlceris depascentis medicamenta, qualia esse debeant, fo. 77. 2
- Vlceris sordidi ex fortitudine, vel ex imbecillitate medicamentorum, signa, fo. 79. 2
- Vlceris sordidi ex prauis humoribus curatio. f. 79. 2
- Vlceris sordidi curatio à leuioribus medicinis non est incohanda. fo. 80. 1
- Vlceris humidi variæ causæ. fo. 81. 2
- Vlceris humidi ex imbecillitate notæ. fo. 90. 2
- Vlceris humidi ex intemperie notæ. fo. 91. 1
- Vlcerum sordidorum causæ. fo. 79. 1
- Vlcus quibus aquis lauandum, & qui pulueres in aqua iniiciendi si nadatus tēdo fuerit. fo. 67. 1
- Vlcus putridum quandiu perurendum. fo. 68. 1
- Vlcus depascens ab acribus medicaminibus fit. fo. 77. 1
- Vlcus depascens ob contactum putridæ carnis efficitur. fo. 77. 1
- Vlcus ex intemperie calida, & sicca exedens factum quomodo cognoscatur. fo. 77. 2
- Vlcus exedens si medicinis non cedit, iterum corpus purgandum, & deinde ad fortiora medic. transeundum. fo. 78. 2
- Vlcus sordidum ex validis medicinis redditum, quibus notis cognoscatur, & quæ medicamenta deinde illi conueniant. fo. 80. 2
- Vlcus ex medicinis oleaginosi sordidum factum medicamento leuiter abstergente eget. fo. 80. 2
- Vlcus humidum, & sinuosum quod, fo. 81. 2

VI-



# I N D E X. 124

- Vlcus** humidum effectum fuisse propter suppuratam  
inflammationē quibus notis dignoscetur. f. 83. 1
- Vlcus** postquam laueris quid faciendū. fo. 84. 1
- Vlcus** humidum effectum esse propter os quòd de-  
squammari debet quibus notis cognosci pos-  
sit. fo. 89. 1
- Vlcus** humidum ex retentione rei præter naturalis  
quibus cognosci possit. fo. 89. 1
- Vlcus** tribus modis dilataripotest. fo. 100. 1
- Vnctiosa**, & concoquentia vlcus sordidum red-  
dunt. fo. 32. 1
- Vnctiosa** medicamenta parcius nervosis partibus  
vulneratis, quam carnosiss adhibenda. fo. 45. 1
- Vnguenta** mollia esse debent. fo. 30. 2
- Vnguēta** nonnulla erysipelatibus cōueniētia. f. 75. 1
- Vnguenta** exedentibus vlceribus idonea. fo. 77. 2
- Vnguētū** carnosę parti, & molli cōueniēs. fo. 35. 1
- Vnguentum** citrinum. fo. 110. 2
- Vnguentum** album Pauli. fo. 111. 2
- Vnguentum**, album aliud commune. fo. 111. 2
- Vnguentum** de tutia. fo. 112. 1
- Vnguentum** de molybdena. fo. 112. 2
- Vnguentum** de colophonia. fo. 112. 2
- Vno** tempore semper quod agendum est perficere  
debemus, neque in sequentem diem protrahen-  
dum. fo. 41. 1
- Vt** rectē, quæ in corpore continentur sciamus quæ  
consideranda. fo. 42. 1
- Vulnera** à sclopetariis globulis illata, perusta non  
sunt. fo. 2. 2. 10. 1
- Vulnera** à re contundente facta quibus notis cogno-  
scantur. fo. 11. 1
- Vulnera** ab ignita re facta ad nouam vsque diem au-  
geri



# INDEX.

- geri vulgaris est opinio. fo. 13. 2
- Vulnera à globulis illata non tanquam adusta, aut  
veneno aliquo affecta sunt curanda. fo. 14. 1
- Vulnera ex puluere venenū retineāt, nec ne. f. 14. 2
- Vulnera à globulis sclopetariis facta, quare facilius  
quam cætera fiant depascentia. fo. 16. 1
- Vulnera primis diebus parū abstergenda. fo. 25. 2
- Vulnerata mēbra blādisime cōtrectāda. fo. 25. 2
- Vulnere affectus locus quandiu emplastro obducen-  
dus. fo. 29. 2
- Vulnere cum fractura affecti, eo modo quo ii, qui  
vulnus in capite accepere tractandi. fo. 52. 2
- Vulneri in neruoso membro excepto qualia cata-  
plasmata apponenda. fo. 44. 2
- Vulneribus contusis, vel inflammatis variæ oriuntur  
indicationes. fo. 28. 1
- Vulneribus sanandis à quo incipiendum. fo. 12. 1
- Vulneribus in membris principalibus acceptis quid  
faciendum. fo. 43. 2
- Vulneribus cum contusione, primis diebus fortia  
medicamenta non apponenda. fo. 45. 1
- Vulneris supremę partis exiccatio, prodest. f. 26. 1
- Vulneris foramen quandoq; occultatur. fo. 39. 1
- Vulneris consolidationem ferruginem contrahentia  
impediunt. fo. 42. 1
- Vulneris in neruosa parte accepti curatio. f. 44. 2
- Vulneris labiis, quæ medicamēta adhibēda. f. 52. 2
- Vulnerum à sclopeto factorum curatio. fo. 16. 2
- Vulnerum medicamenta ex quibus constare de-  
beant. fo. 28. 1
- Vulnus in carnosa parte. fo. 16. 2
- Vulnus à globulo acceptum quomodo cognosca-  
tur. fo. 17. 2
- Vul-




# INDEX. 125

- Vulnus sordidum, fortibus medicinis primis diebus  
non est abstergendum. fo. 33. 1
- Vulnus quando difficillimè sanetur. fo. 43. 1
- Vulnus cū symptomate sanari non potest. fo. 53. 2
- Vulnus erysipelate laborans sensibilius reddi-  
tur. fo. 73. 1
- Vulnus exedens ex calida, & ficca intemperie  
fit. fo. 77. 2
- Vulnus si pus copiosius quam par sit emittat aliquid  
præter naturam detineri significat. fo. 83. 1

FINIS.




Crus infasciatum.






Crus fasciatum.






Instrumentum ad globulos euellendos.






ruellendos.











Instrumenta ad sinus dissecandos.



Acus cum Cannula.







129  
ILLVSTRISSIMO SIMVL,

AC PRAEEXCELLENTISS,


PARMAE PLACENTIAEQ.

DVCI OCTAVIO

Farnesio.

IO. FRANCISCVS ROTA

S. P. D.



OLITI sunt Clementissime Princeps qui animum ad scribendum appulerunt, si cui suas lucubrationes nuncupant, id ea potissimum facere de causa, ut illius cui eas scribunt nomen reddant illustri, posterisq; commendent. Alij verò non ea tantum ratione moti, verum ut ijs, à quibus beneficia aliqua acceperunt gratificentur, ne aut immemores acceptorum videantur, aut sibi neglecti officij dicam scribi committant. Demum non pauci ideo faciunt, ut aliquid ab eis, quibus eas dicant vicissim habeant, atq; emungant. Ego vero hoc quaecunque opusculum nomini tuo consecrare volui, ut tutius sub tuo patrocinio in lucem ederetur: hoc vnum mihi persuadens, si te semel exorauero, quod quidem me facturum spero, ut has meas vigilias tibi consecrari non graueris, me non frustra operam nauasse, neque oleum (ut aiunt) & operam perdidisse. Quandoquidem tu is me hercule es, qui si

T libel-



libellum in tutelam susceperis, possis omnium sycophantarum calumnias facillimè abigere. Nemo est enim, qui omnium suorum inimicorum iniurias longius magisque strenuè, repellat. Nam si ego coner, quod alios dicebam, nomen tuum præclarius reddere, vel tantillum quidem ad Serenitatem ac Celsitudinem tuam adiungere, nihilo sanè plus agam, ut Terentiano illo utar, quam si dem operam, ut cum ratione insaniam. Nam ut alia omittam, quem mortalium omnium præterit, te ex ea illustrissima Farnesiorum prosapia esse, quæ vel antiquitate, vel nobilitate, vel virorum illustrium copia, qui inde tanquam ex equo Troiano milites exilierunt, nulli aliæ in tota Italia cedat, sitq; secunda. Etenim quid ego dicam de summo illo Petri Vicario PAVLO aut tuo Pontifice Max. nunquam satis honorato? qui ita sanctè & tandiu pontificatum suum summa cum diligentia gessit, Christianamque religionem sibi D. O. M. nutu traditam protexit, auxit, conseruauit, nostramq; Italiam in pace custodiuit, ut illum tota posteritas lugeat, suspiciat, ac veneretur. Quid de amplissimis fratribus tuis, ac Reip. Christianæ columnis? Sanè quantum illi inter cæteros Sanctæ Sedis Apostolicæ Romanæ prælatos præeminentia ac dignitatis habent, tantum tu inter omnes Italiæ, ne dicam Europæ Principes excellis. Taceo nunc animi tui dotes, quas si enumerare velim omnes, tantum absum, ut id præstem, ut ne cogitatione quidem complecti vlllo modo possim: vereorq; ne merito quis dicat, me niui albedinem, aut igni caliditatem afferre velle. Et sanè (ut verum fatear) cum mecum Excellentiam tuam perpenderem, multum diuq; dubitavi, ne quid existimationi tuæ decederet, neue alij à cætero minore tui admiratione tenerentur, q; non magis te suspicerem ipse, quam ut tam vile exiguumque munusculum tibi vel inuito obtruderem: non fecus



eus atque rustici quidam ineptiores solent, qui cum egregiè à se honoratum volunt hospitem aliquem, ita illum, licet inuitum deprecantemque pyris, malis, alijsq; id genus nugis à se oneratum dimittunt: vt nec ponderi ferendo vllò modo sit par, & omnino non habere hospitem ruri malit, quam eiusmodi subinde xenijs honorari. Veruntamen cum me nonnulli ex amicis intimisque meis familiaribus rogarent, atque efflagitarent, & præsertim Petrus Paulinus Gallus inter cæteros Philosophiæ ac Medicinæ studiosos non contemnendæ nec vulgaris eruditionis, qui me quum Bononiæ in publicis administrationibus anatomicis, quas ibidem pluries administraui, tum in artis ipsius vsu, seu praxi (vt aiunt) exercenda, est secutus: vt quid ipse sentirem de vulnerum à nostræ tempestatis tormentis bellicis illatorum curatione sibi exponerem, ac in compendium reducerem. Sanè non potui amicis honesta præsertim petentibus, & præclara cupientibus studium & operam meam denegare, nec ipsis morem nõ gerere: & si scio non defuturos vitilitigatores, qui laborem meum tanquam superfluum calumniari conentur, dicantq; me in surdam tellurem contumelias iacere, & vmbra hominis mortui affligere. Quibus sic responsum velim, me non mortuis, nec contra mortuos verba facere, sed eorum scriptis tanquam sibi ipsis si viuerent responderè: non enim aliud si adessent, quam quæ iam scripta sunt in medium producerent: sunt enim illorum monumenta satis firma testimonia eorum, quæ mente concipiebant ipsi. Quod si inter ipsos diuersa nimirum sentientes, & contrarias opiniones asserentes litem iuxta mei ingenij vires coner dirimere, ac iudicium meum, in quibus mihi à ratione & experientia videntur aberrare, subscribere: sanè id nemini mirum videri debet: nam si mihi hoc ipsum vitio, aut crimini detur, profectò vix vnus Phi-



101  
Iosophorum ac prudentum, qui haftenus scripserunt  
culpa carere poterit, nec crimen euitare. Non qui-  
dem diuinus Hippocrates, qui antiquorum Medico-  
rum sententias tanquam à iudicio rationis aberran-  
tes refellens, suam, vt veritatis amator, scriptam reli-  
quit: nec Aristoteles qui non solum cæterorum om-  
nium Philosophorum, sed etiam præceptoris sui Pla-  
tonis summi Philosophi opinionem acerrimè repre-  
hendit, viuisque rationibus redarguit, ac confuta-  
uit. Denique si diligenter adamussim inspiciamus  
pauci admodum erunt, qui non vnà mecum taxandi  
veniant. Mea tamen parum refert quid inuidi di-  
cant, dummodo sapientes in trutina examinent, quis  
nostrum propius ad veritatem accedat. Quid opus  
est plura? fanè ità antiquum est, nullum scribendi  
modum mordacitatem posse effugere, vt huius rei  
etiam Plato meminerit. Igitur vt redeam vndè di-  
gressus sum, cum mihi in animo esset, hoc opus præ-  
finire, ac Serenitati tuæ qualecunque consecrare, me  
IO. ALFONSVS MAVRELLVS, qui in-  
ter tuos aulicos tui & est obseruantissimus, & omni  
erga te officio, vel potius pietate fidelissimus, ac  
promptissimus, ab equo non satis cicurato in tibia  
non exiguo calce ictus oblæsusque, ad se curandum  
vocaui: quod quidem cursum meum non parum ac-  
celerauit, ac veluti (quod aiunt) currenti calcar ad-  
didit. Tibi itaq; hoc leuidentse munusculum offero,  
dico, ac consecro, rogoque ne graueris sub tectum  
ac patrocinium tuum recipi, & posteritati donari.  
Aiunt enim, aliquid liberalitatis etiam in accipien-  
do esse, putantque, non minus regium esse parua in-  
terim ab amicis tenuioribus fronte hilari, quum of-  
feruntur, accipere, quam vel maxima dare. Ità lau-  
dari solet magnus ille Persarum Rex Artaxerxes co-  
gnomento Memor, qui cum rusticus aquam vtraque  
manu è proximo haustam flumine obtulisset, beni-  
gno



igno illam, incundoque vultu accepit. Et de rustico  
 altero sibi ingens malum porrigenti, per solem, in-  
 quit, hic vir is mihi esse videtur, qui ex parua etiam  
 vrbe magnam possit efficere animum, vide-  
 licet eius, à quo dabatur magis  
 spectandum ratus,  
 quam

quod offerebatur munus. Vale.

M D LV.



EX HIERONYMI FRACASTORII  
SYPHILI, PVLCHERRIMA  
tormenti bellici descriptio  
excerpta.

**F**orte per vmbrosos sylvarum plurima ramos  
Assidue volitabat auis: quæ picta nitentis  
Ceruleo pennas, rostro variata rubenti,  
Ibat natiuo secura per auiâ luco.  
Has iuuenum manus vt syluas videre per altas:  
Continuò caua terrificis horrentia bombis  
Aera, & flammiferû tormēta imitantia fulmen  
Corripiunt, Vulcane tuû, dñ Theutonas armas,  
Inuentum, dum tela Iouis mortalibus affers.  
Nec mora, signantes certâ sibi quisq; volucrem,  
Inclusam, salicum cineres, sulphurq; nitrumque  
Materiam accendunt seruata in reste fauilla.  
Fomite correpto diffusa repente furit vis  
Ignea circumsepta, simulq; cita obice rupto  
Intrusam impellit glandem: volat illa per auras  
Stridula: & exanimes passim per prata iacebāt  
Deiectæ volucres. magno micat ignibus aer  
Cum tonitru: quo sylua omnis, ripæq; recurua,  
Et percussa imo sonuerunt æquora fundo.



132  
IO. FRANCISCI ROTAE

PHILOSOPHI AC MEDICI

BONONIENSIS CLARISS.

de Bellicorum

tormentorum vulneribus, eorumque curatione

liber, in quo præterquam eius Medi-

cinae partis quæ manu cu-

rat totius ferè,

Enchiridion ad quotidianam medendi

exercitationem, habetur.

Omniū etiam qui in hanc usq; diem de hac re scri-

pserunt, uel placita corriguntur, uel ratio-

nes penitus euertuntur.

P R O O E M I V M.



E VVLNERVM quæ  
ab horridis ac tristi-  
sibus belli tormentis  
fiunt, natura, præsi-  
dijsque & curatione:  
tametsi alij antea tra-  
ctauerint: scribere  
quoque ego agrediar,  
quoniã qui de his huc  
usque disseruerunt, è

numero quidem eorum non videantur qui satis in re  
bus naturæ contemplandis, versati sunt. Itaque  
sciens quàm sæpè, quàmq; facile à falso sub specie re  
eti, opinanteis decipiamur, de his sic scribere consti-

Occasio scri-  
bendi.

Opinātis sæ-  
pe decipi-  
mur.

T 4 tui



IO. FRANCISCVS ROTA

In uulneri-  
bus quid ob-  
seruatu utile

tui, ut Philosophus exactissime ratiocinari, non au-  
tē quod fecisse alios constat, lusciose opinari videar:  
tum ut quicumq; non sensu, sed animo hæc quæ scri-  
bam æstimare voluerit, veritatem, ad quam maxi-  
mè nati sumus, sumere facile possit. Ab ipsorum au-  
tem tormentorū ratione initium ideo petere in ani-  
mo est, quoniam quàm utile in uulneratis sit substan-  
tiam materiamue, magnitudinem, figuram, nec non  
læsionis rationem considerare, nouerint etiam me-  
diocriter in Chirurgica exercitati. Summatim igitur  
iam de eorum conditione differam.

De tormentis bellicis. Cap. I.

Inuentionis  
tormentorū  
opini.  
Bōbarda pri-  
scis ignota.

**A**rietum, catapultarum, scorpionum, balistarum  
& testudinum loco arcibus inexpugnabilibus  
expugnandis, bombardam, nouo sanè & vulgari no-  
mine appellant (hominum an cacodemonum, dicam  
nescio) efferata ingenia excogitarunt. Immanis eu-  
ius atque horrendi tormenti autorem casum & for-  
tunam alij faciunt. Alij verò pulueris nomine, &  
occasione idem repertum fuisse (quod nostra non in-  
terest disputare) contendunt. Porro bombardæ om-  
ne genus priscis ignotum, inuisumque fuisse facile  
credi potest. Nec enim adduci possum, ut credam,  
quod aliqui tamen enixè affirmant, Virgilium ma-  
chinam hanc illis descripsisse versibus.

VI Aeneid.

Vidi & crudeleis dantem Salmoneæ pœnas  
Dum flammæ Iouis, & sonitus imitatur Olympi

Qua-



Quatuor hic inuectus equis, et lampada quassans  
 Per Graium populos, mediæq; per Elidis urbem  
 Ibat ouans, diuumq; sibi poscebat honorem  
 Demens, qui nimbos, & non imitabile fulmen  
 Aere, & cornipedum, cursu simularat equorum.  
 Etenim cum nihil prorsus bombardæ à fulmine,  
 quod maximè imitatur differat, non dixisset Poe-  
 ta, & non imitabile fulmen: imò si hanc aliquando  
 cognouisset, fulmini non solum æquasset, verum for-  
 tassè etiam summopere prætulisset, quoniam illi non  
 tam in multis sit similis, verum & pluribus quoque  
 præstet. Siquidem terrenum hoc telum, cælesti ful-  
 mini, quod ubi ventus rupit nubem, exarsitque, &  
 ignem habuit est, similem generationē habet: Hoc-  
 que atque illud impetu conglobatur. Illud aurum  
 & æs, & argentum eliquat intus, sacculis ipsis nul-  
 lo modo ambustis, ac ne confuso quidem signo ceræ.  
 Hoc carnem terit, & ossa infringit, armaturis & ve-  
 stimentis intactis. Militi enim in Ingolstadij obsi-  
 dione (A. Vitellio peditum duce strenuissimo refe-  
 rente) spherula bombardica cum supra cubitum,  
 quo armatus erat transuolasset, & radium, & vl-  
 nam pannis interim atque armaturis illæsis attri-  
 uit. In hoc atque in illo commune contingit fulge-  
 trum prius cerni, quàm tonitrum audiri, cum simul  
 tamen fiant, nec mirum, quoniam lux sonitu velo-  
 cior, & etiam quati prius omne, & afflari quàm  
 percuti: nec quemquam tangi qui prior illius ful-  
 gur, aut tonitrua, huius verò coruscationem, & bō-  
 bum

Bōbardæ ad  
 fulmen co-  
 latio.

Plin. lib. 2. ca-  
 pit. 45.



IO. FRANCISCVS ROTA

Bombarda q. l.  
fulmini præ  
flet.  
Plin. lib. 2.  
cap. 52. & 57

Bombardæ  
decrefatio.

bum audierit. Atque quidem hæc sunt, quæ similia  
habent. Si verò singula singulis referre velimus,  
fulmen ab hoc telo eò superabitur, quoniam fulmi-  
num alia non adurant, sed dissipant: alia nō vrant,  
sed infuscant, hoc autem & vrant, & dissipet, & in-  
fuscet: fulmen hyeme & æstate rarò fit, Scythæ,  
& circum rigentia, & Aegyptum id nunquam ex-  
periuntur. Ex ijs quæ terra gignuntur lauri fruti-  
cem non icit, ex marinis vitulos, sicut nec è volatili-  
bus aquilam percutit. At qui hoc omni tempore  
omni loco, aere vel mitiore vel nimbofo offendat  
nulli arbori, nulli pisci, nulli aui, nulli denique rei  
parcat, non profanis, non sacris. Porro bombardis  
hostes (nihil enim adeò aut stabile, aut firmum re-  
peritur, quod non harum impetu deiectum facile  
dissipetur) quoscunque lapidum ordines deijciendo  
muros & mœnia demoliuntur, arces & turres deij-  
ciunt, ingentia summisque sumptibus erecta ædifi-  
cia diruunt: quod si hoc loci constitisset, res feri  
æquo animo etiam potuisset. At verò sollicitudo,  
vel furor potius humanus huiusce generis facile  
portatiles machinas cum adinuenerit, atque ideo  
Martis gloria succumbat, militare studium honore  
vacet, nec vigor aut robur cognosci queat, non est  
quod strenui, & generosi alioqui milites amplius  
intrepidè aduersus hostes vel pugnent, vel cum illis  
concurrere studeant, cum ne quidem ingenio, non vi-  
ribus ab hoc vno telo quis tutus euadat. Quinimo  
aduersus hoc inermem, armato pugnare præstat,  
quo-



quoniam quæ ad sui tutelam quis aduersus hostes  
arma induxerit maiori sibi sint futura detrimento,  
idq; potissimum cum eò iam deuentum sit, vt ne qui-  
dem formidabili huic tormento quid addere etiam  
diligentissimus artifex possit: rudiores etenim ta-  
met si hoc originem habuisse existimetur: tercentum  
nihilominus annorum spacio, à quo tempore tam im-  
pium, tamque horrificum excogitatum ab inferis  
emerfit, & elegantius factum, & in tot formas effi-  
ctum est, vt nec quidem plures ad maiorem homi-  
num internecionem excogitari queant. Hinc ma-  
gna huius generis tormenta, hinc mediocria, hinc  
parua, hinc breuia, hinc longa, hinc igne, hinc silici-  
bus coruscantia. De quibus quæ concinnè valdè A.  
Bocchi ex Ariosti materno carmine nobis latine  
serio lusit, adscribemus, vt quadantenus agnoscan-  
tur mysteria eius ex illa maiestate, quæ quidem ad  
rem nostram pertinere maxime videntur. Ponam  
igitur carmen vbiq; , nō ibi tantum legi dignissimū.

Tormenti genus horrificum, Bombardula vulgo  
Dicitur, & sclopus à strepitu. Hoc antiqua priorū  
Gens non ulla oculis hausit, non auribus unquam.

Ferrea longa duas est fistula circiter vlnas,  
Intro sulphureus nitro, & carbone saligno  
Arte laboratus puluis demittitur, inde  
Sphærola de plumbo penitus caua viscera cōplet,  
Impulsa oblongæ valido ter robore virgæ.  
Per tenuem rimam, vix dum spiramine tacto  
Exurgit focus. Rapidi tunc fulminis instar

Sphæ-



IO. FRANCIS CVS ROTA

Sphærule tesserulis imas animata medullas,  
 Aut scobæ ferri elimata conspersa rigentis,  
 Mox excussa tonat, per terricre po igne coruscat,  
 Latè vrit, penetrat, labefactat, difficit, æquat  
 Cuncta solo, quacunq; agitur, furit impete vasto:  
 Pone micat veluti fulgur, disploditur ante.  
 Sydera celsa tremunt, tellus quatefacta vacillat  
 Sub pedibus, resonant horrendis omnia bombis.  
 Telū ardens frangit, minuit prorsum obuia quæq;  
 Nulli dat veniam, stridentia sibila torquet.  
 Vulnificum infringit calibem, durissima quanuis  
 Saxa terit, reserans sibi iter quocunque feratur.  
 Impius ille sator scelerum, humaneque salutis  
 Peruersor stygius teli exitiabile monstrum  
 Istud adinuenit non multum dissimile illi,  
 Quo summus nubes aperit pater igne trisulco.  
 Hinc mare veliuolum, terras petit indè iacenteis  
 Haud aliter, quàm cum primæuæ infanda parētis  
 Supplicia expendit fatalis noxia mali.  
 Machina tartareis euecta ab sedibus vsque est  
 Vltricum instinctu furiarum, in luminis horas.  
 Cuiusdam ingenium atq; industria Teutonum olim  
 Res alias atque alias arte experiente magistra  
 Exacuendo aciem mage mentis, repperit vsum  
 Denique letalis iaculi. Tunc Itala tellus  
 Tellus alma viris, dein Gallia nobilis, atque  
 Ore omnes adeò mundi didicere subindè  
 Scilicet istam artem, quæ non crudelior vlla est.  
 Aera cauas fundit vastis liquefacta caminis

In



In formas aliquis. Ferrum inforat ille terebra  
 Quadrata expoliens. Paruū hic vas, maius & ille  
 Informat, minus hoc expendens, amplius illud  
 Esse facit, seu bombardam quandoq; sclopumūe,  
 Seu cannā vocitare libet magē, seu populari  
 Lingua Cannonē simplū, duplumūe, Sacrumūe, ac  
 Nomine translato Falconem, seu Colubrinam,  
 Quæq; suo placet artifici vox, dum tamen illam  
 Numina læua probēt, probet ipse vocatus Apollo.  
 Redde fabro quicunq; tenes miser arma, vel ensē  
 Falcatum miles posthac quicunq; merere  
 Aera voles, paruoq; animam diuendere lucro.  
 Quin cape tormētum belli hoc, humerisq; re pone,  
 Si careas, capies optata stipendia nunquam.

Iam verò quoniam, & bombardici pulueris pluri-  
 mum ad rem nostram facit contemplatio, ad eam  
 transeamus.

De pulucre bombardico Cap. II.

**V**Erè quidem eo, qui Dianæ Ephesiæ templum  
 cremauit dignior vt è gentium memoria explo-  
 datur, deleaturq;e, quisquis pulueris huius inuen-  
 tor extitit. Quis namque putet hominem vnquam  
 tam abditum malum, tamq; horribile, & formida-  
 bile opus fuisse imaginatione affecutum? Vel quis  
 cum stygio fuisse afflatū spiritu non credat? Quan-  
 doquidem, hoc puluere hominum arbitrio, licet for-  
 mida-



IO. FRANCISCVS ROTA

Pulueris bō  
bardici uis  
max.

Pulueris bō  
bardici con  
ficiundi di  
uersa ratio,  
unde.

midabiliores elementorum cælorumque effectus æquare, vel etiam (pene dixerim) superare: hoc turres & arces alioqui inexpugnabiles funditus euelluntur, montes radicitus euertuntur. Quid? fulgura, & terrarum motus hoc superantur: Hoc, nempe inuento, tormentorum machinarumq; multiplices formas effingi, ferrum excuari, varie metalla fundi, terram cuniculosè fodi, ac denique in hominum omnia perniciem excogitari cœperunt: ut si quis hinc quidem rectè perpendat, nil perniciosius reperiri, nihil immanius excogitari posse omnino fateatur: non enses, non fulmina, non mortiferæ herbæ, non letalia animalia: quoniam hæc licet nocua sint, aliquādo tamen vsui esse etiam compertum sit, puluere hoc interim pernicioso semper existente. De hoc autem quid plura, cum Dñ eo vindicta, & ira ab hominibus superentur? Vnde nam verò tantus effectus? Quæ huius pulueris compositio? Multa sane de hac re dici possent, quoniam non omnibus eadem hic symmetria componatur. Sed cum ne hoc quidem institutum sit nostrum, sat scire fuerit, ex nitro, sulphure, & carbonibus hunc plurimum componi: altera interim atque altera in his, pro diuersarum scilicet, machinarum ratione, quarum occasione paratur, puluerisq; multiplici vsu, symmetria obseruata. Etenim qui minoribus, & portari accomodis tormentis conuenit, maioribus omnino inutilis est, & è conuerso. Perinde enim ac qui claboratior est, maiora dissiparet tormenta, sic & qui

co-



eorum nomine paratur, in paruis nihil, vel parum, ut qui vix pilam extrudere posset, proficere. Pro igitur eo ad bombardarum vsum conficiundo nitri purgati sint pondo tria, carbonis pondo duo, sulphuris pondo vnum. Pro mediocribus verò tormentis, nitri sint pondo quinque, carbonis pondo vnum cum dimidio, sulphuris pondo vnum. At qui pro portatilibus sint nitri pondo decē, carbonis pondo vnum, sulphuris pondo vnum. Carbones autem vt supra dictum vel ex salicibus, vel corylis esse oportet. A nitro autem, tanquam à basi, dictat ratio, & experientia docet, vim omnem pulueri inesse, vt nanq; plus minusue eius quantitas hinc admiscetur, ita & pulueris facultas, visq; crescit, & decrescit. Hæc igitur ea ratione confunduntur, vt antea omnibus optime contusis, tenuissimeq; contritis, denique permisceantur: eo interim obseruato, vt inter atterendum hæc paululum aqua irrorentur: alias etenim, ob eam substantiæ, qua prædita sunt, tenuitatem, ne accenderentur facile, nec leui sui autoris detrimento, periculum superesset. Deniq; omnibus optime confusis mixtisq; vt redigantur in grana, exsiccanturque maxime student. Itaque tria sunt (vt mihi quidem videtur) in summa, quæ cuiusuis pulueris perfectionem augent: ingredientia nempe crassitudine terrestri exuta, eorundem tenuissima attritio, confusioque ac permixtio exactissima: Tertiū vt quam fieri possit, expers humiditatis, tandem puluis siccissimus reddatur.

Puluis bombardicus.

Puluis pro mediocribus tormentis.  
Puluis sclopetarius.

Vis à nitro pulueri inest

Perfectorē puluerem efficiantia

De



IO. FRANCISCVS ROTA  
*De sphaerulis, & globis bombardicis. Cap. III.*

Globulorū  
tormentario  
rum materia  
diuersa.

**E**A sollicitudo, ea cura, ea denique mentis inquie-  
tudo quæ ad perniciem internecionemq; huma-  
ni generis tormenta & puluerem excogitauit: non  
contenta, lignei cunei è ferrea canna extrusionem,  
didicisse, qua ratione tonitrua fiant, ad perniciem  
magis animum intendens, lapideos globos parieti-  
bus diruendis, interficiendisq; hominibus studiose  
adinuenit, imò ne quidem adhuc contenta, plum-  
beos modo, modo ferreos facere eos recogitauit. In  
eademq; adhuc mora consilij alios tesserulis ferreis  
animatos, alios inanes intus & vacuos, multasque  
in partes scindi commodos adinuenit, vt scilicet eo-  
rum disruptione magis noxium vulnus inferatur,  
pluresq; lædantur: Itaque & alios, vulgo hamatos,  
nempe per medium in duas partes diuisos, moxque  
duorum ex ære hamulorum interuētū iunctos haud  
imaginari præterijt: Ad hæc bombardicis ante glo-  
bos & puluerem frustula ferrea modo, modo lapil-  
los, quibus detrimenti plus inferatur, imponere: nec  
non & alia plura, quæ iam animum ad propositum  
scopum intendens nunc præteribo.

Eorum, qui de hisce vulneribus scripsere,  
opiniones. Cap. IIII.

**D**E horum ergo tormentorum vulneribus dispu-  
taturus, aliorum prius placita exponere, tru-  
tinaq;



tinaque haudquaquam populari considerare perpendereque quàm libere meam sententiam dicere, opere pratum me facturum videor. Duo igitur in hac re sunt, quæ maxime in dubium vertuntur. Alterum, an huiusce generis tormentorum vulnera usque adeo vstionem inferant, ut quidem perinde ac igne ambusta curari debeant? Alterum nunquid quas, parteis impetunt, veneno inficiant? Quorum alterutro fautores qui subscribant non desunt, idque argumentis à sensu experientia, & ratione conquisitis firment.

Sedes locorum, argumentorumque vnde  
vtraque opinio suas deducit ra-  
tiones. Cap. V.

**M**irum sanè est de eadem re, ex iisdem fundamentis contrarias rationes, pugnantiaque omnino argumenta adstruere: hocque potissimum si verè Aristoteles prodidit, de eodem idem affirmare, negareque esse impossibile: tum quòd ne quidem se inuicem contraria facile ferant: Quare igitur cum qui vni, & qui alteri opinioni fauent, eadem experientia, eodem sensu, & eadem ratione coniecturas deducant, peccent alij, vel saltem in æquiuoco laborent, necesse videtur. Omnium ideo placita recenseamus. Ab eorum rationibus exorsi, qui & igneam, & veneficam naturam vulnera hæc sapere contendunt.

V Ra-



IO. FRANCISCVS ROTA  
Rationes eorum, qui ambusta vulnera hæc  
esse affirmant. Cap. VI.

**Q**uoniam (aiunt qui primam tuentur opinio-  
nem) horum vulnerum prima efficiens causa  
ignis, igneaue, atque vrere nata facultas existit.  
ambusta ideo esse ea oportet. Facit adhuc (subdūt)  
violentus motus, qui si ex Aristot. sententia plum-  
bum liquare potest, idem quoque calefacere pote-  
rit. Adhuc collisio calorem maximopere augens,  
eorum firmat opinionem. Sat itaq; sibi esse suadent,  
ex principio, medio, & fine suam & firmasse, & ro-  
borasse opinionem.

Eorum rationes, quibus contraria magis arri-  
det opinio. Cap. VII.

**Q**uoniam neminem hucusque tormentis hisce per-  
cussam caliditatem percepisse fateri audiueri-  
mus, sed magnam solū, perinde ac si ingens in ipsos  
quid corruisset, contusionem sensisse, dicimus (aiunt  
secundæ huius opinionis homines) vulnera hæc ca-  
liditatem nullam participare. Nec (subdunt)  
objici potest, igneum dolorem à contundente dolo-  
re obscuratum iri, quòd duobus non eundem locum  
infestantibus doloribus à maiori minor obruatur:  
quandoquidem isti non in diuersis, sed eodem peni-  
tus loco, eodemq; penitus tempore fiunt: quod cum  
ita se habeat, igneum dolorem, contudenti præsen-  
tien-



tiendum fore, rationi consentaneum magis videtur. Itaque quod vulnera hæc ignea sint penitus qualitatis expertia, argumento est (aiunt) qui vel tractus longitudine, vel ferrea obsistente armatura remisso iam impetu globi percutitur, vulnere nequam, sed contusionis solum vestigio remanente, in quo ne vestimenta quidem cremantur, tantum abest, ut ipse ustionem patiatur: secus etenim ignitis existentibus globulis fieret. Quinimo pro suo habent Achille hoc argumentum. Non stupa, non fœnum, non lana, imo nec sulphur, nec bombardicus pulvis globulorum tactu conflagantur: igitur nec globuli igniti, nec vulnera usta existere possunt. Hocq; potissimum ratione à ferreis globulis mutata, sic roborant. Sphærulæ ferreæ à bombardis excussæ, saccis, stupæ, & lana distentis (tales enim in nauibus ijs maxime obijci solent) licet inhæreant, ne tantillum tamen ustionis signum his inferunt: intensiori tamen ferreis quam plumbeis globulis caliditate inexistente: quod si ulla nigredinis nota ab his remanet, à pulvere potius quam ustione contraham existimandum esse, dicunt. Præterea addunt si sit ignitus globulus, breui adeo temporis spatio ferit, adeoq; in instanti, ut ne quidem urere quod impetit valeat, id uerò experiri est (aiunt) si carbonēs ex altera in alteram manum sæpe celeriterque permutemus, ubi nihil omnino patimur. Iam autem si quis dicat, non rarò globulorum ictu, uasa sclopetario pulvere referta conflagrasse, id non negabi-



10. FRANCISCVS ROTA

mus, aiunt, tamen diuersa ratione obtigisse, contem-  
demus: ferreus etenim globulus lapidem fortasse,  
vel ferrum attriuerit, attritionis cuius nomine, ex-  
cussa scintilla, incendio vasa illa confecta sunt: non  
autem quia (vt isti existimant) globulus vel flam-  
mam, vel calorem secum traxerit: alias etenim  
eius contactu perpetuo bombardicus puluis incen-  
deretur, cuius oppositum experientia nos docti su-  
mus. Ad hæc addunt, si ne quidē adhuc cōuictus his  
rationibus cedis: qui fiat obsecro, respōde, vt ex vul-  
neribus istis sanguis profluat? docente interim Ga-  
leno, vrentia sanguinem sistere: si enim responderis,  
non largē eum inde effundi: & nos huius rei cau-  
sam contusionem, non verò, quod alij faciunt, vstio-  
nem afferemus. An itaque alia hac ratione quid  
clarius, firminusue excogitari possit, aiunt, paulisper  
perpende. Concesso, globulos istos (aliter nihilo-  
minus nobis animo sentientibus) fore ignitos, vren-  
diq; facultatem vnde libet concepisse, qui fiat qua-  
rendum est, vt si caro hisce vstione conficitur, vesti-  
menta tamen, quæ prius occurrunt, non conflagrēt?  
Quod fieri nihilominus potius deberet, quòd tunc  
caliditas maximè, neutiquam ab occurrente adhuc  
quopiam refracta, in globulis vigeat: cum tamen  
oppositum sensu ipso, omni dico adhibita cura, & di-  
ligentia doceamur: quòd si nonnunquam in hisce  
vestibus nigredinis nota reperiatur, non vstione qui-  
dem, sed vel plumbi attritu, vel pulueris, qui eum  
vt cunque infecerit, nomine accidere, facile persua-  
deri



deri potest. Atqui ubi certior fieri studeas, vestimenta prius ipsa carne, non præter rationem vri de bere, id experientia, aiunt, sic doceberis, globum ignitum qua omni poteris violentia in quempiam projcito, ita nanq; cognosces vestimenta prius carne ipsa omnino comburi alias nempè prodigiosum videretur carnem vri, intactis utique vestimentis. Quod si quoque dixeris, aiunt, in hisce globulis pro gradibus qualitatum quatuor in simplicia concedentibus, ratione, vim caloris tantam inesse, quæ carnem vrere possit, vestimenta verò non possit, quoniam intensiori calore scilicet, ubi hæc vrenda sint, opus existit: proque huius rei exemplo ferrum incallescens afferas, quo caro uratur, pannus non uratur, idemque de globulis affirmes, afferasque in illis eum caliditatis gradum introductum esse, qui carnem vrere, minimè verò vestimenta sit natus, ac iccirco nihil esse admirari operæ præcium, si carnem vrendi, & nō vestimenta globulis insitus calor vim habeat. Et nos quidem dixerimus (subdunt) facile, qui huic sententiæ subscriberemus induceremur, si de tactus sensu disceptatio haberetur, qui ferrum ad aliquid usque incallescens ferre non valeat, licet (modo animans ferre posset) carnes vstorum non esset: quod si fortè eam vreret, & vestimenta etiam vstorum fore rationabile videri est, & sensu experiri, ubi laminas ferreas duas eodem gradu calefactas, quarum alteram panno, alteram eodem tempore carni admouens, imponas: ubi etenim alterum



IO. FRANCISCVS ROTA

ledatur, nempe caro, alterum lesionis expers euasurum non erit existimandum. Addunt si laminis hisce ignitis bombardicum tetigeris, puluerem flammam illico emicare animaduertes: quod idem à globulis quoque, si igniti essent accidere deberet. Vel adde, qua ratione vi motus, & bombardico puluere adeò incalescunt, ut carnem vrere valeant, eadem itaque prorsus & vestimenta, vel etià magis (prius etenim occurrunt) cōcremare debere, ut potè quòd tunc eos (non dum enim à quopiam sunt refrigerati) maximè esse ignitos, sit credendum: quod tamen cum minimè fiat, non est, concludunt, ut quis nos redarguat, si ignitos eos esse negauerimus. Insuper addunt, globos à bombardis missos haudquaquam ignitos esse, maximè cognosces, ubi eos in magno pulueris aceruo paulo antea accenso, contactos, manibus contrectes: in quibus si calorem nullum perceperis, iudicabis existimo, nec si à bombardis emittatur, vim vrendi ullam concepisse, adhucq; maximè si consideraueris minimam globuli partem à puluere in bombardis contento tangi, statimque propelli. Quonià uerò expertū est, liquatū plumbum carthæ affusum, eam ne quidem calefacere, tantum abest ut ab eo vratur, atque hinc coniici potuisset tanto minus pannum, linteum, & uestimenta ab illis usta iri, interim tamen id minus carne ferente, respondent. Nos autem non solum, non colliquari plumbum aut à puluere, aut à motu admittimus, sed nec etiam incalescere tantum, ut carnem quo uis modo afficere pos-



possit, ostendimus. Etenim si colliquaretur plumbum, statum scopum (dispergeretur siquidem) attingeret nusquam. Ad hæc elliquatum, & incallescens plumbum calorem breui adeò amittit (quod poteris experiri) ut èt maximopere incallescens, excandescensq; carthā, aut pannum, aut linteum (viscosum .n. adeò est, ut in mollem substantiam agere nequeat) nō conflagret, adeoq; minus carnē exurat. Ad hæc (subdunt) si plumbum incallescere adeo, ut carnem vrere posset, vestigium sanè quodpiam vstionis imprimeret, vel (quod non negabunt aduersarij) ab his qui laderentur, inustio & exsibilatio, perindè ac in humidæ ignitæque substantiæ contactu accidit, perciperetur: atqui cum nihil tale ab his obseruetur, ignitos globulos esse, nullo credendum modo fore existimamus. Adde (subdunt) si illico emissos globulos manibus pertractes, calorem non adeò sentias, quem tractare innoxie valeas, hocque maxime etiam nulla qua refrigerari poterint, interposita mora. Itaque si globulos in motu ex attritione caliditatem quampiam nancisci (aiunt) contendas, eam etiā, cum ad statum locum deuenerint, retinere facile condonabimus, verum quæ vrere possit, prorsus negabimus. At modo si globulos aduc hosce ignitos velis, ut escharā in vulneribus quæ faciunt, superficie tenus solum, in ingressu scilicet, neutiquam verò egressu inferant: id non minus in contusionibus accidere, poterimus & nos suadere, aiunt. Siquidem globulus (dicunt)



TO. FRANCISCVS ROTA  
dum carnem in ingressu perforat, renixum, nempe  
qui à partis soliditate accidit, adinuenit: interim in  
exitu, partibus laxatis, adeoque quandoq; ceden-  
tibus, vt aduersa cutis ita aliquando extendatur,  
vt fabrefacta ex ferreis hamis loricae, atque vesti-  
menta lanientur, cute integra remanente: vbi non  
idcirco eschara non fit, quia ad illam partem iam re-  
frigeratus deuenit globulus, quod facile intelli-  
getur, vbi emissus globulus prius brachium puta,  
mox pectus pertransierit. Crusta etenim caronè  
illa liuida, attritaque in ipso primum brachij, de-  
inde pectoris ingressu, non autem egressu reperie-  
tur, cuius rei exemplum vulneratum quendam, te-  
stesque Scholares nescio quosdam proponunt. His  
subnectunt, si plumbum colliquatum gossypio inie-  
ceris, ne quidem eius florem vri videbis: Atqui si  
dixeris conceptum in rebus humidis calorem, vrere  
natum non esse, feruentisq; aquae, in hac re exem-  
plum attuleris: dixerimus (aiunt) liquatum plum-  
bum se ipso non liquato longè intensius calidum fo-  
re, humidissimum licet sit: imò ne quidem calorem  
intensiore acquirere posse, eo quem eliquatione,  
fusionē acquisierit: in quo tamen ita fusio bombar-  
dicum puluerem si inieceris, vix accendetur. quod  
ita cum sit, nec à plumbo vtunque calefacto, neuti-  
quam tamen fusio, pulvis hic vt accēdatur fieri pos-  
sit. Dicet ne quispiam non liquatum plumbum, eli-  
quato vrere carnem magis? Hocque magis si rur-  
sus eliquatum plumbum parti cuipiā inspergatur,  
id-



idque ampullas tantum excitet, nullo autem modo  
 urat, hoc enim facile quisque cognouerit, vbi car-  
 nis frustulo cliquatum effuderit plumbum. Prete-  
 rea vidimus (aiunt) escharam illam, quam alij in  
 summo vulneris à globulo fieri solum dixerunt, etiā  
 in imis eius partibus, præsertim globulis, carnosā  
 parte solida occurrente, vt hinc quidem (subdunt)  
 animo conijcere minimè possimus globulos hosce  
 igne refertos esse, aut partes vllas vrere posse. Ad-  
 uertas itaque (dicunt) vbi ferro candenti, quam-  
 piam partem vrimus, aliquo temporis intervallo  
 immorari oportere, quod idem si plumbo efficere vo-  
 luerimus, profectò diutius detineremur, tum quod  
 plumbum non liquatum debilem cōcipiat calorem,  
 tum si quem conceperit, breui eum adseruet: quod  
 vbi animaduertas (inquiunt) nescimus an globulos  
 calorem vel ex puluere, vel ex motu nactos, corpo-  
 ris quampiam partem vrere posse iudicaueris: id  
 maximè cū in instanti ferè corporis partem, vel si  
 manus vniuersum transuulnerent corpus. Quinimo  
 oscitantia, impudentiaq; eos redarguunt, qui globu-  
 los vi motus ignitos esse asseuerant, argumento à sul-  
 phure illitis sagittis, in altumq; iactis, atque in ae-  
 rem accensis ducto. Nempe (aiunt) licet cum Ari-  
 stotele attritionem calfacere condonemus, globu-  
 los tamen haudquaquam tantum calorem conci-  
 pere, qui vrere possit (experientia enim cōtrarium  
 docti sumus, assentimus. Huic adde sulphureum glo-  
 bum, plumbei loco, bombarda emissum nec accen-  
 di



IO. FRANCISCVS ROTA

di, nec vri, nec tantillum à propria substantia immu-  
tari. vt hercle figmentum omnino existimandum cen-  
seamus, sagittas sulphure illitas motu adeo incale-  
scere, vt exuri possint: tumq; maxime cum neque ce-  
ra incalescat, neque sulphur, etiam si à bombardici  
pulueris impetu feratur, & citato motu in circun-  
fuso aere teratur, lique scat, accendatur ne: vt qui-  
dem propterea, & minus plumbum igniri dicamus:  
vulneraque ab his illata haudquaquam vim ignis  
sentire, concludamus. Imo eorum, qui secus tenent  
opinionem iam nostris rationibus reprobata, per-  
inde ac inanem, vanam, & futilem explodamus.  
Adde amabo, subdunt, si ex calore in motu conce-  
pto, escharam à globulis induci, isti contendunt, con-  
trarium quàm facile suaderi possit, vbi quis in qua-  
tuor solummodo vlnarum distantia sit vulneratus,  
in quo breui quidem motu, globulum incalescere  
adeo vt carnem vrere possit, credi non potest: ac pro-  
inde si eschara vestigium vllum remanet, id à con-  
tusione quidem omnino illatum fuisse, sit existiman-  
dum. Quapropter subdunt, prouisis iam omnibus,  
quæ ad huius rei cognitionem faciunt, vt concluda-  
mus superest, vulnera à bombardis facta, ignis pror-  
sus fore expertia. Potissimumq; cū quæ veluti cru-  
sta in his apparet vulneribus, non ab igne quidem,  
sed à maxime contudentibus globulis fiat: qui &  
spherici, & maximo impetu lati, lacerant, diuellunt,  
contundunt, partesq; quas impetunt, ita atterunt,  
vt non sanguine solum, sed & vitali spiritu eas sic  
pri-



priuent, vt langueant, liueant, emoriantur, & per-  
 inde ac crustam referant: perinde autem ac crustam  
 dicimus (aiunt) quoniam quidem, hæc verè crusta  
 non sit, quandoquidem quæ verè crusta dici digna  
 est, ab igni, ignitione ferro, dura admodum, & soli-  
 da, ob eius qui antea in carne continebatur humo-  
 ris exsiccationem inducitur: horum interim vulne-  
 rum, crustis mirum in modum vdis existentibus, hu-  
 moreq; adeò refertis, vt non rarò putrescant, ac sæ-  
 pe ea, qua nimis referta sunt humiditate, syderen-  
 tur: quare cum propter hoc, tum quia ne illis qui-  
 dem escharæ definitio accommodari possit, quam  
 crustam, & carnem vstam ab igne, ignitione ferro,  
 vel quopiam alio vrendi facultatem naçto, defi-  
 niunt. Impropiè valdè, solumq; translatione qua-  
 dam escharæ hæc dicuntur: quas à contudentibus  
 tales fieri & Græcorum, & Arabum authoritate  
 confirmant. Quamobrem quicumque animum dili-  
 genter adhibuerit (subdunt) in contusionibus car-  
 nem hanc liuentem videbit, quā isti à globulis ignis  
 vi elatis factam, escharam appellare voluerunt,  
 quæ prorsus aliud nihil, quàm caro contusa, vt an-  
 teà dictum est, existit, quæ eo liuidior, nigriorque  
 est, & magis dolet, quod maiorem longè violentiam  
 passa est: quæ talis omnino existit nempè attrita, &  
 mortua ab emissi globuli maxima contusione, qui li-  
 cet ignis vi propellatur, haudquaquam tamen esse  
 ignitus poterit, vt potè quod in bombardico pulue-  
 re breui adeò remoretur, vt ne quidè ignem, igneã-  
 ne



IO. FRANCISCVS ROTA

ne facultatem inde acquirere valeat : quod facile  
 credi poterit, ubi plumbi globuli loco bombardule car-  
 tam digitis, dentibusue, vt fieri solet in solemnibus  
 pompis contusari, conglobatamq; , quis immittat,  
 que cum inde displodetur, & iusta, & ab igne inta-  
 cta videbitur, interim ea maximopere quas impe-  
 tet partes ledente. Atqui hoc etiam magis con-  
 stabit, vbi ceream spherulam hoc eiacularis tor-  
 mento, eamq; nec eliquari, nec incalescere animad-  
 uerteris, & partes quibus occurrerit, adeo offendi  
 videris, vt etiam lignum, si quandoque occurreret, sue  
 forme nota signet: quod nempe argumento est, nul-  
 lum à bombardico puluere huiusmodi globulos  
 ignem acquirere, vel adde, quod etiam mirum est,  
 cereos hosce globulos rebus, in quas emittuntur,  
 non hærere, imo ab his perinde ac in parietes emissi  
 plumbei resilire retrocedereq; , cum nihilominus si  
 vel liquaretur, vel incalesceret cera illis maxime  
 inhereret. Porro à motus vi calorem conciperet  
 etiam cera, si eius nomine, & pulueris, vt isti affir-  
 mant, plumbei incalescerent itaque globuli: at cum  
 verò hoc vnde quaque repugnet, absurda illorum  
 omnino remanebit opinio, qui (subdunt) si ob par-  
 uam viscositatem, paucumque, qui ei inest humorẽ,  
 ceram non eliquari respondeant, idem & de plum-  
 bo dici poterit, quod tamen si minus ipsa cera vdu-  
 sit, calorem tamen intensum adeo concipere posse,  
 contendunt, qui carnem vrere valeat: quod quan-  
 tum à veritate absit, iam antea demonstratum à no-  
 bis



his est, vbi quicquid noxæ corpori ab istis infertur,  
 non ab igne, sed maximo impetu motus, necnon in-  
 genti contusione, argumento à cereis globulis hoc  
 emissis tormento inferri, ostensum est. His addunt,  
 quamquam ex Aristotelis sententia, motus calefa-  
 ciat adeò, vt etiam in sagittis, quæ feruntur clique-  
 tur plumbum quandoq;: non id tamen nostram euer-  
 tit opinionem, probatque, bombardicos globulos vre  
 re posse. Etenim plumbum, quo sagittæ hæc muniun-  
 tur, in tenues laminas, ac veluti bracteas redactū,  
 extenuatumq; est, vt facillè liquari possit, globulis  
 hisce interim crassis, densis, solidisque existentibus.  
 Ad hoc itaque maximè figura facit, nempe rotun-  
 da, & spherica, philosopho authore, omnium facil-  
 limè quæ per cælum vehitur, quare nil mirum sa-  
 gittas, & veru in aere, qui magis illis repugnat,  
 quemq; difficilior ipse discinditur, igniri & eliqua-  
 ri: non ita autem globulos istos, hocq; maximè, quo-  
 niam sagittæ simplici continuò motu ferantur, at ve-  
 rò globuli, vt potè spherici circum circa facillè con-  
 uoluantur, vt si quam ex motu acquisierint calidi-  
 tatem, facillè ea à circumfluo flatu, spiranteq; vento  
 extinguatur. Ad hæc iaculata sagittæ, emissis glo-  
 bulis diutius per aerē feruntur, nēpe ascendendo &  
 descēdēdo si in altū mittātur, tū quia ad simpliciorē  
 aerē, vbi igniri possunt, adueniunt, quod de bombar-  
 dicis globulis, qui nec diu per aerē feruntur, nec in  
 altū mittuntur, non poterit dici. Idcirco (inferunt)  
 eam non ex bombardico puluere, neque ex motu, vt  
 iam



IO. FRANCISCVS ROTA

iam probatum satis est, calorem globuli isti concipiant, nil mirum, si eos carnem non posse vrere contendamus. Hoc nempè & tu certò fateberis, si vna consideraueris, vniuersum hunc puluerem uel intra tormentum, vel paulo extra, vniuersum conflagrari, tantum abest vt globulos ipse, ignisue ad scopum vsque in quem diriguntur (qui rarò ducentos passus distare haudquaquam solet) concomittetur. Atqui & hoc etiam aduersarijs fieri posse liberaliter (subdunt) condonemus, nonne à circumfuso aere mox refrigerarentur? Neque in omnibus huiusmodi vulneribus (quod absurdissimum tamen videri deberet) eschara reperiretur? Etenim quis non fateatur, aere pluuioso emissos globulos, escharam non inducere, eorum scilicet calore concepto vel à motu, vel à puluere, à pluuia extincto, supra contrarium nihilominus experientia docente: quippè quod in omnibus ab his illatis vulneribus, aere quouis modo affecto, mortua contritaq; hæc caro, quam escharam, iam dictum est, illis placuisse appellare, cum tamen neuiquam ab igne, sed à contusione talis reddatur? Quod si globulos calorem solum ex motu, & violentia acquisiuisse, quis contendat: dicemus (aiunt) nec aliter credi debet, ab aere frigido successiue continuò occurrente, etiam cælo sereno, eum facile extingui posse, interim tamen asseuerantes, non tantum eos posse à motu calorem concipere, qui vrere possit. At si adhuc vulgari quis inherens opinioni dicat, probetq; eos fore ignitos, quia vbi

parie-



parietem, aut murū colliserint, si illicò statimq; manibus suscipiantur, vix præ nimia caliditate tractari queant, inquiunt respondebimus, non à puluere, non à motu, sed à colliso inter dura corpora aere illam fuisse exortam caliditatem: quandoquidem hoc ipsum etiam animaduvertere esset, vbi saxo quis murum violenter impeteret: atqui id patiente corpore molli non efficeretur. Quapropter (subdunt) licet cum Aristotele motus ratione aliquem his globulis inesse calorem facile concedamus, ad eum tamen gradum, qui vrere possit, deuenire, non esse existimandū, contendimus. Non. n. rubor, qui circa hæc vulnera affusus semper apparet, satis nobis, atque aduersarijs nostris suadet, illa esse ambusta: quoniā hoc idem & alijs vulneribus, & contusionibus potissimum commune sit, nempè tenui, & subtili sanguine facillimè, citissimeque ad affectas, ac præsertim dolore infestatas partes confluyente. Denique quod eschara, crustaue in his vulneribus, in nonam vsque diem augeatur, perindè ac eschara ignis dilatatur, & crescit, vulgares fortasse conuincet, qui fateantur, ea omnino esse ambusta: vt qui existiment, inde igneæ naturæ causa in eam vsque diem vulnera hæc augeri. Atqui nos qui scimus igneas crustas eo tempore plurimum, cum ex puris generatione, tum carne vsta putrescente, abscedere: idemque & in alijs, nempè à potentia vrentibus medicamentis factis escharis, obseruauimus horum vulnerum augmenti rationem eandem, puta putrefactionem,

nec



IO. FRANCISCVS ROTA  
nec non contusæ carnis abscessionem adsignamus.

Belli tormentorum vulnera veneno esse in-  
fecta, quibus rationibus probe-  
tur. Cap. VIII.

**S**equitur ut secundæ litis, quæ inter huius rei  
scriptores versatur, rationes exponam. Qui .n.  
antea dixerant vulnera hæc esse ambusta; eadem  
quoque veneno infecta esse affirmant: siquidem ve-  
nenosum eum statuunt puluerem, cuius impetu glo-  
buli mox virulenti feruntur: idque tum pulueris  
compositione, tum eiusdem effectibus sic suadere  
conantur. Recipit huiusmodi pulvis nitrum, sul-  
phur, & carbones, quibus constat (aiunt) eum quar-  
to caliditatis gradu esse, atque propterea venenosum  
existere. Quod itaque confirmat, subdunt, eorum  
qui ipsum conficiunt consuetudo, nempe toto tempo-  
ris tractu, quo in hoc laborant, à cibarijs cuiusvis  
generis acribus abstinent, experientia docti eorum  
usu tunc maximè lædi, quod scilicet horum ope vijs  
meatibusque apertis facile eius vis pernitiōsa ad in-  
timiora corporis usque, vel etiam ad cordis latibu-  
lum permeet atque descendat. Porro pulueris hu-  
ius tenuior pars ac veluti fuligo, dum contunditur,  
& cribratur, sui autorum fauces, vel ipsis inuitis,  
intingit, inficitque. Quos tamen in recta viuendi  
ratione constitutos non lædit, vel quia venas non re-  
clusas reperiens, eas non excurrat, vel quod illis con-  
sue-



suetudo altera sit facta natura, Quoniam verò non eodem omnia venena genere comprehenduntur, inter ea hoc illis reponere, recensere ùe visum est, quæ tactu vulnerando perimunt. At verò cum cuiusvis veneni id ferè proprium esse videatur, ut à corde læso, vni, quàm alteri parti magis (quod marinus lepus, & cantbarides apertissimè ostendunt) vim inferant: facile quæ an simile quid in hoc puluere reperiatur exquiri potuisset. Non quidem videtur (subdunt) eam huius pulueris facultatem esse, quæ cordi illato veneno, illicò vnam, quàm alteram magis partem corripit. Calido itaque huic veneno, tenui quæ substantia prædita, motus adhuc caliditatem, & velocitas penetrationem addit, alterutram quæ tormenti forma summopere auget. Ut quidem puluis hic, tam ex natura eorum ex quibus componitur quàm ex organi ratione omnino venenatus dici mereatur. Adde (subdunt) putrefactionem, mordicationem, rofionem, vlcerationem, corruptioni præparationem, malique habitus calidi membræ principalioribus impartitionem calidi veneni notæ propriæ, inseparabilia quæ symptomata, puluerem hunc perpetuò concomitantia, nostram firmare sententiam. Ad hæc fatemur (inquiunt) in hoc puluere, veneni terminum, vel illi à forma insit, quam specificam dicimus, vel ab eidentibus qualitatibus, nos omnino ignorare. Eum quæ tametsi inter ea quibus sagittæ, & tela illinuntur collocauerimus, omnium nihilominus remissius esse, nulli quæ eorum vi com-



IO. FRANCISCVS ROTA  
parandum fore ducimus.

Quid respondeant contrariam tenentes opi-  
nionem, quomodoque oppositum  
proben. Cap. IX.

QVod toto ferme aberrent cælo, qui bombardi-  
cum pulverem veneno infectū esse, prædicant,  
facile ostendimus (aiunt) qui antea à bombardis in-  
flicta vulnera ignis expertia fore contendebant.  
Porro (dicunt) recipit pulvis iste sulphur, nitrum,  
& carbones vel ex corylis, vel salignos: quorum  
quodque vel intus sumptum, vel extra admotum  
aliquot sanandis affectibus, tantum abest, ut vene-  
ni notula inficiant, destinatur. Sulphur præter alios  
quam plures morbos, ad scabiem, & lepram fugan-  
dam, sanandosque quorundam venenatorum mor-  
sus Galeno impense laudatur tussibus, suspiriosis,  
purulenta extusientibus in ovo sumptum, aut suffi-  
tum Dioscoridi commendatur. Nitrum, præcipue  
nostrum, adhibentibus quibusdam fidem Monacho-  
rum in Mesuem commentarijs largè propinatum  
etiam sine noxa est. Carbones non raro vtero ge-  
rentes mulieres inordinato ductæ appetitu volu-  
ptuosè ædunt: nosque catapotijs permiscuimus, quæ  
postea tuto gallica lue laborantibus exhibita sunt:  
ijsdem sibi quidam signa, & characteres in cute su-  
perstitiose, nullo interim cum detrimento inscribunt.  
Quis igitur obsecro dicat, hunc pulverem veneno  
par-



participare? At dicat quis ex horum mixtione vim mediam, veneno non expertem gigni: Quid dicet postea vbi maligna, & exedentia omnino vlcera, hoc puluere curata viderit, nullo interim veneni vestigio remanente? In quibus tametsi crustulam inducat, levis adeo ea est, vt potius, à nitri sulphurisque exsiccatione, quam vlla veneni qualitate fieri sit existimandum. Quod itaq; veneno careat iste puluis, (aiunt) argumento sunt, qui parum in pertractandis huiusce tormentis exercitati, quandoq; nimis vultu illis inherentes, conspersam maculis, cicatricibusue nigris faciem habent, & oculos: in his enim non raro etiam granula huius pulueris infiguntur, vt obducta etiã cicatrice inhæreant, nulla tantũ subsequente noxa, ne dicamus veneni nota. Quid igitur illi dicent, qui secus existimant? Nihil existimo, imo nisi pertinacissime veritati & conscientie refragentur, nobiscum vnà vulnera hæc ignis expertia esse omnino fatebuntur. Cancrena enim, sphacelos, & exæcio non adeo sunt veneni propria symptomata, quin & contusionem quoq; sequi possint, potissimumque vbi in corpore malis referto humoribus (cacochimum vocant) ea extiterit. Alioqui vulnera hæc perpetuo depascentia, & putrida existerent, essentq; horum vulnerum hæc propria differentia, quod Galenus inficiatur. Quare cum non omnia hæc vulnera putrida, depascentiaque sint, veneno itaque neutiquam esse infecta est existimandum.



IO. FRANCISCVS ROTA  
Proprie opinionis fundamenta. Cap. X.

**C**Aeterum rationibus autorum istius controuer-  
siae expositis, ut nostram iam in medium propo-  
namus sententiam ordo postulare videtur. Ante igitur  
omnia scire opere praeiudicamus tormētarios  
globulos altero modo, quo ad materiā scilicet, qua  
constant, posse considerari: altero autem quatenus  
à bombardis & alijs huiusce generis tormentis sunt  
emissi. Nempè quo ad materiam vel lapidei, vel  
plumbei, vel ferrei, vel ex hisce aliquot, omnibus-  
ue materiebus permixtis compositi sunt. Si lapidei,  
frigiditatem cum siccitate sortiuntur, si plumbei, fri-  
giditatem cum humiditate, si ferrei siccitatem cer-  
tè, caliditatem verò an frigiditatem nec dum iudi-  
catū est, nec sat sibi de hac re cōstat philosophus, nec  
hoc loci id sumus nos disputaturi, quoniam nec sub  
hac ratione, sed ut à bombardis emissi considerandi  
omnino sint. De his etenim maxima dubitatio est,  
num tantam caliditatem acquirant, ut vrere pos-  
sint. Atqui vrens caliditas duplex cum sit, & quæ  
actu, & quæ potestate vrere nata est, primo inuesti-  
gandum videtur, num globuli ab ipsorum tormento-  
rum explosione caliditatem acquirant: secundo vn-  
de nam ea ipsis adueniat: denique num tanta sit ea,  
quæ omnino vrere valeat. Iam verò quod calidi-  
tatem adipiscantur, constat: præterquam enim id  
experientia attestetur, dicat itaque ratio: siquidem  
motus ignire aptus adeò est, ut si quid vehementi

mo-



motu moueatur unaque eius partes terantur, facile  
 (id modo incalescere aptum sit) incalescat. An ve-  
 rò globuli isti vehementer moueantur, iudicet quis-  
 que. Ex motus igitur veloci celeritate, utcumque  
 tormentarij pulueris caliditate concurrente, vim  
 istam provenire, iudicandum videtur. An verò tan-  
 ta hæc sit quæ vrat, non ausim affirmare: vel etiam  
 facile id non posse præstare crediderim: hocque po-  
 tissimum, cū ab aliorū aliquibus rationibus suafus:  
 tū quoniā quicquid ex uehementia motus accendi  
 habet, id suarum partium attritione incendatur: in-  
 terim tamē horū globulorum partibus nihil attritis  
 sed solum circumfusi aeris partibus calefactis, qui-  
 bus uicissim mox incalescit ipsum atterens corpus,  
 quod si tenuē, & facile liquabile fuerit eliquabitur  
 à motus nempe ipsius caliditate, ut de sagitta dici-  
 tur in aere dissoluta: si aut id nō facile liquabile fue-  
 rit, cuiusmodi ferrum est: & plumbum in sphericam  
 formam effectum, illud enim duritie, hoc autem figu-  
 ra quæ nihil ferè in calefacto aere remoratur, ma-  
 xime resistunt, non poterit quidem ambientis aeris  
 caliditas id eliquare: tum quòd nec à puluere ipso,  
 tanta globulis impartiat caliditas (etenim post se  
 eius flammam longè relinquunt) quæ carnem urere  
 possit. Reliquum igitur est, globulos hosce potestate  
 caliditatem assequi tantam, quæ omnino urere car-  
 nem ipsam valeat. Est autem ea in ipsis nil prorsus  
 aliud mea sententia, quàm qualitas ab emissionē eo-  
 rum, nec non pulueris exhalatione acquisita: nem-



IO. FRANCISCVS ROTA

pè motu globulum disponente, nec non pulueris exhalatione ipsi adhaerente, ad hæc percussæ partis calido concurrente vstio facile promouetur. Itaque quod reddit partem percussam nigram, exhalatio ipsa existit, quæ ut dictum est, mox à percussi membri calore, ab eo quod potestate primum erat ad actum reuocata, deniq; à subsequenti augetur, quæ non minus quàm fulmen, quod nil aliud quam sicca exhalatio est, inflammari: & urere potest: si quidem experientia demonstrat, quicquid vsta est confectum exhalatione, facile, si corpori quod eius potestatem ad actum redigere possit occurrat, id inflammari.

Quid primam, quid quæ secundam sectantes opinionem errauerint.

Cap. XI.

**P**Rimos igitur pariter atque secundos errasse constat: primos quidem quoniam absolute actu eò tormentarios globulos incallescere existimauerint, ut carnem urere etiam valeant. Secundos verò, qui solum contradicendi nacti occasionem, contrariamque opinionem secuti, rem ipsam physicè minus perpendentes, tumultuario quidem nempè rationibus rationes confuse satis inculcantes, suam opinionem dixerint. Tanto verò grauius primos notandos esse arbitramur, qui liberè rei veritatem indagandi facultatem habentes & lusciosè eam præterierint, & alijs contradicendi occasionem præstiterint. Tamet-



met si nō minus secundi taxandi uideantur, qui aliorum errata nota studuerint, nec propria ipsi cognouerint. Quorum iam rationes quantum habeant roboris paulisper obsecro perpendamus.

Eorum rationibus, qui vulnera hæc non esse ambusta contendunt, respondetur

Cap. XII.

**P**Aratis copijs, cohortibusque nostris instructis, aduersariorum iam vires experiamur, hos namque, qui omnino se inuincibiles existimant, si superauerimus, summum præmium honor, & gloria nobis paratur. Primas igitur partes aggredientes dicamus, nihil eorum rationem valere, qua habent, ideo vulnera ab his tormentis inflicta vsta non esse, quoniam nemo adhuc hisce percussus dicat, aliud quam contusionem sensisse, quandoquidem, vt antea à nobis dictum est, accidat eos, qui vulnerantur, prius afflari & concuti, quam percutiantur: vt ne ideo pauci etiam prius se læsos fuisse intelligant, quia cuius particule functionem amiserint, quam dolorem quempiam perceperint. Nec itaq; rationi consonum est, vt qui percutiuntur, prius vstionē, quam contusionem sentire debeant: maxime experientia oppositum docente: nam si quis candenti uirga ferrea percutiatur, remanente etiam vstionis uestigio, facile eum contusionem, prius quam vstionem sentire, credi poterit. Quare & mea sententia quidem

X 4 ad



ad rem maximè facit aphorismus Hyppocratis. Duobus doloribus eundem locum infestantibus, vehementior alterum obscurat. Affirmatiuè siquidem Hyppocrate suam sententiam scripsisse, in his quas facimus nos commentationibus in Hyppocratis aphorismos chirurgo maximè inservientes, & Galeno demonstrabimus. Nec mirum uideri debet contusionem ab his prius sentiri, licet caliditas in corpora agere summopere nata sit, id nempe maximè verum esset, ubi quæ operantur, ceteris paribus operarentur. Nec suadet quidem, in his vulneribus ustionem non esse, quod qui iam à deffesso globulo percutiuntur non autem vulnerantur, contundentem solum, neutiquam uerò urentem dolorem sentiant, id nanque eueniret, ubi à globuli caliditate sola, nihilo amplius concurrente, ustio ipsa excitaretur: cuius itaque rei nomine uestimenta utique comburerentur, & cutis superficie tenus ustionem pateretur. Quare igitur nec est quod isti observationes proponant, de abdomine contuso, non autem, quia cederet, vulnerato, nempe non concurrentibus singulis, quam antea diximus, ustionem sequi necessum non est. Vt nec ideo mirum sit lanam, stupam, fœnum, sulphur, vel etiam tormentarium ipsum puluerem horum globulorum contactu non accendi, at verò carnem maximè vri, non concurrente scilicet in his innato eo calore, quem antea dicebamus potestatem eam in actum reducere, quæ carnem, in qua is maxime est, inflàmare aptissima.

glo-



globulis inhaeret. Vt nec propterea etiam sit admiratione dignum, carnem longè tormentario puluere minus incensibilem vri, pulueri interim nihil simili adueniente: nisi tamen quis admirari etiam voluerit, minimam vrentis medicamenti quantitatem (Cauticum vocant) carnem plurimam vrere, centum tamen eiusdem medicamenti libris ne quidem minimum huius pulueris acceruum tantillum calfacere, ne dicam vrere potentibus. Quod itaq; idem etiam de ferreis globulis, stupæ, lanæq; saccis refertis euenire, volo existimes. Itaque nec laborent oportet insuadendo nobis, globulos ipsos, etiam si igniti essent, vstionem excitare non posse, ob momentaneam scilicet moram temporis, quo corpus transfodiunt, argumento ab his sumpto, qui celeri motu accensos carbones manibus pertractant, cum nihil minus quam ipsos actu ignitos esse, vt carnem vrere possint, nos affirmemus. At verò id isti admirari videntur, quo potissimum statim reffellendæ cuidam obiectioni, validissimi argumenti nomine vtuntur. Quid enim mirum videri debet, globulis ipsis incensis, vel enssem dicamus ignitum celerrime etiam aliquam perforare partem, eamque vrere? Quid enim non potest agens in subiectam materiam aptissimè pati dispositam? Hi obsecro, obiectionem eam soluturi, qui fiat scilicet, vt non rarò vasa tormentario puluere referta à globulis percussa conflagentur, dum rationem in scintillam, ab aliqua eorum ferrea parte excussam referant, si obieccero ego, id adeò in instanti



IO. FRANCISCVS ROTA

5. meth.

stanti fieri, vt ne quidem possibile hoc videatur, dicant quid responderent? Non aliud existimo, quā ignem illum agere in aptum, quod & nos facile condonamus, puluerem vri, quem maxime huic passioni paratum reperit. Cur autem ex vulneribus istis, si vsta sunt, sanguis excurrat, interim vrentibus ipsis ( teste Galeno ) sanguinem sistentibus, nemini in his versato pro ratione auulsionis & partium solutionis paucum inde esfluere, & cum quidem, non ab vstis partibus, verum ab his quæ tractu quodam auulse sunt, neuiquam vstæ. Non enim fieri potest, vt quæcunque tanguntur partes à globulis statim æque vrantur adeoq; crusta obducantur, vt ne stilla quidem sanguinis esfluere possit. Atque facile etiam, ne omnibus contradicere videar, contusionem condonauero sanguinem sistere. Qui fiat verò ut à globulis caro vrantur, vestimenta autem non vrantur, cum antea rationi à stupa, lana, & similibus sumptæ, supra satis superq; satisfactum sit, non est quod quis amplius magnam impendat diligentiam, enixeue, quod autores contrariæ opinionis parum in physicis exercitati fecisse fatētur, aduertat, num aliquod vstionis vestigium, in eorum qui ab hisce tormentis fuerint læsi reperiatur. Perinde ac etiam modo nostram animaduertit opinionem, faciat periculum oportebit, pannos ipsa carne prius vri, in quempiam candentem perijciendo globulū. Etenim modo quod aiunt, nos fateremur, mirum quidem esset, vel potius portento simillimum illæsis vestimentis



tis carnem vtique vri. Propterea itaque vanum &  
 futile id experimentum est, quod iste proponit de  
 ferreis laminis ignitis. Hinc valeat & eorum ratio,  
 qua excussos à bombardula globulos vrere non pos-  
 se contendunt, quoniam scilicet hi in magno conte-  
 cti pulueris aceruo, moxq; accenso, non adeò inca-  
 lescent quin faciliè manibus pertractari possint. Ob  
 idque nec nobis vsui esse volumus eliquati plumbi  
 chartæque affusi experimentum. Item nec facit,  
 quod aiunt, si globuli intensum calorē conciperent,  
 in carne, super qua remorarentur, aliquod vstionis  
 vestigium relinquerent vel saltem qui lāduntur,  
 inustionem & exsibilationem eam perciperent, quā  
 in contactu humidæ substantiæ, nec non ignitæ rei  
 excitari videmus: siquidem id faciliè sequi debere  
 nos consentiremus, vbi sola, quæ in globulis acqui-  
 ritur caliditas vrendo sit: non minus quàm id se qua-  
 tur, concurrentibus, quæ antea à nobis necessario re-  
 quiri dictum est, vbi & vestigium vstionis remanet,  
 & inustio, atque exsibilatio quoq; sequitur: quæ ta-  
 men à percussis ideo non percipitur, quoniam, vt  
 antea dicebamus, hi prius afflentur, concutiāturq;  
 quam percutiantur. Iam verò experti cum simus,  
 quanti istorum valeant rationes, quæ sanè vnica  
 dilui responsione possunt: ne iterum atque iterum  
 idem in eorum reffellendis sententijs repetēdo, diu-  
 tius remoremur, satis in superq; illis responsum fue-  
 rit, existimamus, modo nostram denuo repereri-  
 mus opinionem. Dicimus igitur, faciliè in istis per-  
 cussio-



cussionibus vstionem promoueri, globuli scilicet caliditatem aliquam, ab sui emissione, & tormentarij pulueris exhalatione concipientibus. Nempe motu ipsos disponente, nec non pulueris iam dicta exhalatione ipsis adherente, ad hæc denique innato percussæ partis calido, vrendi hanc potestatem in actum reducete, inflammatio excitatur. Hinc nihil obstat, globulos illico eiectos manibus innoxie pertractari, atque eosdem feriendo carnem comburere. Constatque hinc, qua ratione, tametsi leuem actu caliditatem acquisierint, vrere tamen valeant, item & quomodo crustam, escharamue, ne dicamus superficie tenus nos aut in ingressu, sed & penitus faciant, & si centum partes vno ictu transfodiant, singulas vrant. Qui enim fiat, ut quandoque vulnerata partis opposita, cute illaesa, vestimenta disrumpantur, facile constat. Siquidem globulos hosce quo maiori impetu feruntur, plures vrendo, & contundendo partes ledere posse, credi debet: tum quia in maiori motu maior fiat attritio, violentiusque ea, de qua iam dictum est, pulueris exhalatio trahatur, sicque potentia actui proximior, maiorem operandi nata facultatem, magis vrere valeat: hinc vnam atque alteram quandoque globuli transfodientes partem, vtrasque vrunt. Alias vero nempe debilius lati, in particulam carnosam quoque & raram, facile remorati, ibidemque ea exhalatione dispersa, oppositam non exeunt partem: tuncque, nec mirum, vestimenta, cute aduersa parte occurrente, cedent-



cedenteq; illaesa, rumpuntur: vt nobilissimo iuueni  
 Constantio Marsilio in Mirandulensi obsidione eue-  
 nit, cui globulus in altero crure adusque oppositam  
 partem, cute illaesa peruenit, coreaceumq; calceum  
 è regione diuulsit. Quare & quod afferunt experi-  
 mentum, & quos adducunt testes, nostram firmant  
 opinionem. Itaque nil mirum, etiam affusum plum-  
 bum vix ante gosypij floculos vrere, aut puluerem  
 tormentarium accendere, aut in carne ampullas ex-  
 citare, interim maximè globulis istis vulnerando  
 vstionem inferentibus, concurrentibus scilicet alijs,  
 vt iam sæpius repetitum est, causis. Ad hæc cum  
 nulla inter ferrum candens, quo vstiones facimus,  
 & emissos à tormentis globulos, proportio existat,  
 non est quod mirentur, istos fermè in instanti vniuer-  
 sam partem, quam perforant vrere, vix ferè canden-  
 tibus ipsis ferramentis, in tempore partibus vstis.  
 Iam verò quia non sentimus globulos hosce vrere  
 esse natos, ab ea solum caliditate, quam à solo motu  
 conceperint, non est vt remoremur in his reffellen-  
 dis rationibus, quibus hanc oppugnare opinionem  
 contendunt. Nec enim sulphureus globulus bom-  
 bardulae immissus, moxq; indè excussus, nec accen-  
 sus nostram tollit opinionem, siquidem, quod & an-  
 tea sæpius repetitum est, licet vrere globuli sint ap-  
 ti, non tamen tantam actu concipiunt caliditatem,  
 vt facile dissolui possint. Ideoque nec quid faciat  
 alia ratio nobis, quæ habet, globulos in quatuor bra-  
 chiorum distantia nō posse vrere, quod nondum tan-  
 iam



IO. FRANCISCUS ROTA

tam ex attritione & motu caliditatem acquirere poterint, quæ vrere possit videmus, longè etenim iam constat, ab hac nostram distare opinionē. Quod idem experimēto cum charta, tū cera factō vtriusque scilicet globuli plumbei loco tormentis impositis, excussis, & non accensis respondemus. Nec nos ab instituto remoueat quod aiunt, in his vulneribus crustam mollem, & vdam apparere, quæ à contusione magis, quàm vstione facta indicari queat, duris nempe his existentibus crustis, quæ ab igne contingunt: tametsi enim vsta vulnera hæc esse dicamus, non tamen (quod etiam supra à nobis dictum est) non esse etiam contusā concedimus. Dolorem verò, & nigredinem in ipsis quàm simplicibus contusionibus impensiolem ideo esse iudicamus, quod vna cum vstione & contusione, venenosa quædam qualitas, vt infra dicemus, admisceatur. Porro iam ex dictis constare existimo, quomodo cerei globuli, & charta, & etiam si quid mollius his immittatur tormentis, licet non accēdantur lædere nihilominus vrendo possint. Nec mirum amplius cuipiam videri debet, si cera non eliquatur, nec plumbum. Illud tamen non præteribo, quod dum aiunt, ipsi mihi maximum risum concitant, globulorum scilicet caliditatem, si quæ illis à celeri motu inest, eam à circumfluo aere, hincindeq; spirante vento maxime refrigerari debere. Et aliud non omittā, quod, s. concedāt sagittas quia in altū ferantur, posse accendi, globulos vero nec incallescere posse, quia in altū scilicet nō fe-



ferantur. Sed quis non prorsus eos irrideat dicentes, vulnera hæc saltem nimboſo, pluuiſo, & niuſo cælo inflicta eſcharæ expertia eſſe debere, nempè globulorum caliditate ab aeris humiditate extincta. Vel quis adhuc magis non cachinetur cum dicant globulos ab aere frigido, cui continuo occurrūt refrigerari habere? Iam verò, vel etiā quibuſdam eorum rationibus intactis, futiles enim adeo viſæ ſunt nobis, vt ne quidem dignæ viderentur, quibus remoraremur, ſat inſuperque ipsis reſponſum exiſtantes, vel etiam qui fiat, vt nouem dierum ſpacio vulnera hæc augeri videantur, rationem in alium locum transferentes iterum dicamus, non ex ſimplici caliditate à motu acquiſita, nec ab ea ſolum, quæ à bombardico puluere impartitur, verum tum ab vtroque, nempè celeritate motus, aerisque attritione, & pulueris exhalatione globulos ipſos ſequēte, eos quandam poteſtatem vrere natam acquirere, tum calido percuffæ partis eam in actum reuocante, facile vſtionem excitari.

*Vulnera à belli tormentis facta veneno infecta eſſe. Cap. XIII.*

Oſtenſum & antea eſt, tormētarium puluerem baſim habere nitrum maximè incenſibile, facileq; in exhalationem conuerti natum: ſulphur autem vt id per quod melius, quod in ipſo deſideratur exequi poſſit: huius namq; interuētū ignis aliqua-

Nitrum tormētarij pulueris eſt baſis.

Sulphuris in pulueris uſus.

li-



IO. FRANCISCVS ROTA

Carbones in  
puluerē quid  
præstent.

Elementa in  
sunt reb<sup>9</sup> nō  
eadē singu-  
lis symme-  
tria.

Elemēta in-  
uicem trās-  
mutabilia.

Elementorū  
ad inuicem  
proportio.

Pulueria ef-  
fectus.

liter remoratus, omnes nitri partes accendens, ip-  
sam auget exhalationem: alias enim tenuiores so-  
lum, & extimiores nitri partes lingendo nullo ferē  
usu absumeret: ad hæc vna carbonēs concurrunt  
tenui facileq; incensibili substantia, tanquam ma-  
teria nitrum sulphurque necēns. Itaque iam diu  
compertum est, sepeq; expertum, uel etiam interpre-  
tum naturæ sententia confirmatum, elementa rebus  
ipsis alia atq; alia symmetria inexistere. Atq; pro  
eo quod in his potestate cæteris præstat, facilius  
hæc alterari & trāsmutari. Hinc in quibus aqua a-  
būdat, facile ab aqua suscipitur alteratio, uel in a-  
quā facilis est trāsmutatio. Sic & in quibus ignis, et  
aer & terra dominiū habet: ab eo scilicet quod præ-  
dominatur alijs (uel magis uel minus resistētibus)  
elementis in propriam naturam conuersis. Ea enim  
perennis & perpetua lex elementorum est, ut inui-  
cem trāsmutabilia sint, facilius licet hæc, ob scili-  
cet conformitatem, difficilius uero alia ob difformi-  
tatem qualitatū in alia trāsmutentur. Itaque &  
etiam animaduenterunt Philosophi, partem ignis  
unam decuplum aeris locum occupare, & unam  
aeris decuplum aquæ, & unam aquæ decuplum ter-  
ræ. Hinc tormentarij huius pulueris substantia ter-  
restri, ex quatuor nihilominus elementarijs quali-  
tatibus composita existente, accidit igne, sulphure  
medio, in eius aridiori parte introducto, tantā aeris  
ignisque fieri multiplicationem, crassumq; adeo  
tum ex eius humiditate, necnon terrestreitate tenui  
uapo



vaporem accendi, vt nullo ferè termino, licet capacissimo, complecti queat. Itaq; hæc omnibus scilicet, pro sui natura, vt alia superent, pugnantibus, adeò viuificantur in tantumque furorem, in tamque vehementem exhalationem pro calidi & humidæ ratione prorumpunt, vt cum simul stare ob magnam controuersiam nequeant, aer ad aerem, & ignis ad ignem recurrere conetur. Quod cum fiat, ignis perindè ac superior agens, omniumque potentissimus, omnia, antequam è sui dominio erumpant in se conuertit. Hincque maximus ille impetus cuius imperio vel id in quod obclusus est, necessario dirumpitur, vel quod debilius resistit cedat omnino oportet. Hinc è tormētis tanto globuli strepitu exploduntur: nempe aerē qui horū tormētōrū oris obseruatur, corpore vnito, & resistentem, ad hæc; sua infirmiori parte, ob terræ aquæque propinquitatem frigiditatem, necnon densitatem aduentitiam nactum, ignis ex puluere calidissimus genitus, alteriq; elementaliqua-  
 litati contrarius, corporisq; tenuitate aeri dissimilis, intra tormēti fauces multiplicatus, vnà cum globulo solido, graui, ac denso erumpens maxima adeò vi frangit, vt indè, non minus quam in media aeris regione tonitrua, & fulgura ex crassis vaporibus accensis generantur, strepitus maximi sequantur. Vt quidem hoc loco æquè admiratione, ne dicam risu, eos iudicari dignos, existimē, qui student, ac qui credunt, puluerē bombardicum confici posse, qui sine strepitu quopiam, id efficere ualeat, quod

Pulueris tormentarij impetus undè,

Horrificus fragor & strepitus bellicorū tormētōrum unde.

Iridēdos eos esse, qui puluerē bombardicum effici posse aiūt, q. sine strepitu quod etiā cōmunis præstare possit.

T iam



IO. FRANCISCVS ROTA

iam eū, qui superius descriptus est, facere dicimus. Porro & inter strepitus causas adnumerari potest subita quæ in igne fit ab aere frigido alteratio: nec non inclusi aeris in tormētis ignis vi, & globuli expulsi, extrinsecusque occurrentis collisio: Nempè inclusus, in exclusi vacuas partes à præcesso igne factas, cum ingredi nititur, atque exclusus renititur pugnantes inuicem, bombi causam adaugent. Quanta autē vi ab inclusi pulueris exhalatione occurrēs aer rumpatur præter alia facile tormenta ipsa ostendunt, quæ licet grauissima, firmissimisque lignis affixa, non raro à fracto hoc aere, alterutra oris parte percussa, etiam notabile spacium recurrunt. Sanè verò hanc exhalationem veneni qualitatem habere si Aristoteli credimus apertissime constat. Ab his siquidem quæ natura vsta sunt, exorta, vstam quoque exhalationem esse rationi maxime consonum est, & caliditatem quandam habere, quæ nihil minus quam venenum officere nata sit, similem calx, cinis, & vsta omnia habent, similiq; fulgur id enim ex simili fit exhalatione, plurimum nocet. Quod verò exhalatio hæc vulnera ipsa inficiat: fluentis inde saniei in primis odor maxime fidem facit. Itaque nil mirum vnum ac idem vno aut altero modo vel admotum uel exhibitum, diuersis scilicet respectibus modo vtilis, modo perniciosi medicamenti rationem habere. Quem enim latet, ut Galeni exemplo vtar, oleum, ceram, & squammam aeris seorsum vlceribus summopere contrariari, vel eadem simul ipsdem maxime

Cur tormēta  
ipsa quāpri-  
mum pila ex-  
truditur plu-  
rimū recur-  
runt.  
Pulueris bō  
bardici exha-  
lationem ve-  
neni naturā  
habere.  
Pulueris ex-  
halationem  
vulnera infi-  
cere quomo-  
do p̄betur.  
Idem diuer-  
sa ratione &  
nocuū & uti-  
le dici pōt.



xime opitulari? Vel quis non nouit arsenicum bene habētibus vlceribus esse inimicissimum, vel idem cancrenosis, & depascentibus esse vtilissimum? Hinc nihil sanè mirum si concessero, sulphur & nitrum aliquot medicandis affectibus conuenire, vel etiam carbones sine noxa exhiberi posse: puluerem verò, uel potius eius exhalationem, ueneni naturam habere summopere ratione contendero. Cæterum cum ex dictis, tum ex his quæ alij quoque de hac re scripserunt, constet qualis hæc venenosa qualitas existat, nil prorsus aliud subdens, iam ad curatricem partem, ipsam orationem conuertam.

*Vulnerum à belli tormentis factorum vera definitio quæ sit. Cap. XIII.*

**A**D id tandem, cuius nomine, quæcunque antea scripsimus, disputata sunt, curationem scilicet, quæ præsentis iam affectus tollere, siue amouendis ijs, quæ naturæ opus impediunt id fiat, siue per medicamenta quid ipsi moliamur, deueniamus. Expedit autem antea adhuc, præsentem diffinire affectionē, nam & nosse affectum à principio plerunq; licet, & indicationem ab affectu sumi necesse est. Porro hinc nobis exordiendum videtur, quod quæ dicturi sumus, explicari à quoquam dilucidè nunquam possint, nisi omnis morbi natura prius exacta quadam inquisitione plenè sit cognita. Ab ipsa etenim rei de qua tractatur essentia perpetuo inchoandū esse his,

4. meth. & 2.  
affo. com. 22.

4. meth. c. 4.  
& 8. meth. ca  
pit. 8.

X 2 qui



IO. FRANCISCVS ROTA

Gal. de simp.  
c. & 4. meth.  
& 2. meth.

Lib. 5. cap. 26

3. & 4. meth.

Vulnus proprie  
quid.

De cōst. art.  
med.

qui cum demonstratione quippiam sunt dicturi Galenus monuerit. Quum illud item maximè constans sit ab ea indicatione, quam morbus cui mederi paramus suggerit auspicandam curationem esse: qua sanè non prius commodè uti possimus quàm omnis sit nobis morbi perspecta natura. Est igitur huiusmodi vulnerum genus multiplex affectus ex contusione, cum vulnere, & tioneque, & veneno compositus. Vulnus uerò hoc loci non propriè, sed communiter, perindè ac Cornelius Celsus vulnera appellat, quæcunque causam extrinsecus lædentem habent, intelligere expedit. Alias siquidem Galenus summus Medicus præcipuusque Physicus conuenientia nomina & congrua rebus accomodans, de vulneris nomine propriè loquēs ita scribit, vnum est morborum genus soluta continuitas, quæ in omnibus animalis partibus incidit, non tamen vnum nomen in omnibus sortitur, quippe quæ in ossè fractura, in carnosâ parte vlcus, sicuti etiam vulnus, & ruptio, & conuulsio. Atque adhuc clarius differens subdit, vulnus quidem solutio quædam est, ex vulnerando in carnosâ parte relicta. Ruptio autem & conuulsio citra vulnerationem facta. Quam utiq; sententiam & alibi plenius tractans ita expressit. Vulnus quæadmodum ruptura continuitatis in carne solutio est, non ex distensione sed incisione profectum, si verò acutum, & tenue fuerit vulnerans punctura, seu punctio vocatur, veluti si graue contusio. Atqui appelles ut lubet, modo in proprietate, & rei natura



ra conuenias, nusquam non monente Galeno circa voces sophistarum more, haudquaquam esse atterendum tempus. Itaque horum causa contundens & vulnerans, globuli ipsi sunt: vrens verò & veneno inficiens, ipsa tormentarij pulueris exhalatio: vt quidem hinc colligere pròptum sit, & compositam hæc primum curationem desiderare, & uariam: compositam quidem quoniam in quacunq; corporis parte, vel etiam carnosâ tale quodpiam vulnus incidet, & vulnus, & contusio, & vstio, & veneni intemperies summopere sint aduertenda: varia autem pro diuersorum affectuum inuicem complicatorum, nec non diuersarum partium quas offenderint natura, externis scilicet, internis, vacuis, non vacuis, neruosis, venosis, arteriosis, tendinosis, musculosis, ligamentibus, cartilaginosis, osseis, simplicibus, vel organicis. Affectus siquidem ipsi aut simplices, aut compositi iudicantur, vel à causa, causisue eos promouentibus, vel ab ipsius partis, cui insunt natura. A causa etenim simplicissima in composita parte compositus gignitur affectus, perinde ac in simplicibus etiam partibus à compositis causis compositum quoque affectum produci contingit. Hinc alios partis ratione simplices, pro ratione uerò causæ compositos, posse & vice versa etiam appellari, maxime constat. At qui affectus hi, de quibus differere sumus aggressi, simplices nusquam cum sint, deridendi mihi prorsus illi videntur, qui eorū curationē exposituri, statim diligenter aduertendum censent, an vul-

Vulnera à tormentis facta uariâ & compositam curationē requirunt.

Affectus unde uel simplices, uel compositi dicantur.

A simplici cā etiam compositum accipere affectū.

In simp. par. compositos fieri morbos

Qui deridendi sunt.



IO. FRANCISCVS ROTA

Externas causas confidere Medico et expedit 4. meth.

Nota contra primam definitionem.

nera hæc simplicia sint, sine scilicet contusione & dolore, tum maxime cum antea nil aliud sint nobis suadere conati, quam hosce affectus simplices esse contusiones. In his igitur contundens causa & vulnerans, globuli ipsi sunt, vrens verò atque veneno inficiens pulueris iam dicta exhalatio: externas siquidem causas tametsi ad curationis indicationem nihil conducant, considerare expedit: quoniam ad affectus agnitionem, quandoque plurimum faciant. Nam pone, sciam tormentarium globulum quempiam percussisse, didicero statim quale sit vulnus, quod cum cognouero, statim quoque ab ipsius rei natura curanda indicationem sumam. Cum igitur iam nemo non nouerit, ab horum tormentorum vi nullam partem, vel etiam tantillum lædi, quin globulis orbiculatis, grauib, & duris existentibus contundatur: num insulse dictum iudicabimus animaduertendum esse, an vulnera simplicia sint, sine contusione scilicet, & dolore? Sed quid mirum hos, in his committere, cum ne quidem ex processu terminos nouisse videantur? Quippe qui fingamus, dicunt, carnosam particulam quampiam à plumbeo globulo ictam vulnus cum contusione accepisse, re nentiquam vlla in vulnere remanente, erit quidem huius morbi essentia continui solutio, contusio, & dolor: solutionis nomine, quæ genus est, vulnus ipsum intelligentes quæ ipsius species extitit, cui rei, quo clarius suam proderent insitiam, sic subscripserunt. Solutio continui & contusio in carne fiet à glo-



globulo perforante & contundente, ac si contusio commune nihil cum contuni solutione, in qua maxime continetur, haberet: Atqui audio istos, cum se Medicos profiteantur, de nulla re sibi fore determinandum dicentes, quæ oculis non subiiciatur, quoniam Medicus artifex sensitivus existat: nec idcirco perperam se fecisse contendentes, qui vulnus alioqui patens, & labra ab invicem dirempta habens solutionis nomine comprehēderint, neutiquam verò contusionem, quæ quas diductas partes habet, non æquè sensibus exponat. Insulsa sanè, ac minus longè quam tepida, solumque tantis viris digna excusatio. Porro & qui hunc affectum multiplex morbi genus multiplicemque; continui haudquaquam veneni expertem solutionem diffiniunt, præterquam quod nihil plus quam primi præstant, maiorem adhuc confusionē profundunt: etenim quum quid multiplicis morbi generis nomine intelligunt, exponere student, aiunt, multiplex morbi genus esse propterea dicitur, quod in eo vulnere adustio, contusio, attritio, fractura, & venenum sit, quorum quodlibet per se genus morbi efficit, atque in suas diducitur species. Oratio (mea quidem sententia) difficulatibus haudquaquam carens: quippe quod si rectè quis perpendat, vulnus, ustio, contusio, attritio, fractura sub soluta continuitate ipsa comprehendantur. Nec enim video, quod morbi genus horum quodlibet faciat: nisi tamen genus pro specie sumamus: quod utique si fecerimus nec facile assequor, quarum nam

Cōtra secundam definitionem.



**V**ulnus quid specierum genera hæc futura sint, cum de pluribus, genus ipsum specie differentibus dicatur. *Vulnus* siquidem perpetuo carnosarum partium solutionem indicabit, quod itaque licet figura, habitu, & loco differat, quod idem est ac si numero id differre dicas eadem nihil minus semper specie comprehendet, quod idem de contusione, attritione, & fractura, indices rationi consonum est. Atq; ideo alia ratione, multiplex nos morbi genus intelligimus. Etenim tria morborum genera communiter cum adsignetur, intemperies, mala compositio, & solutio continui, atque altera similaribus, altera verò organicis propriè adsignetur, tertia autem utriusque communis existat, atque hæ omnes ab hisce tormentis non raro concurrant, factum est, ut hanc nos affectionem, ex multiplici morborum genere affectum definiuerimus.

His vulneribus curandis petendarum indicationum sedes Cap. XV.

**R**ecte quidem fiet, mea sententia, modo curandi huius affectus rectam methodum tradere velimus, si ab eius simpliciore curatione cursum incipiamus, moxque si tanquam filo inherentes, nihil quod morbum augere, vel traditam methodum immutare valeat, pratereamus. Ita enim distinctè magis copiosiusq; de vnaquaque re, quam si prorsus omnia confunderentur, tractari poterit. Simplicior

an-



autem curatio, ab affectus ipsius simpliciore natura  
 desumitur. Atq; ea est, ubi carnosam quæpiam pars  
 sola, alio nihil penitus interveniente, lesa sit. Itaq;  
 pone, manum aut pedem sua parte magis carnosam à  
 tormentario globulo lesam, eandemq; tibi propone  
 curandam. Erit quidem tibi in primis, qualis nam  
 affectus sit considerandum. Eum autem reperiēs so-  
 lutionem continui esse cum intemperie maximè cō-  
 plicatam: concurrentibus nempe vlcere, contusio-  
 ne, vstione, nec non venenosa qualitate: atque in his  
 quidem omnibus contrarias subinde indicationes  
 vno tempore fieri comperies. Quippè si vlcus con-  
 sideres, illud exsiccationem considerare cognoscis, si  
 contusionem ea quæ humectet & concoquat, si vene-  
 nosam qualitatem, attrahentia simul & calefacien-  
 tia, si vstionem quæ modicè abstergant non eviden-  
 ter calefaciant aut refrigerent. Tum itaque in eius-  
 modi complexu estimabis à quo maximè discrimen  
 agro impendere videatur. Secundo loco quid quæ-  
 uè ex his causæ rationem obtineant, & quæ ab ipsis  
 efficiantur. Tertio quæ sanari ante alia possint, &  
 quæ non possint. Vbi namq; à quoquā affectum non  
 leue periculum instat, ad id quod vrget, dirigi pri-  
 mum curantis consilium debet. Vbi aliquid efficiens  
 est, aliud autem quod ab eo efficitur, ipsa causa spe-  
 ctanda. At ubi curari hoc ante illud non licet, ad id  
 quod ordo dicat est respiciendum. Atque quoniam  
 quidem in eo curationis consilio, quod ab urgente  
 initur, affectus magnitudo perpendenda est, quæ tri-  
 plex

Simplices cu-  
 rationes unde  
 desumendæ.

Qualis affe-  
 ctus sit Medi-  
 co in primis  
 requirendum.

Curatiōis or-  
 do unde su-  
 mendus.

Affectus ma-  
 gnitudo tri-  
 plex.



IO. FRANCISCVS ROTA

plex existit, alia quæ ex læsæ actionis præstantiæ spectatur, alia quæ ex propria affectus essentia, & tertia præter has, quæ ex facultate, quæ læsum corpus gubernat æstimatur. In eo verò consilio, quod à causæ ratione sumitur, animaduertendum est, quid nam eorum, quæ inter se coniuncta sunt, augere, aut gignere reliqua possit: quæ rursus vel gignantur, vel incrementum ab eo accipiant. In eo autem, quod ordo præscribit, quid ante quod, vel quid cum quo, vel quid post quid sanari possit. Quæ omnia, ubi diligenti animo perspexeris, facile huius affectus sanationis rationem, ab ipso veneno extinguendo esse exordiendam intelliges. Etenim siue ad id quod magis vrget mentem adhibeas, siue ad causam augentem & fouentem, siue ad id ante quod nihil sanari queat respicias, facile hoc perspectum habebis. Ab ipso namque veneno, vnde maximum instat periculum, curationis initium sumi debet, tum itaq; quod ab eodem vltio magnificetur, in contusioneq; putredo augeatur, necnon spiritus ipsi labefactentur, maiorq; continuo dolor excitetur, vel etiã quia complicatorum affectuum quis ante ipsum nusquam curetur. Iam verò & illud in complicatis affectibus curandis scire operæpretium est, quòd vni licet præ cæteris occurrendum sit, alios tamen non ideo esse negligendos. Etenim pro vt quicquid, pro natura sua indicat, id vnum semper indicabit, ceu quod vnā habet naturam. Atque id vnum si quod indicationem facit simplex est, ipsum quoque simplex erit,

Venenosæ  
qualitati in  
his vulneri-  
bus cur pri-  
mo occurrē-  
dum.



erit, si illud est compositum, hoc quoque erit compositum. Sanè quædam sui custodiam indicant, quædam amotionem: siue autē hanc indicent, siue illam, quod simplex est simplicem quoque indicationem habet, quod non simplex etiam non simplicem. Idcirco in præsentibus affectibus compositam, vel etiam ex contrarijs indicationem suggeri est existimandum. Quare igitur cum hæ indicationes ex aduerso pugnent, committendum non est, ut dū alteri nimium sis intētus, alterius omnino obliuiscaris: sed vtriusque memor, quò ad licet vtrunque misceas: quod mihi præceptum vbique memoria teneri velim. In hoc igitur affectus genere quoniam multa concurrunt, vulnus inquam, contusio, vstio, & venenosa qualitas, quæ sanè omnia dolor sequitur, ea erit intentio, ut probè vulnus vniatur, quæ nihil minus mente licet prima concipiatur, postrema tamen expeditur: siquidem antea remouendum id omne est, quod nos ab optato fine desperare faciat. Ut igitur voti compotes fiamus, mea sententia in primis arcendo dolo-ri enixè studendum est, alijs interim non neglectis: propulsabitur verò is, cum veneno, tum vstione extinctis, à quibus mox ad contusionem erit diuertendum, ac denique ad vlceris sanationem.

In curandis affectibus quæcūque prius mente concipiuntur postremo ordine assequimur.

De horum vulnerum in carnosiss partibus existentium curatione. Cap. XVI.

**I**gitur quamprimum vulnere in carnosissima parte facto occurreris, quanta sit læsio in primis exami-  
nes



IO. FRANCISCVS ROTA

nes oportet. Hoc autem cognosces cum lædentis cau-  
 sæ figura, & magnitudine perpensa, & vulnere di-  
 ligenter inspecto, tum ab accidentibus ipsis. Ex te-  
 lis enim quod orbiculatum est, carnem collidit, ma-  
 turat, & lacerat: quod autem quadratum est, atte-  
 rit dilaniatq; magis: quod verò cauum tesseralis  
 animatum ac in plures partes diuidi aptum, inæ-  
 qualiter magis hæc omnia facit. In quocunque aut  
 horum genere quod maius est magis, quam quod est  
 minus lædit. Indicabit hoc idem vulneris ipsius fi-  
 gura orbicularis vel non, æqualis vel inæqualis, la-  
 tior vel angustior, quoniam quale telum sit, tale &  
 os plagæ esse oporteat. Quod itaq; ad hoc attinet,  
 ne decipiariis moneo, vulnera ab his telis facta, al-  
 tera parte, qua scilicet ingrediuntur, angustiora  
 esse, altera latiora: quæ autem ab alijs telis fiunt,  
 vel ingressum patentem magis habent, vel etiam  
 egressum æqualē: in his verò hoc adeo accidit, quod  
 & forando, & incidendo vulnerent, hæc autem con-  
 tundēdo: etenim quæ primò occurrit cutis alijs suf-  
 fulta partibus, non æquè extenditur, ac quæ opposi-  
 ta est nullis incumbens. Quanta etiam læsio sit indi-  
 cabunt, vel seuiora, vel mitiora quæ sequentur sym-  
 ptomata. Siquidem in maximis læsionibus maior  
 præcedit concussio, corpus & mens stupet, vulnera-  
 ti attoniti fiunt, eosq; frigidus sudor inuadit, mox  
 exæstuant, vulneris ora liuescunt, infuscantur, de-  
 nigrantur, subsequitur febris, siti conficiuntur, som-  
 nū non capiunt, difficulter spirant, syncopis & ver-  
 tigo



tigo oboritur, tumultuosa insomnia affligunt, facies  
 inflammatur, oculi rubent, desipiunt, atq; absurda  
 loquuntur, quæ omnia, ubi mitior læsio fuerit, lenio-  
 ra quoq; accidere consueuerunt. Sed nihil tamē me-  
 lius est, quam certiore id nota explorare. Ergo qua  
 plaga est, demitti vel digitum, vel specillum lenti-  
 culare oportet, quæ ubi ad os non venerint, & ni-  
 hil nisi læue, lubricum, & carnosum occurrerit, cre-  
 di integrum esse os ipsum omnino debet: idq; ad huc  
 magis, si & prius & postea vulneratum membrum  
 manibus hac illacque pertractaueris, atque nihil,  
 quod os fractum esse indicet perceperis. Itaq; om-  
 nibus perspectis, sanguinem, si effluit (effluere enim  
 parcissime solet) excurrere permittas: sin minus, vt  
 omnino excurrat studeas. In Parmensi siquidem ob-  
 sidione dum apud Io. Baptistā Montium Iulij III.  
 P. M. Nepotem clarissimum, Medicum agerem,  
 præterquam in pluribus alijs, in Bononiensi milite  
 Strobilino nomine appellato obseruavi, brachio è fi-  
 ne epomide musculi à bombarda confraçto, vt ne  
 quidem eius restitutio vtcunque sperari posset, ne  
 stillam quidem sanguinis emanasse, basilica interim  
 atque humeraria, nec non & arteria ipsa manum  
 excurrente omni ex parte discisis diruptisq;. Cu-  
 ius rei testem Camillum Goggiadinum equitem atq;  
 Ducem strenuissimum, cui tunc ille inseruiebat, vna  
 cum alijs quamplurimis militibus habeo. Quod  
 itaque & quam plures alij in Mirandulana etiam  
 obsidione admirati sunt, cum me idem animaduer-  
 ten-



IO. FRANCISCVS ROTA

tentem viderent, in iuvene quodam Florentino, cui  
 è maleorum regione pedem alterum integrè, & alte-  
 rius totam posteriorem partem, bombardæ impetus sine  
 ulla tamen sanguinis nota confregerat: & in altero  
 quoque, cui inter femorum & crurum musculos, ac  
 ferè tendines omnes bombardicus globulus transuo-  
 lando, ne tantillum quidem illos contingens, cute,  
 nullo sanguinis vestigio apparente, denudauerat.  
 Ab his igitur ut sanguis euacuetur enixè tibi labo-  
 randum erit, quippè copiosius è vulnere sanguis  
 emanans potest nonnihil virulenti liquoris exhau-  
 rire. Quare angusta etiam huiusmodi vulnera scal-  
 pello dilatare vtilissimum est, quin à maioribus ab-  
 scedentes carnes hinc auferre, & labia acie scal-  
 pelli circumscribere, & præhensam hamo carnem  
 amputare oportet. In his itaque circumstantia loca  
 altioribus vlcusculis scarificanda, ut sanguinis va-  
 cuatio, ne venenum membratim insinuetur, resistat.  
 Cucurbitulæ cum multa flamma agglutinatæ id iu-  
 uamenti præstant, ut veneni vis extrahatur. Deniq;  
 contra virulentos hos ictus vstio expeditissimum  
 est auxilium, ut potè cum ignis cætera viribus præ-  
 stet. Simul quod virus domet, & ferri penitus pa-  
 tiatur, simul quod pars ignem experta deinceps nō  
 vilem, nec indecoram loci instaurationem efficiat.  
 Admirabitur autem fortasse quispiam quia dixerim-  
 us vulnera hæc vrenda esse, cum & antea dictum  
 à nobis quoque sit, eadem vstam sapere naturam:  
 cum potius quidem quæ refrigerent, si modo con-  
 tra-



traria contrarijs tollenda sunt, vsui futura esse videantur. Atque si dixerimus, ideo nos id faciendum consuluisse, vt virus aut venenum, quod ipsis inest reuocatum vi ignis educatur, adhuc dubitabunt, qui fieri possit vt veneno alioquin natura calido ignis contrarietur. Itaque scire oportet, unum altero contrariari, uel qualitate, uel ui, atque potestate. Rhabarbarum qualitate bili similis est, & conuenit, alterutro calido & sicco existente: ui autem & potestate summè contrariatur, eam trahendo, & educendo: sic & prorsus ignis ueneno contrariatur id quod alta petere nititur, maximè reuocādo. Non desunt uerò etiam, qui omnibus hisce vulneribus, & quibuscunq; partibus inexistentibus, medicamentum quod recipit saponarij lixiuij selibram, minoris solani semina habētis, aut sonchi (cicerbita vulgo dicitur) aut scabiosæ (Græcis nomine uacat) uncias duas, theriacæ semunciam; omnibus simul in uase uitreo mixtis, sub soleque uiginti dierum spacio fermentatis immittant, & linamenta quibus replenda sunt eodem infarciant, idque ad tertiam uel quartam usq; diem admoueant. Qui idem quoq; summopere ægyptiacum appellatum medicamentum maximè commendant. Laudant itaq; alij sambucini olei feruentis infusionem: ita namque vulneribus hisce vstis, qui lesi sunt & à contusionis putredine, & pulueris venenosa qualitate vindicantur. Iam verò quoniam vstio, contusio, adhæcq; vulnus dolorem faciunt, ob idq; fluxionem mouent, nempe

do-



dolore partis imbecillitate atque morboſo calore eam accerſente, hanc amouere omnino eſt eniten- dum. Amouebis autem eam, accurrentem humo- rem retrahendo, repellendoque, affectamque par- tem roborando, & ſi quid affluxionem accerſit id ſubmouendo. Sanè humores reuelluntur ſectiōe venæ, ſi quidem vires valent, ſin minus admotis cu- curbitulis, vel ligaturis, vel frictiōibus, vel calfa- ctis partibus directè affecto loco respondentibus. Repelluntur verò admotis medicamentis quæ hanc vim habent. Accerſentes autem defluxionem cau- ſæ ſummoventur, partem confirmantibus ſi imbecil- la, ſtringentibus ſi laxa, refrigerantibus ſi calida, dolorem demulcentibus ſi hoc ægrotus affligatur.

An ſanguinis  
reuulſio in  
iis vulnerib.  
conueniat.

Iterum dubitari poterit num ſanguinis euacuatio, reuulſionis præſertim nomine, in hiſce vulneribus conueniat: tum itaque & quoniam ferè in cæteris omnibus commune videatur, vt à principio repel- lendis humoribus, compeſcendoq; ſanguini oui al- bumina admoueantur: an iſdem in iſtis vti oportu- num eſſe, ſit exiſtimandum. Sane qui vulnera hæc contuſionem eſſe ſolum contendunt, humores repel- lere, eoſdemque reuellere vtile non ſolum, verum etiam neceſſarium omnino affirmabunt. Qui verò eadem veneno infecta exiſtimant, alterutrum nega- uerint exiſtimo: perindè enim ac illi inflammationis periculum euitare ſtudent, iſti veneni noxam fuge- re conantur. Atque vt illi venæ ſectiōnem lau- dant, & ouorum albuminis appoſitionem, quoniam

ea



ea sanguis retrahatur, quo minus in partem affe-  
 Etam influat, hac verò propterea quod qui inde ema-  
 nat, sistatur, eundem quoq; in vicinas partes repel-  
 lendo traducere valeat. Alterutram isti damnant,  
 nempè quod venæ sectione venenosa qualitas san-  
 guinem sequens in altiores corporis partes retraha-  
 tur: & ouorum candidi viscositate, & infarctu ma-  
 ximè transpiratio prohibeatur, vel etiam sua frigi-  
 ditate altius sanguis ipse compescatur. Nos autem  
 neutrae inherentes opinioni, & venæ sectionem qua  
 sanguis & humores reuellantur, & candidi ouorum  
 appositionem quodammodo admittimus. Albumen  
 quidem post exactam à patiente particula sangui-  
 nis euacuationem, sedisq; affectæ absolutam vstio-  
 nem, nec id quidem simplex, sed vel ex sambucino,  
 vel hyperici oleo apponentes, aut etiam simplex, si  
 vtriusque olei, uel alterius saltem calidissimi larga  
 præcesserit affusio. Solemus autem & plurimum  
 ouorum candido orientalis Armeniæ bolum, uali-  
 dissimè enim venenositati repugnat admiscere. San-  
 guinis vero reuulsionem, perspectis tamen prius vi-  
 ribus, regione, tempore, ætate, & morbo: quoniam  
 veneni huius natura, vt etiam ab alijs dictum est,  
 perindè ac multorum aliorum, cor, aut aliam magis  
 partem quàm aliam non respiciat, sed potius tractu  
 temporis membratim insinuetur, & uniuersum cor-  
 pus occupet. Qua prorsus etiam ratione, neque à re-  
 pellentium vsu desistendum esse consulimus, tū quod  
 hæc non ad ipsa, sed circa ipsa vulnera apponenda  
 Z sint,



IO. FRANCISCVS ROTA

sint, tum quòd præterquam affluxum humorum in-  
hibeant, patientem quoque particulam confirment,  
ac fortio rem faciant. De hoc autem medicamento-  
rum genere obiter dicere aliquid ad rem spectare vi-  
detur: quoniam scilicet inter medicinae grauissimos  
auctores non idem de ipsis constet. Arabum etenim  
Princeps, quoniam attractio & repulsio contraria  
sint, repellentia medicamenta trahentibus ipsis con-  
traria constituit, ob idq; repellentibus medicamen-  
tis à frigiditate facultatē inesse ait, qua refrigerent,  
partesque condensent, & meatus constringant, ac  
attractricis facultatis caliditatem refrangant, atq;  
influentem materiā spissiore m reddant, & ita humo-  
rum susceptionem in partes læsas inhi beant. Licet  
verò Princeps qualis repellentium substantia exi-  
stat, non expresserit, facile tamen ex Galeno intel-  
ligi potest dicente. Igitur attrahentes sunt, quæ ex  
alto uehementius extrahunt: re percutientes verò,  
quæ in altum occurrentes sibi succos repellunt. At  
essentia illis calida est, & tenuium partium, his ve-  
rò frigida & crassarum. Attrahit enim perpetuò  
calidum, repellit vero frigidum: verum quod cum  
caliditate coniunctam habet partium tenuitatem,  
trahit uehementius: quod verò cum frigiditate par-  
tium crassitudinem, id violentius propellit. Itaque  
ex actionis uehementia nomen utrique impositum  
est. Atque adstringentium quidem nota est essen-  
tia, ut hinc quidem cum ea tenuis constituatur, cuius  
contrarium crassum existit. Arabum Principem re-  
pel-

Lib. 5. de sim  
p. c. 17.



pellentium substantiam crassam esse tunc indicasse constat, cum attrahentibus repellentia esse contraria dixit. Qui itaque inflammationum curationem docens, quæ reperiuntur medicinæ sunt, dixit, ut herbarum frigidarum succi, ut portulacæ, cucurbitæ, & virgæ pastoris, quam alij alopecuros, alij dissipacum esse uanè contendunt, nil enim ea Auicennæ aliud est, quam quæ Dioscoridi polygonon aut sanguinalis herba dicitur, sanè indicans eas frigidas humidæque esse debere. Qui ipse quoque dum curare apostemata docet, oportet inquit, stipticum adstringens frigidæ complexionis esse, ubi acuta uel calida apostemata ipsa fuerint. At ubi frigida sint, oportebit id alicui esse admixtum, cui uirtus calida inexistat, cum retentione sicut squinanthum, ut facile quidem pugnare inuicem hæc omnino constet. Igitur humorum repulsionem facimus, uel eos repellendo, uel transmutando: hi autem impelluntur à frigido, transmittuntur autem à stiptico. Frigidum siquidem ea ratione, qua paulo antea dictum est, repellendo scilicet, humorum in affectam partem influxum prohibet: stipticum uero partes quibus admouetur, corroborando, humorum transmissionis causa existit: nempe partium ipsarum substantiam cogendo adstringit, qua adstricta necessario quæ illi inest materia ad vicinas exprimitur partes: adde itaque eodem nomine, innatum calorem foueri, atq; augeri. Itaque repercussio modo latius, modo præfius usurpari poterit. Ac proinde Arabum Prin-



IO. FRANCISCVS ROTA

ceps præstius hanc accepit, dum eam à frigidis fieri dixit. Atq; quidē hæc reperiendi ratio, humidis siccisque esse potest, ualentius licet siccis adnexa operetur. Porro & repellendi facultas latius intelligi habet, pro impulsione scilicet, simul & expressione: qua sanè ratione Gal. & alij eam usurparunt, scientes nempe defluxui prohibendo, frigidorum quæ impellant, & adstringētium quæ transmittant, ad motionem vsui maxime esse futuram. Scire itē opere præcium est, stiptica medicamenta quæ transmittere apta sunt, ab humoris repellendi cum temperamento tum substantia si indicatio sumatur, non eiusdem prorsus semper esse naturæ debere. Etenim si quæ materia repellenda est, præterquam quod substantia fluxilis fuerit, fuerit quoq; inter calidum frigidumq; media, aut etiā ad hoc illudue declinans paululum. Et repellentia etiam, quod spectat ad has qualitates symmetra esse oportebit, ita namque & eam transmittent, & sua siccitate utcumque absument. Siquidem licet frigidum faciat impulsus, præstabit nihilominus materiam talem solo repelli transmissu. Si autem quod repellendum est, calidum sit, nec crassarum partium satis, repellentis medicamenti stipticitatem frigido admixtam esse conueniet, quod maxime in acutis & calidis defluxionibus est aduertendum: in quibus præterea quod maxime impulsus est opportunus, frigiditas medicaminis materiæ complexionem malam non auget: quod maxime materia frigida existente (huic enim impulsus non



non conuenit) contingeret. Quapropter frigida exi-  
 stente materia, quæ repelli debet, præstabit uim ad-  
 strictoriam calidis affusam esse, atque humorem ip-  
 sum solo transmissu repelli. Alias .n. frigiditas fri-  
 giditati addita, & crassior & viscosior tenaxq; ma-  
 gis, transmissionique ineptior redderetur, calidita-  
 te interim viscositatem incidente, crassitiem tenuan-  
 te, transmissioni vias parante, nec non humoris fri-  
 gidi qualitatem alterante. Igitur ut vnde sumus  
 digressi redeamus, quam primum vulnus in carno-  
 sis solum partibus factum, nihilq; illis esse infixum  
 intellexeris (trahunt enim quæcunq; occurrunt se-  
 cum globuli, sæpiusque eadem infixa relinquunt)  
 sanguinis euacuationi cum propter iam dictas ra-  
 tiones, tum quia ab omni recenter facto vulnere,  
 nisi in ventre sit statim plus minusue sanguinis ef-  
 fluere expedit, studebis: fit siquidem eo fluente vul-  
 nus siccius, proindeque sanius, minusque inflamma-  
 tione infestatur. Hunc autem largius fluentem, quo-  
 modo sistas, paulò post doceberis. Expurgato itaq;  
 à sanguine vulnere, id candenti inuras ferro opti-  
 mum est: quòd si nec tibi id fieri necessarium videat-  
 ur, uel maximè renuat æger: feruenti quopiam oleo  
 illud perfundere ne prætermittas: in hunc vsum  
 sambucinum olcū venit, anethinum, camemelinum,  
 costinum, & quod ex hyperico etiam conficitur.  
 Præfero tamē ego cæteris omnibus medicaminibus  
 id oleum quod in hunc vsum, tū alijs venenosus uul-  
 neribus, ferarumq; mortiferarum morsibus curan-

Hip. de ulce-  
 ribus.

Gal 4. meth.



IO. FRANCISCVS ROTA

dis meo Marte paratum habeo: quo itaq; & tu utaris maxime consulo, aut saltem nouum simile quodpiam, ita .n. & uersatior in arte fies, effingas componasue suadeo. Porro his expeditis, perspecta interim oris vulneris latitudine ex mundatis stupis ea proportionem cuneolum (turundam appellant) effinges, quæ dolorem mouere nequeat: hoc tamen obseruato, ut hunc non teretem, & si circulare vulneris os existat, sed utrinque depressum, ut scilicet ea figura alioquin difficillime consolidationis tollatur. Atq; hunc albumine uel solo, uel ex altero, alterisue dictorum oleorum conquassato oblitum impones, nihil salis (quod vulgares maxime faciunt) interim iniiciens. Qui fiat siquidem, ut salem quidam cum in alijs, tum uero maxime in his laudent, non uideo. In illis enim fluxiones excitare mordicationis nomine sal maxime potest: in istis uero maturationem, tantum abest ut quempiam prestare usum valeat, prohibere. Cum tamen dicat Hippocrates. Danda uero opera est, ut ulcus quam celerrime suppuret, hoc enim pacto quæ iuxta sunt inflammari non possunt, ipsumq; purum quam celerrime efficietur: necesse enim est, laceratam collisamque carnem in pus uersam tabescere. At dicant, sal exsiccatur. vlceraque omnia, uel ipso Hyppocrate teste, sicca fieri desiderant. Audiant hi obsecro, quid respondeat optimus ipse senex, postquam purgatum erit, siccari ulcus debet, nam sic mature admodum sanescet, & caro non humida, sed sicca producet, sic etiam in ulcere

De uuln. capitis .

De ulcerib.  
De uuln. capitis .



cere caro minime supercrescet. Quòd si adhuc ceruicose quis instet, Germanorumque morem proponat, qui quamprimum vulnus acceperint, id sale replent, sciat is maxime eorum temperamentum esse animaduertendum, sunt autem hi eo tum humidiores, tum frigidiores citra controuersiam. Habent autem Germani temperamentum tale cum à cælo & se mine, tum à largiori ipsa victus ratione: plus etenim, quam par sit, cibi & vini deuorantes ingurgitantesque calorem adeò innatum opprimunt, quo minus proprio fungi officio valeat. Hinc illis palor, & genæ pendulæ, oculorum vlcera, tremulæ manus, furiales somni, inquietas nocturna, halitus calidi, rerum obliuio, mors memoriæ, paralysis, apoplexiæ, repentiniq; ac intempestiui interitus. Quare igitur Germanis ipsis haud minus quam porcis, salem animam esse dici cum possit, nil mirum videri debet, etiam eorum vulneribus salem vsui esse: quoniam scilicet siccare insigniter valeat, atque in ipsis acredine, à maxima, qua abundant humiditate exutus, nihil mordicare. Verum cum Galeno dicamus nos neque Germanis, neq; alijs agrestibus, aut Barbaris hominibus hæc prodimus, non magis equidem quam vrsis, apris, leonibus, aut alijs id genus: sed Italis, & ijs, qui tametsi genere sunt Barbari, Italorum tamen æmulantur studia. Nam quis, quæso, nostrum tulerit, modo editum infantulum, etiam ab utero calentem, ad flumen defferre, ibique (sicuti Germanos aiunt) ceu candens sit ferrum in frigidum

Gal. 3 de morbis vulga. & 2. de tempe.

Primò de sanit. tuen.



humorem mergendo, simul de natura vigore periculum fecere, simul corpus ipsum roborare? Quippe si citra noxam id tolerauit, & quod propria naturæ robur ostendit, & nouum præterea robur ex frigida commercio comparauit nulli non pateat. Cæterum si ab externo frigore naturalis calor sit victus: quod protinus interire necesse sit, id quoque neminem latet. Quis igitur mentis compos, nec omnino ferus Scythæ proprium pignus in id agere discrimen sustineat, in quo errorem mors sequitur: potissimum cum ex eo periculo non magnum sit quod lucrificet? Quod tamen Germani cum faciant, nil mirum etiam si sale vulnera inspergant. Cuneolo itaque ante omnia indolenter, utrinque vulneri immisso, linteoloque mundo, laui, molli, ac tenui, ut Hyppocrati placet, eodem, quo & cuneolus medicamento affuso, vulnus ipsum, vel vulneris ora conteges. Eos etenim summe damnamus qui funiculo vulnera hæc traiciunt, tum quia maximum inferant dolorem, neque coeant est verendum. Dolor autem, tantum abest ut excitari debeat, ut primum, id quod antea sæpius repetitum est, submoueri habeat. Cuius nomine etiam curato, ne cuneoli quos imposueris, vulneris fundum attingant, modo ora debiscentia adseruent. Quod non solum in his, verum & in alijs etiam vulneribus præsertim punctim factis obserues volo. Siquidem in Parmensi agro dum Illustrissimum D. Io. Baptistam Montium in femore è regione tertij & quarti muscutorum tibiam mouentium

hasta

De officina  
med.



hasta longiori, dum strenuissimè aduersus hostes pu-  
 gnaret, vulnere scilicet à poplite ad superiora vsq;  
 femoris altius semper penetrante, saucium hac ra-  
 tione felicissimè curarem, Ferrātesq; Gonzaga pro-  
 more eum conuenisset, Medicosq; quos ipse alebat,  
 gratitudinis officio ad eum inuisendum mississet, hi  
 (existimo) vt aliquid facere viderentur, vix audi-  
 ta quanta à principio vulneris longitudo esset, meū  
 sunt admirati curationis consilium, cuneolosq; pro  
 vulneris longitudine conficiendos esse enixè adeo  
 contendere cœperunt, rati id alias curari non posse,  
 vt ne quidem vlla ratione illis suaderi potuerit vul-  
 nus ipsum iam propè ad altiores sui partes coaluif-  
 se: nec cuneolos longos ita facere opus esse, argumen-  
 to ab orificio vulneris in decliniori parte existen-  
 te, tumore euanescente, lassæ partis indolentia, atq;  
 fluentis inde puris paucitate sumpto. Itaque re ipsa  
 illis indicata, hosce cuneolos quam primum impo-  
 suerunt, vulneris partem, quæ iam coaluerat ape-  
 rientes fluxionem excitauit, dolore nempe eam ma-  
 ximè ad partem debilem accersente. Vt quidem mi-  
 hi denuo curatio fuerit delegata. Hæc autem non  
 idcirco solum exposuisse volui, vt meâ curandi vul-  
 nera hæc rationem proponerem, sed vt alios admo-  
 nitos facerem, nusquam non rationi esse cedendum.  
 Etenim quæ omnia cum ratione fiunt, maximè succe-  
 dunt, & quicunque rationi detrahre student, tan-  
 dem sua opinione decepti, deluduntur, deriden-  
 turque. Iam verò vt paratæ materiæ defluxioni te  
 op-



IO. FRANCISCVS ROTA

opponas, tempus exigit: quare circa ipsum vulnus è regione potissimum superiori partis affectæ, vnde ea maximè influere est apta, reprimentia appones (defensiuæ vulgus appellat) è numero quorum, frigida aqua est, posca, rosacea, ac tandem quæcunque refrigerant, vel vnà etiam adstringunt. Quale medicamentum est quod recipit succi plantaginis, succi sedi (semperniua vulgo dicitur) singulorum vnciam vnā, pulueris rosarum rubearū vncias duas, pulueris myrtillorum tantundem. Item & aliud quod habet aceti optimi vncias iij. albuminis oui vnciam vnā, aquæ rosacæ vnciam vnā & semissem, pulueris rosarum rubearum vnciam vnā. Et aliud ex semperniuo, mali corio, & rhu in vino decoctis. Item & id quod ex olei rosati completi, olei myrtini, olei omphacini singulorum vncia una, sandalorum omnium, vniuscuiusque drachma vna, boli armeni vncijs tribus, necnon cera quod sat est ad lenimentum conficiendum. Hoc enim, vel simile quodpiam communiter paratum in hunc vsū habemus; quod si tamen ad manus non sit, fasciam posca imbibes, vel rosacea, vel succis iam dictis, vel etiam si his careas, aqua frigida, eaque partem affectam supra vulnus obduces, sepiusque noua frigida perfundes. Puscam verò, quam & poscam, & oxitraton vocāt facturū, aquæ acetum (id enim æquè acre vniuersum non existit) ita permiscebis, vt bibi citra noxam possit. Atqui vbi ex ouorum candidis pulueres recepti sint bolus armenus scilicet, san-

Galen. 2. ad  
Giauco.



sanguis draconis, & similes alij, non fascia quidem, sed stupis medicamentum est recipiendum, hisque membrum inuoluendum, quibus mox fascia superdanda est. At si in lenimenti formam, ut antea dictum est, hæc redegeris, caput fasciæ tantum eo medicamento incrustabis, quod sat sit membro unica obductione: reliquum autem fasciæ superdando, arctè obligabis, inter namque ea præsidia quæ per se fasciæ afferunt, id non postremum est, quod ab inflammatione deffendunt, materiamque aliunde ad affectam sedem confluit, reprimentes, & eam quæ iam recepta est expellentes. Valentioris verò pressus finis est, ubi nimirum fasciarum ambitus adstringitur, non magis quàm ut prohibeat partes quominus sub pulsu concutiantur, quod est præ angustia impedire motum arteriarum, hæc enim est causa doloris: cognosces autem te tunc rectè ligasse ubi num prematur rogaueris, atque æger responderit se premi quidem, sed leuiter. Antea omnia verò fascias vsui commodas pares oportet. Atqui quæ nam idoneæ futurae sint, facillè partium quibus superdandæ sunt latitudine crassitudineque inspecta intelliges. Atque hæc quidem facere opus est, reprimendi fluxus humorum gratia. Fascia uerò ad vulnus deligandum, lintea aptissima est, eaq; lata esse debet, ut semel iniecta, non vulnus tantum, sed paulum vtrinque etiam oras eius comprehendat. Sint autem hæc in primis, quod & supra dictum fuit, materia munda, leui, molli, & tenui: quod verò ad longitu-

De vuln. capitis,

Cō. 3. in de offic. medi.

Cōmēt. 1. de fract.

Com. 2. de offic. medica.

Cels. lib. 5. cap. 26.

Cōmēt. 1. de fracturis



Cōm 3. de of  
hc. medica

IO. FRANCISCVS ROTAE

gitudinem & latitudinem pertinet, impleant trium  
quatuor, quinque, aut sex longitudinem quidem cu  
bitorum, latitudinem verò digitorum. Meminisse  
autem vbique conuenit ad vitiatae partis longitudi  
nem, latitudinem, & crassitudinem referri, quic  
quid de longitudine linteorū, tum latitudine, cras  
situdine, numeroque propositum fuerit. Ne te autem  
præcreat, quod hyeme sæpius fascia circuire debet  
æstate quoties necesse est, tum quòd extrema pars  
eius inferioribus acu suenda est: aliàs enim aut pon  
dere, aut multiplici ambitu, aut angustia, aut inæ  
qualitate vulnere oppresso, dolor & inflammatio  
promoueretur. Ceterū si quid ad fasciationes vltra  
pertineat, id pro occasione loco proprio subnectam.

De euacuandi & purgandi ratione in his  
vulneribus. Cap. XVII.

Differendum autem iam de sanguinis euacua  
tione est, nam antea dictum fuit, venam reuul  
sionis nomine esse secandam. Igitur vbi ex morbo,  
etate, & virtute mittendum sanguinem esse conie  
ceris: quantum mittere debeas non ex his solum, sed  
ex alijs quoque sumas licet: ea sunt concursus plæ  
toricus, quem vocant, ambientisq; nos aeris tempe  
ries in anni tempus diuisa, & regionem, quibus di  
ligenti animo perspectis, statutaque iam mittendi  
sanguinis mensura, venam, quæ vsui futura maxi  
mè sit, requiras opere precium est. Quauis enim  
re-



vene sectio (vndecunque fiat) euacuet à toto ani-  
 malis corpore, non tamen velociter, neque æquali-  
 ter ex omnibus venis. Scias itaque in morbis ipsis  
 mitti sanguinem ipsum, vel solius euacuationis no-  
 mine, vel solius deriuationis, vel solius reuulsionis,  
 aut deriuationis simul & euacuationis, aut euacua-  
 tionis & reuulsionis. Siquidem iam incipiens flu-  
 xio ad contraria trahenda est fixa verò in patiente  
 particula vacuanda, vel ab ipsa particula quæ affli-  
 gitur, vel à maximè vicina: primum reuulsione, se-  
 cundum euacuatione, tertium deriuatione absolui-  
 tur. Iam verò sanguinem in præsentiæ esse mit-  
 tendum auulsionis gratia, non te latere existimo:  
 proinde te admonitum volo ipsam reuulsionem ad  
 contraria (αντιστασι Græci vocant) & in rectum  
 (κατ' ἄνω appellat) faciendam esse hanc verò (re-  
 ctitudinem dicimus) sanè intelligas rectè oportet,  
 aliàs enim ipsæ tenebris obrueris, quibus multi  
 antea obducti sunt. Itaque, modò inhære consilio  
 meo velis, perpetuo reuellendi occasione venas è di-  
 recto affectæ sedis eiusdem lateris, interimq; remo-  
 tius quam fieri poterit secabis, nisi in cruribus læsio  
 fuerit, tunc enim altero crure affecto, alterum vel  
 scarificabis, vel eius venam, vel etiam Galeno con-  
 sultente secabis. Nec enim hoc loco pluribus res mi-  
 hi agenda videtur, quandoquidè licet multa à mul-  
 tis de hac re scripta fuerint, adhuc tamen volenti  
 de eadem diffusè librum conscribere, materia non  
 desit. Quare vel nostram nunc secteris sententiam,  
 eius



IO. FRANCISCVS ROTA

eius fortasse aliàs rationem auditurus, vel aliorum scripta, Hyppo. potissimum & Galeni omni obseruantia dignissimi, consulas. Cauendum siquidem nobis est, ne breuitati studentes obscuritatem (quod quidam fecerunt) obfundamus: qui credo, nescientes quid affirmarent, vt tamen de se in lectorum animos spectatio magna conciperetur. Quoniā (aiunt) inter præsantes alioquin Medicos tanta est dissensio, an ex eodem magis, an ex opposito latere vena secari debeat, paucis quid sentiamus dicemus, in præsentia solum quod ad propositum spectat, afferentes. Itaque dicimus (aiunt) non eodem modo morbis ab extrinsecus causis occurrentibus excitatis, ac quibus ab internis, esse medicandum. Atq; ideo in vulneribus ipsis omnibus, ex aduerso latere sanguinem detrahi debere contendimus: quòd ita & in oppositam partem reuellatur sanguis, & humorum ad vulnus præpediatur affluxus. At isti quid aduersi loci, vel oppositæ partis nomine intelligant, nihil explicantes, nihil vtique certi proposuisse mihi videntur: si etenim in contrarium auellendum sanguinē ducunt seruato κατ' ἔξιν, pedibus (quod aiunt) manibusq; in nostram descendunt sententiam, nec est vt discrimen inter affectus ab extrinsecis, aut intrinsecis causis ortos faciant. Si verò trahendum sanguinem in oppositum ita dicunt, vt affectu existente, puta in dextra capitis parte vena secari debeat in cubito brachij sinistri (vt ipsos existimare credendū est) decipiuntur longè: quasq; affe-



afferunt Galeni authoritates, sibi maxime sunt contrariae. Igitur iam omnibus, ut antea dictum est, ordinatis, homo in lecto collocandus est, ipsique vena (ventre interim prius leni enemate, si non sponte probe deiecerit, exonerato, nulla aut noctis, aut diei habita ratione) secanda est, nempe confluentibus perpetuo ad affectam sedem humoribus, doloreq; eosdem haud minus quam cucurbitula accersente. Quod autem mittere sanguinem in magnis plagis, aut inflammatione tentari incipientibus, & plenis corporibus expediat, plane, etiam si nihil dixero, existimo conijcies: idem verò fortasse in parvis vulneribus, nullaq; apparente inflammatione tentatis, adhucque corporibus minimè plenis, ne utquam faciendum duces. Hinc mentē quibus nunc dicam adhibe. Porro Galeno etiam in his sanguinem esse mittendum placuit: tum quia nullum praestantius leuando dolori remedium inueniatur, tum quia sanguinis euacuatione imminens impendensq; morbus & inflammatio euitetur. Atqui statim audio diligentio rem quempiam Galeni observatorem enixè satis nos increpantem, qui venae sectioni reprimētia (defensiuā communiter appellata) praepo-  
nendo, affectae parti superdederimus, nempe edoctum ex eius dictis ante omnia euacuandum fore ipsum corpus: quandoquidem si in eo laboremus, ut quod influxit retrocedat, corpus plenum non admittet, atq; ideo nobis prius venam secandam, mox reprimētia superdanda esse fuisse dicendum. Vtilis

4. method.  
Pri. affo. cō.  
23. 2. de frac.

De curan. ra.  
per san. mis.

De articu.

In arte medi-  
cinali.



lis sanè, nec rationis expers contemplatio: quæ tamen dicta nostra nihil debilitet, tantum abest, ut ea labefactet: huic siquidem respondendum esse scias, statim ideo reprimētia ad mouere esse opportunum, ut influentium, non autem fluxorum iam humorum transitum inhibeant, mox post sanguinis euacuationem, si qui influxerint, eos aliò transmittant. Itaq; & pro occasione nonnunquam venæ sectioni, clysterem præponere, nonnunquam verò postponere expedit, siquidem ubi nihil vrgeat, antea clysterem inijcere, postea venam secare utile est: urgente autem dolore prius sanguinem mittere, postmodum enema inijcere expedit. Quod maximè Hippocratem indicasse constat, qui alibi dicit clysterem ipsum ante sanguinis missionem, si tamen non sponte probè (subdit Galenus) deiecerit aliud inijciendum esse. Et alibi scribit, Ampliusque non veritus si dolor acutus fuerit, ad animi vsq; deffectionem sanguinē detrahes, clysterem postea exhibebis. Ut ne quidem propterea Galenus, modo nihil vrgeat multifaciat, vel ante vel post sanguinis missionem enema immitatur. Porro laborans ipse, si graue vulnus est abstinere, quantum vires patiuntur, ante inflammationem à cibo debet: bibere donec sitim finiat aquā calidam: vel si æstas est, neq; febris neque dolor est, etiam frigidam. Adeò tamen nihil perpetuum est, sed semper pro viribus corporis est æstimandum: ut imbecillitas etiam cibum protinus facere necessarium possit, tenuem scilicet & exiguum, qui tantum

4. de vic. rat.  
acur.



tum sustineat. At de his postea latius. Iam verò & hoc, quod maximè ad reuulsionem facit, subdam, melius scilicet esse sanguinis missionem bis aut ter innouare, quam vniuersum quod euacuandum duxeris una uice educere: licet enim faciant ad reuulsionem vtique cucurbitulae, enemata, frictiones, & ligaturae, quae tamen per venae sectionem fit, cæteris omnibus est efficacior. Quoniam autem inter reuellentia medicamenta adnumerari quoq; enemata dictum est, nil erit mirum si quaesierit quispiam, num & purgantia in vulneratis conueniant medicamenta: quae purgantia passim idcirco nuncupantur, quod sanguinem ab humoribus purum constituent? Quamobrem existimes volo quantum venae sectio cucurbitulis, tantum purgans medicamentum enemati vsu prestare: perinde enim ac venae sectio ab intimioribus corporis partibus sanguinē ducit, cucurbitula aut extimioribus: sic purgantia medicamenta humores ab vltimis secretioribusque locis, enemata autē à primis & manifestioribus trabunt. Vt quidem cum purgatione (quae humorum qui sua qualitate molestant euacuatio existit) haud minus quam uenae sectione prohibendum sit apostema, scripserit Galenus nonnullis quidem purgatio sola sufficit, quibusdam sanguinis detractio, alijs vtraque haec adhiberi profuerit. Moxq; de his quibus purgatio conueniens est, ex Hypocrate differens ait. Purgatio per aluum plurimis vlcereum prodest, praeterea vulneribus quae in capite sunt accepta, item

a      quae

5. meth. & de  
cur. rat. per  
sang. mis.

De uenae se-  
ctio. aduers.  
Erasistratum

De purgāt.  
med. facult.

1. apho. com.  
2 & 2. apho.  
commen. 17.

Auic. 4. 1. 4.  
cathageni.

4. meth.  
De ulcerib.



quæ in vëtre & articulis, ad hæc ijs in quibus osi caries impendet, præterea quæ suuntur, & quæ exedunt, & serpētibus, et reliquis quæ ulcera diuturna reddunt, etiā quæcunq; deliganda sunt, per aliu purganda sunt. Vt ne quidē in vulneribus istis purgantibus esse vtendum medicamentis, sit ambigendū, potissimumque conuenientibus. Etenim vulnera hæc è numero quidem eorum sunt, quæ tum propter sui magnitudinem, tum quia cacœthe existunt præualida sunt. Quale autem purgans esse oporteat, ex humore qui purgandus est iudicari debet. Sed hoc certè in corporibus malis succis abundātib; faciedum quisque facilè concedat. An verò in bene habentibus, idem facere vtilè sit futurum, facilè dubitabit quispiam. Hic verò perinde sciat oportet, ac missio sanguinis vel propter ipsius abundantiam, vel propter morbi magnitudinem: ita purgatio & propter abundantiam alterius cuiusquam succi, & propter vim morbi adhibetur. Iam verò cum statuerimus & eam quæ per venæ sectionem, & quæ per exhibitionem purgantis medicamenti sit euacuationem, in vulneribus istis esse vtilem, determinandum superest, an simul vnoque tempore vtraq; molienda sit, an altera præcedere alteram debeat. Porro quòd nec simul, nec eodem tempore administrandæ sint, cum uirium debilitas quæ ex duabus his euacuationibus inuicem quodammodo contrarijs sequeretur, tum etiam euacuandorum quantitas, quæ haudquaquam metiri posset prohibet. Quare eorum

De quos, qñ,  
& quomodo  
purgare oportet.



rum alterum præcedere, alterum verò subsequi omnino debet. Atqui conuenientius videtur, venæ sectionem purgationi præmittere, quàm venæ sectioni purgationē, siquidem summoti prius vasorum plenitudine, qui superabundāt humores, vel alio nomine, vt antea dictum est, purgandi sunt, maiori cum facilitate ab attrahente medicamento educentur. Sin autē præpostero ordine purgatio præmittatur, difficilis sanè ea fiet, tum propter alia incommoda, tum verò maximè ob nimiam vasorum plenitudinem, ac viarum, per quas attracti humores deferri debent angustiam, ex quibus agitationem non parua consequi necesse est. Sed nonne superuacaneum etiam foret, in expurgando sanguine, si impurus is esset, multo cum dispendio tempus conterere, vt iam expurgatum, & familiarem naturæ redditum, demum uacues? Mihi sanè consultius videtur (iuxta Hyppocratis & Galeni sententiam) infectum & superabundantem sanguinē prius minuire, deinde expurgare: quandoquidem minori incommodo, ac debiliore cum medicamento expurgationem illam assequi possis. Vt ne quidem propterea audiendi mea sententia illi sint, qui Hyppocratem damnant, qui nos alioquin docuerit, & vniuersalia perpetuo medicamenta particularibus, & sanguinis missionē purgationibus præferri debere; mox autem, vt antea dicebamus enema, particulare inquam præsidium & purgans, ante vniuersale atque euacuans ipsum, sectionem venæ scilicet, injiciendum dixerit.



rit. Siquidem vniuersalia particularibus remedijs  
 præferenda esse intelligere oportet, in eodem medi-  
 camentorum genere: atque ita venæ sectio scarifi-  
 cationibus, cucurbitulis, hirudinibusque præponi  
 debet, similiterq; & ea quæ vniuersum corpus mun-  
 dat purgatio illi præferenda est, quæ caput, & quæ  
 caput, illi quæ oculum solum respicit. Sic itaq; &  
 verè purgatio sequi debet euacuationem. Nec qui-  
 dem enema antea iniectum regulam peruertit: cum  
 ne id quidem purgans, sed leniens solum esse debeat.  
 Supra autem quid purgantis nomine intelligi ha-  
 beat expositum est: atqui lenientia ea appellamus,  
 quæ quod in intestinis habetur, vt fluat, facile fa-  
 ciunt. Recordare autem nunc quod & paulò an-  
 tea dicebamus, purgans scilicet idoneum esse eligen-  
 dum, hoc est dictu, purgandi humoris naturæ ac-  
 comodū. Verū qui purgandus humor veniat facile  
 intelliges, vbi rationē ob quam purgandum esse de-  
 creueris, tibi proponas. Erit autem ea, si rectè exi-  
 stimo, quæ circa cum sanguinis, tum aliorum humo-  
 rum influxus inhibitionem versatur, ob inflamma-  
 tionem, quæ sequi maximè solet, prohibendā. Qua-  
 re aduertat oportet, qui fluxibiliores sint, eamq; fa-  
 cere aptiores, atq; eos purges: sanè hi sunt cum san-  
 guis, tū cholera: alterū venæ sectione, atq; alterum  
 purgatione minues. Tametsi namque cum sanguine  
 ceteri vacuentur humores, fieri tamen nequit, quin  
 & in eo qui remanet, bilis etiam admista seruetur:  
 quæ tum ex se (nullus enim ipsa est, ob eam quam  
 possi-



possidet tenuitatem & acredinem, aut mobilis, aut fluxilis magis humor) ad effectam partē fluat: tum sanguinem (est siquidem ipsi tanquam uehiculum) trahat. Quod ita cum sit, post sanguinis euacuationem, eam quin purges, ne committas. An verò ante purgationem expectanda sit coctio dubitari 1. Aph. 23. potest, cum quæ cocta sunt solum sint medicanda, cruda verò nequaquam mouenda. Sanè duplici nomine fieri purgationem, ex antea dictis, scis existimo: vel ut qui noxi sunt qualitate humores purgentur, uel ut etiam secundum naturam habentes, unde maxime periculum ne influant est, reuocentur. Ad hæc scis, utiq; aut solam, aut vnā cum euacuatione eam moliri. At qui quidem perpetuo memorie teneas oportet, ubi sola purgatione noxijs ipsis humoribus fuerit medicandum, exactam fore coctionem expectandam. At vero ubi reuulsione solum nomine humoribus secundum naturam dispositis medicari oportebit, purgatione simul & euacuatione, eam expectare (etenim hæc priusquam aduentauerit, hi quidem affectam partem obsederint) nihil operæ præcium est. Adde itaque & in istis, cum humor qui purgandus est, bilis existat, nullam, præterquam uiarum præparationē, esse coctionem desiderandam. Viæ verò latiores quàm primum sanguine euacuato factæ, egregiè paratæ erunt. Igitur ut in his quibus sanguis euacuari debet, plura considerari debere dicebamus: sic & ubi quis aliquem 1. aphor. 2.  
Hip. de locis  
in homine. purgare uoluerit, inspicere oportet regionem, tem-



IO. FRANCISCVS ROTA  
pus, etatem, & morbum, quem qui non integrè no-  
uerit, medicamentum bibendum non fortè præbeat,  
quo si leuior fiat, demonstrata via est, quod gracili-  
tatem inducendo, curandus est. Si uerò non leuior  
reddatur sed peius habeat, contraria facienda sunt.

De victus ratione in his vulneribus.

Cap. XVIII.

x. de sanit.  
tuenda.

**I**Am verò ne dum alia huic curationi necessaria  
percurrimus, victus rationem obliti, æger fame  
pereat, aliquid de ea dicamus. Duo igitur primum  
considerare oportet, cibum scilicet, & potum: quo-  
rum altero, cibo scilicet, quicquid siccioris substan-  
tiæ effluxit restituimus: altero autem, nempe potu,  
quicquid humidioris. In his siquidem qui de hisce  
vulneribus monumenta sua prodiderunt, maximè  
contrariantur. Alij namque morbi magnitudinem  
perpendentes, uiriumq; ac roboris resolutionem ti-  
mentes, largius cibandum esse, uel etiam prima die  
uolunt. Alij verò tenuius super imminuentem inflam-  
mationem uerentes. Illi oua, contusas carnes, ac con-  
sumptas, & vinum propinari concedunt. Isti loto  
pane, ptisana, herbaceis ferculis, aqua simplici, vel  
etiam granatorum uino cibandum esse contendunt.  
Vtrinque rationes afferuntur: ut ne quidem inter  
eos sine periculo iudicari possit. Nihilominus si  
meam dicere sententiã liceat, eorum præferam opi-  
nionem, qui tenuiori uictu utendum esse consulunt:

tum



tum quòd vires paulò imbecilliores sint seruande,  
 tum quòd impura corpora (rarò enim euenit ut qui  
 vulnerantur tales non sint) quanto plus nutries,  
 tanto magis lades. Adde primis diebus quempiam  
 deficere (nisi sub ingenti, ac prorsus curari nequeun-  
 te noxa) non esse verendum. Est enim prudentis  
 hominis, primum eum qui seruari non potest, non at-  
 tingere. Itaque scias oportet, cibariorum alia ma-  
 gis alijs nutrire atque inter hæc alia citius, alia tar-  
 dius. Itaque maximè nutriunt carnes, oua, & vi-  
 num: citius autem quàm carnes oua, & citiusquam  
 oua vinum nutrit, quod & etiam in vno quoque ali-  
 mentorum genere fieri obseruatum est. Inter carnes  
 siquidem suilla magis quàm bouilla nutrit, & ad-  
 huc magis hæc quàm hœdina, quanto autem vtraq;  
 hœdinae alimenti copia præstat, tanto hæc illis nu-  
 triendi celeritate præfertur. Sic & inter oua quæ  
 recētia sunt non recētibus melius et citius nutriunt:  
 pariter & in vinorū genere merum diluto præstan-  
 tius alit. Scire autem & quod ad quantitatem spe-  
 ctat, cibariorum quosdam etiam largius sumptos mi-  
 nus longè alijs parcius sumptis nutrire: copiosius  
 enim vncia carnis nutrit, quàm cuiusuis oleris li-  
 bra, sic & vini cyathus quàm aquæ hœmina. Idcir-  
 co in vulneribus ipsis, quoniam inflammatio sumè  
 verenda est, hæc præferimus: quæ licet ventrem im-  
 pleant, quoniam minus in sanguinem conuertuntur,  
 timenda non æquè sunt ac carnes, oua, & vinum:  
 quæ cum dulcedine tum pinguedine prædita (sunt



enim hi soli nutrimenti sapes) & maxime nutrire, & in sanguinem conuerti facile possunt. Atque ideo quidem ab his maxime abstinendum censemus, quoniam sanguinis generationem, & copiam summo opere vereamur: illis vero oportunum uti ducimus: sic ventri, qui continuo, ac importunissimus creditor instat, satisfacere existimantes, interim vasis, uenis inquam ac arterijs valde exinanitis remanentibus. Exhibere igitur in his conuenit panem lotum, ptisanam, & huiusce generis alia: quae ventrem implent, parum nutriant, calorem non fatigant, humores ui medicamentosa alterant, ac denique vulnera ab inflammatione in primis uindicant. Huius ordinis & aqua ipsa est, refrigerat. n. sitim extinguit, & nihil nutrit. Vt sanè risu propterea digni hi mihi iudicandi videantur, qui vinum vel primo quoque die vulneratis reficiendae virtutis gratia, propinandum asserunt. Hi namque praeterquam quod rarius accidat, ut protinus in primo secundoque die vires imbecilles cernantur, se adeò imperitos esse Medicos ostendunt, qui ut oportet non dignoscant eas, quae in morbis contingunt virium infirmitates, & quae ob vasorum inanitionem, & quae ob oliam quampiam irritationem, & quae ob laborem, & quae ob morbi acumen fiant, quas item natura nostra habitusque singulis affectuum species omnigenas fabrefaciat, quae cognita tamen salutem, & mortem ignorate ferunt. Ingens siquidem malum est, si ob laborem morbi que acumen imbecillitato porrexerit quis

10. meth.  
cap. 2.

Hipp. de ration. uict. acut.

po-



potum vel sorbitionem copiosiore, vel esculentum, imbecillitatem eam ex vasorum inanitione contigisse arbitratus. Sanè verò adhuc magis malum peiusq; iudicabitur, si quas propinauerit, sorbitiones morbum magnificare habeant, vel symptoma quodpiam morbo ipso seuius inferant: quemadmodum facturum esse in vulneribus istis vinum credi potest, nèpè quod febres accendat, nec lateat quòd cauendum, id est vbi phlegmones suspicio adest. Nec est quod isti aut Hippocratem, aut Gale. afferant vini usum in vlceribus summopere cõmendantes: quandoquidem si rectè hi inspexerint, non exhibitionem, sed admotionem eius commendant: quod verum ne sit, audiant quid Hippocrates de eo differat. Vlcera inquit, nulla madefieri debent præterquam vino, nisi si articulum teneant. Abstinētia verò, & aqua tam cunctis vlceribus prodest, quàm quod maxime, magis autem recentibus quàm vetustis. Itaque tenui victus ratione præscripta & diutius & breuius, pro scilicet instantis morbi natura, ac imminētis periculi occasione vtendum est. Condonandum verò interim aliquid tēpori, ætati, & consuetudini. Quod namque ad tempus attinet, hyeme & vere ventres natura calidissimi sunt & somni longissimi: vt quidem licet per ea tempora copiosius alimenta exhibeantur, ea facilius ferant, calore innato scilicet plurimo existente. Acstate verò, & autumnò è contra. Ver autem secundum locum habet. Atqui si ætates inspiciamus, senes facilius ieiunium ferunt,

8. meth.

4. meth.

De ulcerib.

Aphor. 1. 2. aphor. 15.

1. aphorif aph 13.



r. aphorif.  
aph. 14.

r. aphorif.  
aph. 17.

Methodi 7.

Diosco. lib.  
1. cap. 127.

Plinius lib.  
13. cap. 17

Galen. 8. de  
simp. med.  
facul.

runt, secundo loco qui ætatem consistentem habent, minus adolescentes, omnium minime pueri, potissimumq; viuiores: siquidem quibus crescunt, plurimum, senibus verò parum innati caloris cum insit, fit vt illi plurimo ægeant alimento, istis autem paucis sit opus fomiibus. Porro & consuetudo indicat quibus semel, aut bis, & quibus plura ne, an pauciora particulatim oporteat asferre. Iam verò quoniam pluribus aqua simplex dolores ventris, & torsiones generat, vt potè quæ frigiditatis eius culpa & in præcordijs diutissimè moretur, & fluctuationes excitet, & inflatum mutetur, & corrumpatur, ac ita ventriculi resoluat robur, sic vt deterius proinde cõcoquat, adhæc quæ nec digerendo per corpus alimento aliquid magnopere conducat, coctã exhibeas consulo: vt cruda, qua pollet frigiditate exuta hæc minus faciat, vel ex punici mali succo, quem granatorum vinum appellant, is etenim boni succi est, stomacho utilis, nec sufficiens alimentum, potissimumq; vinosus, (medij saporis vulgo dicitur) quoniam & acidi & dulcis (tot enim eius sunt differentie) naturam participet, vt siquidem malorum à quibus procedit triplex adsignatur differentia, licet alijs quinque adnumerentur, sic & succi horum triplex est sapor, dulcis, acidus, & vinosus: à quorum vnoquoque sanè secundum vincentem qualitatem vtilitas procedit. Cæteris autem nos vinosum præferimus: quoniam dulcis licet stomacho vtior sit, in eo tamen calorem faciat, inflationem pariat,

vn-



unde etiam febrem excitat. Acidus verò nimium adstringat: at vinosus vtriusque horum quodammo- do naturam participans nec exactè adstringat, nec impensè calfaciat: sed alterutra in ipso qualitate ab alterutra remissa, medium sortiatur temperamen- tum, ventriculo vtile propter eam, quam habet ca- liditatem non exuberantem, & vim adstrictoriam minus excedentem: atq; ideo ventriculum roborare, nec non bilem, quæ faciliè ad superiora peruoli- tat maximè cohibere possit. Itaque & potus nomi- ne melicraton, mulsa dicitur, melle nempe aquæ plus vel minus permixto constans, recipi potest, vel (& suauior erit) aqua cui mellis loco, saccharum incoctum sit: suauitati siquidem studendum est, ne ægrorum appetentia omnino deijciatur, vel etiam hoc nomine non raro blandiri ipsis oportet, non qui- dem solum vt his gratificemur, sed quia vtilius illis existat. Quod maximè animaduertens optimus ille senex Hippocrates dixit, Parum deterior potus, aut cibus, suauior autem, melioribus quidem, sed minus suauibus est præferendus, ratus idem, quando cum voluptate assumitur cibus, qui paulò deterior sit accidere, quod cum cibos boni succi comedimus fieri solet: non modo scilicet, non manente eo dete- riori, sed quandoque etiam redito meliori. Itaq; omnibus quæ tum ad ægrum, tum assistentes, tum exteriora spectant, indicatis, institutisue, iam di- scessurus ægro præcepti Hipp. memor, qui in vulne- ribus cōquiescendū maximè censet, cū vniuersi corpo- ris,

2. aphorif.  
aph. 28.

Gale. 2. aph.  
com. 28.

lib. de ulce-  
rib.



6. aphorif.  
com. 6.

IO. FRANCISCVS ROTA

ris, tū maxime partis affecta quietē suadere ne obli-  
uiscaris, tū quod quiescere opus sit, si quid sanari de-  
beat, tum quod inflammatio instans, quiete solua-  
tur, vel imminens euitetur. Item & illis recordari  
utilissimum fuerit, animo omnes affectiones, tristes  
potissimum, esse excutiendas. Hinc militem corda-  
tumq; virum curans, non nisi vtile fuerit, generose  
fortiq; ac prorsus inuincibili animo tum facienda,  
tum ferenda omnia esse illi recordari: si ciuile ge-  
neris quempiam, ad patientiam DEOq; Opt. Maxi.  
voluntatem obsequendam suadere: si recordem, &  
vilem, intrepidē sanitatem promittere: si iuuenem,  
eum hortari hanc etatem omne periculum despicere,  
atq; ita omni ordini, omni sexui, omni etati, quæ  
grata futura sunt dicere, morbum leuem esse, breui  
terminaturum fore, quoniam sanitati acquirendæ  
ægrorum spes usui maximo sit, atq; plurimū præstet.

De eijciendis globulis. Cap. XIX.

Ceterum quoniam vulneris ipsius extracto te-  
lo medicina non alia est, quàm quæ sit, si cor-  
pori icto nihil inhæserit, iam differendum esse vide-  
tur, qua ratione, quoue modo globulum, si totam  
partem non confoderit, intusq; hæserit eijcias. Si-  
quidem Chyrurgiæ partem hanc telis extrahendis  
dicatam maxime necessariam esse Poeta Homerus  
his versibus innuit.

Vir Medicus multis alijs præstantior, vt qui  
Cor-



Corpore tela trahēs, medicamine vulnera curet.  
 Recordari igitur hoc loci oportet, quod & superius dictum est, globulos scilicet ipsos differre materia, figura, magnitudine, numero, atq; habitu. Materia quidem quatenus alij ferrei, alij ænei, alij stannei, alij plumbei, & alij lapidei sunt. Figura autem quatenus sunt aut rotundi, aut angulosi, nempe trianguli, vel quadranguli. Magnitudine verò quatenus alij maiores, & alij minores pro tormentorum scilicet ratione videntur. Numero quatenus vel soli, vel vnà duo, vel tres, vel multis cum tessellis feruntur. Habitu denique quatenus alij vno corpore compacto constant, alij diuiso interim tamen hami ærei interuentu, vnito, iunctioe: alij in plures partes diuidi apti, atque alij intus caui, ac nucleis vel ferreis, vel plumbeis animati. Hæc autem non recordari ideo oportet, quia variam habeant indicationem, omnes etenim pariter eijci debent, sed solum quod quædam difficultates ex eorum generibus sint. Porro omne telum extrahitur, aut ab ea parte qua venit, aut ab ea in quam tetendit. Illic viam qua redeat, ipsum sibi facit. Hic à scalpello accipit. Nam contra eum caro inciditur. Protinus igitur aduocatus cum veneris conijcias oportet, qualis globulus læserit, videasq; num eum reperiās: nihil enim tam facile in corpore quam telum hoc conditur, idemque altissimè insedit. Hæc autem eueniunt, & quia magna vi fertur illud, & quia in angusto ipsum est. Si igitur conspicuum fuerit,



Hipp. de me  
dico,

rit, quomodo id facilius tutiusque eijcias, confide-  
vandum superest, si occultatum, conuenit authore  
Hippocrate, modo vulneratus possit, in ea figura  
constitutum notare, in qua etiam vulneratus est: si  
non possit, iacentis certè quatenus licet modo figu-  
râtes specillo tentabimus, vel etiâ digito. Exploran-  
do igitur telo digitum immittes (nihil enim eo instru-  
mento, quod immediatè sentit huic operi præstan-  
tius est) si autem breuior videatur, quàm perueni-  
re ad globulum possit, aut crassior quàm vulnus ad-  
mittat, lenticulare specillum accipies: non enim  
prius dilatari vulneris os ipsum debet, quàm globu-  
lus exploratus compertusque fuerit, ne duplex ma-  
lum commiseris, tum quod globulum non repereris,  
valde enim turpe est non contingere à chyrurgia  
quod uelis: tum quod frustra sectionem fecisse vide-  
beris, specillo itaque immisso recta ad globulum de-  
uenies: nisi telum os impetens (quod sæpissimè ac-  
cidit) alio diuerterit, vel inter musculorum adhæ-  
siones, aut membranarum tendinumue auulsiones  
occultò descenderit, obuolutumue sit. Itaque si  
non altè telum insedit, & in summa est, aut certè  
magnas venas & loca nervosa non transiit, nihil  
melius est, quàm qua venit id euellere. Hoc autem  
quanto prius feceris te ipsum ægrumque à maximo  
liberaueris negotio: si autem quis diutius rem diffe-  
rat, vel etiam procrastinetur, humorumque influ-  
xionem expectet, hoc opus, nisi ægrum torquere ve-  
lit, non aggrediatur: angustius siquidem tunc vul-  
nus



nus factum dolori & inflammationi obnoxium ma-  
 ximè redditur. Atqui etiam prius quàm globulum  
 eijcere aggrediaris, diligenter inspicias operæpre-  
 cium erit, num secum aliquid traxerit, pannum pu-  
 ta, armaturæ portiunculam, lorice hamulos, & hu-  
 iuscemodi alia. Quādoquidē si hæc vnà inhæserint,  
 mea sententia maiori studio, vt celerius quàm globu-  
 li euellantur est enitendum: tum quod eius euulsio-  
 ni maximo sint futura impedimento: nusquā etenim  
 ante, sed perpetuo post ipsum infiguntur, siquidem  
 maiori is vi fertur, suaq; figura altius penetrat, ac  
 ideo facile cum educetur ipsis occurrens, maximi  
 excitabuntur dolores, ac propterea inflammabitur  
 sedes: Quare hæc ante omnia educere coneris, ma-  
 ximè tum propter id quod iam dictum est consulo:  
 tum quia relictis his: euulso etiam globulo, nihil  
 prorsus profeceris: quandoquidem alijs putrescen-  
 tibus, atque alijs æruginem concipientibus, vulnus  
 maxime dolens, putridum, saniosum, fœtens, inflam-  
 matione tentari non desinens, ac denique difficilis  
 omni parte curationis, ne dicam sanationis redda-  
 tur. Vt hercle si quid vulneribus hisce infixum re-  
 linqui debet, aut quominus eijciatur negligi habet,  
 id globulus ipse sit, qui plurimū plumbo aut stamno,  
 materia æruginem minus experiente, etiam multis  
 infixus intus, longiore temporis spacio infederit, vul-  
 neribus integrè curatis, pulchreq; cicatrice obdu-  
 ctis. Ergo vbi quid simile vulnere inesse intellexeris:  
 facile enim hoc intelliges, lorice, armaturis, ac pan-  
 nis



nis è vulneris regione diligenter inspectis vncum simplicem, vel bifidum, multifidumue, vulnere immittes, quo quæ extrahenda sunt, rapta educas. Quoniam autem non rarò is (aut quia spe quandoq; decipiamur, aut plura sint quæ inhæserint) immittendus est, atque sæpius dum extrahitur, ne carni infigatur, periculum est: cannulam (sit autem utcunq; ea aenea ferrea vel argentea) tanto hamulo breviorē excogitati sumus, vt latitudine duorum digitorum, ab vnci stipite superetur. Hamulum itaq; hac iam raptis educēdis, sic excipimus, vt recurua eius partes, in huius cavitatem receptæ, inferiori eius ore contegantur: quo minus carni infigi valeant. Cannulam siquidem vno tempore & hamum trahentes, quicquid vncō infixum est facile arripimus. Quod sanè & tu si feceris tutò ac indolenter quod desideraueris, assequeris. Sunt autem mihi in hunc vsum vnci maxime ideo extollendi, quod nusquam ab his deceptus, nunquam ad alia instrumenta hoc nomine fabricata mihi confugiendum fuerit. Dico autem in hunc vsum, quòd non æquè isti mihi faciendi sint globulis euellendis, qui alioquin rotundi, cum carnem attriuerint, laxioremq; fecerint, ac idcirco vulnus latius reddiderint, facile vncos præter labantur, ità credi potest, vt herclè quodcunq; aliud instrumentum globulis educendis comparatum, mihi quàm vncus hamusue veniat, magis laudandum, hocq; potissimum, cum non semel tantum sed sæpius viderim eos, qui hunc adeo laudant in-

cas-



cassum laborasse. Atqui non ideo tamen communioribus tibi instrumentis (modo quodpiam commodius aptiusue imaginari fabricareq; valeas) vtendum consulo: forcipes etenim omnes, aut anserinae aut dentatae, sic quadam similitudine appellatae intra vulnus, magis minusue pro excipiendi globuli magnitudine, aperiri cum debeant, partesque ideo carnosas diuellendo crucient, summè euitandae sunt. Itaq; ego multiplicē instrumentorum formam euitans: quali vtar, in huncque in carnosiss partibus vsum, adhibeam, tibi postea commune faciam. In nostra enim Officina medica, cum huius, tum aliorum instrumentorum descriptiones, graphycasque delineationes oportunius differre iudicamus, quàm hic eas interponentes, curandi ordinis iam coeptam rationem omnino perturbare. Ergo cum quaecunq; vulnere incissent eieceris, vel etiam si quid te praeterierit, id naturæ expellendum reliqueris, omnia facies vt antea dictum est. Si verò plus est per quod telo reuertendum, quàm quod perrumpendum est iamq; venas nervosq; id transit, commodius est aperire quod superest, atque extrahere. Nam & propius petitur, & tutius euellitur, & in maiore membro si mediū globulus transit, facilius sanescit quod peruium est, quia vtrunque medicamento fouetur. Item qua parte aperitur, vulnus laxius esse debet, quàm vt telo postea transeunte ampliatur, summa autem vtraque parte ita habenda cura est, ne nervus, ne vena maior, ne arteria incidatur, vbi autem

b      satis



satis incisum est, telum eximendum est, tum quoque eodem modo, & eadem cura habita, ne sub eo quod eximetur, aliquid eorum ledatur quæ tuenda esse proposui. Altero autem die si æstas sit, biduo verò si hyems sic vulnere habito, tertio die aperiendum: ubi nimis intumescere vulnus periculosum, nihil intumescere periculosissimum est, illud indicium est magnæ inflammationis, hoc emortui corporis. Nec enim quæ tument æquè iudicanda sunt, si quidem ut tumor molis bonus, ita crudus malus est: quandoquidem fieri non potest, ut sit tumor renitens, bene concoquente membri natura humores ad ipsum confluentes. At verò quantum sperari liceat, vel non, quæ signa indicent, post ea doceberis. Nunc quid factururus sis, detecto vulnere ediscas licet. Igitur hoc quàm primum aperueris, saniem utcunque (leuiter enim vulnus tractandum nunc temporis est) deterges: oleique nostri aliquid iniicies infundesque, moxque pus mouente aliquo (id enim contusa caro requirit) super vulnus vtendum est. Concoquentia autem (sic enim quæ pus generant appellare consueuimus: vulgus medicorum digerentia, & digestiua improprie nominat) qualia esse oporteat, in neotericorum quorundam gratiam, qui de hac re & mira & noua prodidisse gloriantur, nobis differendum est. Sed quæ nam noua hæc sunt, quæ prodiderunt isti? Erige aures, mentem adhibe (aiunt) nemo ante nos à nullo quàm calido ac humido medicamēto pus moueri vnquam obseruauit. At qui ostendemus nos,

argu-

5. adhor. 66.

Cels. lib. 5.

5. aphori. 67.



argumento cum à simplicibus tum compositis medicaminibus, etiam à sicco idem generari, pix siquidem, larix, vitellus oui, & simplicia alia quàm plura id præstant, quod & inter composita etiam tetrapharmacum efficit: ut hinc quidem facile colligi possit non humida solum ut Galenus, sed & sicca etiam pus ipsum mouere. Hoc mirum illud est, hoc inquam obseruatu dignum id est quod isti animaduertunt. Sanè non possum non misereri ne dicam irridere quorundam fatuam stoliditatem, qui miseri alioquin, autorum grauissimorum simplicem etiam phrasim non intelligentes, res notatu dignas præterisse interpretes, aut omisisse authores affirmant. Hercle impudentis audacisque ac perfricatæ frontis hominis esse mihi videtur, sine consilio sua in iudicium hominum dare: arrogantis verò atq; temerarij, quæ dammanda sunt, tueri velle. Itaque de suppurantibus, medicaminibus, eorumque natura differentes nunc duo præstabimus, tum quòd eorum facultatem certam ingenuè docebimus: tum quòd istorum falsam opinionem, quæ sicca etiam, suppurantia esse affirmat, radicitus euellemus. Quamobrem nil mirum cuiquam videatur, si paulo altius rem exordiamur: cum id faciamus rati utilissimum semper esse in quacunq; facultate, si oblitteretur ea, quæ candidatis ac tyronibus errandi facile occasionem præbere possunt. Igitur ante omnia scire operæpretium est, in corporibus animantium, triplicem esse alterationem. Vnam exquisitè secundum na-

Gal. 5 de sim  
pl. med. fac.  
cap. 6.



suram (coctionem in iuuatio neoterici vocant) quum videlicet in ventriculo cibus concoquitur: aut in visceribus, & vasis qui inibi generatur succus, vnde rursum vnaquæq; pars nutriatur. Altera contra planè præter naturam, quæ in omnibus fit putrescentibus. Tertia ex vtraque mixta & media est, partim primæ, & eius quæ secundum naturam est quicquā obtinens: partim aliquid eius, quæ huic contraria est, & præter naturam. Siquidem alterationi secundum naturam duo hæc insunt, vt & ex familiari animantis materia fiat alteratio, & ab innato calore exquisitè superetur. Et uerò quæ præter naturā est, & ab aliena caliditate mutatio accidit, & ad nihil utilis. At media earum quæ scilicet suppurationes comitatur, ab innato fit quidem calore, sed non planè vincente: neq; enim ex materia peragitur quæ prorsum benigna sit, neque tamen ex omnino aliena. Hactenus Galenus: quem statim fortasse quispiam, vt contraria affirmantem, adnotaucrit: quoniam alibi dicat pus ipsum ex sanguine ortum habere: an verò sanguis in corpore materia benigna existat, iudicet ipse. Verum paulò diligentius Galenum is uideat, nec (existimo) eum, vt potè qui nihil contrariū affirmet, amplius damnet. Ait enim pus à sanguine quidem ortum ducere, at non quidem simpliciter, sed ex eo iam semimalam, vt quispiam dixerit, transmutationem habente. Ex hoc enim non omnino alieno à natura, sed in loco quidem minus transpirabili existente, ab

ex-

3. aph. cō. 47



extraneo ac prorsus præternaturali calore arrepto, pus conficitur. In hunc autem tametsi qui secundum, ac qui præternaturam calor existit, concurrentes agant: vincente nihilominus vtcunq; ipso innato ad coctionem magis, quàm corruptionem hæc vertitur alteratio: quæ si præternaturalis vice rit omnino mala atque cum putrefactione fit olida: vtriusque enim naturam explicat color, odor, substantiæq; qualitas ipsa. Itaq; quemadmodum naturales alterationes, quæ ab innato proueniunt calore, à simili extrinsecus iuuantur, pari modo & quæ in mouendo pure cõspicitur: vtpropterea quidẽ vnũ ex naturalibus operibus sit ea quæ in pus fit conuersio, siquidem coctionis non expers ea alteratio est: ut potè quod primum à natura, concoctrice operante vi, vt materiam vtilem reddat, hæc efficiatur: quam vtilem omni quaque efficere cum nequeat, integrè vtili quàm fieri potest, proximiorẽ reddit. Hoc autem (vt dicimus) efficit concoctrix facultas, congenito propriæ particula in qua sanguis immutandus continetur, calore mediante, præternaturali nihilominus ac medicamento pus mouẽte opitulante. Huius siquidẽ facultatis est humores æqualiter concoquere, non autem crassum, & tenue, proindè ac fortis atque vrens qualitas efficit separare. Quin etiam quòd emplasticum esse debeat eius generis medicamentum, ut exactè suppuratorium sit & ipsum liquidò mihi aparere videtur. Nam si substantiam innati caloris augere, non intendere qua-

5. de simpl.  
med. faculr.  
cap. 9.



IO. FRANCISCVS ROTA

litatem ipsam conueniat, poros corporis obstruētos  
esse necesse est, quo videlicet halituosos transpira-  
tus includat: accedit propterea quoq; quòd & qui  
pus effici habet sanguis, ne huc illuc labatur, atq;  
ideo caloris actionē subterfugiat, prohibetur; tū ē  
quòd medicamētī facultas magis intēditur, sicq; ele-  
gantior concoctio perficitur. Cataplasmata .n. quæ  
aut detergētia, aut validius excoalfacientia halitus  
disflari permittunt, exsiccant quidem, sed pus non  
mouent. Itaque duplici ratione, si quis rectē per-  
pendat, emplasticum esse debere medicamentum pus  
mouens intelliget. Cum videlicet vt congenitus ca-  
lor, quo minus dissipetur per halitū foueatur, pro-  
inde augeatur, vt tandem fortior factus materiam  
in pus vertendam maximè aggrediatur. Tum ne ex  
vtriusque caloris actione, potissimum tamen præter  
naturalis, tenuis atque humida substantia resolu-  
tur digeraturq; crassior verò concreſcat, & obdu-  
retur. An verò perpetuo quod pus mouere debet,  
esse emplasticum sit necesse: an solum cum innatus  
calor, collatione ad humorem in pus conuertendum  
sit debilis, dubitari potest. Porrò huiusmodi me-  
dicamentum ait Galenus emplasticum esse debet, si  
substantiam innati caloris augere, non intendere  
ipsam qualitatem conueniat, tale enim poros corpo-  
ris obstruens halituosos transpiratus includet. Vt  
quidem mea sententia, aliquando etiam in huiusce-  
modi medicaminibus, emplastica hæc facultas non  
æque adeo sit expetenda: cuius rei, vel ipso met Ga-  
leno.



leno referrente, fidem facit aqua tepida, & manus continuo admota: siquidem calidum suapte natura suppurationem facit, atque à calido omnis efficitur concoctio. Quamobrem conijcias hinc licet duorum altero coctionem moliri, aut emplastico, aut temperate calido. Quinimo (quod magis admirabuntur, qui itidem admirantur quandoq; à siccis pus moueri) & idem nonnunquam frigido quopiam, vt malua, violaria, & hordei farina pus confici animaduertes. Non tamen eo inficias, quæ simul temperatè calida sunt, atque emplastica maximam concoquendi facultatem habere. Tum itaq; licet dictum sit frigida nonnunquam ad coctionem aliquid facere, scias oportet ea non sua id facultate efficere, sed quatenus solum, si quid eam impediat, id valeant remouere: vt quidem non propria natura, sed ex accidenti hoc magis videantur præstare. Nec ambigas oportet qui fiat vt sanguis ipse potius, in pus ipsum conuertatur, quàm omnino corrumpatur, calore præternaturali etiam, extraneisq; vaporibus, à congenito ipso calore suppuranteque medicamento altius coarctatis: quandoquidem hic plus facere concoquendo, quàm ille corrumpendo valeat. Iam verò qualem hanc in his medicaminibus caliditatem esse oporteat est differendum. Proinde ait Galenus tale esse debet, quod ad mouendum pus adhibebitur medicamentum, qualis est in naturis temperatis calor natiuus: præstat nanq; in horum genere, atq; emollientium cognoscere, quòd hæc æqua

5. apho. 22.  
4. metheor.



IO. FRANCISCVS ROTA

lem accendunt calorem ei, qui est in homine secundum naturam: quæ verò emolliunt, multo maiorem: quo circa hæc sua quantitate potius quàm qualitate caloris agere sunt nata: at quæ indurata emolliunt, qualitate potius. Vt quidem non qualitate insiti caloris medicamento, sed quantitate ingeniti caloris corporis, à medicamento ipso, cum calore tum emplastica ui qua pollet aucta, coctionem fieri sit omnino existimandum. At si iusto calidior natura fuerit, in eo corpore, quod pus mouebit medicamen calidius sit oportet: tanto nimirum temperato calidius, quanto & natura eius temperatam in caliditate exuperat: similis nanq; caliditas medicamento calori partis, cui admouendum est, maxime esse oportet. Inter autem nostri corporis partes quoniã aliæ calidæ magis, atq; aliæ minus sunt, medicamenta quoq; modo magis, modo minus calida esse debere constat, atq; ideo latitudinẽ habeant necessum est. Ea autem quibusdam inter principium primi gradus caliditatis, mediumq; secundi determinatur. Nec verò ratione solum à corporibus aut particulis sumpta, quæ pus mouent, aut eligenda aut immutanda sunt, verum & pro humoris concoquendi natura. Tametsi enim dictum antea sit à sanguine pus ipsum ortum ducere, nunc scire oportet hunc sanguine participare & pituita, & geminabile: ut ne quidem suppurante vno medicamento omnibus humoribus, cum frigidis, tum calidis satisfieri queat: verum diuersos caliditatis ad id  
requi-

a. de elemen  
tis.



requiri gradus. Iam verò cum antea dictum sit  
 temperaturam eius, quod naturæ in mouendo pure  
 auxilio est, cōmoderatam & similem ei corpori cui  
 admoetur, ac proinde quòd natura nostra humi-  
 da sit & calida, humida calidaq; medicamenta hu-  
 iusmodi frequenter appellari: quod ita cum sit  
 siccum si his aliquando admistum repereris, illud  
 per se quid cōtioni facere, caue ne existimes: sed so-  
 lum (quod & de frigidis dictum est) remouendi im-  
 pedientis cuiuspiam nomine permisceri. Neque te  
 fallat Arabum principis loquendi modus, qui ma-  
 turatiuæ, vt appellat, medicinæ inesse contentiuam  
 virtutem oportere iudicat, eumq; existimes indica-  
 re talem esse siccam debere, quod proprium sit sicci  
 retinere: quum retentionis nomine obstructionem  
 meatuum, quàm viscida, ac emplastici medicaminis  
 infarctu accidere superius dictum est, is intelligat.  
 Rursus itaque ad curationem redeunt, ex rosa-  
 ceo, ouique vitello concoquens medicamentum confi-  
 cies: tale enim puri generando vel primis diebus,  
 cum propter rosacei temperatam qualitatem, tum  
 vitelli ouorum calidam humidamque facultatem,  
 vtilissimum erit: nec enim mihi nunc cum his dispu-  
 tandum est, qui sicca pollere qualitate vitellos con-  
 tendunt: quòd si iusto saniosius tibi vlcus videatur,  
 medicamento terebinthinam, si ad manus sit, addes,  
 quin etiam in penuria terebinthinæ tum humidam  
 pineam, tum etiam frictam commodè admisceas,  
 non minus etiam his & abietinam immittas, in quē  
 vsum



IO. FRANCISCVS ROTA

6. methodi.

usum & oleum abietinum vtilissimum erit, sit verò  
 æstate lota terebinthina, hyeme autē non: vel æsta-  
 te communi, digestiuo loto, sic enim illud vocant,  
 perinde ac ego facio vttere: id ex rosaceo, terebin-  
 thina, albaque cera æquis portionibus coctum con-  
 stat, mox frigida vel etiam rosacea lotum: hyeme  
 autem iam descripto, quod ex vitellorum numero,  
 equalibus terebinthinae vncijs, aut laricis plurimū,  
 constat. Horum siquidem quodpiam linamento ex-  
 cipiens vulneri inferes, cui sedandi doloris nomine  
 postea cataplasma aliquod ad id dicatum superdes  
 optimum erit. Tale est quod ex farina hordacea,  
 fabaceaq; puluere rosarum, symphito (consolidam  
 vocant) myrtillis, balaustijsq; omnibus tenuissimè  
 tritis, & subtilissimè perforato cribro excussis, in  
 sapaque, aut vino dulci, aut mulso ad perfectam  
 misionem coctis, conficitur. Vel aliud ex recen-  
 ti caseo, cum plantagine subactō, & mero asper-  
 so. In eundem itaque usum venit emplastrum dia-  
 chalciteos, & phœnicinum vocatum (diapalma nos  
 dicimus) item & illud de minio cui mastix insit.  
 Animaduertimu sautem in eo commentario, quem  
 in Galeni primum librum de compositione medica-  
 mentorum per genera scripsimus, nobis communiter  
 medicamenta, quæ vetustioribus emplastra dicun-  
 tur cerata appellari: nihil autem æquè præstat pri-  
 mis diebus ac linteum rosaceo perfusum admouere,  
 vel etiam posca imbutum. Itaque inflammatione vi-  
 tata, necnon coctione molita, quod facile ex saniei  
 qua-



qualitatibus albedine scilicet, lenitate, æqualitate,  
 & non ingrato odore deprehendes, vulnus purgan-  
 dū est: id optimè faciunt tinēta in melle linamenta,  
 vel in medicamento quod recipit terebinthinæ, mel-  
 lis, rosati, farinae hordei, nec non aloes cribrati pa-  
 rum, omnibus scilicet, vel optimè permixtis, vel  
 etiam leui igne decoctis inspissatisq; . Purgat item  
 & pulvis recipiens thuris drachmas duas, aloes  
 drachmam vnam, iridis scrupulum vnum. Idem ef-  
 ficat vnguentum damascene, & viride appellatum,  
 vel vnguentum apostolorum, vel Galeni panacea  
 quinto catageni, humidiori cerato linamento ex-  
 cepta, superinducto linteo diachalciteo incrustato.  
 Valet & emplastrum primo catageni ex oxeteo  
 aut lithargirio descriptum, supraq; id vel empla-  
 strum, uel encepharmacum dandum est, ita appel-  
 latum quod ex nouem rebus constet, & ad purgan-  
 dum valens, ex cera, melle, seuo, resynæ, myrrha, ro-  
 sa, medulla vel ceruina vel vitulina vel bubula,  
 æsypo, butiro. Quorum ipsorum quoque pondera  
 paria miscentur. Atqui ego huius rei nomine à dia-  
 chalciteo cerato nusquam recedo. Tum demum ve-  
 rò purum vlcus esse censeas, cum ruber, ac nimium  
 neque siccum, neq; humidum est, Contra verò quod-  
 cunque sensu caret, quod non naturaliter sentit,  
 quod nimium aut aridum, aut humidum est: quod  
 aut palidum, aut albidum, aut liuidum, aut nigrum  
 est, id purum non esse indicabis. Purgato sequitur  
 vt impleatur. Quoniā scilicet in cauo vlcere id no-

3. mech.

bis



p de semine

14 meth.

3. &amp; 6. meth.

bis proponatur, ut caro quæ perit restauretur. Scire autem licet generandæ carnis materiam sanguinem bonum esse: dixi autem bonum, quoniam non ex omnibus in omnia mutationes fieri credendum sit: sed in quod naturæ illius quod mutatur, vicinius est, facilius est mutatio. Ac ideo facillimum sanguini bono tamen, ut caro efficiatur dictum est. Constat autem quod subiectorum quibus superinduci caro debet, natura ipsa gignendæ carnis opifex est: improprie siquidem satis cum medicamen quodpiam carnem generare dicimus, loquimur: cum non quidem naturæ medicamentum in hoc æquari possit. Licet enim medicamentum præparationem quandam ministret, carnis generandæ tamen opus, maxime naturale est, ideoq; minus medicamento adscribendum. Hinc aliqui non proprie, sed ex accidenti medicamenta sarcotica carnem gignere dixerunt: quod item duplici contingere modo affirmarunt, aut verè ac quatenus id ad omnem medicinæ, quæ huius rei gratia admoetur, spectat operationem: vel nec vere nec integrè, sed quatenus hæc partim generat, partimq; non generat: carnis scilicet generationem quadam præparatione, disponēs. porro medicinæ, quæ verè carnem generans appellatur, facultas est, carnis deperditæ loco novam substituere, sanguinem nempe in particulam nutritionis gratia confluentem, in carnem permutando, eius videlicet naturam æquans, atque ipsum exiccatione cogens: sanguinis autem nomine hoc loco intelligere oportet, cum pri-



primum, tum secundum ex secundarijs ipsis humo-  
 ribus, qui ab ipso medicamento humiditate exupe-  
 rante exuti æquantur, in cambiumque, siue gluten  
 facile conuerti habiles redduntur, vt inde à natura,  
 virtute altrice media, specie carnis informentur.  
 Neque autem hic intactum, & quasi prætermis-  
 sū desiderari possit, quatuor humorum quos secunda-  
 rios propriè appellant genera, ab optimis quibusq;  
 Medicis celebrata, quæ sint dicamus. Quod igitur  
 in solida substantia partis similis primum inest  
 crassamentum, humorem id in se continet aqueum:  
 qui cum sit omnium corporum communis, ad hunc  
 numerum minimè referri debet. Is autem primige- 12. meth.  
 nius qui vitalis est, & viuientium proprius, natura-  
 lisq; spiritus (si naturalis aliquis spiritus est) sedes,  
 in solida substantia positus, omnium primus consti-  
 tuendus est, quem leuiter & inconsideratè videtur  
 Auicennas ei aqueo eundem fecisse, à quo partium  
 robur & firmitas existit. Alter humor est carnosus  
 vocata substantia, quæ ceu concretus liquor solidis  
 fibris adhaerescens moles sit similarium partium:  
 hunc manifesto videre licet in carnibus dum igni im-  
 modicè torrentur, liquari, & plurimum defluere,  
 ferriq; in prunas largiter. Duo ista secundariorum  
 humorum genera enarratæ substantiæ comprehen-  
 dunt, suntq; in essentia partis similis. Tertius is  
 esse censetur quo partes aluntur singulæ, & quem  
 proinde alimentarium dicere placuit. Hic primum  
 ceu ros aliquis per similarium partium substantiam  
 diffun-



IO. FRANCISCVS ROTA

diffunditur, qualis expressa carne dimanat atque  
profluit, deinde propius illis adductus apponitur,  
postea annectitur & agglutinatur, huicq; vni &  
eidem à statu vario varia nomina quidam indide-  
runt. At verò cum his tandem adhærescens in par-  
tis substantiam conuersus est, illiq; perfectè iam assi-  
milatur, fit tum secundum humoris genus ex tertio.  
Quartus humor in exilibus arterijs venisq; conti-  
netur, hinc mox ex earum finibus in vacua partium  
loca influxurus. Hunc quidem esse constat purioris  
sanguinis portionem multiplici coctione exquisitè  
elaboratum, & ex qua pars similis proximè ali-  
tur. Quo circa hic nondum potest, vti neq; tertius  
ad similarium substantiam pertinere: quamquam  
vterque varia commutatione in corporis naturam  
tandem commigrabit. Qui in maioribus venis re-  
conditur sanguis ad hæc secundariorum humorum  
genera neutiquam pertinet: sed eos quatuor primos  
ac principes humores complexu suo recipit. Iam ve-  
rò si præscriptum ordinem inuertemus ex sanguine  
qui in venis concludetur maioribus, tres humores  
ex secundarijs consequutione quadam fient & ena-  
scentur. Cum enim sanguis iam in extrema, & ora  
exilium venarum arteriarumq; perductus erit, pri-  
mus humor tum appellabitur: secundus autem, cum  
iam vice alimenti in partium substantiam influxe-  
rit: tertius vbi circum partium villos & stamina cō-  
crescens iam assimilatus in earum propriam carnem  
conuertitur: quartus verò villis ipsis atque stamini-  
bus

3 meth. & 2.  
ad Glauco.



bus ingenitus est & insitus, quem iccirco primigenium appellauimus. Itaque medicamenta hæc generandæ carni dicata, in primo ordine tum siccare, tum detergere debent. Vt quidem hæc ipsa Arabum princeps qualia esse deberent indicaturus, moderatè siccantia constituerit, adhucq; mentem propriam clarius explicans, hæc dixerit primo gradu, vel paulo etiam ulterius sicca esse debere. Paulò autè ulterius particulam eum interpretati aliqui sunt, innuisse, hæc ultra primum gradum, commodè quoque ad secundum usq; principium sicca existere posse: sanè quod carnē producit, si totum qui confluit sanguinem consumeret, ipsam materiam creandæ carnis adimeret, uel etiam partis ipsius substantiale humidum absumeret. Porro intelligas oportet, sarcotica hæc medicamenta primo gradu, uel etiam secundi prima parte, ut dictum est, sicca collatione ad corpus temperatum nequaquam conslitui debere. Aliàs namque plura, quæ uel ab ipso Galeno in sarcoticorum genere sunt enumerata, absolutè dico siccantia, idq; uel extrema etiam secundi gradus aut etiam fortasse tertij præstantia, non modo carnem non generarent, sed maximè hanc etiam eliquerent: huiusce generis cadmia, cētaurea, & aristolochia essent. Proinde illud semper memoria tenendum, sermonem ad temperatam & mediam excessuum naturam in ijs, quæ ita simpliciter efferuntur, referendum: puta cum dicimus medicamentum aut vlcera carne implere, aut cicatrice claudere, aut aliud

9. de simpl.  
med. facul.



10. FRANCISCUS ROTA

aliud quiduis eius generis præstare. Ergo sarcotica  
medicamenta, cum ut seruetur partis ipsius natura:  
tum ut morbus expellatur, admoneamus: atq; illud  
temperiei similitudine, hoc autem dissimilitudine  
assequamur, sicca sint utroque nomine oportet, &  
quod partis siccitas scilicet naturalis siccitate sit si-  
mili conseruanda: & vulneris humiditas, quæ ma-  
xime carnis generationem prohibet, siccitate omni-  
no contraria, sit tollenda. At verò partium ipsa-  
rum, atque vulnerum, ulcerumque, cum non utique  
eadem sit vel natura vel dispositio, alijs scilicet hu-  
midioribus atque alijs minus existentibus: sic neq;  
prorsus medicamenta hæc æqualia esse omnino opor-  
tet. Quippè thus in humida corporis natura carnem  
producere potest, in sicca non potest: scire namq; li-  
cet duas esse primarum indicationum differentias:  
quod secundum naturam se habet, custodiam sui in-  
dicante, & propterea quæ similia sui sint postulan-  
te: quod præter naturam est, sublationem sui, eoq;ue  
contraria requirente. Perit enim quidq; in contra-  
rium, & à contrario. Atque vlcus quidem quo est  
humidius, eo sanè medicamento quod magis siccet  
indiget. Corporis verò natura quantò est humidior,  
tantò quod minus siccet, medicamentum postulat.  
Quare si qua sunt vlcera, quibus par est humiditas.  
quod in sicciore corporis temperamento consistit,  
utiq; magis siccari postulat: quod in humidior, hoc  
sanè minus, quò natura naturæ interest. Siquidem  
productam carnem ei, quæ ante erat, similem esse  
opor-



oportet. Vbi igitur pristina siccior fuit, nouellam quoque sicciorem fieri conueniet, quare vberius hæc siccari, quantoq; magis sicca fuerit, tanto quod ad-mouetur medicamentum, magis siccam facultatem habere debebit. At in humidior natura tantò rur-sum ijs, quæ minus siccent medicamenti est opus, quantò caro ipsa minus est sicca. Thus igitur, vt ad humani corporis naturam, eiusmodi obtinet tempe-ramentum, vt temperatam & mediam naturam propè modum adæquet, humidior autem sensim exiecit, quemadmodum ea, quæ ad summum est sic-ca, paulò est humidius. Merito itaque thus in qui-busdam tum vlceribus, tum naturis, pus quidem mo-uet, carnem non producit: in quibusdam etiam car-nem producit. Itaq; si obseruaueris, rationi respon-dere euenta deprehendes. In humidior nanq; na-tura producere carnem potest, in sicciore non potest. Præterea in modicè humidis vlceribus carnem effi-cere potest: in ijs quæ præhumida sunt prorsus non potest: vt hercle hæc medicamenta, siccantia primo gradu, secundo, & tertio absolute, atque nulla ad aliquid collatione, esse oportere, rectè Arabū Prin-ceps enunciauerit. Constetque quantum & illi de-cipiantur, qui hæc nulla vel partium, vel vlcerum, adde si lubet vel anni temporum habita ratione pri-mo gradu vel paulo vltius siccare oportere, con-tendunt. Quantumq; errent, qui horum medica-mentorū siccitatem, partium siccitati symmetram, vel paulo etiam remissiore esse satis existimant.

c

At-



10. FRANCISCUS ROTA

3. meth. de  
nat. hum.

Atqui iam fingamus nos & sanam esse partem, & sanguinis confluxū citra vllum vel in qualitate vel quantitate vitium. Porro his ita se habentibus, nihil est præterea quod obstet quominus prima carnis generatio prosperè contingat, idque nullius externi medicamenti ope. Quippè causis ambabus vnde nascitur præsentibus, nulloq; extrinsecus, quod impediat obstante, non potest prohiberi carnis generatio. Verum in ipsa prima carnis generatione duplex provenire excrementum necesse est, quod omnē qualitatis alimenti mutationem alterum crassius, alterum tenuius excrementum sequitur. His excrementis etiam per vniuersum corpus semper provenientibus, quod tenuius est, ipsa inuisibilis est perspiratio: quæ etiam subinde fit visibilis, quoties vel naturalis calor languet, vel nutrimento utitur quàm iustum sit, ampliore, vel motus quisspiam vehementior animali contingit. Alterum est sordes, quod in summo corpore nostro colligitur. Quin etiam in vlceribus tenuius excrementum sanies, Græce ichor appellatur: quod crassum est, sordes. Ac ex tenui quidem excremento vlcus humidum redditur, ex crasso sordidum, eoque duplicibus medicamentis eget: utique vt humidum est siccantibus: vt sordidum, quæ ipsum expurgent. Ergo cum nullo vnquam tempore natura cesset, certè nec tempus vllum erit, in quo nō ambo hæc in cauo vlcere colligantur. Quare nec tempus vllum erit, in quo non vtrunq; medicamentorum genus desiderabit, utique & quod siccet,



cet, & quod expurget. Quale autem hoc, quod ad siccitatem spectat, debeat esse, iam expositum est. Quod verò ad abstersionem attinet, superest exponendū. Leuiter igitur hæc, & sine morsu, vel etiam minus quam siccent, abstergant oportet; ne scilicet carnis materiam tergant, atque auferant. Quippe quod super hoc fuerit, ita ut non modo humoris, qui influit redundantiam consumat, sed etiam affluentem sanguinem ipsum depopuletur, id refici carnem prohibebit. An vero generationi carnis accommoda esse, quæ cum siccandi abstergendi quæ, ut antea dictum est, adstringendi etiam facultatem possident, si quis quærat, nequaquam, aut leuiter quidem, per inde ac thus, adstringentia, admitti facile posse, esset respondendum. Simpliciter si quidem quæ adstringunt, si in hunc usum recipiantur, carnis generationi, tantum abest ut ipsam iuuent, maxime aduersabuntur, eam videlicet, quæ in vlceribus est, quod summè tamen euitari oportet, densantia. At qui Galenus, quum non raro humiditas vlcera infestet, caro quæ propterea in his laxior gignatur, idcirco in sarcoticorum genere thus stipticam qualitatem non nihil natum recensuit: huiusmodi pro occasione ad carnis generationem tanquam idonea, vel etiam necessaria esse recipienda, indicans: Quod itaque Arabum Princeps animaduertens carnem generantia medicamenta (dixit) non eo vi adstrictoria indigent, ut in his stipticitas sit desideranda. Ceterum adhuc cum definitum non sit, quatenus in calefacien-



IO. FRANCISCVS ROTA

do frigefaciendoq; hæc se habere debeant hoc quoque inuestigare quodanmodo cogimur. Non etiam tantum an siccet, sed an etiam non ualde calefaciat, aut refrigeret, expendi oportet. Ergo altercum, & mandragoram, & meconium, ceu supramodum refrigerantia fugies, tametsi siccant ea quoque quantum sit vlceri ex usu. Resina vero, & pix, & asphaltus, quanquam modicè siccant, tamen immodicè sunt calida. Ideoq; eis nemo vtetur solis, nec aliter, nisi cum leuiter refrigerantibus admistis, vnum ex omnibus medicamentum fecerit, quod sit temperatum. Temperatum enim sit cum caliditate tum frigiditate sarcoticum medicamentum oportet, si tamen & pars cui fuerit admoendum temperata existat: aliàs etenim tantum à medio in oppositum distet, est opus quantum pars ex aduerso ab eodem recesserit: ita vt parti calidissimæ frigidissimum, & frigidissimæ calidissimum admoeri medicamentum debeat. Præstabit ergo vulneribus purgatis melicraton infundere, quoniam in his & fundum petere, & carnem generare possit: pro læsionis nanque ratione non raro medicamentorum forma immutanda est: replet itaque vulnerum cavitates medicamentum quod recipit rosacei, resinæ, terebinthinæ, mellis singulorum, vncias duas, cerusæ, butyri, singulorum vnciam, alij etiam thuris vnciam addunt. Idem præstat Italicum appellatum: quod hoc modo facies, erinei (dico autem syluestris ficus) tenerum corticem oleo excoctum projceto, ceræ ru

fæ

Pau. Aegi.  
lib. 7.



fa quantum satis est in oleo liquefacito, & in lina-  
 menta illito vtitor. Quod si paulò humidiora iusto  
 vulnera fuerint, ex vsu erit medicamentum quod  
 habet resinæ, cære, vtriusque drach. duas terebin-  
 thinae veræ drach. tres, thuris, mastice, vtriusque  
 drach. vnam, mirræ, sarcocollæ, mumie sing. drach.  
 semis, olei mastice drach. quatuor, mellis rosati  
 colati drach. quatuor, farine hordei drach. vnam  
 & sem. ex quibus omnibus fiat vnguentū. Vel aliud  
 quod constat ex melle cocto, myrra, sarcocolla, &  
 aloë tritis simulque omnibus mistis. Vel etiam pul-  
 vis qui habet manne, thuris, iridis illiricæ, farine  
 orobi, aristolochiæ longæ, corticis opoponacis par-  
 tes æquales, quibus & cadmia lota addi potest. Vel  
 item alius pulvis ex lithargyrii, scorie ferri, cen-  
 taureæ minoris, aloës, thuris, & mastice partibus  
 æqualibus. Atqui communiter vsurpatur, vnguen-  
 tum rasinum vocatum, vel basilicum: illud recipit  
 terebinthina, resinæ vtriusque libr. tres olei libram  
 vnam, cære quantum sat sit ad vnguentum facien-  
 dum. Hoc vero duplicis formæ est, atque alterum  
 quod maius appellatur cære habet, resinæ pineæ,  
 mellis, picis græcæ, seui vacini, olei singulorum par-  
 tes æquales. Alterum autem quod minus dicitur,  
 habet resinæ, picis græcæ & colophonie pondera  
 æqualia. Quæ si debiliora aliquando videantur,  
 quam particula humiditatem superfluum absumere  
 valeant, vnguento vel damascenæ, vel iside robo-  
 rantur, si fortiora digestivo admisto remittuntur.



IO. FRANCISCVS ROTA

2. de compo.  
med. per ge.

14. meth.

Pro inde si quis nos roget, quale horum sit praestantius, succurrat, id quod identidem à me praedicatur respondere, omnia esse optima ei, qui affectus, quibus singula offeruntur, cognoscat: sicut & eos ignorantia omnia pessima. Sanè vero cum robustis corporibus valentiora medicamenta, imbecillis miriora sint adhibenda, pro illis, Isidis appellati rasino quartam vel dimidiam partem, vel plus minusue pro ut res postulabit, admiscebis: pro istis vero, damascenum ea symmetria, quæ necessaria tibi videbitur. Cæterum, quod & antea à Galeno, mox & à nobis in opere de introducendis Græcorum medicaminibus dictum est, in medicamentorum componendorum ratione versatissimus sis desidero. Nec enim officinae semper in promptu, unde hæc habeas sunt, nec parata ubique reperiuntur. Atque sint iam hæc quidē satis quò ad curationem horum vulnorum in carnosissimis partibus existentium attinet, iamq; ad nervorum, nervosarumque partium affectiones curandas transeamus: postea quomodo quibusq; medicaminibus cicatricem (est etenim par in his atque illis huiusce rei ratio) inducas, docturi.

De horum vulnorum in nervosis partibus existentium curatione. Cap. XX.

**N**ervorum igitur vulnera hæc contusa maxime cum sint promiscua cum Echimosi, seu carniū contusione habere generationem, facile indicat, similis



milis vtriusque affectus curatio. Vt nanque illic  
 (quod postea dicemus) digerentibus & adstringen-  
 tibus medicamentis vtemur: sic nō minus hic etiam  
 siccantibus, & adstringentibus nobis vtendum est:  
 præsertim dum cutis vnā cum neruo contusa exulce-  
 rataque est. Vulnerato igitur, contuso, atque attri-  
 to ab hisce tormentis neruo, cutim illesam esse haud  
 erit existimandum. Nerui autem nomine & ten-  
 dines, & syndesmos (ligamenta vocant) mihi in-  
 telligi propterea volo existimes, quod eiusdem spe-  
 cie cum sint, parumque natura differant: eandem  
 quoque, vel parum, adeo vt nihil ferè dicas diffe-  
 rentem curationem requirant, ac postulent. Itaque  
 his à tormentario globulo vulneratis & contusis, no-  
 strum oleum, quo virulentia venenosa obsistas, in-  
 fundes. Tum quoniam vbi tendones & nerui sunt  
 hic doloris, conuulsionis, & delirij periculum in-  
 stat, victum tenuiorem institues, sanguinem mittes,  
 & aluum purgabis. Sanè verò quam primum hac  
 ratione veneni facultatem extinxeris, atque dolo-  
 res ac inflammationes inhibueris, vlcus sic curato:  
 oui vitellum & terebinthinam gutatim optimè per-  
 misceto: crociq; parum (neruosis enim prodest par-  
 tibus) addito, & vtere: interimq; sedem affectam  
 circunquaque rosaceo perfundito, eiusque superio-  
 rem partem reprimente lenimento, deffensiuum vul-  
 go appellatum, obducito: atq; sic materiam coqui-  
 to: postea vlcus abstergito, & vt antea dictum est  
 carne repleto. Id autem vel in primis semper ha-



IO. FRANCISCVS ROTA

bendum curæ est, ne quid ex his quæ vulnus contingent frigidum sit. Atque quidem hoc facies ubi partem nervosam globulus transfonderit. Si namque infixus reslitterit: ante omnia eum ut eijcias tibi erit enitendum: quippè quod ab ipso in his summi dolores, ingentissimi cruciatus, intentissimæ inflammationes, gangræna, febres, convulsioncs, & deliria excitentur. Nec quidem percunctandum est, quando etiam non raro, hæc post eius educationem accidant. Tanto vero tibi ab his partibus educendis globulis, iucundius operandum erit, quanto hæc ceteris corporis omnibus partibus, dolorem magis sentiunt. Quare danda opera erit cum in primis in omnibus, tum verò maximè in his, quæ circa nervosas partes fiunt operationibus, ut brevi tempore, & citra dolorem, tum denique ut tutissimè cures. Tutissimè autem curabis, ubi quod aggredieris omninò absolues, vel sin minus cubantem saltem non ledes. Cito verò & iucundè rem expedies commodè, cum tui habita ratione, tum illius qui curatur, ac luminis. Quare quod & supra admonebamus. vulneratum in ea figura tibi constitues, in qua erat eo tempore, quo vulnus accepit: ita nanq; facilius & iucundius, quo telum tetenderit, specillo explorabis: & eum minore cum dolore eijcies: quod ubi præstiteris, omnia ut antea expositum est facies. Sanè vero si ad manus oleum nostrū non sit, id quod ex hyperico, vel ruta conficitur calidum iniicies, vel etiam vini stiptici affusionem utilem comperies.

Quæ



Quæ enim valenter siccare possunt contusis nervis  
 utilissima sunt : quæ autem humectare & mollire ,  
 contra quam carnosus partibus vna vulneratis con-  
 tusisque , inimicissima . In præsentiarum autem li-  
 cet cutis simul vna cum nervis contusa & ulcerata  
 sit, siccis tamen medicaminibus ideo est insistendum,  
 quoniam ipsorum præstâtia, hæc adeo superetur, vt  
 horum ratione solum habita, penitus ea negligenda  
 videatur. Atque ideo siccorum medicaminum vsus  
 oportunus iudicatur, vt quam primum in coali-  
 tum hi redigantur, atque corruptionis periculum  
 euitetur. Iam verò statim quis dubitabit an nervi  
 coalescere possint? Tum si contusi sint, cur non ma-  
 gis puris generatio sit molienda, quam omnino inhi-  
 benda? Primæ cuius dubitationis occasionem po-  
 tissimum Hippocrates præbet, quum dicat. Quan-  
 do os aut cartilago, aut nervus abscinditur in cor-  
 pore, non augetur. Quòd si quis eos vniri posse con-  
 tendat, Pauli fretus autoritate dicentis. Equise-  
 tum si illinatur, nervos quoque præcisos iungit: atq;  
 propterea dicat, Hippoc. sententiam frustra hoc  
 loco adduci, quod non de auctione, sed coitione, hic  
 ambigatur, audiat is eum alibi de his explicatius in  
 hunc modum differentem. Cum discissum fuerit os,  
 aut cartilago, aut nervus, aut genæ particula te-  
 nuis, vel præputium neque augetur, neq; coalescit.  
 Proinde his quæ dicentur mentem adhibeas oportet,  
 cum etenim ab Hippocrate recedere nefas sit,  
 neque Galenum, Aetium, & Paulum simul cœcu-  
 tisse

7 aphorism.  
 apho. 20.

Paul. Aegi.  
 lib. 4. cap. 37

Aeti. tetrab.  
 prim. ferm.  
 p. & Gal. 6.  
 de sim. med.  
 facul.

6 part. apho.  
 apho. 19.



IO. FRANCISCVS ROTA

Artis medi.  
cap. 91.

5. meth. cap.  
7.

6 meth. c. 5.

tisse est existimandum: res mihi maximè digna, quæ  
perpendatur, indicanda est. Itaque superiori apho-  
rismo, quæ corporis partes præcisæ, neque augean-  
tur, neque coalescant, Hippocrates docens, primam  
os proponit, quod cum frigidum sit & siccum, adeo-  
que durum, fractum coalescere haud potest. Hinc  
est quod Galenus ait, Fractura est continuitatis in  
osse solutio, quæ quantum ad primum attinet sco-  
pum insanabilis existit: quo ad secundum verò quo-  
dammodo sanabilis est. Primus igitur scopus est  
coalitus partium, qui ob ossis duriciem fieri non po-  
test. Secundus alligatio, quæ fit callo supernato par-  
tes fractas colligante. Quum etenim mollium tan-  
tum corporum in vnum coeundi sit habilitas, vt  
tum in externis videre licet, nullo nec lapide cum la-  
pide, nec testa cum testa coeunte, tum verò in nobis  
ipsis, quando nec cartilago cum cartilagine, nec os  
cum osse coalescat. Non enim fracta ossa per vnio-  
nem coherent, sed per callum ceu glutino iungun-  
tur. Quod certè intelligendum erit de ossibus iam  
duris & siccioribus. Puerorum enim ossa, vt potè  
mollia adhuc, coalescere possunt, vel etiam teste Ga-  
leno dicente. Quoniam fracti ossis soluta partium  
continuitas est, utique finis quò tendet is qui eas cu-  
rabit, saltem prius vnitio est. Quòd si is per affe-  
ctarum partium siccitatem perfici posse non videa-  
tur, restat alter, qui est vt alterius cuiusdam inter-  
uentu glutinentur: qui si nec ipse comparabilis ad-  
uertitur, insanabile esse vitium dixeris. Quod igi-  
tur



tur coalescere nequeat tam durum os, quàm id quod in iuuenibus, & adolescentibus, & viris, multoque magis in senibus cernitur, id profectò vel cuius patere potest. Potest certè illud tantum vnitionem recipere, quod abundè molle est, cuiusmodi conspicitur in pueris. Quin etiam alibi ait, Molle verò & puerile os coalescere potest. Pueros autem humida & mollia ossa habere, disertè idem Galenus docet, dum in hanc sententiam scribit, Est verò puellus adhuc in summo humidus, veluti muscus: idq; non in sanguinis vasis modo, & visceribus, ac carne, sed etiam ipsis ossibus, quæ scilicet siccissima sunt omnium, quæ in nobis sunt partium: verum cum hæc, tum reliqua tota vna cum ijs membra quasi cerea sint, infantium nutrices fingunt formantque. Tanta est in toto puellorum corpore humiditas, vt quidem facile hinc quis, si ossa coalescere sua substantia etiã, ac neutiquam vlla media possunt, longè facilius nervos substantia molliori, eodemq; humidiori vnionē sequi posse, existimet. Atqui animaduertat is oportet, & humiditatem & mollicitem qua ossibus nervi præstant, potissimum esse causam quo minus ipsi præcisi coalescant. Ossa nempe quæcunque mollissima fuerint, etiam si rimulas atque dyscissiones patiantur partes eorum abscedere haud necessarium est. Ad nervi vtcunque aut sicciore, aut humidiores fuerint, si præciantur, statim eorum partes vtrinque contractæ recedunt. Vt quidem cum ex semine originem habeant, tum regenerari nequeant, ob largæ  
enim

Artis medi.  
cap. 91a

2. de temp.  
cap. 2.

Nervos coalescere quid prohibeat.

Nervorum substantia cur non regeneretur



Artis medi.  
cap. 87. & p.  
de femine.

Philosteus 9  
apho. 19. 6.  
partic.

Responſio ad  
Galenū Aetii  
& Pauli au-  
thoritatem.

In neruorū  
contuſioni-  
bus quę pus  
mouent, cur  
non admo-  
uenda.

IO. FRANCISCVS ROTA

enim materiae penuriam non renascuntur. Tantum  
n. nullibi acceruatim contentum semen reperire li-  
cet, quantum vnumquodque eorum, quę deperdita  
sunt, indiget ad generationem: quin & cum per mul-  
tum tempus coaceruari posset, a præoccupante car-  
nis generatione impeditur. Tum quia non ob id so-  
lum quod nerui sunt & tenues non coalescunt, sed  
quoniam etiam & eo, quod talem habent naturam,  
capita non sunt, cum præcisi fuerint, parum distan-  
tia, cum tamen se se contingant, quę partes iungi  
viriq; debent, necessariissimum sit. Proinde quum  
vel prorsus auferantur e corpore, vel tantum diui-  
dantur, ideò Hippocrates dixit, eos neque augeri,  
neq; coalescere. Augentur enim, quę deficiunt: coa-  
lescunt autem, quę diuisa ac separata sunt. Quare  
rectè auctio dicitur deficientis restitutio: coalescen-  
tia autem orarum, quę ab inuicem deductæ sunt,  
vnitio & agglutinatio. Itaque Galenum, Aetium,  
& Paulum dicentes hippurim (caudam vocant  
equinam) iungere præcisos nervos, intelligere oportet,  
si vel non integrè præcisi fuerint, atque capita  
non vsque adeò seiuncta sint, quin se se adhuc con-  
tingant: vel potius si per longitudinem, non autem  
secundum latum ij sauci fuerint. Ceterū ob quam  
rationem in neruorum vulneribus, vel eorum etiam  
contuſionibus ipsis, ea quę pus mouent non admo-  
uenda censeamus, rationem dicere iam aggredia-  
mur. Porro huius rei causam, euitandi doloris ra-  
tionem statuimus: qui in his sanè ex eorum medica-  
men-



mentorum vsu, quibus in carnosiss partibus contusis  
utimur, ingentissimus excitaretur. hac siquidem ca-  
lida & humida cum sint, putredinem facere maxi-  
mè apta sunt: hanc autem in nervis euitare maximè  
oportet, quia scilicet motui atque sensui dicatas par-  
ticulas affligere & cruciare, quod maximè dum  
pus conficitur accidere est existimandum, non de-  
beamus. Adde si semel putruerint nerui, eos (quod  
antea ostensum est) iterum, secus quam caro ipsa,  
non generari: vt quidem maiori negotio, quàm car-  
nem, hos adseruare sit enitendum. Neq; enim quas-  
cunque contusiones computrescere aut necesse est,  
Hippocrates, vel Galenus dixerit: sed eas solum,  
quæ vulnera, nempe carnosarum partium incisio-  
nes, sequuntur. Atque hoc Hippocrates ipse aper-  
tè nos docet, vbi ait. Quodcunque vlcus cæsim per-  
cussimue acuto telo est diuisum, medicamentum enæ  
mon, & siccans, & quod suppurare vetet, admittit.  
Sin caro aliquo telo tum contusa, cum cæsa sit, huic  
ita medendum est, vt quam celerrimè suppuret; nam  
minus phlegmone vrgebitur, & necesse est carnes,  
quæ contusa cæsaq; sint, putrefactas, & in pus ver-  
sas liquari, postea nouam carnem nasci. Indicat  
enim hoc sermone manifestè solos eos vlceratarum  
carnium affectus non esse siccandos, in quibus gigni  
quam celerrimè pus cupimus: vtique quòd cum ali-  
qua putrescentia pus fiat obiter docens. Quinimo  
& paruas contusiones non rarò resolui, nequaquam  
verò in pus conuerti, quoties vidimus? Vt quidem  
hau

Cōtusiones  
oēs putresce-  
re, non esse  
necesse.

De ulcerib.  
& Gal. 4. me-  
thodi.



IO. FRANCISCVS ROTA

haud vulgarium Medicorum more, res ipsas ultra corticem non respicientium, nobis ea sit Hippocratis vsurpanda sententia, contusa scilicet in pus verti omnino esse necessum. Proinde alteri quoque satisfaciendum est dubitationi, nempe antea dictum est his vulneribus commodè nostrum infundi oleum, & quoq; communiter Medici id quod ex hyperico est (vulgo perforata dicitur) quoniam dolorem sedat, & conuulsionis periculum delet, infundunt. Atq; alij una etiam abietinum appellatum permiscunt, vel horum loco id quod vel ex terebinthina, vel vitellis ouorum conficitur accipiunt. Atqui oleum vel ipso Galeno teste cauis vulneribus vlceribusq; infusum aduersissimum omnium medicamentum est, cum si ita mederi velis vsu ipso intelliges sordidum ac malè olens vlcus fieri. Nec est vt quis dicat, fortasse dictorum oleorum affusionem, non infusionem vtilem esse. Non enim adeò rudes sumus, qui talem proposuissimus difficultatem: cum haud nos lateat, non parum interesse, nudo ne neruo oleum, an per interpositam cutem admoneatur: & dixerimus Medicos vlceribus in quibus contusi, & attriti sunt nerui oleum ex hyperico, nosq; nostrum maximo cum vsu infundere. Sanè igitur vlcera ab eo, quod ex oliuis atque inde propriissimo nomine oleum appellamus ladi, maximè verum est. At verò quod nos, atque alij rationales Medici infundimus siccare debet, tantum abest vt sordida reddere vlcera debeat. Porro olei ipsius quatuor genera enu-

3. Metho.



enumerantur, vnum quod ex oliuis maturis aut immaturis expressum oleum absolutè dicitur. Alterum quod ex seminibus oleaginis exprimitur. Tertium quod vi ignis tollitur aut descendit. Quartum quod oleo constat, sed cui plantarum partes ac animalium sunt incoctæ. Itaque de primo intelligens Galenus, dixit oleum vlceribus esse aduersissimum; quandoquidem tria alia genera, vel substantiæ cuiuspiam vulneribus utilis, succi sint, vel etiam olei floribus, fructibus, germinibus ac folijs in eo maceratis existat, his vsui etiam maximo esse poterunt, modo flores, fructus, germina, ac folia, quæ in eo macerata sint, hoc præstare valeant: quandoquidem pro cuiusq; iniectionum natura oleum variari contingat. Quinimmo his vtimur oleis tanquam vehiculo commodo conuenientibus medicaminibus defferendis, nempe tenuitate, qua pollent altius sese insinuantia, siccandiq; facultatem induta, nervos summo opere iuuare possunt. Caterum quæcunq; huc spectant, alibi ex professo latius pertractantes, ad osium fracturas, quas facit hoc telum, transeamus.

6. de simpl.  
med. fac.

De horum vulnerum, cum ossis fractura,  
curatione. Cap. XXI.

**H**æ autem sæpissimè fiunt, quoniam huius teli impetum ossa minimè ferant, uel quam rarissimè hosce globulos remorentur. Nempe inter multos, atq; multos sanè, quos tum in Parmensi tum Miran-



IO. FRANCISCVS ROTA

randulensi obsidione hoc tormento vulneratos cura-  
uimus, vni soli Veronensi sphaerulam ossi femoris  
infixam comperimus, eamq; inde negotio haudqua-  
quam leui eduximus. Tantus est etenim huius teli  
impetus, tanta est vis, vt quæq; ad resistendum ma-  
gis apta videntur, eadem magis lædantur: huius au-  
tem modi ossa cum sint, ab hoc, si occurrerint facile  
perfringuntur, atterunturq;. Animaduertere au-  
tem in his maximopere oportet, non semper sub ictu  
etiam vehementiori ossa infringi: quandoquidem  
solet euenire, nec raro, vt altera parte fuerit ictus,  
& altera os fiderit. Itaq; expendas in primis oportet,  
num glans plumbea totam partem transfode-  
rit, an intus adhæserit. Introque si adhuc maneat,  
an sola, an quid secum traxerit, diligentissime ob ea  
quæ superius repetita sunt, perpendes, eaq; omni  
studio educas. Terebra glandem si ossi infixam reman-  
serit, educes: in cuius rei magisterio vsui esse vncos  
ne tibi alicuius autoritate suadeas: itaque glandem  
infixam euulsurus cannulam prius rectè ad ipsam  
immites, mox terebra, quominus carnosas aut ner-  
uosas partes lædas, rem absolues. Euulso vel etiam  
emisso globulo, nihiloq; intus inhaerente, ossis sedem  
fractam, & fracturæ rationem consideres diligenter  
consulo: harum etenim diuersæ sunt species, & di-  
uersis ossium partibus accidunt: modoq; aliæ alijs  
faciliores curatu sunt, modo difficiliore. Lenius si  
quidem curantur, quæ vel per transversum, vel per  
longitudinem fiunt, & simplices sunt appellatæ fra-  
ctu-



*Fractura* : quibus & ea quæ oblique accidit, & paulo difficiliorem habet curationem addi potest. Atqui rarò sub his ictibus, tales fieri consueuerunt, quoniam ferè semper in his multifariam ossa frangantur. Caterum aut simplices, aut multifariæ hæ accidunt, quæcunque ossium capitibus proximiores contingunt, peiores iudicantur, nam & maiores cruciatus gignunt, & difficiliorem curationem habent: cuius item generis, & quæ iuxta articulos fiunt, esse solent: inter quas itaque quæ fragmenta acuta habuerint, pessimæ censentur, nam & carnem vulnerant, vel nervos quoque, vel musculos etiam & tendines pungunt. Cognoscuntur verò ossa per transversum præsertim esse fracta, si eorū partes disiunctæ separatæ ac variæ inueniuntur, si membri figura inæqualis percipiatur: atque si dum membrum dimouetur, & manu variè tractatur, ossa collidi sentiantur, & veluti crepitus quidam ex ea collisione audiantur. Per longitudinem verò factam esse fracturam conijcitur, ex non naturali scilicet partis affectæ crassitie, doloris inæqualitate, vel iudicio maximè. Sanè autem acuti atque pungentes dolores argumento comminuta esse ossa plurimum sunt. Ergo antequam dolores maiores fiant, suborianturque inflammationes, membrum ipsum, si transversim ossa fuerint fracta atque sua sede dimota, in naturalem figuram reducere studebis, quod tunc factum esse intelliges, si dolor fuerit ipse sublatus. Quòd si etiam articulum secum traxerit, luxationē prius

d      re-



IO. FRANCISCVS ROTA

restituas oportet, mox verò fracturam cures. Hoc autem primis diebus facere expedit, si quidem id si omissum fuerit, inflammatio oritur, sub qua difficile & periculose vis nervis adhibetur. Considerandum etiam in artubus est, qui duo ossa habent, cuiusmodi crura & brachia sunt, num alterum solum, an simul vtraque fracta sint: quoniam maiori negotio opus sit, fractis duobus ossibus reponendis, quam alteri tantum: non quod alia in eiusmodi casu curatio admouenda sit, sed primum ut valentius extendatur, si vtrunq; os fractum est; quia necesse est minus nervos contrahi altero osse integro, eosq; intendente: deinde ut curiosius omnia in continendis ossibus fiant, si neutrum alteri auxilio est. Nam ubi alterum integrum est, plus opis in eo quam in fascijs ferulisque est. Itaq; nec praterendum est, nonnunquam etiam fracta in his ossa in suis sedibus remanere, quod potissimum sub his ictibus, ubi scilicet alio quam vulnus existat, ossa frangi acciderit fieri animadvertes. Quo casu ad nostri imitationem, tibi tantum enitendum erit, ut fascijs & positione, naturalem partis figuram adserues, medicaminibus verò dolorem inflammationemq; effugas atq; vites C. Marsilij etenim Bononiensis iuuenis nobilissimi crus ita affectum cum inuenissem, ei que solus triduo manum admonissem, concinuum sibi q; adeo vsque simile crus erat, ut illud si vidiesses, ne quidem alterum os, ne dicam tibiam simul atque fibulam esse fractam, iudicasses. Ceterum Bononiam cum



cum peruenissemus (Mirandula enim, ubi vulnus  
 acceperat adueniebamus) mihi que iniungeretur so-  
 cius: is (existimo ut aliquid ultro prestare videre-  
 tur) crus ipsum, etiam me maxime reclamante, ma-  
 nibus varie pertractans, ossa ut exciderent, atque  
 aliud super aliud efferetur fecit, ut ne quidem po-  
 stea, nempe doloribus ingentissimis excitatis, nec  
 non ob id largius humoribus affluxis restitui potue-  
 rint, moxque, post etiam vitæ maximum discrimen  
 pessimè ferruminata remanserint. Quare his casi-  
 bus ut antea dictum est, ne membrum pertractes,  
 sed omni cura & industria id maxime ut in suo sta-  
 tu adserues, eniteris: si etenim in calvarie fractu-  
 ris, quibus fragmenta longius excurrunt non ad fi-  
 nem usque ea persequi Galenus censuit: quid opus  
 est has, in quibus minus impendet periculum, atque  
 non id sine discrimine fiat præter rationem uel usum  
 tractare? Verum maxime Medico illi indulgendum  
 censui, qui cum minus audiret, surdus nanque erat,  
 crepitus illos non sentiret, quos antea fieri in ossium  
 fractorum collisione, dicebamus: atque propterea  
 grauius incundeque minus ea pertractant: quantum  
 si quidem inter alios sensus, chirurgus auditus ne-  
 cessarius sit præterquam Galenus dixerit, à nobis  
 quoque ostensum in his libris est, quos de chirurgicis di-  
 sputationibus inscribemus. Ergo huiusmodi vul-  
 nera in primis oleo nostro perfundes, nec non his oui  
 albumen ex rosaceo immittes. Nec à nostra hac  
 sententia te renocet quod scriptum reperies, si ossis

d 2 fra-

6. methodi.



fracturae carnis quoque vulnus accessit, neq; rosaceum tutò admouetur, quandoquidē hāc vlcus tum fordidum, tum putre efficerent: etenim & omnino nostra hāc vulnera putrescant necessum est, contusa nanq; sunt, & venenosam sapiunt naturam: atque illud de communi oleo intelligi debet, à quo nostrum vi & natura, vel substantia quoq; tantum dissidet, quantum à nīe ipsa caligo. Itaq; & quae adstringant medicamenta, & humorum inhibere fluxum valeant superdanda sunt: huius generis est ex Armenia bolus, mastix, coralus, sanguis draconis, oleū rosaceum, myrteumq;: oui album, solani, sedi, portulacae, plantaginis succus, rosa, myrtus, rhus, mallicorium, posca, vinum nigrum, & similia. Atqui communiter sumitur lenimentum, quod recipit sanguis draconis, rubricae lemniae (bolum armenum vocant) rosarum rubearum, singulorum æquas portiones: olei rosati omphacini, olei myrtini, aceti acerrimi, & cere quod sat sit mediocris vnguenti introducendae formae: quo scilicet fasciola oblita pars membri affecti supra vulnus obducitur, eodemque circum oblinitur. Denique fasciae vino nigro austero, aut oxicroto frigido quidem aestate, tepido autem hyeme mandātes superligantur. Ferulae interim superdantur, vel non: haeque modo adstringuntur, modò remittuntur, prout scilicet vsus & necessitas postulare videtur. Quae tamē curandi ratio ab Hippocrate & Corn. Celsō non probatur. Hi enim pluribus tantummodo, & latioribus fascijs (ferulas ne vide-



videlicet comprimendo lædant, similiter & canales  
 omnino reiicientes) deligaturam in eiusmodi fractu-  
 ra, quæ cum vulnere incidit, fieri iubent, laxius sci-  
 licet quàm si ea plaga non esset: adeò vt affulcitæ  
 quidẽ, non compressæ tamen fasciæ ipsæ esse videan-  
 tur. Ita nanq; (inquit Celsus) numero fasciarum  
 efficietur, vt laxæ quoque æquè contineant. Ac sa-  
 tius quidem est, sæpius circuire, ut ante Celsum scri-  
 pserat Hippocrates quàm adstringi. Sed & in eas  
 fascias multiplices ingerendum subindè, eodem Cel-  
 so autore, est calidum oleum, & vinum, magisque  
 vbi sic cum vulnere fractura à principio incidit, fa-  
 me, idest exquisitiore victu vtendum, vulnus cali-  
 da aqua fouendum, frigusque omni ratione vitan-  
 dum, & transeundum ad medicamenta, quæ puri-  
 mouendo sunt: maiorque vulneri, quam ossi cura  
 adhibenda. Vt autem de hac re, quod ad ferularum  
 appositionem attinet, sic apud autores etiam exi-  
 mios controuersa, id quod res est semel statuamus,  
 hoc tibi tanquam axioma, idest, pronuntiatum esto.  
 Cum fractura cū vlcere interdum in longitudinem  
 membri contingit, tunc ex vtraq; vlceris parte fe-  
 rulas etiam ab ipso curationis principio circundare  
 licitum esto. Cum verò transuersum vlcus euasit,  
 idque maximè si maius sit, ferulas statim ne impo-  
 nito. At si squamula aliqua ex osse resoluitur (id  
 quidem ex eo colligi potest, quòd & copiosior, tenu-  
 iorque humor profluit, & caro circa vlcus laxa, &  
 mollis effecta intumescit) deligatura laxiore ad cu-  
 d 3 ratio-

Lib. 8.

Lib. 3. fract.

Si ossis pars  
 aliqua reces-  
 saria est.



rationem vtendum est, ne scilicet pus intercludatur, sed effluere facile queat: frequentiusque, vt consulit Hippocr. religandum, quoad os recesserit, ferulaeque non apponenda. Vbi verò vel hamulo, vel quopiam alio eiusmodi instrumento squammam euulseris, deligatura iterum validiore membrum adstringes. Porro per totum id, quo vlcus curatur tempus, medicamen aliquod ex his quae inflammationem arcent, linamentum continens vulnere incumbet, ac simplices fasciae iniiciuntur, quae singulis curationibus resoluentur, cum aliae supradictae remaneant. Inter haec autem, si quod paruulum fragmentum ossis eminet, si id retusum est, in suam sedem dandum: si acutum, antè acumen eius longius est praecidendum: si breuius limandum, & vtrinque (inquit Celsus) limandum. Tum ipsum recondendum est: ac si id manus facere non potest, vulsella (quali fabri vtuntur) iniicienda est, rectè se habenti capiti ab ea parte, quae sima est, vt ea parte qua gibba est, eminens os in suam sedem compellat. Si id maius est, & membranulis fragmenta cinguntur, sinere oportet ea sub medicamentis resolui, idque os vbi iam nudatum est, abscindere: quod maturius scilicet faciendum est, potestque ea ratione & os coire, & vulnus sanescere: illud suo tempore, hoc pro vt se habet. Nonnunquam etiam (inquit) in magno vulnere euenit, vt fragmenta quaedam velut emoriantur, neque cum ceteris coeant. Quod hic quoque ex modo fluentis humoris colligitur, quo magis necessaria

Si ossis fragmentum eminet.

Si fragmenta velut emoriantur.



cessarium est, sæpius vlcus resolvere, atque nutrire, sequitur verò, vt id os per se post aliquot dies excidat. Cæterum cum tam misera antea conditio vulneris sit, tamen id interdum maius, diutiusq; facies. Sæpe enim integra cutis osse abrumpitur, protinusque prurigo, & dolor oritur. Quæ soluere (si accidit) maturius oportet, & fouere aqua per æstatem frigida, per hyemem egelida. Deinde ceratum myrteum imponere. Interdum fractum quibusdam velut aculeis carnem vexat, quo à prurigine, & punctiombus cognito, aperire id melius, eosq; aculeos præcidere necesse habet. Reliqua verò curatio in utroque hoc casu eadem est, quæ vbi ictus protinus vulnus intulit. Hactenus Cor. Celsus de fractura cum vulnere facta. At verò si quis dubitet, an à prima statim circumuolutione, latiore fascia totum vlcus comprehendendum sit, ita vt nulla eius pars nuda relinquatur: an orbiculares fasciæ partibus vulneris utrobique, hoc est ab utraque vlcis parte iniici debeant, oblique verò supra ipsum vulnus in longitudinem collocandæ sint sic vt per decussim ad X litteræ similitudinem iuxta hiatum occlusio ex omnibus fiat: quid sentiam facile respondebo: si tamen antea adnotauero ulcerum ipsorum in primis naturam maximè esse perpendendam. Etenim si immineat adeò, vt etiam instare inflammatio ipsa videatur, nullam quidè circa ipsum vulnus esse faciendam fasciationem, vtilissimum duxero, cæterum adhibenda ad mouendaue omnia esse, quæ vel maximè

Vulnus iter  
dum maius  
efficiendū.

Si ossis frag-  
mēta uelut  
aculei carnē  
suppugant.



eius periculum tollere posse perspicuum sit dixerō. Tum itaque mihi anteaquam de fasciandi in vlceribus vbi fractura est, ratione, integrè deliberetur: animaduertendū operæ precium esse videtur, quantum temporis inter ipsas medicationes, interponi debeat. Quandoquidem si casu, percussione, saltu, uel quapiam simul offensione affectus acciderit, non ante triduum quidem, vel etiam Hippocrate & Galeno autore eum deteges. At verò si tormentaria hæc vulnera consideres, & immutanda certè medicamenta sæpius, & virus frequentius educendum intelliges. Cuius itaq; rei nomine in illis cum Hippocratem tum Galenum, in his verò rei occasionem, secteris, te maximè atque maximè consulo. Quare in his vlceribus ego etiam deligandi rationem imprimis præfero, quæ cum medicaminibus frequentius admonendis, immutandisque, tum sanici promptius extergendæ commodior videatur. Atque ideo in his vlceribus curandis, vt fasciandi quidem modus, qui decussatim fit non mihi displicet, ita nec eum damno, in quo è regione vlceris foramen in fascijs efficitur, per quod facillè medicamenta ipsa iniici vtilissimè etiam possunt. In his etenim præterea quòd minus affecta pars, quam si vlceri, fascia superdetur, tractatur, (quod in primis, si quid aliud vtilissimum est) & sæpius quoque & commodius vlceri mederi potest, & non semper eam religare oportet, ac ideo coalescere ossa melius possunt. Nempe & parti nuda & vlceri ipsi vbi  
ita



ita fasciatum sit, hapsim lane mollē tepido oleo repletum accommodare oportet, eumq; fasciola breviori superligare, vt & parti sit medicamento, & etiam quominus ea turgeat sit impedimento. Sanè verò quantum mihi hæ fasciandi rationes laudandæ sunt, tantum damnandus modus est ille, in quo linteo ab utroque capite in tres, quatuor, quinque, ac etiam plures partes diuiso membrum ipsum excipitur, moxq; inter se partes è regione respondentes deuinciuntur. Quoniam scilicet inæqualiter hæc modo pars ipsa ligetur, & inter nodos caro turgeat, nec non sub ipsis noxiè adeò præmatur, vt calori fermè transitus intercipiatur: quod sanè nisi ego quandoque animaduertissem, nobilissimi iuuenis cuiusdam crus, quod me inuito, ita Medicus alter, obligauerat, gangræna corripiebatur. Sanè verò si comminuta ossa sint, atq; frustula abscesserint, vt quidem indolenter educi possint, educantur: sin autem naturæ relinquantur, & quod Hippocrates monet fascia tantum laxior circumligetur, ne pus retineatur, sed exitum faciliè habeat, & dum os recedat, sæpius soluatur, ac deligetur: ferulæq; omnimodè vitentur. Ad vlcus verò eadem quæ & antea dicta est curatio adhibeatur. Atque si æstas fuerit, panni subindè vino madesiant: superdetur hyeme multa lana succida vino atque oleo respersa. Subijciaturq; pellis sic figurata, vt humor per ipsam faciliè descendat: & quod effunditur recipiatur. Cæterū si quid ad hoc spectet, sitq; id à me prætermis-  
sum

Hippocra<sup>3</sup>.  
de fract.



IO. FRANCISCVS ROTA  
sum Hippocratem, Galenumque à quibus hæc omnia exactissime sunt pertractata, consulas operæ-precium est.

Quomodo globulus, si articulo inhæserit,  
euelli debeat. Cap. XXII.

AT quoque ediscas utile est, qua ratione globulum si in articulo sese inter duo ossa demersit eijcere possis: quoniam in his sedibus maximos faciat dolores: & vix vnquam hæc vulnera, nisi quod infixum fuerit extrahatur, sanari queant. Ergo si statim post lesionem aduocaberis, vulnerario specillo in primis globum requires, moxq; terebra eum excipies, antea autem circa vulnus duo membra fasciis habenisue deliganda, tuncq; per has in diuersas partes diducenda sunt, vt nervos distendant. Quibus extentis laxius inter ossa spatium est, vt sine difficultate telum recipiatur. Non autem terebram solum ex vsu esse propterea existimes, sed & alia etiam instrumenta, pro vt occasio & necessitas postulare videbitur. Nempè aduocatus ego quandoque ab A. Zambeccario Equite duceq; militum strenuissimo, inscius quid abs me esset expetiturus cum aduenissem, Baptista Pisanus militum itaque dux generosus in maleolo multis antea diebus vulneratus se se obtulit, qui inter tibiam talumq; globulum quidem delitescens habebat, quo intensissime cruciabatur: tumque magis quod qui eum antea



ted curauerant, & qui ad huc eum curarent Medici, (duo enim illi astant) globulum euellere desperarent manum scilicet, aperiendi nomine admonere non audentes: veriti, existimo, tendinem, aut nervum quempiam, est enim pars ea maximè ex carnis, facile posse secare. Quod ego cum animaduertissem audacter rectè ulceris orificium nouacula aperui, specillumq; , quod altera parte cochlearis figuram immittatur, è regione globulo submisi, moxq; eius partem quam manu habebam paululum inferius deprepsi, vectisq; modo anteriorem globum leuavi, nec sine illorum Medicorum pudore eieci, perbelleq; ipsum sanitati restitui. Illud itaq; haud prætereundū est, partē lesam in eum esse statum componendū, quominus defluxiones suscipiat, aut si quas suscepit illas commodius effundat: quare in principio vel ipso Galeno autore acclinis positio utilis videtur quominus vel admittat vel recipiat humores: declinis autem cum iam defluerint, atq; expurgandi sint: æqualis verò cum horum neutrum vel adest, vel verendum est.

Si partem quampiam principem hoc telum offenderit, quid faciendum.

Cap. XXIII.

**A**T modo si pars aliqua princeps icta sit, puta cerebrum, cor, guttur, pulmo, iecur, venter, intestina, renes, uterus, aut vesica: si que letales iam no-

te



ta extent neque sine cruciatu & magna euulsione  
 queat fieri extractio, manū admolari recusabimus,  
 ne præterquam quod nihil sumus profecturi, etiam  
 conuitiandi occasionem idiotis exhibeamus: est enim  
 prudentis hominis, primum eum qui seruari non po-  
 test, non attingere. Quod si exitus fuerit incertus  
 metusq; grauis, sine tamen certa desperatione indi-  
 care necessarijs periclitantis in difficili spem esse ex-  
 pedit, ne si victa ars malo fuerit, vel ignorasse, vel  
 fefellisse videamur: mox manum ad mouere. Mul-  
 tis etenim accidit, vt abscessu quoq; in aliqua vita  
 necessaria parte oborto, præter opinionem salutem  
 consecuti sint, cum & iocinoris fibra, & omēti pars  
 aliqua vel abdominis membranae, quin etiam tota  
 vulua saepe numero adempta fuisset, nec mortem se-  
 cutam indè perhibeatur. Guttur etiam subindè in  
 anginis de industria inciditur, quemadmodum de  
 gutturi sectione ait Paulus. Si igitur in huiusmodi  
 telum relinquatur, in præsentaneam mortem præ-  
 cipitat, & præterquam quod hæc ars ab omni hu-  
 manitate aliena æstimabitur, mors etiam certa se-  
 quetur: si eximatur, fortasse salus quoq; comitabi-  
 tur. Porro principum membrorum vulnerationem  
 agnoscere difficile non est, vt quæ ex accidentium  
 proprietate, retrimētis, & loci affecti positura, de-  
 prehendantur. Verum tamen quia quædam vicina  
 sunt, interestq; an vulnus in summa parte sit, an pe-  
 nitus penetrauerit, necessarium videtur notas subij-  
 cere, per quas quid intus actum sit, scire possimus,

&amp;

Paul. Aegi.  
 lib. 6. cap. 33



& ex quibus vel spes, vel desperatio oritur. Igitur  
 corde percusso sanguis multus & niger, si exitum  
 habuerit, effertur, venæ languescunt, color palidif-  
 simus, sudores frigidi, maliq; odoris oriuntur, extre-  
 misq; partibus frigidis, matura mors sequitur. Pul-  
 mone verò iēto spirandi difficultas est, sanguis ex  
 plaga cum est patens, euacuatur, simulq; etiam spi-  
 ritus cum sono fertur, cum non est magis ex ore spu-  
 mans, venæ cervicis inturgescunt, lingua colorem  
 mutat, æger multum inspirat, frigidi apperens, in  
 vulnus inclinari iuuat, quidam sine ratione con-  
 surgunt, multi si in ipsum vulnus inclinati sunt lo-  
 quuntur: si in aliam partem obmutescunt. Sin cere-  
 brum, membranae eius vulnus accepit, dolor capi-  
 tis validus subsequitur, oculi feruent, rubentque,  
 lingua agitatur, mens desipit, ægri concidunt, vox  
 nihil sonat, sanguis per nares, quibusdam etiam per  
 aures exit, fereq; bilis vomitus insequitur: quorum-  
 dam sensus obtunduntur, appellatiq; ignorant quo-  
 rundam trux vultus est, faciesq; peruertitur: quo-  
 rundam oculi quasi resoluti, huc atque illuc mouen-  
 tur, fereq; tertio vel quinto die delirium accedit:  
 multorum etiam nervi distenduntur. Ante mortem  
 autem pleriq; fascias, quibus caput deligatum est,  
 lacerant, ac nudum vulnus frigori obijciunt. Iocino-  
 ris autem vulnerati notæ sunt, multus sub dextra  
 parte præcordiorum profusus sanguis, ad spinam re-  
 ducta præcordia, in ventrem cubandi dulcedo, pun-  
 ctiones, doloresq; vsque ad iugulum, iunctumq; ei  
 la-



IO. FRANCISCVS ROTA

latus scapularum, os intentum, quibus nonnunquam etiam biliosus vomitus accedit. Renibus vero percussis, dolor ad inguina, testiculosque descendit, difficulter urina redditur, eaque aut est cruenta, aut cruor fertur. At liene icto, sanguis niger à sinistra parte prorumpit, præcordia cum ventriculo ab eadem parte indurescunt, sitis ingens oritur, dolor ad ingulum, sicut iocinore vulnerato venit. At cum vulua percussa est, dolor inguinibus, & coxis, & fœmoribus est, sanguinis pars per vulnus, pars per naturale descendit, vomitus bilis insequitur. Quædam obmutescunt, quædam mente labuntur, quædam sui compotes, nervorum, oculorumque dolore urgeri se confitentur, morientesque tandem, eadem quæ corde vulnerato patiuntur. Vbi stomachus autem percussus est, singultus & uomitus bilis insequitur, si quid cibi vel potionis assumptum est, id redditur citò: venarum motus elanguescunt: sudores tennes oriuntur, per quos extremæ partes frigescent. Communes vero ieiuni intestini, & ventriculi vulnerati notæ sunt. Nam cibus, & potio per vulnus exeunt: præcordia indurescunt: nonnunquam bilis per os redditur. Intestino tantum sedes inferior est. Cætera intestina icta vel stercus, vel odorem eius exhibent. Medulla vero quæ in spina est discussa nervi resolvuntur, aut distenduntur: sensus intercidit, interposito tempore aliquo sine voluntate inferiores partes vel semen, vel urinam, vel etiam stercus excernunt. At si septum transversum percussum est,



est, præcordia sursum contrahuntur: spina dolet per totam humeri quidem partium compagem: spiritus rarus est, atque magnus cum gemitu: sanguis spumans fertur. Vesica verò vulnerata, dolent inguina: quod super pubem est, intenditur: pro vrina sanguis, aut ex ipso vulnere vrina descendit: stomachus afficitur. Itaque aut bilem vomunt, aut singultiant, frigus, & ex eo mors sequitur. Porro in his partibus, si vel tantillum adhuc spei supersit, quod antea dictum est, re ipsa ut se habet necessarijs indicata, vel ipso Hippocrate autore, qui dicit, Vesica discissa, aut cerebro, aut corde, aut septo transuerso, aut aliquo ex tenuioribus intestinis, aut ventriculo, aut iecore letale est, omni cura, omni que sollicitudine enitendum erit, ut opem feramus: nempe globulum eijciendo si infixus sit, eo instrumento, quod nobis familiarissimum est, & apprimè huic vsui utilissimum. Quòd si in vacuum globulus fuerit, puta abdominis amplitudine, aut thoracis cavitatem, vel eodem instrumento, vel altero quoque quod primum Io. Baptista Cannanus Sanctiss. D. N. Medicus meritisimus ostendit, & vulgo medicorum quoniam coli à quo mulieres filum fuso trabentes, torquentesque digitis nere conspiciamus, figuram referat, rocchetta dicitur. Quo quidem facto, si quid aliud vel si alias vnquam oleum nostrum theriacum infundendum est: id autem theriacum ideo nobis est appellatum quod ipsum ex theriaca conficiamus: quam equidem in omnibus vi tantum superat, quantum

6.aff.aph.18

tum.



IO. FRANCISCVS ROTA  
tum eadem ceteris medicaminibus præstare credi-  
tur. Atque propterea quoque hoc ipso, interim ta-  
men omnibus tum quæ ad euacuationem vniuersa-  
lem, tum particularem spectant, rectè pro ratione-  
que institutis adhibitisque, ad exactam vsque sana-  
tionem, perpetuò erit vtendum. Vel etiam eiusdem  
aliquid, si viscera tacta fuerint, erit exhibendum.  
At verò particulariter magis, si vulnus aut thora-  
cem, aut abdomen solum, illæsis vtique visceribus  
offenderit, (quod in Senensi obsidione contigisse vi-  
dimus Herculi Nouolarensi, cui globulus è pubis  
regione supra aqualiculum totum ventrem transfo-  
diendo iuxta spinam nullo leso viscere exierat) sin-  
gulis diebus nostri olei aliquid guttatim iniicies,  
moxque si vulnus sit in ventre cannulatum cunco-  
lum, si in pectore tortile linamentum quopiam con-  
coquente medicamento, quale id est, quod ex tere-  
binthina & vitello oui conficitur, illitum impones,  
atque sedem totam rosaceo perfundes, ac denique  
linteum eodem medicamento incrustatum superda-  
bis. Cumque apparuerit coctio, oriculario specillo se-  
dem abstergente quapiam lotione lauabis, huiusce  
generis ea est, quæ recipit mellis ros. vncias tres,  
mirrhæ, fœnugræci, farine lupinorum, singulorum  
vnciam dimidiam, vini albi dulcis libr. vnâ aquæ  
hordei, libr. duas omnibus mixtis, ad tertiasq; con-  
sumptis. Vel alia, quæ habet rosarum rubr. hordei,  
thuris, mirrhæ, aloes, zuccari, omnibus in aquæ vi-  
ni que equalibus portionibus ad tertias ebullitis.  
Hinc



Hinc conijcias licet vulnera, quæ in thorace fiunt, eandem prorsus curationē requirere, quam & quæ in abdomine accidunt: eo solum excepto, quod in ventre inferiori sanie superabundante, cannulatum cuneolum immittere licet, in thorace autem non licet, ob eam scilicet, quæ inde sequeretur spirituum resolutionem. Cæterum in his singulis omnia perinde ac in alijs dictum est vulneribus facienda erunt. Atqui in his vulneribus, quæ potissimum in thoracis partem elatiorem fiunt, sanies infrà labitur: unde facilè postmodum, etiam si vulnerati in vulnus inclinentur, non delabitur: quod facilè (omnibus nempe in deterius labentibus cognoscitur, increcente scilicet dolore, tussi, spiritus difficultate, nec non febre) aduertendum est nunquid alicubi tumor quispian appareat, ibique incidendum, sin verò minus inter quartam quintamque costas mendosas incisionem candenti ferro facere expedit, vt inde, priori vulnere coalescente, paulatim pus ipsum vacuetur: atq; hoc quidē vulnus vt alia curabis. Iā verò spina ipsa vulnerata conuulsionis maximum impendet periculum adhucque magis si huius medulla lesionem perceperit: cuius noxa si cerebro communicetur, illico deliria, vomitus, corporisque vniuersi conuulsio sequitur: sin minus inferiorum saltem membrorum, nervos in quam ab ipsa suscipientium resolutio oritur. Hanc autem eadem prorsus methodo, quæ curandis nervosis partibus antea tradita est, curare vtile erit. Pericardio autem, & corde transfixo

e      ni-

6. aph. 27. &  
7. 45.



IO. FRANCISCVS ROTA

p. de locis af-  
fect.

6. aph. 9. 10.

5. de locis af-  
fect. cap. 1.

nihil opus est Medico ignobilis etenim pars licet pericardios sit, facile tamen inflammatur, cordiq; proxima nimis, curationē non admittit. Cor itidē membrū, quod ad vitam pertinet, omniū nostri corporis præstantissimū nobilissimūq; atque ideo pati minime aptum nec abscessus, nec vulnera diu sustinet: tum quod vnum ceteris omnibus partibus opem ferre natum sit, innati siquidem caloris fons & origo existit: tum quod partes in ipso diuisæ agglutinari ex eius iugi motu non possint. Dictum est autem diu cor ipsum noxam non ferre, quoniam licet cor vulneratum mortem afferre necessario, vnum ex his sit, quæ inconfesso habentur, non tamen similiter semper id accidit: nam si ad ventrem cordis vulnus aliquando penetrauerit, protinus magno cum sanguinis fluore hominē mori necesse est, idq; præcipue, si sinistrae partis venter fuerit vulneratus: si verò nō ad ventrem vsq; pertingat, sed in cordis substantia consistat vulnus, ex ita affectis aliqui, non solum ea die qua vulnerati fuerunt, sed sequenti quoq; nocte viuere potuerunt, qui oborta deindē inflammatione extincti sunt. Quinimō & in suppurato qui post diuturnam affectionem obijerat, quemque ego in studiosorum plurium, vel Theodosii in primis piæ memoriæ, & Luccatelli gratiam dissecai obseruatum est ferme pericardium totum corruptum fuisse, maioremq; ipsius cordis, quod adhuc quidē, ob diutius scilicet putredinalem in eo adseruatū calorem palpitabat, partem exesam extitisse: vt quidem vl-  
cus



cus diutius tulisse facile credi possit. Iam verò pul-  
 mones ipsi nō impossibilem, sed difficilem tamen ha-  
 bent curationem, quod num ex naturali eorum mo-  
 tu accadat, vt pleriq; existimant, tu ipse ex Galeno  
 requiras cupio. Horū autem vulneribus mastiches, 5. metho  
 olibanum, tragacanthum, & gummi arabicum impo-  
 sita iuuant: ad hæc cibaria sorbilia exhibenda sunt,  
 cuius generis ptisana est cum penidijs: præterea si-  
 lentium ita vulneratis summoperè est seruandum et  
 quies, nec quidem antea thoracis vulnus coalescere  
 permitti debet, quàm pulmones ipsi sani fuerint. Sic  
 & vulnerato diaphragmate in parte sui carnosa,  
 discissa. n. eius media regione, quæ neruea est coale-  
 scit nunquā, cibarijs & potionibus tussientibus dica-  
 tis vtendum est: cæterum quod spectat ad reliquam  
 curationem, eadem sint, quæ paulo antea dicta sunt.  
 Iecur vero, lien, & renes si affecti fuerint, nec in his  
 vasa magna discissa fuerint, eadem methodo pror-  
 sus, qua & cætera viscera curanda sunt: modo id  
 animaduertatur, vt quàm celerrimè fieri possit cu-  
 rentur, natura scilicet in his egrè diuturniorem fe-  
 rente noxam, si quis autem ventriculum, intestina,  
 vesicam, venam cauam, aut magnam arteriam ab  
 his globulis vulneratam sanauerit, mirabile sanè,  
 ac diuinitus factum credi poterit.



IO. FRANCISCVS ROTA  
De his, quæ extrinsecus per vulnera inci-  
dunt, curationibusque eorum  
Cap. XXIIII.

**H**ic ordo felicitis curationis est. Sed quedam ta-  
men periculosa incidere consueverunt. Inter-  
dum enim sanguinis fluor superuenit. Interdum in-  
flammatio oboritur, vel erysipelas, vel herpes, vel  
gangræna, vel sideratio, non rarò œdema, scirrus  
etiam, potissimum si in articulo fuerit læsio. Inter-  
dum etiã vetustas vlcus occupat, induciturq; ei cal-  
lus, & circum oræ crassæ liuent, post quæ quicquid  
medicamentorum ingeritur parum proficit, quod  
ferè negligenter curato vlceri superuenit: hinc si-  
nus, hinc fistula, hinc ossium corruptiones, hinc hu-  
mida modo, modo sicca vlcera, hinc nervorum af-  
fectiones, eorundemque, ac membranarum reso-  
lutiones: quibus omnibus qua ratione sit occurren-  
dum, nunc edoceberis.

Curatio aduersus profusionem sanguinis in  
vulneribus. Cap. XXV.

**I**nconstans sanè, scio, oratio nostra plerisque vi-  
deri poterit, quæ antea quidem vulnera hæc cru-  
stam haud minus quam ab igne contrahere sic affir-  
mauerit, ut etiam, ab his sanguinẽ neutiquam flue-  
re multorum testimonio comprobauerit: in præsen-  
tiarum verò qua ratione sanguinis fluxus sistendus  
sit,



fit, differere proponat. Verum iam ne quis amplius admiretur, idem namque adhuc asserimus. Atque propterea à principio de sistendi sanguinem ratione, quod inter alia tamen primum in reliquis vulneribus fieri consuevit, nihil dictum est: & in hunc locum translatum hoc negotium est, quoniam quandoque post illius escharæ casum, vasis scilicet reclusis sanguinis sequatur eruptio, cui, curationi enim impedimēto esse potest, quomodo occurri possit iam differendum est. Proinde si profusionem sanguinis timemus, quod ex sede vulneris, & magnitudine eius, & ex impetu ruentis sanguinis intelligi potest, siccis linamentis vulnus implendum est, supraque imponenda spongia, ex aqua frigida expressa, ac manu super comprimenda. Si parum sic sanguis conquiescit, sæpius linamenta mutanda sunt. Et si sicca parum valent, aceto madefacienda sunt. Id vehemens ad sanguinem supprimendum est, ideoq; quidam id vulnere infundunt. Itidem & in his frigido utendum vnde fluit sanguis, aut fluxurus est, non ad ipsa, sed circa ipsa vnde influit. Quòd si ne adhuc quidem sic supprimatur: altius sistendi eum ratio repetenda est: nempe considerando quantum, qualiq; sanguine corpus ipsum redundet: qui si in eo copiosior videatur auertendus aliò est, cum scilicet eum ad proxima deriuando, tum ad contraria reuelendo: hinc frictiones partis oppositæ potissimumque per ea medicamenta, quæ calefaciant, vel aspero linteo, aut silicio etiam factæ: præterea vin-

5. aph. apho-  
rismo 23.



IO. FRANCISCVS ROTA

cula valentius obducta ijs, quæ ad contrarium reuocant, remedijs sunt adnumeranda. Porro & quod ad obturantia præsidia attinet, primò digiti sunt, vinculi, fasciæ. ipse itaque met sanguis, emplastica medicamenta, ignis, tum quedam medicamenta quæ ignea sunt, necnon quandoque etiam vasorum integra præcisio. Præter omnia autem iam dicta inter hæc hæmorrhagiæ remedia cēseatur & appositus vulneratæ partis situs: sanè verò appositus fuerit si ad geminum hunc finem sit directus; nèpè vt & dolore pars careat, & sursum spectet, alioquin non solum profluvium sistetur, sed etiam si non aderit prouocabitur. Ergo qui hæc nouerit, si quando astiterit ei cui ex vulnere sanguis profluat, illicò dissidentia labra suarum manuum opera in idem adducat necessum est: hæc autem adducet tum ligatura, tum adstringētibus præsijs, non enim aut venam aut arteriam suere fas est. Si autem neque propterea compescatur sanguis, digitum super os vasis imponat, blandè innitens ac sine dolore cōprimens: quippè simul tum sanguinē sistet tū eum concreescere in vulnere faciet. Iā vero adhuc sanguinis fluore procedente ad emplastica medicamenta est deueniendum, è quorum numero ea sunt quæ ex resina frixa, & tenuissimo farinæ triticeæ polline, & gipso, alijsque id genus sunt composita: in quem utique usum mihi maximè laudandus est Galeni ipse puluis, quo, quemadmodum ego soleo, vtaris cupio: thuris igitur partem vnā, aloes parti mediæ ad-



admisceto, mox cum utendi tempus instabit, tantum eius cum oui candido subigito, quantum mellis substantiæ crassitiem referat: quod omne de hinc leporis mollissimis pilis excipito, moxque tum vasi ipsi, tum vlceri vniverso liberaliter imposito: vbi-que copiosè ipsum imposueris, forinsecus fasciam tenuem versus vasis radicem obduces, vbi scilicet primo quatuor quinqueue amplexus ipsi profluenti vasi inieceris, ut in reliquis penè membrorum omnium deligaturis facere oportet: ideo autem penè omnium dico, propter cerebri membranas, in quibus vbi ab eis fluat sanguis, potius versus illas est mollienda ligatura, ne scilicet copiosius sanguis fluens, nullam animalibus spiritibus gignendis materiam relinquat. Itaq; non est in his committendum, vt in opere properes, veluti quidam stolidi chirurgici faciunt, sed altera manu vasis inferiorem partem comprimes, aut complexus tenebis, altera medicamentum vulneri impones, ac blandè ei apprimes donec concretum adhæserit. His factis vbi tertio die solueris si tutò adhuc medicamen vlceri adhæret, aliud rursus super impones, ac veluti linamentum id, quod ex pilis factum inhæsit, madefaciens deligabis, ita vt initio deligasti: sin prius sua sponte deciderit, radicē vasis digito blandè comprimes, quatenus videlicet nihil confluat, hoc quidem suspensa manu adimes, atq; nouum impone, ad huncq; modum quoad carne muniatur, vas curare debebis: vtiq; à principio ad finem particulam seruans supi

c 4      nam.



IO. FRANCISCVS ROTA

nam. oportunitum itaq; erit, vbi vel hoc vel aliud tale medicamentū admoueris, assistentem quempiam alternis manibus id leuiter comprimere: alternis autē dixi, ne scilicet manu plus iusto calefacta sanguis quoque magis aduocaretur. quare etiam per æstatem has sæpius frigidissimæ aquæ immergere vtilissimum censeo. At verò istis medicaminibus nisi profusio sistatur, nihil intermittas quin te ad urentia medicamenta crustamq; inducentia conuer-  
tas, ut potè quòd cum superflua sanguinis inanitione spiritus resoluantur, vires deficiant, nec rarò anima agatur: sunt autem hæc quæ vna cum calore adstringendi facultatem coniunctam habent. Sed alius rursus metus subest, ne nimis valenter ibi retenta materia magnam inflammationem postea moueat. Quæ res efficit, ut neq; rodentibus medicamentis, neque adurentibus & ob id ipsum inducentibus crustam, sit utendum, quanuis pleraq; ex his sanguinem supprimunt. Sed si semel ad ea decurritur, potius quæ mitius idem efficiunt, talia sunt, misy, calcithis, fori, dyphrises, atq; calcanthum uel usta, uel inusta modo tamen lota sint. Quod si illa quoq; profluuiò vincuntur, venæ quæ sanguinem fundunt apprehendendæ, circaque id quod dictum est duobus locis deligandæ, intercidendæque sunt, vt & in se ipsæ coeant, & nihilominus ora præclusa habeant. Vbi ne id quidem res patitur, possunt ferro candenti aduri, modo alia ratione sanguis comprimi nequeat. Atqui quoniam tum ignis tum quæ crustam  
fa-



faciunt, vbi ea decidit, magis nudam partem, quā pro ipsius naturali habitu derelinquunt: in his quisquis methodo administrare omnia volet, is modos omnes quibus sanguis supprimatur longè antea consideret, tum eum eligat, qui minori sit cum periculo, vtens non minus & reliquis omnibus, quoties necessitas vrgeat. Tutius autem sistentium sanguinem genus ego censeo, eoq; vtendum suadeo, quod suo lentore meatus obstruit, quam quod crustam efficiat: cuius rei rationem ex Galeno tu ipse perpendere poteris. Si autem arterias sit, quæ sanguinem profundat, duorum alterum facias oportet, vel eam vinculo obstringas, vel totam omnino præscindas. Sanè vinculum magnis quoque venis injicere interdum cogimur, interdum totas præcidere utiq; transuersas: quippè ita retrahitur ex vtraq; parte pars vtraque, celaturq;, ac integitur à superiacentibus corporibus vulnus. Tutius autem est vtrunq; facere, & vinculum vasis radici injicere, & quod deinceps habetur præcidere. Moxq; implendum carne vulnus ea ratione, qua superius dictum est.

5. methodi.

Curatio aduersus horum vulnerum inflammationem. Cap. XXVI.

ET aduersus profusionem quidem in his auxilium est. Aduersus inflammationem autem in ipso sanguinis cursu, ea timeri possunt, vbi laesum est vel os, vel neruus, vel cartilago, vel musculus: aut  
vbi



IO. FRANCISCVS ROTA

ubi parum sanguinis pro modo vulneris fluxit, ut  
propterea quidem superius euitanda inflammatio-  
nis nomine, à quibuscunque recenter factis vulne-  
ribus, vel ipso Galeno autore, sanguinem fluere esse  
oportuniſſimum dictum sit. Sed iam verò non quo-  
modo hæc prohibeatur: verum qua ratione si facta  
fuerit, tollatur, dicamus. Ergo quoties quid tale erit,  
considerare vniuersi corporis habitum expedit, atq;  
si sanguineus is existat etiam si nō amplius ad affectū  
sedē sanguinis conſluat, non ex vlcere solū eum aduo-  
care, pati q; fluere tutum erit, sed mitti ex brachio  
quoq; debet, mox q; inflammata sedi emplastrum  
admouendū est ex dulci malo granato, vino nigro au-  
stero incocto factum: vel aliud quod recipit mal-  
uam, violariam, & fursures aque vinoq; incoctos:  
itaq; & vtile est oxicratum superfundere: vel vn-  
guentum de lithargirio, aut de cerussa, aut de ouis,  
quod album Pauli quidā appellant, oblinere. Quod  
si vna dolor affligat, emplastro ex pane lacte inco-  
cto, ouorumq; vitellis & rosaceo, nec non croci pau-  
xillo additis is leuetur: vel & rosacei ipsius profu-  
sione, quandoquidem sedando dolori longè magis  
est studendum, quam vlcus sordidum reddi sit ve-  
rendum. Quies autem & inedia plurimum iuuant.  
Quòd si tendo, vel neruus latus videbitur, præci-  
dendus erit, nam percussus mortiferus est, præcisus  
sanitatē recipit. Sanguine aut vel supresso si nimius  
erumpit, vel exhausto, si per se parum fluxit, longè  
optimum est, vulnus, ut antea dicebamus glutinari.

Erysi-



DE BELLI TORMENT. VVLN. 206  
Erysipelatis vulneribus superuenientis  
curatio. Cap. XXVII.

**O**ccupat & non raro partes vulneratas, vel etiam vulnera ipsa, biliosa defluxio, Græcis erysipelas dicitur, sua quippè mobilitate excitata, & calore vlceris, aut dolore accersita: aduersus quam vel ne fiat, vel si facta sit vt tollatur enitendum est. Vbicunque igitur periculum fuerit ne ea superueniat, quod facile vel ipso Galeno autore, præfagiri potest, quum ex aliqua nota eius principium deprehenditur: puta si vlceratus locus iam incalescat, vel doleat, aut colorem ex flauo rubicundum, seu aliam notam quantumuis exiguam præferat, verendum est ne erysipela subsequatur, quam suspicionem augere potest, natura ægrotantis, ulceris habitus, tempus, anni, regio, & cætera eius generis: enitendum erit quod influit repellere, incipientem ardorem coercere, siccareque id materiæ, quod iam receptum fuerit. Quod quidem præstabunt, quæcunque frigorifica virtute influentem materiam retundunt, repelluntque; acceruatam verò modicè mediocriterque calfacientium & humectantium beneficio dissipent, priusquam particula aut liuorem contrahat, aut certè nigrescat. Hoc enim per initia refrigerari desiderat, ac potissimum cum sine manifesta sit occasione: digeri verò & exiccari quando iam eius abierit feruor: illud præstant solanum, semperuium, portulaca, vmbilicus veneris, psyllium, alter-

Imminentis  
erysipelatis  
signa.

Aduenienti  
erysipelati  
quò occurre  
dum

2. ad Glau.



IO. FRANCISCVS ROTA

Arabū error

6 aphorif.  
aph. 25.

Hipp. de ul.  
eribus .

lib. 5. cap. 26

Tertia quar  
ti .

altercum, lenticula palustris, intybum, caratum ex  
aqua admodum gelida, tumque si æstas fuerit vna  
accerbæ succus cum portulacæ, vel semperuiui suc-  
co vsui accommodabitur: quale autē omphacinum  
hoc esse oporteat, videas in nostro de introducendis  
Græcorum medicaminibus licet. His adde mandra-  
goræ succum, meconium, opium, glaucium, lactu-  
cam, polygonon, alsine, atq; trifolium, sed non om-  
ne, atque oxicraton. Psyllij autem succum, vbi so-  
lani succus non adsit, commodè recipies, nempè se-  
cundi refrigerantium ordinis habetur, sicut sola-  
num: in desiccando verò, & humectando medium  
quodammodo est, & symmetrū: ne putes cum Ara-  
bibus corticem frigidum gradu quarto, medullam  
gradu quarto calidam. At verò uel adhuc fiat, uel  
iā factum sit erysipelas, horū nullum nisi post corpo-  
ris purgationem admouebis: nam ante hanc tutum  
non est fluxionem ex ignobili parte intrò repellere,  
timendum enim est ne in princeps membrum fera-  
tur, ut propterea dixerit Hippocrates, Erysipelas  
ab exterioribus verti ad interiora non est bonum,  
ab interioribus autem ad exteriora bonum. Atq;  
ideo cuicunq; vlceri superueniat erysipela purga-  
re corpus conuenit seu deiectione, seu vomitu, pro  
ut vlceri præstabit. Nunquid enim & sanguis de-  
trahendus sit aliqui ambigunt, dicente Cornelio Cel-  
so, vel etiam Auicenna, Oportet si vires patiuntur  
sanguinem mittere. Consideres autem tu antea ope-  
ræpretium est, num iam erysipelas superuenerit, an  
so-



solum superveniat sit periculum : atque adhuc si superuenerit, an simplex atq; exquisitum, an mixtum & non simplex id existat, vlcera tum uel non, & an partes vlcera adiacentes solas apprehenderit, an una quoque ulcus. Quod si cum ijs vlcus etiam teneatur, id purum sit an sordidum sit videas opus est. Porro imminente erysipelatis periculo, si quid ipsum irriter, id omne submouendum est; si interna sit causa, purgandum est corpus cathartico bilimducente: nunc enim erysipelas aut erysipelatis periculum proponitur, cuius causa est flaua bilis. Nec quidem hoc casu tibi expectanda est materiae concoctio: tenuis enim adeoq; substantia fluxilis est cholera ipsa ut quā facillimè moueatur, educaturq; Itaque ea educa, si quid adhuc supererit eius acuitatem syrupo de succo acetosæ, de succo endiniæ, ex aqua plantaginis, acetosæ, rosacæ, vel similibus retundes: interim tamen refrigerantibus ipsis adstringentia quoq; admiscens: cuiusmodi syrupus est rosatus, acetosus, uel myrtinus: ita namque præterea quod humoris huius qualitati acri oppugnaveris, eiusdem quoq; fluxionem in patientem particulam inhibebis: his adde uictus rationem tenuissimam, interimq; frigidam esse iniungendam. Quod si iam defluxio partes ulcra proximas occupare inceperit, humoris ipsius cursus auertendo quam longissimè ab ea parte, ad quam confluit attrahendus est, idq; tunc maximè quum maximo impetu fertur: quare vlcera situ inspecto facillè intelliges vomitu

ne



10. FRANCISCVS ROTA

Vomitum in  
ulcerib quib  
bus excitand  
us, i quibus  
que deiectione

Erysipelati  
actu frigida  
medicamenta  
ad mouenda  
sunt

In erysipela  
te curando  
duo obserua  
da.

ne an alui deiectione purgare hominem expediat. Quum plaga in superioribus partibus est, satius est, si humores non ultra profluunt, ad vomitum confugere: si usque irrumpunt, sollicitare aluum: è contrario quum violantur partes inferiores, si humorum impetus cessauit, ducere aluum præstat: si manet, excitare vomitum. Atque tunc quidem sedem affectam refrigerare (refrigerari enim per initia erysipelas desiderat) succo plantaginis, solani, semperuiui, & similibus expedit, cauendum siquidem ab his succis maximè est, qui tametsi refrigerent, emolliendi quoque facultatem possident, cuius generis maluæ, lactuæ, violariæ atque similibus succi sunt; hi etenim faciliè ad suppurationem erysipelas ipsum perducerent. Itaque horum succorum aliquem aliquoties admoturus, actu frigidos ad mouendos esse, donec scilicet vehemens ipsius ardor subsadat, scias oportet; tum & quæ subindè aduentitia qualitate frigida erysipelatosi affectibus succurrunt immutanda esse: maximè ubi exactum erysipelas atq; citrà phlegmonem fuerit: etenim hoc summè refrigerari) semper enim ab æquali medicamentorum excessu, cōtrarius naturæ excessus abigendus est) desiderare iam dictum est. Proindè duo obserues summo pere necessarium est, tum vt medicamenta cum incaluerint (aliàs etenim affectus augeretur) remoueas, eorumq; loco frigida denuo reponas: tum ne lintea his madentia supra partem laborantem siccari permittas, ne illa amoturus cutis sequatur, atque



que ita vlcus quod maximè verendum est, gignan-  
 tur. Iam verò hæc omnia facias, si simplex & genui-  
 num erysipelas sit, satis fuerit, si adiecero, quòd si  
 exigua sit affectio, non vt in magnis quidē ventrem  
 medicamento quod flauam bilem ducat, purgare sit  
 necessum: sed abundè erit acri vti, chlystere, tum  
 quòd ne sanguis quoq; ex uena in hisce necessario  
 mittatur, ad hæc etiam quod cum iam huius feruor  
 abierit, conferat scarificare, & cataplasma ex hor-  
 deacea farina calidum imponere, & ceratū, aliud-  
 que simile medicamentum, quod digerendi uim ob-  
 tineat. Quæ etiam erysipelati ex vlcere factò, vel  
 similiter manifestas habenti causas, statim admota,  
 præsertim loco antea scarificato, vsui accommoda-  
 bunt. At verò si nothum, mixtumq; erysipelas exi-  
 stat, potissimumq; ex inflammatione, à uincente hu-  
 more denominationem, & curationis quoque ini-  
 tium sortitur: superante enim sanguine bilim phleg-  
 mon erysipelatodes, superante autem bili sangui-  
 nem erysipelas phlegmonode, neutro vincente in-  
 flammatio, & erysipelas dicetur. Memor igitur eo-  
 rum, quæ de curatione cum inflammationis, tum ery-  
 sipelatis à me dicta sunt, his facile curationem adhi-  
 bebis. Ergo cum vterq; affectus calidus sit, & ex  
 humorum defluxione fiat, vterq; & refrigerari, &  
 euacuari communiter desiderabit: quoniam verò in-  
 flammatio quantitate, erysipelas qualitate magis  
 premat, hoc magis refrigerari, & minus vacuari:  
 illa contra magis vacuari, & minus refrigerari de-  
 be-



Erysipelas &  
inflammatio  
quid differant.

Cel. & Princeps  
cur in erysipelate  
sang. mittē.  
dixerit.

Comē. 5. in  
textum Epi-  
demi.

De ulcerib.

bebit. Erysipelas enim sanguinis vacationem, & quæ validè repellant, medicamenta respuit: refrigerantia verò maximè requirit: contra inflammatio totius corporis vacationem, quæ permissionem sanguinis fit, & quæ vehemēter reprimant, medicamenta efflagitat. Cum igitur in hac mixtione affectus alter alterum superat, ei quod magis vincit semper repugnandum. Cum verò neuter superat, mixta quo ad fieri potest, curatio est adhibenda. Itaque constat & in quibus sanguinem mittere vel non necessarium sit, quoniam verò quam rarissimè accidit simplex & purum fieri erysipelas, plurimumq; inflammationi iungitur, si vires ferant, & à Celso & à Principe dictum est in his sanguinem mittere esse oportunum. Vbi verò erysipelate ulcus ipsum teneatur, an sordidum, an purum id existat in primis animadvertere oportet: si quidem si ulcus purum sit, presidia, quæ ad inflammationem dantur leuiora esse debent, cuiusmodi lenticula est, quæ nec nimis calefacit, nec nimis refrigerat, ut quæ mediam naturam habeat, sed siccet, & valenter adstringit, quam Galenus asserit utiliter imponi ulceribus inflammatis, quum ob astringendi vim inflammationem coerceat, reprimatque, & ubi necesse sit, humorem insidentem concoquat, & in pus conuertat: hæc autem, ut adhuc magis repellendi intendatur proprietas, vult Hippocr. ut ex vino inferueat, austero intellige: atq; ut olei quoq; misceatur modicum, ut ex omnibus mixtura fiat quæ commodè



modè illinatur, & possit etiam mollire. Neque oleum suspectum esse nobis debet, quum & modicum accipiatur, & ad vlcus detur quod iam parum est; tunc verò timendum esset vbi vel copiosè adhiberetur, vel vlcus sordidum esset: adde huic affectui dicatis medicaminibus semper quodpiam digerens, cuiusmodi oleum est oportunissimè permisceri, ne scilicet ex diuturniori frigidorum vsu halitus inhibeat, atque durities quæpiam relinquatur. Si autem sordidum vlcus quod erysipellate laboret, extiterit, glasti folia conterens cum lino cruda imposito, aut cataplasma, quod linum habeat ex solani, vel glasti succo dilutum: quæ quum purgandi ac detergendi facultatem habeant, pertinere ad vlcera sordida magis quàm pura videntur: acria enim cum sint, illis dolorem afferent: his autem non æque, quoniam caro quæ sorde protegitur, medicamenti acrimoniam, sicut quæ pura est, non sentit, interponitur enim sordes inter carnem & medicamentum. Hæc autem tepida imponenda esse, & nullo modo frigida clarius est, quam vt à me, aut ab Hippocrate exponi debeat, qui vbi vlcus sit, cauere frigus voluit, quamuis alioquin erysipelæ saluberrimum foret. At verò erysipelas exulcerari si acciderit, vnguento de lithargirio, vel albis vnguentis cuiusmodi illud est quod de cerusa dicitur, & alterum de ouis, quod iam antea dictum est album Pauli aliquibus esse appellatum curetur.

Oleum non  
semper ulce-  
rib, suspectū

Oleo qua ra-  
tione in ul-  
cerib, utēdū.

f Vul-



IO. FRANCISCVS ROTA  
*Vulnerum horum in vlcera degenerantium  
curatio. Cap. XXVIII.*

**Q**uod vulnera à tormentis bellicis facta malam  
prorsusq; veneficam qualitatē habeant,  
tametsi satis in superioribus ostensum sit, potissimū  
tamen & hinc colligi potest, quod quæ aliter acci-  
dunt, nec sæpe adeo, nec tot infestentur periculis: at  
verò in his licet leuiter cōmittatur, seuiſſima fiunt  
accidentia, herpetes, phagadenæ (quas Hippocra-  
tes *ὀφθαλμοὺς* appellare solet) gangrænæ, syderationes  
& huiusce generis alia patiētibus quidem grauiā,  
atq; Medicis non leuiter negotiosa. Igitur vbi vul-  
nus aut corporis culpa, aut ægri, aut Medici errore  
ad vlcus conuersum sit, causa, (vbi manifesta sit)  
omnino submouenda est: mox verò plus minusue,  
pro humoris crassitie aut tenuitate potenti medica-  
mento est opus. Recordare autem quod à nobis an-  
tea dictum est non omni naturæ eadem medica-  
ta conuenire, sed debiliori mollioriq; molliora vali-  
diori validiora esse adhibenda. Neq; enim tolerat  
debilis natura potentiora. Quare quicumq; recta  
via medicandi procedet, vbi ægri naturam conside-  
rauit, statim dignoscit quo medicamento vlcus indi-  
get. Quum autem medicamentum incarnans adhi-  
buerit, & nihil profecerit, sic quodā modo ad aliud  
transire oportet. Nam si ampliores sordes fuerint,  
& humidius vlcus, nosse debet, quod medicamen-  
tum minus, quàm oportuit resiccavit: quapropter mel-



mellis ammixtione vires eius intendet. Si verò purum & humiditatis exors vlcus compererit, plusquam debuit resiccavit: quare oleum ammiscebit, & ceratum liquidum admouebit. Atque quidem in his summa diligentia utendum est: contingit enim aliquando, vt à fortiore medicamento vlcus caro colliquetur, & sordidum ac humidum appareat vlcus, velut ea, quæ minus quàm oportuit sunt resiccata. Verum hoc à peritis facile dignoscitur: vlcus .n. eliquatum cavius se ipso efficitur, & labia protuberantia habet, rubet, iam & inflammationem habet, & æger sæpe manifestò mordacitatem percipit. Alterum autem vlcus, quod minus resiccatum est, tale nihil consequens habet. Proindè vlcera, quæcunq; benigna fuerint, atque omnis malitiæ expertia tibi sarcoticis erunt medicanda: erunt autem incarnantia hæc eligenda pro ratione, quod etiam antea dictum est, complexionis particule affectæ: hinc alijs thus, alijs aloes satis fuerit, alijs rasinum appellatum vnguentum, alijs viride: si autem hæc caua fuerint, lauanda prius vino erunt, mox verò thus, mirrha, sarcocolla, & iride inspergenda. Alia autem sexcenta medicamenta eodem modo miscere potes. Nunc enim satis esse existimo in singulis vnum aliquod tibi subscribere, futurum monumentum simul & exemplum eius, quæ in alijs est facultatis. Itaq; si in vlceribus caro ita supercreuerit, vt æqualitatem excedat, usui sunt medicamenta fortiter siccantia, quale est flos æris, testacca omnia vsta



10. FRANCISCVS ROTA  
 alumen vstum, mysi, chalcitis, attramentum suto-  
 rium, vel medicamentum, quod etiam ad maligna  
 vlcera facit, & carnes fungis similes cum melle re-  
 purgat, & cum cerato replet: quod recipit squamæ  
 æris, calcis viuæ, manna, thuris æquales par-  
 tes. Inter vnguenta idē præstant vnguentum, quod  
 quoniam ex duodecim constat rebus Apostolorum  
 vocatur, & Aegyptiū. Illud aliquibus recipit am-  
 moniaci drach. vnam. bdellij, olibani, aristolochiæ,  
 sarcocollæ singulorum drach. v. mirrhæ, galbani  
 vtriusq; drach. iiij. spumæ argenti drac. quindecim,  
 aloes, opopanacis, vniuscuiusq; drach. duas, floris  
 æris drach. tres, rasine drach. quatuor, ceræ albæ  
 drac. duas, olei communis quod sat sit. Alijs autem  
 recipit lithargyrii vncias viginti quinque, ammo-  
 niaci vncias nouem, colophonie vncias sexdecim,  
 æruginis, galbani vtriusq; vncias duas, bdellij, opo-  
 panacis singulorum vncias tres, aristolo. longæ vel  
 etiam rotundæ, thuris masculi singulorum vnc. sex,  
 mirrhæ vncias quatuor, ceræ, olei, singulorum li-  
 bras duas. Cuius usus nisi profecerit, ægyptiaco erit  
 vtendum, vel alio potentius erodente quopiam, cu-  
 iusmodi calchantum est, vel vstum, vel non vstum:  
 in quorum omnium vsu, tibi semper memoriæ esto,  
 adiacentes particulas frigidis medicaminibus esse  
 communiendas. Quod si ex fluente aliunde materia  
 hoc accidere coniicias, corporis habitum inspicias  
 oportet, vbiq; humores redundare cognoueris (πλη-  
 τοραμ. Græci vocant) eos euacuato: sin verò male  
 affe-



affectos eosdem esse videris (κακῆξι' a dicitur) illos purgato, sedemque affectam, ne facile hos recipiat roborato: atq; membra affecta maximè quietem exposcere perpetuo memento. Vbi autem maligno occurreris vlceri, scalpello, vel etiam ignito ad optimam vsq; carnem te incidere volo, posteaque escharæ casui studeto, mox vngueto de minio ex se, vel ex tutia mixto absolutam consolidationem vsq; assequere. Subnigro autem, aut viridi, aut fusco existente ulcere illud scarificato, lixiuiq; sal habente, quo magis sanguis aduocetur, lauato: ac tandē candenti ferro, aut vrente medicamento vrito. Quod idem in vlceribus putridis, cognoscuntur enim hæc ex virus qualitate, facito. Iam uerò ad gangrænam vlcere conuerso, quicquid superficietenus denigratum videris abradito, atq; etiam optimam carnem altius scarificato: si ne ita quidem sistatur, ac ad syderationem, quam Græci σφάκελον nominant, & sensus ac motus integra est deperditio transitum fecerit (id autem cognoscitur vbi membrum acu transfixum nihil sentiat) illicò membrum rescindito, putridumq; abijcito. Atq; ut hæc quidem fiunt nec raro à principio, ita etiam breui, adhibita diligentia sanantur. Sunt verò quedā, quæ diuturniora sunt, neq; cicatricem admittunt: sunt & alia quæ post obductam cicatricem rursus rumpuntur. Hæc circumglabra fiunt, & squamulas è summa parte dimittunt, nam qui ita afficiuntur, prauos ad partem confluens humores habent, qui vlcus erodunt, neque

f 3 enim

Sexto apho.  
aph. 4.



IO. FRANCISCVS ROTA

Apho. 6.  
com. 45.

Sexta part.  
aph. apho-  
rismo. 45.

enim radices pilorum possunt corrumpere, loca au-  
tem vlcerata permittere ad cicatricem peruenire.  
Illa post receptam cicatricem non multo tempore  
interposito inflammantur ac refringuntur: in qua re  
videtur experientia rationi adstipulari, fit enim  
hoc talem aliquam ob causam. Quando ex adhibi-  
tis medicamentis caro, quæ ossi superiacet patienti,  
exsiccata contraxerit cicatricem, statim quidem in  
regra sanitas restituta videtur. Rursus verò pau-  
latim aliqua influente sanie ex osse corrupto, in par-  
te penitior iterum aduenit inflammatio, & puris  
generatio consequitur, à quo cicatrix eroditur caro  
vero exulceratur. Atq; ideo illorum ulcerum, quæ  
ob malorum atque corruptorum humorum influ-  
xum cicatricem non admittunt, sanatio ab illorum  
purgatione erit petenda; horum verò quæ ossis cor-  
rupti nomine reuiuiscunt, hætenus curatio insti-  
tuenda est, quatenus squama affecti ossis exci-  
dat: dicente ob id Hippocrate, *Vlcera quæcunque  
annua sunt, aut etiam diuturniora os abscedere est  
necessarium, & cicatrices cauas fieri facile verò ex-  
cident ossium squamæ si papaueris sylvestris, &  
fici folia cum vino & polenta imposueris, aut hyo-  
scyami & atramenti sutorij pares portiones adhi-  
bueris: sed & peucedani radix trita citissimè os-  
sum squamas disparat. Item & medicamentum  
siccum quod ad chyronia & cicatricem respuentia  
vlcera myrificum, recipit squamæ æris, thuris singu-  
lorum sextantem, quod est uncias duas, aluminis,  
salis*



salis ammoniaci, singulorum trientem, vel uncias  
 quatuor, malicorij, cerussæ, singulorum unciam  
 vnam: vtere sicco, vel si malueris cum cerato, aut  
 simile aliud quodpiam admoneto. Repurgato au-  
 tem iam vlcere tum itaque carne pleno, cicatricem  
 vt obducas tibi studendum est: id præstat ceratum  
 ex lithargiro, emplastrum è cadmia, tum itaq; phæ-  
 nicinum, dyapalma vulgo dictum, facit & empla-  
 strum candidū, præsertim ad corpora tenera velut  
 sunt mulierum & puerorum, quod conuenit etiam  
 vlceribus spontaneis: & habet, spumæ argenei li-  
 bram vnam & trientem, cerussæ libram vnam, cæ-  
 ræ libram vnam & trientem, thuris & manne eius  
 singulorum quincuncem vel uncias quinque, tere-  
 binthine unciam vnam, aquæ libram vnam, olei  
 myrtei libras duas, cerussam & argenti spumam in  
 aqua coquito, & consumpta aqua, ac medicamento  
 non amplius inquinante, ceram primum, deindè re-  
 sinam addito, & ablato ab igne pharmaco thus, ac  
 mannam, siue polinem eius ammisceto.

Curandorum sinuum, & fistularum ratio.

Cap. XXIX.

**S**I autē subiectæ carni coalescere cutis nequeat:  
 quod accidit cum diuturnius sanies retenta se se  
 in cuniculos insinuans glutinationem difficilem red-  
 dit, sinus efficitur, cuius curandi ratio, humidius .n.  
 admodum est, valenter siccantia requirit. Itaq; non

Sinus quid  
 2. ad Glauc.

f 4 om-



omnis sinus simplex diuisio est, sed frequenter alia  
atque alia parte laceratus est, tum etiam alius sur-  
sum, deorsum alius, in hancq; aut illam partem ten-  
dit. At verò siue simplex siue duplex is sit, siue ma-  
gnus siue paruus, siue brevis siue altus eadem sem-  
per est curandi ratio solumq; in ratione maioris &  
minoris differunt. Hanc autem, sinuum positionis  
figura præcipue variat: etenim qui sursum tendit,  
facile per eius os sanies effluit: cum verò deorsum  
vergit, intus retenta contiguas partes erodit. In  
quo quidem sinu, nisi prius facto ad effluxionem vul-  
nere, nihil profeceris, siue carnem generare siue glu-  
tinare velis. In alio verò incisione nihil erit opus:  
modo situm commodum affectæ parti serues: quo qui-  
dem sinus qui sursum vergit, vt deorsum declinet:  
& qui deorsum declinat sursum vergat, efficere pos-  
sis: molliri enim humoris effluxum oportet: quod fit  
vel vulnere tantum in imo facto, vel tota cavitare  
omnino dissecta. In imo fit sectio, si vlcus magnum  
fuerit, & locus totus sine periculo aperiri non pos-  
sit. Cum verò ad latus declinat, aut deorsum ver-  
git, aut intro fertur, sed ita locari pars afflicta po-  
test, vt libere sanies e sinu effluere queat, incisione  
ex aduerso facta opus non est. Nam eiusmodi si-  
nus, atque aliorum maiorum totam profunditatem  
ad glutinationem aptam reddere potest iniecta mul-  
sa. At verò, qui secandi sunt sinus, antea specillo  
plumbeo, aut candela tentandi sunt, simplices ne,  
an duplices, vel etiam multiplices sint, an breues,  
an



an alte penetrantes, an iuxta carnem desinentes,  
 an ad ossa vel cartilaginem subeuntes, rectè an tor-  
 tuosè procedentes. Quandoquidem in multiplicibus  
 considerandum est, num vna sat sit futura incisio, an  
 duplex sit mollienda. Qui verò breues & iuxta car-  
 nē desinentes omnino & sine periculo secundum sui  
 vniuersam cavitatem secandi sunt: alti autem &  
 ad ossa cartilaginesq; terminati non æquè, adhucq;  
 tortuosi, rectis diligentius pertractandi sunt. Vbi  
 tamen nihil impediat, præstat totā eorū cavitatem  
 diffecare. Proindè omnia sinuosa vlcera modo aqua  
 mulsa, modo uino, modo uino mulso, modo aceto mul-  
 so eluenda sunt. Ad extergendam .n. saniem aqua  
 mulsa præstat. Ad repurgandū verò & roborandū  
 vinum mulsum confert. Ad glutinationem vinum.  
 Ad cruentum ac graue olentem humorem acetum  
 mulsum. At qui horum curandorum totam ratio-  
 nem petas ab ipso Galeno operapretium erit, à quo  
 doceberis quidem sordidos sinus antea abstergen-  
 tibus medicamentis, quam vel glutinentur, uel car-  
 ne repleantur esse purgandos: vt autem aduertas  
 tu oportet, si vnā fuerit inflammatio, non antea his  
 esse vtendum, quam ipsa sedata fuerit. Vtimur au-  
 tem nos maximè ægyptio vnguento ex lixiuio sinu-  
 bus lauandis mundificandisque: adhæc postea cum  
 debita positione, tum penicillis fasciationibusque  
 eorum coalitum procuramus: nil tamen quod & an-  
 tea dictum est, modo id facere nihil prohibeat, præ-  
 stantius est, quam eos totos aperire: ita enim aper-  
 tos,



IO. FRANCISCVS ROTA

tos, cum minus saniosa collunies infestet, natura ferme sponte replet, curat, atque sanat. Quæ nam verò huic perficiundo negotio sint commoda instrumēta, te Medica officina nostra docebit. Quòd si aliqua causa sinus incumbentem cutim tenuem velut detritum vestimētum reddi accidat (quod Græci *παρόδες* dicunt) nos verò detrita vlcera commodè appellamus, quæ difficulter coalescunt, ac glutinantur, & præsertim si quis compage siccum medicamentum imponat, ab his enim magis adhuc cutis deteretur, & exarescet velut pelles attritæ. Ad hæc igitur glutinanda vtendum erit medicamento, compage quidem liquido, facultate verò sicco. Quale est phœnicinum emplastrum Galeni, quod nos ad huiusmodi affectiones præstare cognouimus, si ita paratum fuerit, vt neque valde durum sit, neque adhuc inquinare desiuerit, ita enim præparatum & cruēta vulnera glutinat, & omnibus vlceribus cicatricem inducit. Ad sinus autem detritos efficacissimum est, quod tenerum est, & compagem mollem habet, & cum oleo veteri ac vino mediocriter vetusto maceratum est. Nam sicut duritiem ad hos vsus improbamus: ita molliciem fluidam reijcimus. Liquidum enim calido corpori incumbēs diffluit & linteolum siccum relinquit: quod non solum nihil prodest, sed etiam glutinandæ cuti maximè obest. Conuenit item attritæ vestium instar, vt comprehensum est, cuti potissimum mel, quoad emplastri spissitudinem habeat coctum, impositumque. Præstiterit autem post illi-

tionem



tionem lacero in sinu factam mirrham, vel aloen,  
 vel thus probè trita, seorsim singula, vel simul om-  
 nia inspergere. Expertum quoque & centaurium  
 tenue mirandum pharmacum ad hos vsus est. Suc-  
 cedit huic symphytum, & plantaginis folia cum ra-  
 dicibus siccata: conuenit & rumicis radix, vitis al-  
 ba, iris, dictamum, salua, polium, sabina, cupressi  
 folia, salicis succus, & in teneris carnibus erui fa-  
 rina. Quæ omnia prius tundenda ac cribranda sunt,  
 & ex eis tunc melli ammiscendum est, quum coctum  
 ab igne aufertur, ita vt probè cum eis agitatum mel  
 donec tepidum fiat, imponatur linteo inductum. At  
 verò quoniam ex abscessibus fistula nascitur, de fi-  
 stulis quoque aliquid (nam omnia quæ tum ad ha-  
 rum, tum cæterorum omnium affectuum curationem  
 spectant, in alio libro huic rei propriè dicato expo-  
 situri sumus) dicendum est. Appellantur igitur fi-  
 stulæ per translationem à fistulis arundinum, aut ex  
 alia materia confectis. Est enim fistula vlcus altum,  
 angustum, & callosum, interdum etiam & sine cal-  
 lo. Cuius curandi ratio talis est. Imprimis quia sordidum est, lixiuium immittatur, tantisperque sina-  
 tur, donec repurgata fistula sit: deinde medicamen-  
 tum quod exsiccet indatur cuiusmodi Galeni medi-  
 camentum est, quod à fuluo colore cirrhum dicitur:  
 exsiccet enim vehementer sine morfu. Si verò callo-  
 sum sit vlcus, haud ita facile curationem admitte-  
 præsertim si adusque ossa perueniat. Non enim ante  
 curatio speranda est, quam callus exemptus sit. Exi-  
 mitur

1. ad Glauc.

2. de comp.  
med. per ge-  
nera.



IO. FRANCISCVS ROTA

mitur autem aut scalpello, aut medicamento. Expeditius quidem in ore vlceris exciditur, intus medicamento exeditur. Exest autem calchantum, erugo, calx, alumen, misy, calcithis, auripigmentum, spondilij itaque radix feruesfacta impositaque callos eximit: item veratrum nigrum duobus, tribusue diebus insertum, ad hæc amurca cocta & in collusionem adhibita. Sed vt hæc maximi effectus sunt, si cui ista non adsunt, facile tamen est callum quibus libet adurentibus medicamentis prodere, aut quibus hæc maximè in effectum sunt erodere. Satiusq; est vel papyrum intortam, vel aliquid ex penici in modum collyrij astrictum eo illinere. Scilla quoq; cocta & mista cum calce, callum exest. Si quando verò (ait Corne. Celsus, qui de fistularum signis, differentijsque egregie differit) longior & transversa fistula est, demisso specillo contra principium huius incidi, commodissimum est, & collyrium vtrunque demitti. At si duplicem esse fistulam, aut multiplicem existimamus, sic tamen vt brevis, intraq; carnem sit, collyrio vti non debemus, quòd vnâ partem curet, reliquas omittat: sed eadem medicamenta arida in calamum scriptorium coniicienda sunt, isque ori fistule aptandus, inspirandumque, vt ea medicamenta intus compellantur, aut eadem ex vino, vel si sordidior fistula est, ex mulso: si callosior, ex aceto liquanda sunt, atque intus infundendum, quicquid inditum est. Superponenda verò sunt, quæ refrigerent, & reprimant. Nam ferè quæ circa  
fistu-



fistulam sunt habent aliquid inflammationis. Neq; alienum est, vbi quis resoluerit, antequā rursus alia medicamenta conijciat, per oricularium clysterem fistulam eluere. Si plus puris fertur, vino: si callus durior est, aceto: si iam purgatur, mulso, vel aqua, in qua eruum coctum sit, sic vt huic quoque mellis paulum adiiciatur. Ferè verò fit, vt ea tunica, quæ inter foramen & integram carnem est, victa medicamentis tota exeat, infraq; vlcus purum sit. Quod vbi cōtigit, imponenda glutinātia sunt, præcipueq; sponsia melle cocto illita. Neq; ignoro multis placuisse, linamentum in modum collyrii compositum, tinctum melle demitti: sed ceberius id glutinatur, quam impletur. Neq; verendum est, ne purum corpus puro corpori iunctum, non coeat adiectis quoq; medicamentis ad id efficacius: cum sepe exulceratio digitorum, nisi magna cura prospeximus, sanescendo in vnum eos coniungat.

Ossa vitiata & corrupta quibus signis cognoscantur, & qua ratione curentur ex  
Cor. Celso. Cap. XXX.

Quomodo fracta ossa, vna cū vulnere tractanda sint antea satis expositum est. Nunc autem, quoniam eadem tractu temporis, non rarò aliqua caussa alterantur corrumpunturque, non esse inutile iudicauimus, notas, & signa, quibus id deprehendatur, tum itaque horum incommodis occurendi

ra-



10. FRANCISCVS ROTA

rationem adscribere : omnibus interim ex Cornelio  
 de sumptis : qui dissertè quidem , & diligentissimè  
 hanc partem tractauit . Os igitur quod vitiatum  
 est , primo ferè pingue fit , deinde vel nigrum , vel ca-  
 riosum . Quæ supernatis grauibz vlceribus , aut fi-  
 stulis , hisque vel longa vetustate , vel etiam cancro ,  
 vel gangræna occupatis eueniunt . Oportet ante  
 omnia os nudare vlcere exciso : & si latius eius vi-  
 tium est , quam vlcus fuit , carnem subsecare , donec  
 integrum os vndiq; pateat : tum id quod pingue est ,  
 semel iterumque satis est admoto ferramento adure-  
 re , vt ex eo statu secedat : aut eradere donec iam ali-  
 quid cruoris ostendatur , quæ integrioris nota est .  
 Nam necesse est aridum sit , id quod vitiatum est .  
 Idem in cartilagine quoque laesa faciendum est : si-  
 quidem ea quoque scalpello radenda est , donec inte-  
 grum id sit , quod relinquatur . Deinde si vel os , siue  
 cartilago rasa est , nitro bene trito respergendum est .  
 Neque alia facienda sunt vbi caries , nigritiesue in  
 summo osse est . Siquidem id vel paulo diutius eo-  
 dem ferramento adurendum vel radendum est . Qui  
 radit hæc , audacter imprimere ferramentum de-  
 bet , vt & agat aliquid , & maturius desinat . Finis  
 est , cum vel ad album os , vel ad solidum ventum est .  
 Albo finiri ex nigritie vitium , soliditate quadam  
 ex carie manifestū est . Accedere etiam cruoris ali-  
 quid integro , supra dictum est . Si quando autem al-  
 tius descenderit , vtrum libet dubium est . In carie  
 quidem expedita cognitio est . Specillum tenuè in  
 for-



foramen demittitur, quod magis minusue intrando, vel in summo cariem esse, vel altius descendisse testatur. Nigrities colligi quidem potest etiam ex dolore & ex febre. Quæ ubi mediocria sint, illa alte descendisse non potest. Manifestiortamen adacta terebra fit. Nam finis vitij est, ubi scobis nigra desit. Igitur si caries alte descendit, per terebram urgenda crebris foraminibus est, quæ altitudine vitium æquent. Tum in ea foramina demittenda candentia ferramenta sunt, donec inde siccum os ex toto fiat: simul enim post hæc & resoluetur ab inferiore osse, quodcunque vitiatum est, & is sinus carne replebitur, & humor aut nullus postea feretur, aut mediocris. Sin autem nigrities est, aut si caries ad alteram quoque partem ossis transit, oportet excidi. Atque idem in carie quoque ad alteram partem ossis penetrante fieri potest. Sed quod totum vitiatum, totum eximendum est. Si inferior pars integra est, eatenus quod corruptum est, excidi debet. Item siue capitis, siue pectoris os, siue costa cariota est, inutilis vitio est, & excidendi necessitas est. Neque audiendi sunt, qui osse nudato, diem tertium expectant, ut tunc excidant: ante inflammationem enim tutius omnia tractantur. Itaque quantum fieri potest, eodem momento & cutis incidenda est, & os detegendum, & omni vitio liberandum est. Longeque perniciosissimum est, quod in osse pectoris est: quia vix etiam si recessit, curatio veram sanitatem reddit. Itaque osse vitiato eiecto, cætera

po-



IO. FRANCISCVS ROTA

postea sic facienda, ut in vulneribus, antea præceptum est. Iam vero sint hæc satis cuicunq; hæc vulnera curare, vel de his differere cupienti. Atque si plura alicui à nobis in hac re præterita, vel leuius quam oporteret methodum curatiuam præscribenti animaduersa, sciat is non hoc nos nomine librum istum conscripsisse: sed exquirēdi causa potissimum vulnerum horum rationem & naturam. Aliàs autem, quæ obiter nunc ad curationem spectantia adscripsimus, ex professo exactius, diligentius, absolutiusque pertractaturi.

F I N I S.

Ca-



INDEX  
CAPITA HVIVS LIBRI.

217



- P** Rocemium. fo. 132. a  
 De Tormentis bellicis. Cap. 1. fo. 132. b  
 De puluere bombardico. Cap. 2. fo. 135. a  
 De sphæruleis, & globis bombardicis. Ca. 3. f. 136. b  
 Eorum, qui de hisce vulneribus scripsere opinio-  
 nes. Cap. 4. fo. 136. b  
 Sedes locorum, argumentorumq; vnde vtraque opi-  
 nio suas deducit rationes. Cap. 5. fo. 137. a  
 Rationes eorum, qui ambusta vulnera hæc esse affir-  
 mant. Cap. 6. fo. 137. b  
 Eorū rationes, qui vulnera hæc non esse vsta conten-  
 dunt. Cap. 7. fo. 137. b  
 Bellicorum tormentorum vulnera veneno esse infe-  
 cta quibus rationibus probetur. Cap. 8. fo. 144. b  
 Quid respondeant qui vulnera hæc non esse veneno  
 infecta volunt. Cap. 9. fo. 145. b  
 Propriæ opinionis fundamenta. Cap. 10. fo. 146. b  
 Quid primam, quidque secundam sectantes opinio-  
 nem errauerint. Cap. 11. fo. 147. b  
 Eorum rationibus, qui vulnera hæc non esse vsta con-  
 tendunt, respondetur. Cap. 12. fo. 148. a  
 Vulnera a bellicis tormentis facta veneno infecta  
 esse. Cap. 13. fo. 152. a  
 Vulnerum à bellicis tormentis factorum vera diffini-  
 tio quæ sit. Cap. 14. fo. 154. a  
 His vulneribus curandis petendarum indicationum  
 sedes. Cap. 15. fo. 156. b  
 De horum vulnerum in carnosiss partibus curatio-  
 g ne.



# I N D E X.

- ne. . . . . Cap. 16. fo. 158. a  
**De euacuandi, & purgandi ratione in his vulneri-**  
**bus.** . . . . . Cap. 17. fo. 166. b  
**De victus ratione in his vulneribus.** Ca. 18. f. 171. b  
**De eiciendis globulis.** . . . . . Cap. 19. fo. 174. b  
**De horu vulnerum in neruosis partibus existentium**  
**curatione.** . . . . . Cap. 20. fo. 187. b  
**De horum vulnerum cum ossis fractura curatio-**  
**ne.** . . . . . Cap. 21. fo. 192. a  
**Quomodo globulus, si articulo inhæferit, euelli de-**  
**beat.** . . . . . Cap. 22. fo. 197. b  
**Si partem quampiam principem hoc telum offende-**  
**rit, quid faciendum.** . . . . . Cap. 23. fo. 198. a  
**De his, quæ extrinsecus per vulnera incidunt, curatio**  
**nibusq; eorum.** . . . . . Cap. 24. fo. 202. b  
**Curatio aduersus profusionem sanguinis in vulneri-**  
**bus.** . . . . . Cap. 25. fo. 202. b  
**Curatio aduersus horum vulnerum inflammatio-**  
**nem.** . . . . . Cap. 26. fo. 205. a  
**Erysipelatis vulneribus superuenientis curatio.**  
**Cap. 27. . . . . fo. 206. a**  
**Vulnerum horum in vlcera degenerantium cura-**  
**tio.** . . . . . Cap. 28. fo. 209. b  
**Curandoru sinuû, & fistularu ratio.** Cap. 29. f. 212. a  
**Ossa vitiata, & corrupta quibus signis cognoscan-**  
**tur.** . . . . . Cap. 30. fo. 215. a



## EXCELLENTISS. HEROI

D. GARTIAE DE TOLETO

IN REGNO NEAPOLIT.

Hispanorum Duci.

ALPHONSVS FERRVS

S. P. D.



V M ea semper fuerit litterarum dignitas, & quasi prærogatiua vt Princeps honestum, gloriosumq; rati fuerint, quodcunq; earum genus sit (modo non obsecnum) sibi dedicari, probanda est profectò eorum sententia, quorum scripta in virorum illustrium nomine apparuerunt. Fieri enim posse hoc pacto credidere, & vt ad suorum studiorum opera lectores qui nihil nisi elaboratum ingenio, ac omni ex parte absolutum supremæ fortunæ hominibus mitti existimauerit, libentius allicerent. Et præclara illorum auctoritate freti acres inuidiæ morsus & venenatas obtrectatorum linguas minus extimescerent. Vtrumq; me consecutum putauero, si te auspice; quem non minus ipse inter heroes suspicio quam generis claritas, promptissimū ingenium, maximus rerum vsus, admirabilis prudentia, insignis gloria, & incredibilis rei militaris peritia te conspicuum reddat: Incubrationes hæc meæ memoriæ prodiderim. Opus (nisi longe fallor) non inutile & tibi (vt spero) non iniucundum. Quippe,

g 2 qui



qui & bonas artes foues, & militū salutē, quibus præcipue labores hos nostros vsui fore, animaduertes, diligenter consulis. Poterit uel ex eo abs te probari, quod ex infinito penè artis medicæ professorum numero vix quispiam hactenus hanc materiam attigerit. Exposcebat porrò insuetum teli genus nouum curandi modum, exquisitamq; medendi rationem. Qua propter nihil hic mihi subticendum esse statui, quod aut longa experientia conicere, aut flagranti studio consequi, ipse ualuissem. Et quia potius aliis prodesse studui, quam gloriolę rationem habendam esse censi, uolui quęcunque perniciosi huiusmodi fulminis ictu percussis conducere arbitrarer, quanto fieri posset breuius, perstringere. Ego, & si huic rei summum studium adhibui, non deerunt tamen uel qui fortasse adhuc sagacius indagent, uel qui materiam latius pertractent, nec ideo minus præclare mecum actum iri putauero. Videbor. n. cum primus ausus fuerim glaciem frangere, etiam ex posterorum scriptis glorię partem iure meo quodam modo mihi vindicare posse. Tu interim læta frõte cape qualecunq; est munus. Dei uero optimi maximi exemplo nõ id ipsum, quod quidem rei estimatione paruum est, sed amoris mei erga te magnitudine, & animi propensione metiaris, uelim, bene Vale.

AL-



## ALPHONSI FERII

NEAPOLITANI,

ARTIVM, ET MEDICINAE


DOCTORIS.

De Sclopetorum, siue Archibuforum vulneribus.

LIBER PRIMVS.



P R O O E M I V M.



*V*LNERVM, quæ sclopetis, siue archibufis inferuntur, nulli veterum meminisse potuere; quando hoc malum recens est inuentum. Recentiores verò Medici, quibus id curæ esse debuit; insueti fortasse vulneris atrocitate deterriti, vel ex toto rem silentio præterierunt, vel certe admodum pauca, atq; ea à vera medendi ratione aberrantia, pace eorum dixerim, attigerunt. Ab exiccantibus enim, & sanguinem supprimentibus curationis suæ initium accipiunt: nulla habita ratione morborum inter se distantium, atq; eorum quæ illis sunt innexa. Quam ob rem nos, vt saluti hominum pro virili parte nostra consulamus, ac chirurgicæ medicinæ studiosos, quantum in nobis est, inuicemus, non ab re fore duxi-

g 3 mus



## LIBER PRIMVS

mus, hasce nostras lucubrationes in lucem proferre, quæ sunt diuise in libellos treis. In quorum primo, de ea ipsa re, medica, ac diligenti speculatione, nec non validissimis, nisi fallor, rationibus disputamus. In altero, curationes, & remedia, quæ multo studio, summa diligentia, longoq; usu, & domi & belli vera esse cognouimus, proposuimus. In tertia, atq; extremo, de interioribus vulneribus studiose præcipimus. Quæ, si diligentius, uti par est, Medici fuerint executi, & ægrotantiū sanitati rectè prospexerint, & sibi ipsi laudē non mediocrem comparabūt.

Quid sit vulnus per Sclopetum, siue Archibum illatum. Cap. I.

**V**ulnus sclopeto, siue archibuso factum multiplex est morbi genus, multiplexque continui solutio, non carens veneno. Multiplex morbi genus esse propterea dicitur, quod in eo vulnere adustio, contusio, attritio, fractura, venenum est: Quorum quilibet per se genus morbi efficit, atq; in suas species diducitur.

Quid per adustionem hoc genere vulneris sit intelligendum. Cap. II.

**A**dustio in hoc genere vulneris solutio continui est, facta ab instrumento igne calefacto afferente dolores, punctiones, pustulas, crustas, caliditatem,



tatem, attractionem in id membrum in quo fit: quæ in suas species diuiditur pro diuersitate membrorum in quibus fieri contingit, vt puta, si membrum nervosum sit, exangue, osseum, carnosum, nobile, vel ignobile. Actales quidem adustiones, seu debiles sint, seu vehementiores, cum membri particulam suaptè natura destruant, quantum caliditatis gradum attingere videntur. Quamobrem; vt Rasis inquit, exasperatur vehementer adustionis locus, ita vt eo profluant humores, qui, quoniam ab adustis crusta prohibentur, ne dissolui possint, membrum corruptioni, & putrefactioni parant.

Lib. 27. cōt.  
cap. 3. trac. 2

Quæ sit membri adusti curatio.

Cap. III.

**H**Oc autem morbi genus curatur ab Auic. duplici ratione, vna adusti mēbri pustulas prohibente refrigerantibus medicamentis, & illis quidem non mordicantibus: altera verò adustam particulam detergentibus corrigente, cum exiccatione quadam temperata sine mordicatione. Verum quia in hoc vulneris genere, atque hac adustionis specie, quæ artificiali puluere fit, partes aliæ vulnerati membri sunt actu, aliæ non actu, sed potentia adustæ, & male affectæ, propterea medicamenta mixta esse debent vti moderata refrigeratione pustulas prohibeant, tum desiccantibus, ac modicè calefacientibus, detergentibusq; adustionis curationem

g 4 per-



1. prob. pro  
blemate 56.

perficiamus, quo partes affectæ non minus corrigantur, quàm adustæ curentur. Ratio autem, quamobrem calidum, ac detergens medicamentum conveniat, ab Arist. assignatur, quoniam illud ab igne colliquatum absument, exiccatq; atque ita sanat. Calidū etenim, ut ille ipse docet, est quod eliquando ambusta facit, exiccando tollit.

Sclopeti, vel Archibusi pulverem venenosum esse,  
& in quo genere veneni reponatur.

Cap. II II.

2. Cano.

Cano. 2. cap.  
38.

Auic. 2. can.  
cap. 43.

**D**icitur præterea huiusmodi vulnus non care-  
re veneno, quod per pulverem venenosum, seu  
virulentum globulū est illatum: quod ita esse ex eius  
compositione ostēditur. Constat. n. ut fieri consuevit,  
vel ex nitri partibus decem, & una sulphuris: vel  
ex sulphuris partibus duabus, ac totidē columni car-  
bonis, vel saligni. Sulphur autem, ut Auic. asserit,  
calidum, et siccum est ad quartum gradum cū attra-  
ctione, atq; attenuatione. Nitrū vero, quod baura-  
eti armenum ab eodē dicitur, calidum, & siccum est  
in fine secundi, ad tertium tamen eius siccitate vergen-  
te, quod quidē vehementer abstergit, excoriat, inci-  
dit, quāvis cū axungia suilla superpositū canis mor-  
sui remedio sit salutari. Corylus autē frigida, et sicca  
naturæ est gradu primo: licet eius fructus paululum  
inclinat ac caliditatē. At salici frigida, & sicca vis  
est, cum moderata (ut ita loquar) stipticitate, cinis  
autem



autē eius vehementer exiccat. E quibus constat pul-  
uerem quartū caliditatis gradum obtinere: propter  
eorū vim ex quibus cōficitur: atq; eo (ut diximus)  
venenatum esse. Argumēto etiā sunt eius artifices,  
qui confectiois, siue præparationis tēpore ab acri-  
bus abstinent: vt sunt allia, ut cepe, vt acetum, ac  
cætera generis eiusdem. Experimento etenim, & si  
causam ignorent, ea sibi obesse cognouerunt. Ape-  
riendi. n. uis & incidendi, tum prædictorū ciborum  
acrimonia efficit, ut pulueris malignitas ad cordis  
intima, & mēbrorum principalium penetret. Quā-  
obrem commonet eos Auic. quibus à veneno timen-  
dum est, ut ab acribus cibarijs, falsis, acutis, aroma-  
ticijsq; abstineant. Talia. n. veneni saporem, & oc-  
cultant, & frangunt penetrareq; cogunt. Sed cum  
ipsi artifices fateantur se, tum cribrando, tum conte-  
rendo, non nihil pulueris haurire; deglutireque, ne-  
mini dubium est, si alijs cibis vtantur, illum non mo-  
do eos non vexare, sed ne molestare quidem. Causa  
est, quod ad uenas non tendit, vel eis non officit ve-  
nenata vis, vt potē qui huiusmodi veneno assue-  
uerint. Ex frequentatis. n. actibus talis provenit ha-  
bitus, ut quod in puluere ueneni est, ijs obesse nō pos-  
sit, quando ab assuetis, ut Philosophi perhibent, ne-  
que actio, neque passio fiat, quod et probat Gale. de  
muliere quæ fuerat napello, vt vulgo appellant, nu-  
trita, verum enimvero in quo veneni genere puluis  
istiusmodi reponendus sit, rem altius aliquanto re-  
petentes iam iam ostendemus. Venenorum itaq; (ut  
petitio-

Fen. 6. cap.

2. 4.

Simp. 3. cap.

17.



## LIBER PRIMVS

petiores nouere alia sunt intrinsecus assumpta) quæ  
 vel in cibo, vel in potu, vel in medicamentis præben-  
 tur, procul dubio perniciosæ sunt, de quibus quidem  
 auctores non pauci, tum ad eorum cognoscendam  
 vim, tum etiam ad curationem plurima tradiderunt.  
 Alia, quæ extrinsecus lædant, vt basilisci, vt aspi-  
 dis, vt viperæ, è quibus vnus visu, sibiloque; altera  
 salina; tertia morfu hominem occidit, de quibus plu-  
 ra dicere in præsentì omittimus, cum ad institutum  
 hoc opus haud quaquam pertineant. Est & aliud  
 venenorum genus, quò noster potissimum sermo di-  
 rigitur, quod tactu vulnerando perimit, vt sunt om-  
 nia armorum genera; aliter, aliterque venenata,  
 quæ solutionem extrinsecus faciunt, cum manifesta,  
 tum occulta vi, vt recitat Auic. de milite, qui ex  
 lanceæ contactu: qua serpentem occiderat, mortem  
 obiit, cuius primum manus, deinde vniuersum cor-  
 pus emortuum est, quod quidem an latenti, ac pro-  
 pria quadam virtute, an euidenti causâ factum sit,  
 cum veneni sit proprium altero ex his duobus mo-  
 dis nocere, manifestum est venenatam vim per po-  
 ros ad interiores meatus, & venas, arteriasque, &  
 tendines penetrare, per quas quidem, ceu per quos-  
 dam riuulos ad nobiliora membra defertur, aliud  
 post aliud inficiendo, ab eaque parte sumpto initio  
 quæ primo contactu læsa est, donec ad ipsum cor,  
 vti ad membrorum omnium nobilissimum peruene-  
 rit, cuius quidem rei causâ arteriæ sunt, vt pote quæ  
 sua dilatatione semper attrahant quicquid eis offe-  
 ratur.

64. cap. 22.

6 4. tract. 1.  
cap. 2.



ratur. Cuiusque autem veneni proprium est petere cor: quanuis perexiguas vires habeat, quoniam præ ceteris membris cordi aduersatur, tum illud festinanter appetens quicquid inuenit, destruit, tum sanguinem, tum spiritum inficit. Multa itaque magis, si magna vis veneni sit, vehementer agit, extenditurque ad extrema, inde ad cor, miro quodam artificio. Spiritus enim sentiens veneni aduersantem vim, ad cor, tanquam ad suum principium, arcemque contrahitur, verum, quo magis vitalis spiritus in præcordijs coartatur, suum contrarium fugiens, eo magis illum venenum persequitur. Quapropter ea membra, quæ per transitum facit, priuantur spiritu, & calore quibus reguntur. Quod quidem fit, quoniam agens omni patienti suo præstantius est. Venenum enim in corpore & membro, cui adhæserit, agens est, corpus vel membrum, patiens. Hinc fit ut membri humiditas corrumpatur, putrescat, atque extinguatur passim animalis, & naturalis virtus: cum ad cerebrum perturbandum, & ad iecur peruenit venenata vis; à quibus in omnia corporis membra diffundatur. Quoniam autem vitalis, naturalis, atque animalis spiritus veneni malignitate vitiati sunt, & distribuendi ad omnia membra, ad suas exercendas actiones; facile est, ut ea omnia ab his inficiantur. Sed nunquid pulueris venenata vis loca quædam propria habeat, ac specialia, quæ post cordis læsionem offendat, ut de lepore marino traditur; cuius veneno ubi cor læsum est, suapte natura pulmo-



monem petit? et de cantharidibus, quæ, ut idem le-  
serunt, urinae instrumenta magnopere infestant? Mi-  
hi quidem videtur, non eam esse huius pulueris pro-  
prietatem, quæ ubi cor inuasit, membra vlla spe-  
cialiter lædat, sed indifferenter cuncta. Cum. n. cali-  
dæ naturæ sit, quarto gradu, ut ex simplicibus colli-  
gitur è quibus fit: & cum proprium calidi ueneni sit  
celeriter agere, ideo calidum uenenum, modo sint cæ-  
tera paria, citiusq; frigidum, vel humidum, uel sic-  
cum contendit ad cor, quam caliditatem mirabilem  
vocat Auerroes, nec ab re quidem: quoniam quan-  
quam uenenum exiguum sit, breui tamen intervallo  
temporis mirabilem producit effectum mortificandi  
scilicet, atq; interficiendi, tum quia id, et si calidum  
sit, difficilis tamen concoctionis est, ac diutius mora-  
tur venenata eius uis, ita ut celerius penetret, occi-  
sionem, quam nutritionem præueniens. Is autem pul-  
uis non ab re venenosus dici potest, propter eius fa-  
cultates, quæ cum proprietate, & natura mixti con-  
iunguntur. Substantia. n. eius tenuis, & velocitas  
maiorē illi addit penetrationem, uehementioremq;.  
Augetur et à motu qui maioris caliditatis causa ē.  
Ignē. n. igni si addas, furere illum necesse est. Extrin-  
secū itaq; id instrumenti artificium velocitatē quan-  
dam, et subtilitatē, penetrationemq; auget in mix-  
to. E quibus sanē constat puluerem huiusmodi non  
carere ueneno, tam ex natura simplicium, quam ar-  
tificij, addentis calcar (ut dicitur) equo currenti.  
Venenum itaque medicamentum hoc calidum ha-  
bitum



bitum malum induxerit principalibus membris, & illi, quod laesum est, putrefactionem, mordicationem, rofionem, ulcerationem, corruptionemque parabit. Quæ quidem omnia calidi ueneni propria sunt. Impressiones autem hæc siue accidentia maiora, uel minora sunt, intensa uel remissa pro dispositione agentis in patiens: agens enim cum peruenit (ut scribit Auicenna) nec patienti est præparatio, non prouenit actio, neque passio, quod, & Gale. sentire videtur. Actus enim (inquit) actiuorum fiunt in patiente disposito. Hæc autem dispositio agentis in passum, uel contra, considerata est Medico rationali propter velocitatem actionum sui effectus (ut dictum est) atque ex malo patientis habitu. quorum usu obstructis, & ueluti carcere inclusis uenenis in membro patiente, longa mora & iuncta usu astringentium ui ueneni, et propulsa penitus, multo acrius, & uelocius agunt, quæ cum non remouet extemplo, non desinit eius malignitas inducere prauas qualitates, & effectus, qui corrigi non possunt. quare merito (ut Auicenna inquit) putrefaciens, quanto diutius remanet in corpore uel membro, tanto eius effectus deterior est. Quapropter si malignitati extrinsecæ uulnerati membri tempestiue succurratur, suo bezoartico (ut uocant) medicamento minus leduntur interna membra, minusq; ab eorum ueneno timendum est. Quamobrem recte inquit Gal. uenenatas medicinas non interficere, nisi longo post tempore, quando quidem ad plura exten-

3. simp. cap.  
20. & 21.

De feb. pest.



## LIBER PRIMVS

extenduntur loca veneni vires, atq; ita vehementius agunt propter longam moram, quæ omnia tolluntur, si corrigentibus, ac defendentibus medicamentis veneno, seu venenatae parti extrinsecus, vel intrinsecus occurratur, membraque à mala veneni impressione defendantur; ita vt longo tempore percussa debilitentur, refringanturq; eorum actiones. Talis enim venenata vis contactu agens manifestā imprimit læsionē. Nō æque tamē (vt mea fert opinio) veneni tantum pulvis hic habet, quantum ea medicamenta, quibus & sagitta, & reliqua telorum, vel armorum genera tinguntur in solutis continuitatibus sanguinem congelando, quamquam potest & is pulvis congelare præter cæteras læsiones, licet calidus natura sit; quoniā (vt ex Gal. auctoritate Auic. asserere videtur) caliditas congelat siccitatem; quemadmodum frigiditas spissitudinem. Proprium enim veneni est sanguinem, cum à calore afficitur, congelare. Immodica item venenosi siccitas, sanguinem cordis humorem consumendo, interficere poterit; aut partem à parte separando, donec fiat maxima solutio interna, & non minus crustosa, ac si externa apparet; veluti calx, nitrum, sulphur, ac cætera generis eiusdem, quæ sua ingenti siccitate interimere possunt. Hæc autem siccitatis venenata vis ab incendio, & fulgureo (vt ita dicam) motu; quo vires venenose augentur, incrementum accipit maximum. Illa enim, quæ à fulgure percussa sunt animalia, & extincta, venenata sunt, si qui ve-

scan-

Can. 2. astral.  
1. cap. 3.



scantur; nec minus interficere possunt, quàm rabidum animal morsu, tactuque. Sed quotum gradum veneni habeat hic puluis, siue à tota simplicium compositione, è qua prouenit forma, quam specificam dicimus: non autem quia calidus, neque siccus, sed quia talis sit, seu vis ea ab euidentibus facultatibus prodeat (vi dictum est) ignoratur, perpetuoq; (vt ego existimo) ignorabitur vt asserere Auic. videtur. De hac enim definita mensura experienti Medico, atq; erudito multum tribuitur; & illi quidem potius fidendum, quàm rationali tantum (vt Arist. inquit) sed ego quidem arbitror inter venenorum letalia genera, quibus tela siue arma inficiuntur, pulueris istiusmodi venenum remissus esse: & quamuis ab eo illata accidentia simpliciter interimere posse non videatur; veruntamen quantum vis exigua sit venenata vis, eius habenda esse rationē censeo, nec à Medico pro aegri salute negligendam: cum eius naturæ sit infestare, vel interficere, si diutius sine remedio immoretur. Venenum enim medicamentum est corporis habitudinem corrumpens, non modo suapte aduersanti atq; euidenti, sed occulta quadam vi, vt Auic. placet.

Fen. 2. lib. 1.  
doct 2. sūm 2  
1 ca. 15. In  
proem. meth.

Can. 3. cap.  
4. tract. 1.

Cuius facultatis bezoarticum medicamentū curationis initio sit eligendum. Cap. V.

**P**Rauum me hercule, vulneris hoc genus est, ad hominum vitæ insidias compertum, necemque acer-



## LIBER PRIMVS

acerbam inferendam; à quo sanè vel pauci euadūt; vel qui liberantur, claudi, fistulosi attracti fiunt. Quorum gratia hunc laborem suscepimus, ac ne imperitis Medicis hoc vulneris genere amplius aberrare liceat; qui sine vlllo discrimine in prima curatione oui albo vtuntur, velut in quolibet simplici vulnere, & carnosio, fieri consuevit, nulla ratione, vel authoritate permoti. Præcipit enim Gal. cauendum esse, ne quis Medicorum, venenatorum animalium morsus, ictusq; initio illati vulneris astringentibus medicamentis curare tentet: quinimmo vehementer attrahentibus, calfacientibusque. Quam rectè itaq; Mesuæ filius, studium (inquit) tuum principio sit, in vulnere laxando extrahendoque veneno, antequam toto corpore diffundatur. Ac per principium, diem secundum, vel tertium ab inflicto vulnere intelligit; quando post quartum diem, venenum totum corpus occupauit. Paulus item medicamenta corrodentia prima curatione apponenda iussit, exinde butyrum leniendi gratia, & oras adustas emolliendi. Quo etiam genere medicamenti vsus est Auicenna. Ait enim forte tibi necesse erit, vt medicinis corrodētibus vtare, proinde butyrum adhibere, quantum verò differant rodentium medicamentorum facultates ab oui albi natura, nemo est, qui dubitet. Differunt enim, vt album à nigro, vt lux à tenebris. Oui si quidem album comescendo, ac refrigerando, resolutionemque veneni extrinsecam prohibendo; quin etiam viscosa & glutino-



tinosa sua substantia poros extrinsecus claudendo ad interiora, venenum, si quod est penetrare cogit. Corrodentium autem, & calfacientium medicamentum, est euocare, aperire, extrahereq; non modo venenum, sed & sanguinem, superfluosq; infectos humores ex toto auellere: ne membra ipsa interna à veneno infici possint, sed quæ vulnerata sunt, omni suspicione veneni liberentur. Quamobrem iure Ras. Simeonis auctoritate asserere videtur, vt primum emplastris, cucurbitulis, scarificationibusq; venenum extrahatur. Scrupi. item locum exugi, scarificariq; iubet; & cucurbitulas admoueri, vt venenum vi eximatur. Quod si remedia hæc minime conferre videantur, membrum abscindendū esse. Quam ob causam ne id efficere cogatur Medicus, præcipit Phil. vt venenatum vulnus ferramento initio aduratur: quæ res & ægrum liberat, & venenum altius penetrare non sinit. Vnde non iniuria asserit Auic. nullum attrahentium medicamentorum æqui pollere cauterio. Abstineant itaq; obsecro, imperitiores Chirurgici ab hoc prauo medendi vsu, scilicet curationis initio, oui album, atque id genus cætera subministrare, ne carnifices magis, atq; hominum vitæ insidiatores, quàm Medici esse videantur, maioremq; leti causam ægris præbeant, quàm ij, à quibus vulnera acceperunt.

Quid per contusionem hoc genere vulneris sit intelligendum. Cap. VI.

**P**roprium quidem istius modi vulneris est, contusio-

Cap. 2 Trac.  
2 lib. 25. cōt.



## LIBER PRIMVS

*usione non carere in carne, contritione, siue attritione in neruo, fractura in osse, ob instrumenti contudentis naturā; quod sua violentia obtusaq; duritia soluit, ac destruit quicquid sibi obuium est. Tum quaelibet istarum multiplex continui solutio dicitur, auth. Auic. quæ sanè causa est, vt eo loco abscessus fiat, ac putrescat membrum, quod contusum, attritum vel contritum est. Ac earum quaelibet consideratur, vel prout est in euidenti vulnere, hoc est ea parte, qua soluta continuitas est, aut vbi non sit manifesta solutio, idest procul à centro soluti continui. Hæc quidem animaduertenda est in membris intrinsecis ac nobilibus, aut in extrinsecis, minusq; principalibus. Affunditur enim ad partem contusam siue contritam sanguis plurimus, non modo propter multiplicem solutionis continuitatem, venarum, arteriarum humorosagiam, verum etiam propter dolorem loci attriti, vel confusi: qui dolor à membris adiacentibus eo attractionis causa est. Quapropter merito affunditur sanguis plurimus. i. humorū copia, & in mēbro abscessus fit, qui quidem poros condensat, resolutioq; congestæ rei plurimq; prohibetur. Proprium etenim contusionis est abscessum fieri, & abscessus membrum implere, meatusq; obstruere, ac resolutionem prohibere. Quamobrem iure Hyppo. sanguis cum effuderit (inquit) in membro aliquo, præter naturam ipsum putrescere necesse est, ac si extra proprium locum existere videatur, atque à regimine naturæ sit derelictus.*

*Gal.*



Gal. item asserit, omne contusum necessario putrescere, atque in saniem verti, si præcipue sanguinis contusi solutio non acceleretur. Atq; hoc ipsum est, quod ait Auic. nisi contusioni soluentibus medicamentis oppportune succurras, membrum perducitur ad corruptionem. Quare in omni vulnere, vbi quassatio, attritio, & contusio sit, prius habenda ratio est, & curatio contusionis, & quassationis. Non enim sunt indutiae ab hoc morbi genere (vt inquit Gal.) immo propter coaceruati sanguinis putrefactionem, corruptionemq; membrum quàm ocissimè cancrena occupatur. Quare acceleranda est eius curatio, & putrefactioni occurrendum.

3. de curandis  
morbis 4. 4.  
Tract. 5. cap.  
5.

Quæ curatio contusioni conueniat.

Cap. VII.

PRæter cætera morbi huius remedia, illud præcipuum est, cum magna contusio altaq; fuerit, siue carnosæ, siue neruoso membro, tum sanguis plurimus coaceruatus: siue coaceruandus est, partesq; adiacentes, & vulneris oræ (vt assolet) laceratæ sunt. Tunc impossibilis est resolutio, & partium adiacentium vniio per oui album, ac cætera quibus continuitates vniuntur. Quinimmo emollientibus, digerentibusq; & sanguinem euocantibus vtendum est: atque illud est (quod inquit Auic.) in attritione contusioneq; non oportere administrationem fieri cum reductione continuitatis incisorum

4. 4. tractat.  
2 cap. 2.

b 2 CAR-



LIBER PRIMVS

carnis, villorum, ac tendinum, cum ipsorum consoli-  
datione. Quoniam in eo attritionis, et consolidatio-  
nis genere, suapte natura consolidationi repugnat.  
Sanguis enim putrefactus, caro, neruiq; dilaniati  
presentem consolidationem non admittunt: quinim-  
mo quæ sedant dolorem, vt quæ leniter molliunt re-  
soluuntque, contraria sunt consolidationi. In ipsa  
igitur soluta continuitate, vbi attritio, contusio, vel  
contritio fit, prima curatione huiusmodi astringen-  
tia, et cõpescencia, fluoremq; prohibentia nullo mo-  
do administranda sunt, sed vehementer mollientia  
maturantiaque, vt præcipit Gal. carnem inquit cõ-  
pressam, vel abscissam, vel tendinem medicare, vt,  
suppurabilis fiat, quoniam ita minus inflammat; ne-  
cessarium etenim est compressam carnem, vel abscis-  
sam, vel aliquo modo affectam, seu putrefactam li-  
quesfacere; ut proinde noua gigni possit. Quin etiam  
si contusio alta, magnaque fuerit, atque hæc leniter  
resoluentia digerentiaq; conferre non videantur,  
præcipit ut omnium attrahentium genere profunda  
materia extrahatur, ut cucurbitulis, quæ id morbi  
plurimum leuant, a medicisque inuenta sunt, ut hu-  
mores educant, qui difficile extrahuntur. Cum hoc  
etiam presentaneo remedio sunt scarificationes, vt  
aperte putridus, ac perniciosus sanguis ( ut iubet  
Auic. ) euacuetur. In alta. n. contusione nulla reso-  
lutionis spes est, ab ijs, quæ id lente faciant, vel leni-  
ter molliat. Hæc preparatio in eo morbo necessaria  
est, ne prius mēbrū putrescat quā cõtusio resoluatur  
Quid

4.4. Tract. 2.  
cap. 2.



Quid sit fractura, & quæ eius species huic vulneris generi frequenter accidat.

Cap. VIII.

**F**Ractura est (ut scribit Gal.) continuitatis partium ossis, solutio facta ab re contundente, ab instrumento quassante, vel conterente; quæ plures species complectitur (ut inquit Auic) Quædam enim æqualis fractura dicitur, quæ sane illa est, quando os ita transuersum frangitur, ut nullum prorsus frustillum ab eo separetur. Quædam scissuralis, cum in longitudinem rumpitur, seu scinditur, manifeste quæ aperitur. Quædam frustalis, cum ita frangitur, contunditurque; ut frustula manifesto separentur, vel contra sine unum sit, sine plura, sine magna, sine parua. Quæ sanè fracturæ species in hoc vulneris genus frequentissime accidit. Tanta enim fit ossium, cartilaginumque comminutio, ut vix sensu vel animo comprehendendi possit. Nec solum in extrinsecis partibus, quæ tanguntur, verum etiam in internis remotisque. Quapropter usque timenda est occulta, internaque fractura. Tanta enim huiusce instrumenti vis est, et potentia, ut omnia eius genera ex facili accidant: nec Medicorum quisquam est, qui dubitet, cum manifeste soluta continuitate frequenter fieri, uel per raro sine manifesto vulnere, quæ diuersis modis coniectari possunt, pro diuersitate membri in quo facta est. Alio. n. modo considerabitur, cum in capite, vel pectore, vel femore ægrotudo sit, uti (referente Alb.) alibi dicemus.

6. metia

Lib 3. cap. 2

h 3 mus.



LIBER PRIM VS

Met. h. 6.

mus. Quapropter ne mirentur aegri, ac Medici, si  
vulnus dolor vchemēs sequatur. Nō. n. leue pericu-  
lum est, si saucius vehementer afflicet. Quare dan-  
da est opera (vt inquit Gal.) vt dolore & incommo-  
do vitato, vtriusq; commodo fruantur.

Quae propria sit fracturae curatio ac  
necessario considerata.

Cap. IX.

Auicem. 5. 4.  
Tract. 2. cap.  
2.

**C**um Medicorum hoc morbi genere cura sit so-  
luta coniungere, ac conglutinare, qua in re pri-  
mum, ne quid abscedat, requiritur, tum propter cæ-  
tera communia, quæ id præstant, ac chirurgicam me-  
dendi rationem, quæ necessaria est, vt disiuncta con-  
iungat, suoque loco custodiat, recentiores Medici,  
antiquioresq; medicamine ex rosaceo omphacino  
cum ovi albo, ac cæteris similibus vsi sunt. Omne  
enim studium est, vt dolor abijciatur prohibeaturq;  
abscessus: subinde verò ad membri cōsolidationem,  
atque instaurationem, omnem curam transferunt.  
Sed si cum vulnere fractura fuerit, & vehemens  
attritio, vt de corrosione, & corruptione timendum  
sit, scarificandus locus est, vt sanguis fluat, alioquin  
ne emoriatur membrum periculum est. Quanta ve-  
rò sit ossium, ac tendinum hoc pessimo genere vul-  
neris attritio, artis peritiores nouerunt, qui in eo stu-  
dium diligentiamque adhibent ne putrefactio fiat,  
factaque arceatur.

Quo



Quot sint eius vulneris curandi rationes.

## Caput X.

**V**ulneris igitur huius, quo ad combustionem, duplex curatio est, una quæ adusti membri pustulas prohibeat leniter refrigerantibus; altera quæ locum emendet extergentibus sine mordicatione. Quantum verò ad venenum attinet, vehementer attrahentibus, ac calefacientibus utendum est, atque omne studium in laxando vulnere est adhibendum, ut venenum extrahi possit: & hoc quidem à principio, antequam per vniuersum corpus diffundatur. Contusioni autem emollientibus, digerentibusque, tum saniem educantibus occurrendum est. Huiusmodi enim curatio necessaria est, ne prius membrum putrescat, quam contusio ipsa resoluatur. In fractura verò diligentia omnis adhibenda est, ad dolorem sedandum, abscessumque prohibendum leniter refrigerantibus. Sed cum de corrosione, corruptioneque propter fracturam metus est, scarificationibus est utendum: ut effluat sanguis vel corruptio tollatur aliquo ex vehementer detergentibus, ne membrum emoriatur. Quæ omnia, cum inter se pugnancia maxime sint, non equidem video, quo pacto, solo oui albo curationis initio, tot exequi possint, videant qui talia audent: nos verò certo scimus, quæ nulla ratione fiant, nullo modo fieri debere.


Libri primi finis.

h 4 AL-




ALPHONSI FERII  
NEAPOLITANI,  
ARTIVM, ET MEDICINAE  
DOCTORIS.

De Sclopetorum, siue Archibuforum vulneribus:  
LIBER SECVNDVS.



PRAEFATIO.



**A**D compositorum vulnerum curationes nunc descendendum est, quas tum cōmunes, tum proprias proponemus pro rei necessitate, ac diuersitate membri. Nec solū in curandis vulneribus, sed in his etiam quæ interim ægro possunt accidere studium nostrum posuerimus, habita cuiusq; rei, quàm diligentissimè fieri poterit, ratione.

Qui sit in compositis vulneribus curandis  
tenendus modus. Cap. I.

**C**ompositorum itaq; vulnerum, quæ bellicis fulminibus inferuntur, vt sclopetis, vt archibufis, curationis duplex est ratio, altera intentione, altera



ra in executione posita, quam nos partem præcipuè  
prosequemur. Cuius quidem est omnibus affectioni-  
bus subuenire, atq; ijs potissimum quæ maioris esse  
momenti videantur. Leuia enim vulnera & quæ in  
summa cute fiunt, sublata virulenti pulueris mali-  
gnitate aliquibus ex ijs medicamentis, quæ propo-  
nemus, vel nullo negotio curabuntur, vt simplicia  
vulnera. Quamobrem non est, cur de illis multa præ-  
cipiamus. In ea igitur quæ grauiora fuerint, enixius  
incumbemus, vt potè quibus fractura, attritio, con-  
tusio associata est. Quod vt rōne fiat, hæ potissimum  
regulæ, siue canones (vt Medici locuntur) sunt ob-  
seruandi. Quorum primus est, vt plumbea pilula,  
& quicquid secum forte in vulnus intulerit, inqui-  
ratur extrahaturque manu (si fieri possit) ita dili-  
genter, ne quid alienum intus remaneat. Secundus,  
vt instrumenta ita præparentur vt quam facillimè  
pila extrahatur. Tertius; vt veneno suis medica-  
mentis occurratur. Quartus, vt attritione opitule-  
tur, ne nimia contusio, atque attritio membri corru-  
ptionem acceleret. Quintus, vt comminuta ossa ita  
eximātur, ne frustillum quidem carne separatum  
nudatumque relinquatur. Sextus, vt ossa quæ cum  
carne & tendinibus coniuncta fuerint æquētur hoc  
pactō; itaque suis sedibus reponantur, vt membrum  
sine dolore conquiescat. Septimus, vt à futuro ab-  
scessu defendatur. Octauus, ac postremus, vt vulnus  
ipsum per omnes suos gradus, & quicquid interim  
ex eo acciderit, quàm diligentissimè curetur.

Quæ



LIBER SECVNDVS

Quæ ad primum, & quintum canonem obseruandum pertineant. Cap. II.

**I**gitur vt primus & quintus canon diligenter obseruetur cum primum ad ægrum Medicus accesserit digitū indicē in vulnus immittat, vt de essentia ac natura eius certior fiat, atq; interim ossiū fragmenta, si qua inuenerit extrahat, sed quæ carne separata sint, vt supra est dictū. Nulla q; sit instaurandi spes. Proinde diligentiori attrectatione mēbri pila digito, vel specillo inquiratur, extrahaturque, si cōmode fieri possit. Sed quā diligentissimè aduertendū est, ne in ea inquirenda decipiamur, vt per facile est. Tāta. n. vi ex fulmineo quodā motu ferit, vt per multos, ac diuersos anfractus vulnus ipsum tortuosum infligat, nonnulla q; secum alia perferre soleat, vt lorice partes, vel cæterorum armorum, vt vestimentorum fragmenta, atque alia, quibus postea locus, vel breui temporis spacio tam male afficitur, vt intumescat illico, abscedatq;, nonnullæque fiant membranarum musculorumq;, ac cæterorum similium dissolutiones. Quapropter qui perrenui specillo vtuntur (vt vulgo fieri consuevit) quā facillimè fallantur necesse est, aberrat enim illud per facile ex sua tenuitate huc atque illuc inter musculos, inter membranas, inter, atq; intra venas, atque arterias, atque ossa, atq; alia, qua pila persæpe minus transitum fecit. Quam ob causam se se forte aliquando inuenisse existimantes, à contraria parte non necessario



sario incidunt. Vnde nec pila ipsa, nec ossa, nec sanies, nec res vlla alia principalis vulneris exire possit. Quare ne amplius in re tam necessaria Medicis errandum sit, neue egri sine causa tam misere torqueantur, Specillum nostra cura inuentum, quod ex re annulatum appellare libuit, sanè quam commodissimum (vt ostendetur infra) si placeat, sibi vtendum habeant.

De annulato specillo, atque alphonfino instrumento, ac gruino rostro.

Cap. III.


Fiat itaque specillum ex argentea virgula tereti, crassitudine paulo minori, quàm sclopetaria, siue archibulina pila, longitudine verò duorum fere dodrantium, vt ex breuitate eius chirurgicum opus non impediatur vsquam, sed sit diuisum in partes duas, vt commodius feratur, quæ sanè partes tornatili vite (vt appellant) inter se committantur, cuius instrumenti alterum extremum exigui ciceris instar pilula sit, cum foramine, vt fit in acu, per quod flammula (vt appellant) immissa linamenti loco (vt fit) relinqui possit in vulnere. Alterum verò extremum in anulum tam grandem desinat, vt pilam commodè capiat. Sed annuli circulus superne rotundus, inferne labijs sit aliquantum in se reflexis, ita vt mordicus quodammodo pilam apprehendat, apprehensamq; retineat hoc instrumento pilulas, vel à profun-



LIBER SECVNDVS

fundissimis iuncturarum locis, ac potissimum thora-  
cis, vel inferioris ventris, in quibus vel nulla alia  
instrumenta conueniunt, facillimè extrahimus. Cu-  
ius hæc est figura.

SPICILLVM ANNVLARÆ.




Quod si vulneratus lo-  
cus sinuosus sit, ita vt sa-  
nies, vel cruor libere non  
possit efflui: nec ob id pilu-  
la indagari, specillum idem  
fabricetur ex plumbo, vel  
ex aliquo lento, ac flexibili  
metallo, ut pro arbitrio Me-  
dici flectatur, atq; eo facile  
in quemlibet sinum possit in-  
tromitti, & versari flāmu-  
la, & humores emitti, & pi-  
lula explorari, sed extrahē-  
dis pilis longe aptissimū est  
alphonsinū instrumentum,  
quod, quia nostrum inuentū  
est, ita appellare placuit, id  
virga ferrea teres est, quan-

ta annularium specillū longitudine, dodrantium stri-  
licet fermè duorum, & sclopetariæ pilulæ crassitu-  
dine, ab altera extrema parte, veluti à radice, soli-  
do relicto quanto manu commodè teneri possit, treis  
fissa



fissa in ramulos aperiatur, qui ferreo annulo recur-  
rente claudatur si cuspide versus trahas, aperiatur;  
si contra, sed, vt facilius pilasprehendat interior  
extremorum ramusculorum pars, dentata sit, & in  
omnibus caua, seu conuexa deuexa, molliter exte-  
riora. Id tamen longius, breuiusue, pro loci altitudi-  
ne, in quo vti volumus fieri potest, atque hoc pacto  
figuratur.

## ALPHONSINVM.



Nō inuoluen-  
dum tamen silen-  
tio est gruinum  
rostrum (vt vo-  
cant) vt potē  
quod & ipsum  
ad extrahēdum  
instrumētum est  
excellentissimū,  
atq; ab omnibus  
tum veteribus,  
tum recentiori-  
bus commenda-  
tum: quo non so-  
lū pilulæ è diffi-  
cillimis locis, sed  
& alia, vt armo-  
rum, vt cætera-

rum rerum frustula extrahuntur. Huic nos, vt com-

no-



LIBER SECVNDVS

modius manu, ac valentius teneri possit, atque ita pile, ac cetera extranea in vulnere certius explorari, annulos forpicularū modo adijcimus, hoc pacto.

Quæ medicamenta extrinsecis vulneribus  
conueniant curationis initio.

Cap. IIII.

5. de simp.  
med. cap. 17

**I**N magnis Sclopetorum, siue Archibusorū vulneribus frequenter hæc apparere solent Symptomata, Syncope, verrigo, insomnia, & plerumq; febris, uel calor cum siti, afflictor aeger, exæstuat, inquietatur. Oculi præterea quandoq; rubent, & facies oritur sudor; soluta continuitas liuet, uel nigrescit, extemplo enim oræ fuscatae fiunt, et male coloratae, & caro languida. Quamobrem ad omnem veneni vim tollendam, primum alexiterium (idest proprium medicamentum) ut Galenus iubet, adhibendum est, id enim aut alterat, aut euacuat ex corpore, vel membro laborante, alterat siquidem aut una, aut duabus facultatibus, aut simul tota ipsius substantia, aut calore subtilium partium, & venenum resoluendum, siue penetrantium, aut similitudine totius, quam habet cum re quæ euacuanda est, ut contritus Scorpius, qui venenum è Scorpionis ictu optime extrahit, ut superiori libro dictum est. Itaque si frigida natura venenum sit, seu lethale ab excalefacientibus remedium petendum est, si calidum, à refrigerantibus, si humidum, ab exiccantibus, si aridum,



dum, ab humectantibus; vulneris si & humidum, & frigidum sit, ab exiccantibus, atque excalescentibus, si calidum, & humidum, ab humectantibus, & refrigerantibus. Omne igitur mortiferum venenum ab extrinsecus impositis medicamentis euacuatur, nepe aut calore suo attrahit, aut totius substantiæ compositæ similitudine. oportet autem huius antidotum proportionatum esse corpori, cui medemur. Ipsum enim sua calida vi corpori aduersatur, velut & lethale venenum. Quare in omnibus extrinsecis vulneribus simplicibus, tã carnosus; quàm nervosis, siue compositis intercutaneis, etiam lesis tendinibus, ossibus, venis remedium sit ab illato vulnere ad usq; tertium, & quartum diem, quod habet capitelli selibram, solatri minoris cum semine, aut sonchi uncias duas, aut scabiosæ, Theriacæ semunciam, quæ commista in vitreo vase per viginti dies fermententur in sole, quo calido pēna illinatur vulnus: sic linamenta, quibus vulnus reformetur impleaturque, vt moris est. quod si aqua, vel aere, vel alio casu, vt in bello præsertim facile accidit; refrigeratum fuerit, eodē medicamento, sed feruenti vtendum est, ut frigus, humoremq; omnem attrahat, expellatq;: ne putrefiat. alioquin futurum est, vt lethalia symptomata inducantur, ceterū, quod ægyptiacum medicamentum vocant, hisce vulneribus remedium præsentaneum est. Id habet amarorum lupinorum, ac lenticularum decoctionis sexquilibra, aceti acerrimi libram, salis, aluminis, singulorum

vn-



## LIBER SECVNDVS

uncia, æruginis rasæ, seu uiridis æris (ut appellant) semunciam, mellis selibram, quæ ad olei crassitudinē ferueant, theriacæ deinde semuncia adiecta, quibus commistis, utare, ut supra dictum est. Huic medicamento plurimū tribuunt peritiores artis: quando vim habet putredini obnoxia, putrida quæ facta destruendi, & quæ sana sunt, ne putrescant, conseruandi. Iuncturarum autem vulnera, & quæ in ipsis extremis sunt, ad quatuor digitos distantia, eodem modo curantur hoc medicamento, quod fit ex ueneta terebinthina, olei abiegni, terebinthina destillata, seu per uitrium stillicidium (ut appellant) eliquata, Olei hyperici, singulorū vncijs duabus, æruginis rasæ parum cōbustæ, theriacæ, singulorum dimidia dragma, quæ commista in uitreo uase uiginti diebus habeantur in sole; Olei præterea rosacei immaturi, & sambucini, et euphorbij, singulorum vncijs quatuor, æruginis combustæ dragmis duabus, quæ simul admixta membris carnosiss, neruosisq; remedio utilissimo sunt. si eo vulnera repleatur, ut asfolet, quod si cætera defecerint vinum album generosum cum sale ubi efferbuerit calidum vulneribus remedium erit præsentaneum. quodlibet enim ex his medicamentis non modo veneno medetur, ac manifeste extrahit, verum etiam & contusioni, & attritioni opitulatur; earumq; corruptionibus præsentaneum remedium est. Hæc autem medicamenta quæ posuimus omnibus alijs vulneribus, quæ tam morsu, quàm telo venenato sunt, auxiliabuntur, si eodem



dem modo diligenter adhibeantur.

De Medicamentis inextrinsecis, atque  
ignobilibus membris sanguinem  
supprimantibus. Cap. V.

**Q**uoniam in prima extrinsecorum vulnerum cura  
ratione sanguis potissimum supprimendus est,  
ne cum eo, qui thesaurus vitæ est, fugiat et uita, præ-  
ter cætera medicamenta, quæ ab alijs ponuntur, hi  
troscisci, seu pastilli in ea re mihi per familiares sunt,  
ut pote qui accommodatissimi esse videantur, qui con-  
stant ex Hepaticæ aloes vncijs duabus, macræ vn-  
cijs quatuor, leporinorum pilorum minutatim conci-  
sorum vncia vna, oui albo adiecto, qui sane fiant ob-  
longi, rotundi, magni, parui, ut omnibus modis præ-  
sto sint, cum usus exegerit. his & causticam vim ad-  
dideris, si ex his vnciæ uni, dragmam sublimati adie-  
ceris, ut adurendi simul, & astringendi (cum opus  
est) facultatem habeant, quibus omnibus scilicet tã  
causticam vim habentibus, quam non habentibus,  
& tam solidis quàm redactis in puluerem, pro arbi-  
trio tuo uti poteris, hoc est venæ, uel arteriæ incissæ  
cum linamentis ex xilo combusto, vel ex linteolis,  
vel eorum linamentis combustis, uel stupis oïo albo  
intinctis, vel non intinctis super imponere. atq; ita  
locum regida buccellatione (ut nunc loquimur) ob-  
struere: & ita puluillis comprimere, ne qua sanguis  
emanere possit. Reliquum autem vulnus bezaarti-



LIBER SECVNDVS

co medicamento liniendum, curandumq; , vt dictum est. Quod si hæc remedia sanguine vincantur, ad venæ, uel arteriæ illaqueationem deueniendum est, quod hoc modo fit, sit exempli gratia transversum vulnus in rascetta manus, tum supra eius iuncturam tribus, aut quaternis digitis vena, uel arteria ac deprehendenda est: Quæ sane acus ferrea sit, longa semipalmum, tum retusis lateribus quadrata, ne in trāsuendo intercidat, ac recta, nisi prope cuspidem, qua parte falcata, ac retortam ad basis foramen esse oportet.

Ea itaq; duplex filum ducente vena solum, siue arteria prehendatur. In quo plurimum iuuerit anatomica cognitio; deinde duobus hinc inde fili capitibus pulvinum plurima duplicatione constantem, seu plures, alterum alteri impositos, superne, ac strictim, non nimio tamen cum dolore comprehendendum est, nec dimittendum usq; dum venæ, uel arteriæ conglutinationem factam existimes, atq; eo prohibitum sanguinis profluvium, mox ad reliquam curationem properandum, vt dictum est, ac dicemus infra.

Quæ medicamenta locis vulnere adiacentibus conueniant, à prima curatione ad securitatem abscessus. Cap. VI.

**V**T igitur vulnere adiacentes partes fractæ, attritæ, contusæq; instaurentur; & à futuro abscessu



fcessu prohibeantur, astricto sanguine, iufornatoq;  
 vulnere, atq; aliquo ex predictis bezaartico colly-  
 rio curato, & linteolo duplicato ex eodem collyrio  
 imposito, tum fractis ossibus, si qua sunt instauratis,  
 puluilli ex duplicatis linteolis logi, lati q; pro quan-  
 titate membri, ex oui albo, et rosaceo, uel violaceo,  
 æquis portionibus, simul agitatis infra supra q; vul-  
 nus calidi, (etiam æstate) imponendi sunt. Deinde  
 stupe quadrata, aceto, & aqua rosacea madentes  
 pari portione, mox vehementer expressæ ex oui al-  
 bo, & rosaceo, siue violaceo, vt supra est dictum, ijs  
 superimponendæ sunt, vt in fracturarum curatione  
 fieri consuevit. Inde duabus fascijs longis, latis q;  
 ut membra exigunt, hinc, atq; hinc deligandum est.  
 Medium autem vulnus altera fasciola deligetur,  
 postea vero ferula stupis inuoluta superimponatur  
 sed ita, ut vulnus detectum remaneat, quo semel, aut  
 bis in die, si opus sit, curari possit, Hæ autem ferulæ  
 extremæ ita deligentur, vt dolorem agro non mo-  
 ueant, neq; ut soluantur, aut cadant timendum sit.  
 Postremo fasciæ eisdem locis superligandæ sunt, ac  
 membrum ita collocandum, ut sine dolore, sine mo-  
 tu, sine tremore conquiescat. quod commodius fit,  
 aut canali, aut aliquo ex his instrumentis, quibus  
 in fracturis curandis uti solemus. Hæc autem cura-  
 tio in septimum vsq; diem perduret, nisi dolor pro-  
 hibeat, eo enim casu locus detegendus est, vel quoti-  
 die, si sit opus, remedijs q; suprapositis recreandus;  
 Atq; his quæ dolorem leuât ut dicemus infra. Quæ



LIBER SECVNDVS

propter hoc te primum chirurgē rogo, ne cōtrahas, aut demittas animum, neue te obrui tanquam fluetu, sic magnitudine laboriosi negotij sinas. Ex his enim quæ prima curatione fiunt, si diligenter, strenueq; fiant, magna ex parte salus ægroti speranda est. Iccirco danda etiam opera est, ne ministros imperitos habeas, ut in tractandis affectis membris, uel toto ægri corpore munus suum recte exequantur. Nequid peccetur, ne quid committatur, quod cum dolore, vel molestia postea emendandum sit. Qui ministri tamen si non sint, tu te ipse sine aliqua vulnerati membri motione medicamenta innouare, quæ sunt imposita remouere, tum cætera, quæ, factu necessaria sunt, exequi poteris, si fascias omneis, ac ligaturas super vulnus recta linea incidas, & cum lenientia medicamenta adhibueris, acu valentius filum trahente, denuo consuas. Quæ curatio in tertium diem sufficiat, si de sanguinis profluvio minimè timendum est. Atque ita sextus canon observatus fuerit.

De digerentibus medicamentis, ac dolorem lenientibus, & quæ abscessum prohibeant. Cap. VII.

**V**Bi altera & tertia curatione bezaarticū medicamentum impositum est, & curata adiacentia loca, atque aliquo oleo refrigerante illita, ut dicemus infra: quarta, mox & quinta, hoc medicamento



mento vulnus digerendum est, quod fit ex veteræ te-  
rebinthine, vel olei abietini semuncia, vitello oui  
vno, recentis butyri semuncia, quibus commistis, &  
calidis locus perungendus est, & puluilli & lina-  
menta illinenda. Proinde emplastrum Galeni su-  
perponatur, cuius hæc est descriptio. Exempli cau-  
sa, argenti spumæ pondo minā, olei veteris, squamæ  
eris rubri, ceræ resinæ frictæ singulorū pondo, guttæ  
amoniaci pondo, trientem galbani minij synopici,  
singulorum pondo vncias duas, argenti spumam,  
squamam & oleum ad spissitudinem vsque incoqui-  
to: deinde ceram ac resinam inijcito. Cum liqua-  
ta fuerint ab igne tollito, & ammoniacum dilata-  
tum immittito: vbi refrixerint, galbanum & am-  
moniacum indito, synopicum aspergens, ac in mor-  
tario subactis mollitisque vtitor. Oræ autem vul-  
neris, & quæ circum vulnus sunt, oleo perungan-  
tur, quod habeat rosacei maturi libram vnā, lum-  
bricorum in vino elotorum vncias duas, viridium  
sambuci corticum sesquimanipulum, vini albi aro-  
matici vncias duas. quæ vbi deferbuere, colentur,  
vt assolet, atque his calidis membrum illinatur, vt  
dictum est. Proinde oræ vulneris eo puluere consper-  
gantur, qui fit ex rubentium rosarum, & myrti bac-  
carum, singulorum semuncia, lumbricorum in vino  
elotorum, atque exiccatorum in furno vncijs dua-  
bus; quæ commista tenuissimè conterantur; vel ver-  
mes etiam ipsi soli exiccati, redactique in puluerem  
super aspergantur: rectè enim dolorem leniunt, re-  
i 3 creant,



LIBER SECVNDVS

creant, resoluuntque. Vtilissimum etiam oleum est, quod cōmunis olei libras duas habet, contusæ plantaginis, viridium sambuci corticum, singulorum sesquimanipulum: salis contriti semunciam, vini albi, seu lixiuij vncias duas: quæ concocta, atque eliquata in vsum seruanda sunt. Quibus medicamentis digerentibus, recreantibusq; ad manifestā vsq; vulneris digestionē, & meliorem sanicem vtendum est.

De reprimendis medicamentis.

Cap. VIII.

**N**E veneni vis ad interna penetrare possit, vulneratusque locus ob confluentes humores intumescat, abscedatque, commodissimum remedium est, vt & in cæteris vulneribus, quod fit ex boli armenici, terræ lemmiæ, seu sigillatæ, (vt vocant) sanguinis draconis, singulorum vncia vna, olei rosacei, aceti rosacei quantum satis est, quo vngunto vulnerati membri initium ad sex, vel octo digitos à vulnere liniendum est, sed calido, vt medicamenti vis celerius penetret, desuperque linteolo in aceto rosaceo, & aqua rosacea æquis portionibus intincto deligetur. Idem & præstabit lineus pannus quatuor digitorū latitudine, longitudine verò quātum satis sit, replicatus, atque aceto, & aqua rosacea pari portione madens, vel ex aqua, & aceto, quod sæpius iteretur. Noxium enim calorem tollit, futurumque prohibet; fieri etiam lenimentum potest ex albo



albo ouorum quatuor, olei rosacei vncijs quatuor, aceti rosacei vncijs duabus; boli armeni, terræ lemnie, sanguinis draconis, singulorum vncia. Quibus simul agitatis madenti panno (vt supra) vtendum est. Quod & succis herbarum refrigerantium fieri potest, dum locus detumescere videatur, & ab abscessu tutus.

Quod saniei necessario exitus dandus sit. Cap. IX.

Commodissimum, immo necessarium remedium est, vt per collocationem membri, aut per incisionem sanies libere possit effluere. Quoniam vulnera huiuscemodi ignea quadam assatione, & combustione non carent, vt dictum est; eorumque proprium est, putredini, & corruptioni, propter contusiones, attritiones, fracturas, esse obnoxia. Quare membrum ipsum læsum prima curatione ita collocandum est, vt vulnus omnino inuersum sit, atq; ita ore suo partem spectet inferiorem. Quod si aliqua de causa fieri non possit, non est cur incisio à contraria parte vulneris differatur, vt commodius, ac liberius sanies queat expurgari, & locus à confluentibus humoribus immunis esse, & ossium fragmenta, & pila, quæ aliter non potuerunt, facilius extrahi. Quæ omnia nisi exactissime fiant, dubitandum non est, quin magni efficiantur ossium, cartilaginum, ac tendinum sinus, tum profundæ corruptiones.



LIBER SECVNDVS

Vnde fistule insanabiles, ac plura abscessuum genera; vnde gangrenæ, atque vlcera sordida, demum totius membri corruptio, ac mortificatio fieri consuevit. Sed quid, si cauum, atq; sinuosum vlcus videatur; neq; tamen per collocationem membrorum, aut per incisionem, ut supra dictum est iuuari possit, nec ex eo sanies emitti? tum ad hæc auxilia confugiendū est, vt terq; quaterq; curetur die, spongiaq; oblonga, tenui, ac leni diligenter detergatur; quæ bene consuta, atq; colligata sit: ne quid ex ea in vlceris sinibus relinquatur, amittaturque. Prodest etiam ad expurgandam saniem tenta ( ut vocant ) Cannularis, si ex hederaceis frondibus, aut ex citrorum, aut malorum medicarum, aut ex plumbi lamina, aut alterius metalli fiat, atq; intromittatur. His enim præsidijs iuuatur natura, promptiorq; fit, ad caua loca, carne implenda, atq; instauranda.

Quæ ad septimum canonem pertineant. Cap. X.

**A**bsoluta vulnerati membri curatione quæ manum postulat, ad cōmunes curationes transeundum est, ac primum ad venenum tollendum, atq; ad fracturas curandas aliqua medica potione; qualis ea est, quæ fit ex terræ lemnia, seu sigillatæ alexandrina, boli armenici orientalis, singulorum dragma media, reubarbari electi dragma una; mumia scrupulo uno, aquæ acetosellæ; plantaginis, vini sanguinei,



nei, seu nigri, singulorum semuncia. Quæ potio post horam ab illato vulnere calida assumenda est. Fit etiam potio quæ cornu ceruini combusti, mumia, terra lemmia, cætaurea maioris, singulorum dimidiam dragmā habeat, acetosæ aqua adiecta, & vino sanguineo, quæ assumatur, ut dictum est. Quælibet autem ex his potionibus, tam mane, quam vespere, per duas horas ante cibum Syrupi loco exhiberi potest. quod quidem remedium, non modo veneno, sed, & sanguinis fluori; & fracturis ipsis præsentaneum fuerit.

## De Aluo ducenda. Cap. XI.

**A**luus (ubi est opus) leni hoc clystere ducenda est. in quo sint diacatholic. floris cassiæ, singulorum semuncia. mellis violacei, saccari rubri, singulorum vnciæ duæ, olei violacei, & amigdalorum dulcium recentis singulorum vnciæ duæ, decoctionis maluarum, matrum violarum, furfuris, hordei, chamæmeli, siue chamomillæ cum arietino capite; vel gallinacco iure, quantum satis est, salis dragma adiecta, totiesque repetatur, tota curatione, quoties opus erit. Fit etiam clyster ex oleo; & salis modico; uel ex decoctionis maluarum, matrum violarum furfuris, parietariæ, chamomillæ ex aquæ; quibus percolatis adiiciantur salis dragmæ duæ, olei vnciæ quatuor; saccari rubri vnciæ duæ, vitelli ouorū tres.

Ore



## LIBER SECVNDVS

Ore autem omni tempore anni lene pharmacū assu-  
mi potest, quod habeat diacatholic. triseræ persici,  
singulorum drachmas quinque, reubarbari electi,  
agarici in puluerem versi, singulorum scrupulos  
duos, buccæ fiat, siue bolus, ( vt dicunt ) deturq;  
dormituro, per horam ante lucem. Vel fiat potio ex  
his cum aqua acetosæ si d' spissiori pharmaco æger  
abhorreat, qua mouendæ alui ratione tota curatio-  
ne vti licuerit. Cum humores minuendi, vel eua-  
cuandi fuerint. Quod si hæc omnia fastidiat æger,  
catapotia ex reubarbari electi, agarici contriti,  
aloes elotæ, singulorum scrupulo vno ac dimidio,  
quinq; fiant numero, cum electuario ex rosaceo suc-  
co, denturque dormituro duas horas ante lucem.  
Quorum adaugent vim, si necesse sit, mane vnciæ  
duæ ac dimidia, ex gallinaceo iure, in quo salis ni-  
hil iniectum sit, vel ex aqua acetosæ. Fieri etiam po-  
test violacea potio è tribus, aut sex violarum infu-  
sionibus, vel rosacea ex totidem rosarum damasce-  
narum, adiecto saccaro, quantum satis sit. Dosis au-  
tem à ternis vncijs ad quatuor ascendat, cum aqua  
acetosæ, ac per duas horas ab assumptis catapotijs  
deuoretur.

De sanguine mittendo, & quando id fieri  
debeat. Cap. XII.

**I**llud primum in sanguinis missione videndum est,  
Iam in hisce sclopetorum, siue archibutorum vulne-  
ribus,



ribus, ea serie, ac modo, quo in alijs affectionibus huiusmodi euacuationem deposcentibus, mittendus sit, siue id ratione, siue experimento, siue utroque fiat. Sed cum boni Medici sit, quæ partes corruptæ sunt, instaurare, & quæ inculumes, tueri; in omni venenata læsione quæ extrinsecus fit, ne venenum per interiora loca diffundatur; detractio sanguinis aliena est. quamobrem à Medicis omnibus prohibetur, quemadmodum & vehementior euacuatio per alui deiectionem. Quandoquidem ex eo contra, ac opus est, accideret, scilicet non ut venenata vis à venis, atque arterijs extrahatur, (ut Medici consilium esse debet) sed ut ad interiora loca attrahatur, coaceruaturq; , quod noxium est. Quamobrem & si necessaria videatur venæ incisio ob inflammationes prohibendas, humoresq; minuendos, vsque tamen in tertium, vel quartum diem differatur, necesse est, vsque dum (inquam) ab omni veneni suspicionem per medicamenta quæ posuimus, eam scilicet vim habentia, tutus esse possis. (ut præcipit Auenicenna) Quin etiam haud inconueniens est, si in sextum, vel septimum, vel octauum, vel etiam in vigesimum diem protrahatur. Afferit .n. Gal. in sanguinis missione numerum dierum minime attendendum esse. Cum igitur curationis initio, hoc est tertio, vel quarto die (ut diximus) sanguis mittendus est, ne scilicet ob eius plurimum dominium agro quid mali accidat, tum præstat (nisi quid urgeat) priori missione minus detrabere: iterumq; eam repetere. immo si

6.4. tract. 3.  
cap. 1.

De sectione  
venarum



LIBER SECVNDVS.

De sectione  
uena.

Lib. 1.

lib 35. tract.  
2. cap. 4.

si lubet, & tertio, cum vires maximè imbecillæ sunt  
(vt monet Galenus) siue in hac venæ incisione in-  
tentio sit, morbum ipsum per auersionem, vel eua-  
cuationem, vel diminutionem, vel eradicationem  
peccantis materie curare, siue membrum à futuris  
symptomatibus conseruare. Hora autem mitendi  
sanguinis matutina tutior est, sub ortum Solem. Eo  
enim tempore aeris calor temperatus est, faciliorq;  
est sanguinis motus, atque eo felicior eius detractio,  
cum eius proprium sit moueri à ternis horis ante lu-  
cem ad totidem horas post Solis exortum. Mittatur  
itaque ieiune, atq; aluo deiecta, vt moris est. Quan-  
do post satietatem nihil est agendum. (vt inquit Cel-  
sus) Nec te moueat quod inquit Ras. ex authorita-  
te filij Mes. scilicet in quolibet venenato morfu, si  
dextra parte fuerit, eodem die sanguinem mittend-  
um esse, illud quippè de scarificatione, quæ ibi fieri  
debet, intelligendū est, vt infectus sanguis liberius  
profluat; Etenim subdit Ras. ex authoritate Albu-  
ma. ægrum mane gallinaceo pullo pingui cibandum  
esse, ac tertio deinde die sanguinē mittendum. prohi-  
betque id fieri secundo die, propter debilitatem (vt  
ipse inquit) virtutis ac vigilias. Monetque id, vbi  
comederit, & dormierit æger, faciendum esse. Illud  
præterea non inutile fore duximus, si cœlestium si-  
gnorum, quibus humana membra subiiciuntur, at-  
tendas vim. Qua enim hora dominantur, ex subie-  
cto membro sanguinem mitti alienum est. Quæadmo-  
dum & ab alijs incisionibus abstinendum.

De



## De victus ratione. Cap. XIII.

**C**omune est omnium vulnerum curationibus,  
à principio tenui victu uti, vt inflammationes  
arceantur, ac potissimum in bono corporis habitu.  
Quamobrem Medicus morbi diuturnitatē, vel acu-  
men habitu corporis metitur, qui si humidus sit, ma-  
gis quàm siccus, abstinentiam substinet, vt inquit  
Auicenna. Calidis autem & siccis habitudinibus  
nihil magis noxium, ac detestabile est quàm cibo &  
potu abstinere. Considerat etiam Medicus etates;  
nam mediæ facillimè in ediam substinent, minus iu-  
uenes, minimè pueri, & senectute confecti, vt Hip-  
po. inquit. Quibus in omnibus consuetudo etiam cu-  
iusque seruanda est. At in sclopetorum, siue archi-  
busorum vulneribus longè etiam maior ratio haben-  
da est, præcipuè si magna sint. quandoquidem in car-  
nosis membris ob immodicam carnis dilaniationem,  
maximam fieri spirituum & virtutis dissolutionem  
necesse est. Quod etiam in iuncturis fit, & in tendi-  
nibus. Cum maximè est ossium fractura, & commi-  
nutio, in quibus dubium non est, quin magni fiant  
abscessus, & sera curatio, tum maxima nutrimenti  
resolutio, & virium imbecillitas. In eo igitur ægroti  
statu, maiori Medico prouidentia vtendum est. At-  
que ita liberalius aliquanto cibum, & potionem  
præbere. Deficiunt enim tenui victu vires, maio-  
resque morbo acquiruntur. Quamobrem quæ va-  
lentioris nutrimenti sunt, & facillè concoquuntur  
re-



## LIBER SECVNDVS

rectissimè dantur, qualia sunt oua sorbilia, contusum, consumptum (vt vulgo appellant) vinum tenue, ac sanguineum, & hæc vel à curationis initio, non plurima tamen, sed modicè ac sæpius assumenda, ne vires per se tenues opprimantur. Comparari enim æger quandoque sitiienti lucernæ rectè potest, quam si plurimum addas olei, intermorientem videas, si paululum, reuiuiscientem necesse est: summa itaq; ope cauendū est, ne quid in alterutrū peccetur, quod postea nullo pacto emendari possit. Verum, vbi morbus & vires patientur hæc victus ratio commoda esse poterit, panis scilicet cum lacte caprino, vel vaccino, uel amygdalino decoctus, uel cum oleo, uel butyro, vel oleo amygdalino saccaro adiecto, lenticula item cocta, vel cicer, vel phaseolos, vel faba cum oleo, vel butyro, quæ si non sint, vel esui ægro ex toto iniucunda, cibarium fiat ex cicorio decocto, uel pimpinella, uel vtraq; lingua bubula, uel utraq; pastinaca, adiecto uel oleo, uel butyro, vt supra. Dari etiam possunt his præsertim qui delicatiori stomacho sunt, olera ex gallinacei pulli iure decocta, vel hadino, vel vitulino, vel alterius eiusdem generis animalis. Auicula præterea tam elixæ, quàm assætum gallinaceorum pullorum extremæ particula, vt criste, vt alæ summæ, ac cætera generis eiusdem. Cerebella item eorum plurimum commendantur, ac præsertim in capitis vulneribus. Potio autem, si vires patiantur, mulsa sit, ex tribus mellis vncijs, & aquæ libris octenis, quæ ad octauā partem ferueāt.

Aqua



Aqua item cum saccharo uel ex decocti seminis coriandri semuncia, & aquæ libris sex, quæ ad sextâ partem decoquantur, & cum iulebo (ut uocant) uel uino ex punicis granis assumatur. Vinum item, si vires imbecillæ sint, uel naturalis calor, uel habitudine natura, uel ex accidenti frigida, insequentibus symptomatibus quæ virtutem prosternant, uel plurimum sanguinis effluxerit, rectè dari potest. Quin multi ex profluvio sanguinis intermorientes ante ullam curationem uino reficiendi sunt, ut inquit Cornelius, quâquam id ex sui natura inimicissimum vulnere est. Attendenda est etiâ ægri consuetudo, quæ si uini bibendi sine noxa fuit, illud dari permittit, ac præsertim senibus, ac frigidis anni temporibus, uel regione, uel cælo argente, uel exhausto corpore, ex fructibus uero passæ uux comeduntur, amygdalæ, pistacea, nuclei pinei, auellanae nuces, castaneæ, carycæ, pyra, mala apiana, tosta potissimû, atque id genus cætera. Citrorum item cortices, uel cucurbitarum, uel linguæ bubulæ radices, uel lactucarum thyrsi conditi cū saccharo. Quæ omnia ad usq; septimû, uel quartumdecimû diem, uel dum æger ab abscessu tutus sit, seruanda sunt, deinde uictu nō ita tenuiori, si per morbum, & uires liceat, utendū est.

Quibus medicamentis abscessibus, & dolori  
subueniatur. Cap. XIII.

**F**Requentissimum est, ut hæc bellicorum fulmi-  
num



Fen. 4. 4. tra  
Q2. 3. cap. 1.

num vulnera abscedant, etiam in carnosiss membris  
Iuncturas enim vel semper hoc malū infectat, quin  
Et in his mitiora mala sunt febres; Et abscessus, e-  
tiā in diuersis locis à vulnere, ut testatur Princeps.  
Quamobrem emplastro, quod à nemine improbat,ur,  
initio subueniendum est. Id fit ex farinae hordeaceae,  
viciae, fabarum, lupinorum, lentium, ciceris, singulo-  
rum vncijs quatuor, è quibus si qua non sint, pondus  
ex ijs quæ sunt, suppleatur, adiecta syrupi acetosi  
simplicis selibra; Et si erysipelas sit, vel inflamma-  
tio in membro, solatri contusi vncijs quatuor, atq; in  
lixiuio decoquantur, si autem vulnus ex aliquo acci-  
denti refrixerit, loco syrupi acetosi, ex mellis seli-  
bra, Et lixiuio emplastrum componendum est. Illud  
vero medicamentum nobis magnopere probatur,  
quod ex malis punicis acris sapore duobus fit, ac to-  
tidem ex dulci, quæ integra, ac solida aceto, et lixi-  
uio percoquenda sint. Proinde addendæ ex ijs quas  
supra posui farinis singularum vncia duæ, Et syru-  
pi acetosi simplicis selibra; è quibus rursus vna con-  
coctis, Et in lapideo mortario contritis, agitatique  
emplastrum fit, quod in locis neruosis, carnosisque; ab  
inflicto vulnere ad morbi statum, ac dum ab absces-  
su tutus sit æger, remedium conuenientissimum est.  
Fit etiam aliud ad sedandum dolorem, Et vulnus re-  
creandum ex semine lini contuso, Et cum vino albo  
odorato, vel sanguineo, cōcocto. Et si lini semen non  
sit, ex fursure in aqua salsa, vel lixiuio decocto, vel  
in vino albo, vel sanguineo, salis modico adiecto.

quod



Quod remedium in iuncturarum tumoribus præsen-  
taneum est. Componitur item aliud ex sapa, & fari-  
na seminis lini, fæni græci, et furfure simul decoctis,  
id resoluit, reficitq;. Aliud item è panis furfuracei  
fragmento; & in lacte vaccino, seu caprino conco-  
cto; quo & in vulnere abscessibus aliqui vtuntur,  
tollit enim dolorem, sed tutius, si quid salis inijcias.  
Fit postremo è panis nautici libris duabus, in lixi-  
uio, vel aqua marina decocti, mellis selibra vel sa-  
pæ addita, quod non quidem certe minus proficit,  
quàm cætera omnia: quæ supra posita sunt. In omni-  
bus præterea neruosis, & carnosis mēbris ad absces-  
sus desiccandos, resoluendosq;, tum ad reficiendum,  
multum proderit, si locus ipse aqua vitæ, (ut appel-  
lant) septies eliquata, & calida delinatur, superq;  
insperso puluere, qui fit ex lumbricis in uino elotis  
& exiccatis in furno. qui si non satis sit ad tollen-  
dum abscessum; fiet ex nucis muscatæ, (ut vocant)  
& sulphuris singulorum selibra, rosarum imperfe-  
ctarum, myrtearum baccarum, & uermium præ-  
dictorum, quos eo modo præparaueris, singulorum  
uncia vna: quibus cōtritīs, ac cōmixtis locus, quem  
ante aqua vitæ calida illiueris, vt supra, inspergen-  
dus est. Quod siue in statu, siue in declinatione vul-  
neris, et abscessus, conuenientissimum remedium est.  
Verum si membrum ob ingentem dolorem, atq; ab-  
scessus metum perungendum est, medicamētum fiat  
ex olei libris duabus, salis vncia, euphorbij semun-  
cia, lumbricorum in vino elotorum vncijs quatuor,

k

vini



LIBER SECVNDVS

vini albi aromatici vncijs duabus, quæ lento igne ad usq; vini consumptionem ferueant. Quod si ex anni tempore, vel regionis, vel ex altera causa frigus timendum est, addatur ruta, & absynthij singulorum sescuncia, quo percolato, more artis utendum est. utilissimum etiam oleum est, siue ad resoluendum, siue ad recreandum, siue ad prohibendum abscessum, quod fit ex olei hyperici compositi, olei terebentinae, olei rosacei immaturi, sambucini, masticini, euforbi, singulorum vncia: salis semuncia, vini albi aromatici vncijs duabus, quæ simul ferueant; & in usum seruentur. Oleum præterea rosaceum, vel chamæmelinum, cum aqua vitæ septies eliquatæ pari portione in omnibus morbi temporibus: tum materia calida, uel frigida, & carnosio, vel nervoso membro remedium optimum, & præsentaneum est, quo, si totus locus dolore afficitur, delinendum est, quod si abscessus ad maturitatem iam peruenerit, cutis eius axungia suilla, uel gallinacea attenuanda est, quo facilius sit puris eruptio, ut ex arte fieri consuevit.

Quæ Medicamenta putridos nervos, ac tendines detergant, & à putredine tueantur. Cap. XV.

**T**anta est in hisce vulneribus nervorum, ac tendinum attritio, ac dilaceratio, ut in eis unien-  
dis quandoq; vel nullo modo spes esse possit. Quapropter, cum & ad corrumpendum, suapte natura  
facilia



facilia sint & ab aere ambiente adiuuentur, summa  
cura medici in eo esse debet, ut tanto malo, quibus  
potest auxilijs subueniatur. Ac si aliter fieri non  
possit, cum certa sit corruptio, & neruorum disten-  
sio, uel prima curatione, ferro recidantur. Præcipit  
enim Auicenna punctum neruum, siue aliquo pacto  
incisum, ac multo magis attritum, & corruptione  
paratum, unde mox distentio timenda sit, transuer-  
sum amputandum esse, quod ante eum, & Galenus  
asserit. In ijs enim inquit qui per transversum per-  
cussi sunt, reliquum tendinis ipse amputo, ut tuta sit  
mihi curatio. Prodest itaque à principio nervosas  
partes detectas, præter Bezaarticum medicamen-  
tum; quod supra positum est, puluere ex tutia præ-  
parata super inspergere. Qui si non sit, puluis ex cal-  
ce viua ac decies elota, atq; exiccata idem præsta-  
bit. Præseruat enim à corruptione, & iam factam  
tollit. ij sanè pulueres, & in digerendo vulnere ad se-  
ptimum, undecimum, uel quartumdecimum diem,  
ubi medicamento ex terebintina & uitelli oui æqua  
portione usus fueris, accommodatissimi sunt. Quod  
si adhuc lenta, ac difficilis fuerit neruorum curatio,  
ijsdē pulueribus uti licet, linamentis in rosaceo mel-  
le intinctis, quo etiam tempore, tutiæ, uel calcis ui-  
uæ puluis omittendus non est. Fit etiam vnguentum  
ex mellis, succi apij singulorum semilibra, succi ab-  
synthij sexcuncia, quæ ad mellis crassitudinem fer-  
ueant, adiectis deinde terebinthina venetæ vncijs  
tribus: tutiæ semuncia, euphorbij dragmis duabus,

k 2 farine

4.4. tract. 1.  
Cap. 3.

De compo.  
medic. Lib. 3



LIBER SECVNDVS

farinae ordeaceae dragmis tribus, mane, & uesper  
uti potes linamentis eo illitis, sinus omnes replendo.  
In cholericis autem, & calido anni tempore puluis  
inijci potest, qui constat ex tutiae praeparatae semun-  
cia, & euphorbij dragma, & viuae calcis decies elo-  
ta sesquidragma. Mirifice nervos detergit, a futu-  
ra putredine praeseruat, & vulnerum concaua car-  
ne implet. In frigidis autem habitationibus, uel te-  
peratis, & in frigidis locis, puluis e tutiae praepara-  
tae, et euphorbij pari pondere quam optimus est; sine  
enim dubitatione detergit. Verum si de cangrena,  
vel alia corrosione timendum sit, aegyptiaco suorum  
simplicium aequis portionibus confecto, & pulueris  
paulo adiecto occurrendum est, uel, si non sufficiat,  
arsenici paulo sublimati. Postremo si ne haec quidem  
profunt, uel ob aliquam etiam causam nolis uti, ad  
candentis ferramenti opem confugiendum est: ex quo  
certa tibi auxilia promittuntur, & cum recreatio-  
ne membri. ad crustam deinde curandam, gignen-  
dam carnem, ad cicatricem inducendam medicamen-  
tis incumbendum est, quae sane plurima a veteribus,  
ac recentioribus posita sunt.

De inquietudine, vigilia, dolore, et quo pacto  
curentur. Cap. XVI.

S Clopetorum, siue archibusorum vulnera fere sem-  
per vigilia insequitur, ac inquietudo, quae vel de  
acerrimo dolore, vel alia de causa oriuntur; & cum  
frecuen-



requentissima hæc sint, deteriora tamen etiam incidunt, somni scilicet priuatio quæ de uitam auferentibus est ( ut scribit Auerrois. ) Vires enim naturæ debilitantur, cruditates fiunt, atq; ita morbus incre-  
scit. Somnus etenim ( ut ille ipse inquit ) ligamentum virtutum est, atq; earū confirmatio, quemadmodum superflua vigilia, dissolutionis, & imbecillitatis virtutum omnium causa est. Quamobrem totis viribus peruiigilanti ægro succurrendum est, ne tanta fiat cerebri exiccatio, ut mox occurri non possit; quo fit si incotuso, uel consumpto, papaueris albi semen inijceris, uel lactucam decoctam ex aliquo iure dabis; quibus si non profeceris, duabus horis à cena calidam potionem, uel frigidam ( si manis ) assumet, quæ fit ex syrupi papaueris vncijs duabus, & aquæ lactucæ, uel nenupharis, vel cucurbitæ; vel solatri vncijs quatuor, ex quibus magna quies oriri solet.

Quod si tamen non fiat, ex Philonij romani scrupulo, & saccari rosacei; & electuarij, diamusci nucis, singulorum media dragma; inauratus bolus post cenam horas tres, uel sub aurora ieiuno dandus est; uel potio ex ijs cum lactucæ aqua, & vini albi paulo, tutissimum medicamentū est, & magna ui ad somnum conciliandum, & leniendum dolorem. Prodest etiam multum, vnguenti populeonis, & olei Mandragoræ æqua portione tempora illinere, quod et ualētius fuerit, si opij grana duo adiiciantur, aut Mes. catapotium unum, vel duo ex lingua canina assumantur, aut ex ijs, quæ in destillationum morbis cō-

k 3 mendan-



## LIBER SECVNDVS

mendantur. Aut Petri à Tusignana catapotium vnum, ex ea compositione quæ fit ex opij, croci, cassiæ lignæ, singulorum dragmis quatuor; detur dormituro ex uino albo, si ægri vires huiusmodi medicamenta patiantur.

Quo nam pacto neruorum distensio, seu conuulsio curetur. Cap. XVII.

Quamuis ab Hippocrate, ac cæteris medicæ rei professoribus dicatur neruorū cōuulsionem in vulneribus lethalem esse: non tamen nonnullos eo morbo laborantes, dijs bene iuuantibus, ad sanitatem perduximus. Ponam infra quibus remedijs sumus vsi, vbi cæterorum aliquot recensuero. Itaque, præter cætera quæ in tam prauo symptomate medicamenta passim adhibent, oleum est ex decocto euphorbij calidum vniuerso corpori illitum, ac maxime inguinibus, & alij cum lana succida, vel pellis duabus & madentibus, anteriora, ac posteriora corporis fouendo, quæ ne frigescant, calidi olei iteratione cauendum est. Occiput item inungunt olei spicæ nardi, nucis muscatæ, irini, hyperici, chamæmelini, axungia gallinæ singulorum semuncia, alij addunt vitæ aquæ septies eliquatæ sescunciam, quo magis penetret, reficiatque. Alij corpus, vel membrum in oleo balneo immergunt. alij omentum vaccinum, vel alterius animantis calido oleo madens membro affecto vertebraisq; superimponunt. Alij



*Alij balneo ex oleo herbas conuulsioni conferentes  
idijciunt, vt sunt anetum, chamomilla, absynthium,  
uta, hypericon, iua artetica, centaurum, bettonica,  
ticas, chelidonia, radices ireos, radices altheæ in  
vino albo decoctæ, & cum oleo sabino mixtæ. Sed  
facilius morbi huius curationes intelligentur, si qui  
int eius effectus, ac species breuiter ostendero. neq;  
enim aliud importunior, acutiorque morbus est, vt  
inquit Cel. his igitur quodam rigore neruorum (vt  
ille ipse ait) modo caput scapulis, modo mentum pe  
ctori annectit, modo rectam, & immobilem cerui  
cem intendit. Priorem Græci (opisthotonon) in se  
quentem (enprosthodonon) vltimum, tetanon ap  
pellant. Qui sanè morbi ea qua dixi ratione curan  
tur. Verum si per ea medicamenta parum profici  
tur, aqua vitæ eliquata (vt supra) adhibita prius  
vehementi frictione affectum membrum madesiat.  
Mox ardenti candela admota flammam concipiat,  
dum ea ipsa per se se extinguatur. Idque toties fiat  
in die, vt pustulæ, atq; intercutaneæ adustiones ap  
pareant. fieri enim potest, vt primo non oriantur, tam  
leniter flamma eam aquam lambit. quæ aqua si for  
te non fuerit, xilon, vel stupæ per spinæ vertebra  
(si opisthotonos fuerit) tenuissimè extendantur, vel  
per anteriorem thoracem (si emprosthodonos sit)  
atque igne incendantur, aduranturq; dum ex se se  
flamma moriatur. Sed illud interim aliquo ligni cu  
neo prouidendum est, ne inferiores maxillæ superio  
ribus ita annectantur (quod his morbis fieri cōsue  
uit)*



## LIBER SECVNDVS

uit) vt nullo modo cibus assumi possit. Etenim si id fiat, mors insequatur (ut nemo ignorat) necesse est. Remedium insuper ea in re præsentaneum est, si iun-  
cturae ipsae maxillarum vtrinq; abradis pilis (si fue-  
rint) aqua vitæ, uel xilo inurantur: quomodo supra  
dictum est. Oleoq; ex euphorbio perungantur, vel  
quali in occipitio utuntur, ut supra retulimus. Quod  
si hæc non sufficiant, ultimum in tetano; atque opis  
thotono remedium est, ad cādentis ferramenti opem  
transire, atq; eo tertiam, quartam, & quintam ab  
occipite vertebram ad membranam vsq; vel ad os  
etiam, (si illud parum sit) adurere. Pari ratione in  
emprosthotono furculæ partes, tum anteriores, tum  
posteriores, atq; earum mediæ, ad usq; ossa igne cu-  
randæ sunt, atq; idem in tetano. nec interim omitten-  
dæ sunt vnctiones quas dixi, à quibus multum auxi-  
lij sperandum est. Sed adustio quaquaversum cice-  
ris magnitudinem non excedat, rotunda figura, vel  
quata. Adhæc multum profuerit, si cerebrum ali-  
quibus ex ijs quæ ad id faciunt; recreetur; ac si ele-  
ctuario pliris palatum inungatur. Vel morsellos  
(vt vocant) sub lingua æger retineat, qui ex pulue-  
re sunt electuarij pliris, vel diamusci dulcis, uel di-  
ambra, uel ex his omnibus (vt fieri consuevit) cum  
aqua betonica, & saccaro. Theriaca insuper, vel  
mitridatium palato persæpe illinendum est. Pulue-  
re item caput, prius attonsum (si per morbum, & ui-  
res liceat) inspergendū est, qui fit cantaridum, amo-  
tis capitibus, ac pennis fescuncia, carbonum ex viti-  
bus



ous vncijs duabus, & salis vncia, tum lineo panno  
 mundo velandum, & calidis brasica folijs totum fo-  
 ramentum circumdandum est. Atq; hæc toties repetenda, vt pustulæ  
 vasis pili effluant, & aqua, & sanies multa erumpat. Idque per  
 dies quindecim, aut viginti ita sepe iteretur, ut ce-  
 rebrum ab omni interiori abscessu liberetur. Quibus  
 operactis emplastro, totum caput illinatur, quod fit  
 ex emplastri betonica, cetaurij, emplastri etiam (vt  
 dicunt) gratiæ Dei, diaquil. maioris, cum gummi,  
 oxicrocei, ceræ citrinæ, picis naualis, singulorum  
 fescuncia. Quæ lento igne dissoluenda sunt, & v-  
 sui magdaleones seruandi. Ac insuper tota cu-  
 ratione aduertendum est, vt alius aliquo ex sol-  
 uentibus moueatur.

De maiorum bellicorum fulminum contu-  
 sionibus. Cap. XVIII.

**Q**uanquam de sclopetorum, siue archibusorum  
 vulneribus priuatim dicere instituimus, quo-  
 niam maiora bellica fulmina, ut muscettæ, ut colu-  
 brinæ, ac cætera generis eiusdem, tanta impressio-  
 ne, ac vi feriunt, vt mortem vel semper inferunt,  
 non tamen alienum instituto nostro visum est, si de  
 ijs etiam aliquid dicatur. fieri enim forte fortuna  
 potest, vt non semper interimant, sed contundant  
 tantum, vel ictu, vel etiam spiritu, vt superio-  
 re libro dictum est; atq; ita, vt medicamenti inter-  
 dū subueniri possit. Dicemus itaq; de eorū contusio-  
 nibus



## LIBER SECVNDVS.

nibus, quæ sine vulnere fiunt, nam quæ cum vulnere sunt, vt sclopetorum, curabuntur. ne quid huic nostro labori (quantum in nobis fuerit) deesse videatur. Atque egri hac etiam parte adiuentur. Contusionibus igitur, quæ à maioribus bellicis fulminibus fiunt, longè seuiſſimi effectus oriuntur, si ab initio maximè, non rectè curentur. Si quidem modico spacio mēbra corrumpūtur. Quapropter siue carnosā, siue nervosa sint, à principio medicamentū adhibendū est, quod sit ex albo ouorum duū, olei sāmucini, olei rosacei, singulorū sescūcia. Quæ simul agitata, stupis, et linteo imponātur, vt moris est, sed prius illita sint, calidis hisce vnctionibus, quas supra dixi. Quod si sambucineū, vel rosaceū oleum non sit, ouorū alba cum altero tāto myrtei olei, violacei, et nenupharini, & salis semuncia agitentur, vel cum vnguento rosaceo, & populeone, & infrigidante Galeni imponenda sunt. Verum si ne hæc quidem sunt, ex olei succi solatri, & plantaginis, & lactucæ, vel alterius refrigerantis herbæ aqua portione, & salis aliquo adiecto, lineo panno madente frequenter membrū fouēdum est, deligandumq; insuper est non admodum arctè, ne dolor moueatur, attrahanturq; humores, & locus inflammetur. Nec nimis lente, ne plurimo sanguine cōcurrente quā citissimè abscedat: commodior itaque inter vtrunque ligatura fuerit. Secundo verò die ouorum duum albo cum vitellis, atque olei amygdalini dulcis, rosacei, sambucini, & chamæmelini singulorum semuncia, & sali



lis triti altero tanto contusio curetur vt supra, infusa prius, vel illita ijs vnctionibus quas supra posui, atque in quartum vsque diem procedatur, & bis in die, si dolor vrgeat, semperq; experiatur Medicus, an locus, nec ne, sensum habeat, quod si hebes, vel Medicus sit, ad vltiora transeundum non est, antequam scarificationes fiant, vel intercutaneæ, vel altiores, prout membra carnosâ, vel nervosa fuerint, vt ex ijs sanguis multus erumpat. Hoc enim remedium (vt inquit Auicenna) laborem excusat, idest membrum, ne emoriatur, efficit: deinde autem scarificatus locus lixiuio, & sale detergendus est, vel aceto, vel vino, sale semper adiecto, vel aqua marina, vel salsa artificiose facta, & calida: superimponendum deinde emplastrum aliquod, ex ijs quæ diximus, bisque die reperatur, dum ex toto fuerit resoluta contusio. Verû si sensus integer semper fuerit, & contra diminuta contusio, scarificationibus opus non est. Sed cum resoluentibus procedendum, & sanguinem contusum carminantibus: delinendus itaq, locus est ex olei chamæmelini, amygdalini dulcis, absinthij, rutacei, aquæ vitæ, singulorum vncia, ac dimidia. Super autem emplastrum imponendum, quod habeat florum chamomillæ, meliloti, hyperici, sticadis, absinthij aridi, singulorum sesquimanipulum, farinæ seminis lini, & fœnugræci, & hordei, & fabarum, singulorum selibram, sapæ sesquilibram, olei amygdalini dulcis, & amari, & anethini, vtriusque lilij singulorum sescunciam, & vini albi

Fē. 3. 4. Can.  
Cap. 3.



LIBER SECVNDVS

albi; quantum satis est. Quod si adhuc lenta, & difficilis sit ad resoluendum contusio, & sanguis ad dissoluendum, fomentis adiuuanda est. Itaq; spongiæ ex eo decocto expresse imponantur, quod fit ex chamomillæ, anethi, sticadis, betonicæ, centaurij minoris, chelidoniæ, hyperici, sansuci, minoris, & maioris ocymi (basilicum vulgo dicunt) sesquimanipulo. Quæ cum vino albo decoquantur; atq; his locus bis die foueatur, perungatur, emplastrumq; imponatur, vt supra est dictum. In declinatione autem cæratum aliquod ex his quæ capiti conueniunt, applicandū est, ut illud est, quod fit ex betonicæ, vel centaurij, vel chelidoniæ, uel gratiæ dei, uel diachilo. maioris, & minoris; vel generis eiusdem. Si quid autem in pertractando membro fracti ossis inueniatur, instaurandum est, deligandusq; locus ita est, vt comode contusio detegi, ac curari possit.

De adustionibus curandis. Cap. XIX.

Prima curatione remedium quamoptimum est, quod constat ex oui albo; & vitello, atque olei rosacei altero tanto, violacei, & myrtini, & quantum est eorum omnium pondus, aqua rosacea: vel plantaginis, vel semper vini, vel solatri, vel cucurbitæ, quæ simul agitentur, ut assolet, & cum lineo panno frigida (si tempus anni calidum sit) atque è diuerso, tepida imponantur, singulisque horis mutantur. Fieri autem medicamentum potest ex prædictis



dictis aquis, vel ex earum aliqua, cum rosacei pari-  
pondere, atque eodem modo imponi. Maxime item  
initio adiuventi est, si ex lactis humani, vel alte-  
rius, aquæ rosaceæ, & olei ex rosa aqua portione  
fiat, atque eodem modo vtamur. Item si ex vnguen-  
to populeone, refrigerante Galeni, & vnguento ro-  
saceo, & sandalino, & lacte humano adustio leni-  
ter penna illinatur: & pānus aqua rosacea madens,  
vel semper vini, vel plantaginis, frigidissima (si æ-  
stus sit) tepida (si frigus) superimponatur. Non  
illaudatum insuper medicamentum est, quod ex luto  
armenico orientali, terra sigillata alexandrina, la-  
cte humano, & aqua solatri, vel rosacea fit, & pen-  
na (vt supra) adustioni imponatur, & adiacenti-  
bus locis; atq; ita frequenter, ut exiccari non possit,  
donec dolores, & punctiones mitigentur. Fit etiam  
ex oui albo, et brassicæ foliorum succo, siue eius cau-  
lis simul agitato, aut ex crudo latere, vel eius luto  
cum aqua fabrili, ad mellis crassitudinem dissoluto,  
& frigido, & frequenter superimposito. Nec vio-  
lenter crusta amoueantur, sed sponte sua dicidant.  
Ex bolo item armenico, & terra sigillata, et macra,  
cum oleo rosaceo, vel aqua plantaginis vel rosacea  
medicamen fit, quo lineis pānis frigidissima aqua ma-  
dentibus superimpositis, locus refrigerandus est, ac  
ita sepe, ut exiccari non queat. Vtilissimū præterea  
est, quod fit ex calce elota, bolo armenico, terra sigil-  
lata, macra, cum oleo, & aqua rosaceis, atq; eodem  
modo illitum. Quod si medicamenta hæc non sint,  
deco-



LIBER SECVNDVS

decoctum ex maluis, porris, vel cæpis, rapis, solatro  
& beta, vel lapatho acuto, cum aqua ad mucillagi-  
nis (vt ita dixerim) crassitudinem, & singulis ho-  
ris (vt moris est) imponatur. Fit quoq; ex cimolia,  
oleo, & aqua rosaceis, ac mire prodest. Quæ omnia  
initio (hoc est) à primo adustionis die ad septimū,  
vel nonum tutissima remedia sunt. à septimo autem  
vel nono die, vbi dolor, punctio, atq; iniquies remis-  
sa est, & vlcus bene coloratum, ac ferè mundum, ad  
cutem, ac cicatricem inducendam animus verten-  
dus est. Quod fit, si ex vnguento calcis vsitato, sam-  
buci, vel plantaginis, vel betæ folia illita imponan-  
tur, ac bis, terūe, in die innoventur. Illini etiam pos-  
sunt vnguento albo caphurato, & vnguento ex  
plumbo, quod ex oleo rosaceo, cera & plumbo com-  
busto fit.

Ex vnguento item pompholigos, siue ex tutia, ex  
vnguento ex minio cocto, vel crudo. Quod si hæc  
etiam vnguentorum genera non suffecerint, accom-  
modatissimum est, de sambuco, quod hoc modo fit,  
corticū videlicet sambuci viridium selibra, olei rosa-  
cei vncijs octo, quæ vbi lento igne ferbuere, atq; ex-  
colata sunt, ceræ albæ sescuncia, cerussæ tenuissimæ  
vnc. iij. addendæ sunt, ac simul agitandæ. Cicatricem  
his breui temporis spacio & minus turpeni induxe-  
ris. Super item inspergendus pulvis est ex tutiæ præ-  
paratæ semuncia, æruginis ad nigredinem combu-  
stæ drachmis duabus, aluminis saccari drachma  
vna, balaustiorum vncia vna. Aut vnguentum le-  
ne



in plumbeo mortario fiat ex plumbi vsti eloti, tu-  
 a lotæ, lithargiri loti, cerussæ lotæ, singulorum se-  
 uncia, cum ros. immaturo, aut myrteo, & solatri  
 ucco; adustioni semper mirificè prodest. Cinis item  
 olubini, vel caprini, vel bouilli, vel arietini ster-  
 oris. Item ex myrto, aut tamarice, aut lentisco,  
 ut communis cinis, aut conchiliorum, cum rosaceo  
 ut myrteo illitus quàm optimus semper est. Quod  
 adustio ad corruptionem, vel corrosiõnem transi-  
 e videatur, tum eo modo curetur, quem vlceris ma-  
 gnitas requisierit. Ratio autem victus, & meden-  
 i in adustionibus talis adhibeatur, vt ab abscessu,  
 & corruptione metus nusquam iure esse possit.

De ossibus adustis, & quo pacto ab acerua-  
 ta putredine liberentur.

## Cap. XX.

In hisce autem vulneribus frequentissime ossa, &  
 multis etiam de causis alterantur. Quandoquidẽ  
 adustio vehemens ita ea desiccat, vt nullo vnquam  
 modo instaurari possint. Quinimo ad fistulosas con-  
 uitates perducuntur, abscedunt etiã propter mul-  
 tã saniem, ac putredinẽ, ita vt nullus quandoq; sani-  
 tati locus esse possit. Alterantur itẽ ab aere ambien-  
 te, aut propter aliquod medicamentum malam qua-  
 litatem imprimens, scilicet, vel plus iusto desiccans,  
 vel plus satis humectans. Ob alias etiam causas cor-  
 rumpuntur, quas enumerare non necesse est. Quæ  
 ossa



LIBER SECVNDVS

ossa corrupta, cum natura munere sanari non possunt, vel propter eorum magnitudinem, vel ob altam, longam, ac latam corruptionem, artis beneficio curanda sunt, ne totum membrum, vel iunctura corruptione afficiatur, officiaque eorum impediuntur. Proprium etenim est, quod à putrido tangitur, putrescere, & à corrupto, corrumpi. Quare necesse est, ut à docto artifice ad vsq; sanas eorū partes opportunis instrumentis abradantur. Nec te moueat recentiorum atq; Auicennæ sententia, scilicet, melius esse in extractione ossium violenta non festinari, & quæ sequuntur: illud enim de ea praua, ac violenta extractione intelligendum est, qua nerui, & venæ dilacerantur, & ossium pars maior sana, quàm corrupta dissipatur. Quæ profectò inconueniens curatio dicenda est. Satius igitur fuerit cum Auicenna eodem loco dicere, corruptionis ossis, curationem esse ipsius fricationem, destructionem, abrasionem, aut ferrationem. Præstantiorem autem modum, cum suis instrumentis esse fricationem. Verum in iuncturis, aut spongia, aut aliquo alio pacto vulnus ampliandū est, ut ossis corruptio digito contingi possit. Quæ cognita sensim: ac per intervalla temporis ita abradenda est, ut nihil eius omnino relinquitur. Peritus chirurgus quid corruptum, quid syncerum sit, facile cognouerit. In cæteris autem locis, ubi scilicet iuncturæ non sunt, (modo sine noxa magnæ venæ, vel nerui fiat) vitiosum os ita detegendum est, ut ad sensum oculorum, & tactus chirurgi cum



cum opus perfici possit. Quod sensim, & per inter-  
posita tempora (vt diximus) & sine dolore (quan-  
tum in artifice est) fieri debet, ne afflicetur ager, &  
locus ex dolore abscedat. Quoties autem abrasio  
fit, aridis linamentis vulnus implendum est: vt san-  
guinis fluor facilius prohibeatur. extrinsecus autē,  
et digerentia, & quæ dolorem leniunt, & humorum  
concursum vetant, imponenda sunt. Quod si ossis  
corruptio ita levis appareat, vt sine manus ope cu-  
rari possit, Auicenna pulvis quam optimus est. Mi-  
hi autem etiam probatissima remedia sunt vitrio-  
lum combustum, vt vocant, atq; ossi denudato super  
inspersum aridis linamentis informato vulnere vt  
moris est. Aut ceratum aliquod, vel vnguentum ex  
attrahentibus, aut pulvis, qui ex euphorbij, vitrioli  
combusti, ireos, radicis peucedani, & lumbricorum  
elotorum in vino, ac furno exiccatorum, radicis gē-  
tiane, singulorum semuncia; quo totum corruptum  
os inspergatur. Peracta autem digestionem vulneris,  
& sedato dolore vlcus eisdem abstergendum est, quæ  
supra. 15. cap. proposita sunt. Quod si ad carnem  
super osse gignendā haud satis sunt, linamentis vul-  
nus implendum est, calido iam medicamento illitis,  
quod fit ex olei, thuris, mastiches, styracis calamite,  
vt vocant, singulorum semuncia, quæ per stillicidiū  
eliquentur, aquæ item vitæ præparatæ vnc. iij. thu-  
ris, mastiches, sarcocolle, myrrhæ, ireos, aloes hepa-  
tica, sanguinis draconis ex lachryma, singulorū dra-  
ch. ac rodomellis vncia, quæ tenuissime conterantur,  
l      miscean-

4. Fen. Tract  
4. Cao. 11.



## LIBER SECVNDVS

misceanturq;. Verum si perdifficile curatu sit fistulosum vlcus, bertipalia oleo (matrem balsami vocant) totum perungendum est, quod nos quàm sèpissime optimum experti sumus, imponendumque ceratum aliquod, aut vnguentum ex desiccātibus, et bis terue in die curandum, & linamenta breuiora immittenda sunt, ut commodius conglutinari possit, ac ne callus interne fiat.

De contractis membris, & qua in ijs curatione  
uti deceat. Cap. XXI.

**I**Nterdum vsu venit, ut curatis vulneribus, membra ita cōtracta remaneant, vt officium suum, ac naturalem motionem, vel nullo modo exercere possint. Quod ijs potissimum de causis fit. Vel quòd fulmineo calore nerui, ac tendines exiccati erunt, vel quòd abscedentium humorum malignitate oppleti sunt: atq; ita contracti. vel quòd infirmi, ac debiles ex longo, et difficili morbo euaserunt. Qui sane post legitimam corporis vacuationem curabuntur, si calidis temporibus, calido oleo bis die membrum perfundatur, vel si balneum fiat ex olei partibus decem, & vna aceti albi, ac frictio vehemens adhibeatur, affeetaq; iunctura tractetur, moueaturq; sine multo tamen dolore. Aut si balneum præparetur ex cortice radicis altheæ, vlmi, brionia, cucumeris asinini, ænule campanæ, acori, vtriusq; lilij singulorum semilibra, fenigræci, seminis lini, pinguium ficuum, ac datilorum



Et ilorum singulorum libra, pedibus arietinis, vel bubulis, bene mundatis numero. x. Intestinorum item pinguium, ac deligenter mundatorum ex arietinis, vel bouillis libris quatuor, adiectis arietinis capitibus duobus, quæ cum aqua ad usq; ipsorum omnium dissolutionem percoquenda sunt, colandaq; & balneo vtendum, vt supra dictum est. Proinde exiccatum membrum ad ignem hoc medicamento perungendum est, quod fit ex axungia gallinæ, anseris, anatis, suis, asini, muli, vrsi, gliris, melis, vulturis, leonibus: medullæ item crurū vituli, equi, asini, muli, cerui, butyri recentis, vtriusq; lilij, olei insuper vulpini compositi, amigdalārū dulcium, sesamini, laurini, nucis indicæ, muscelini, styracis, bengiui (vt vulgo dicunt) mucilaginis radicū althææ, scæni græci, seminis lini, singulorum vncia, croci tenuissime contriti, semuncia, aquæ vitæ præparatæ (vt assolet) selibra, pelleq; vulpina, vel leporina inuolutum deligandum est, ne frigore lædatur. Alterum item ad id medicamentum fit, sed non ita operosum, quod habet vnguenti dialthææ, agrippæ, marciatonis, cæratum ex hyssoponide Galeni, butyri recētis, styracis calamitæ, mucilaginis radicū althææ, scæni græci, seminis lini, armoniaci, opopanacis singulorū vncia. Aceto dissoluantur, adiecta suillæ axungie sine sale selibra; aquæ vitæ septies cliquata libra. ex læto igne ferueant, adhibenda ut supra dictum est. Instrumenta vero, quibus in extendendis cōtractis mēbris opus est, peritis Chirurgis inuenienda relinquimus.



LIBER SECVNDVS  
De sclopeto, siue archibuso inter manus  
fracto. Cap. XXII.

**S**ola hæc armorum dominos suos, æque ac inimi-  
cos interdum lædūt, ac tum præcipue, cum inter  
manus (ut assolet) franguntur. In sexcenta enim  
discissa frustilla varijs locis percussos eos pessime ha-  
bent, grauibsq; vulneribus, ac fædis, & quandoq;  
morte afficiunt. vidimus ipsi nonnullos, ac Deo pro-  
pitio curauimus, quibus manus, brachia, pectus, fa-  
cies misere deturparentur. In quibus vulneribus il-  
lud præcipue animaduertendum est, suturam ex to-  
to ab initio alienam esse, quemadmodum, & in om-  
nibus alijs, quæ hisce instrumentis infliguntur. Nul-  
la.n. tunc vniendi spes in tam graui vulnere, vene-  
nato, adusto, cōtuso, attrito esse potest. Quamobrem  
à primo ad quartum diē ijs medicamentis, et eo mo-  
do, quo diximus, vtendum est. vt ueneno, ut absces-  
sui, ac cæteris malis occurratur. Deinde ad digeren-  
tia, ac detergentia transeundum, dum vulnus, & ca-  
ro ad conglutinandum apta esse videantur: quo tem-  
pore sutura iure habet locum, ac cætera omnia, quæ  
ob eam causam facienda sunt.

Libri Secundi finis.

AL-



## ALPHONSI FERII


NEAPOLITANI,

ARTIVM, ET MEDICINAE

DOCTORIS.

De Sclopetorum, siue Archibuforum vulneribus.

LIBER TERTIVS.



## De internis vulneribus. Cap. I.



**I**NTERNA vulnera superioris scilicet, inferioris, ac medij ventris inter se se differunt, prout magis graua, vel minus fuerint. ordiar ab ijs quæ superioris vëtris, idest capitis, sunt: quæ graua quidem certè propter innumeras lesiones, quæ oculis non patent, dicenda sunt. Modo enim eorum fractura ad vtrâsq; caluariæ, siue cranei tabellas penetrat, modo ad interiora capitis cum euidenti ossium separatione, vel sine ea, vt asserit Gale. & hæc quidem, quandoque parua, quandoque magna, quandoq; mediocris est, diuersæ tamen figuræ, quod lata, quod longa, quod triangularis, vel quadrangularis, vel alterius generis sit. Tum modo cum vna vel pluribus venarum, vel arteriarum fractionibus, atque in

3. de curan-  
dis morbis.

l 3 locis



## LIBER TERTIVS

locis non modo vulneri vicinis, sed etiam perquam remotis, interdumq; oppositis. Quæ omnia fracturarum genera in sclopetorum, siue archibusorum vulneribus longè etiam maiora, ac difficiliora sunt, propterea quod in his omnis fractura est, propter multiplices, ac diuersas causas, quæ una cõcurrunt, ut percutiens, incidens, perforans, & potissimum contundens; cuius proprium est continuitatem soluere, comprimendo, quæ attingit, ad interiores capitales partes: quæ omnia egros acerrimis cruciatibus, ac symptomatibus usque adeo torquent, ut de vulnere, quantumuis exiguo, metus maximus sit. Fit enim sæpe, ut inquit Auic. ut caluaria findatur, integra cute, quinimo abscedat. Ad quorum omnium cognitionem, cum recentes, tum antiqui plurima per signa, causas, & accidentia literis consignarunt; quæ nos chirurgicæ medicinæ studiosis discutienda relinquimus. Vulnera item pectoris omnia formidolosa sunt, si membra interiora potissimum læsa fuerint, quacunque iter fecerit pila. Propterea quia ossium fragmenta, vel indumentorum, vel armorum, quæ (ut aliàs dictum est) secum fert, ita absconduntur interdum, ut difficulter indagentur, ac difficilius extrahantur. quin etiam, & si absque interna læsione vulnus fuerit; ex aduentitijs tamen rerum frustulis facta corruptio, & punctiones hominem tollunt. Sed tanta membranarum ligamentis, & ossibus dissolutio fieri solet, tanta continui solutio, tum propter pilæ grauitatem, tum propter dissimiles,



les, ac diuersas formas, quas ab occurrentibus rebus acquisierit, illa ignea vi dissolvente, vt sepe pun-  
ctiones incisionesq; faciat, quas ne acutissimo qui-  
dem instrumento vel modo vlllo quis effecisse possit.  
Quare & formidolosa (vt diximus) & curatu dif-  
ficillima iure dicenda sunt. Inferioris quoque ven-  
tris frequentissimè interna lædunt, ita, vt vel nullo  
negocio, omento, vel intestinis, vel alijs membris  
officiant, vt ex loco, vbi illata sunt, facile conie-  
ctari potest. In horum igitur vulnorum curatione  
nihil potius est, quàm vt initio res extraneæ digito,  
vel specillo inquirantur, inquisitaque diligenter  
extrahantur, quod facilius fuerit, si ab recenti vul-  
nere fiat, antequam ad ventris, vel pectoris penitio-  
ra loca descenderint. Ac si æger ita collocetur, vt  
in vulnus iaceat, quo sui gravitati eo facilius feran-  
tur. Purgato deinde vulnere ab omni concreto san-  
guine, prima curatione ad quartum & septimum  
diem hoc medicamento vtendum est, quod fit ex olei  
sambucini, rosacei immaturi, vncijs duabus, masti-  
cini, mirtini singulorum semuncia, succi perforatæ  
selescuncia, theriacæ semuncia. Quæ decem dies ex-  
ponentur in Sole, aut ferueant horam in balneo ma-  
ria, quod vocant. opportunis linamentis, hoc est ro-  
tundis, vel longis, vt vsus exigit, vulnus implendo.  
Nec interim omittenda sunt cætera, quæ ab autho-  
ribus proponuntur, vt ligatura decens, vt linamen-  
torum sutura, ac cætera generis eiusdem. Medicamen-  
tum insuper hisce nobilibus membris accommoda-



## LIBER TERTIVS.

rissimum, ac tutissimum est, & mihi quàm familiaris-  
 simum, quod fit ex centaurij minoris sesquilibra, vi-  
 ni albi, vel sanguinei odorati libris xv. quæ, ubi ad  
 dimidiam partem ferbuere, & excolata sunt, sapæ  
 libris x. adiectis, rursus ad vini consumptionem fer-  
 ueant, eo tota curatione uti potes. Cum hoc etiã me-  
 dicamento, & cū cæteris omnibus, quæ diximus, di-  
 gerens id adhiberi potest, quod cõstat ex terebinthi-  
 na, butyro, rosaceo, & oui luteo, vel ex eorū aliquo.  
 possunt etiam & alia digerentia, detergētia, & car-  
 nem gignentia adhiberi, prout vsus expostulat. Fo-  
 uendusq; locus est eo cataplasinate, quod habet fa-  
 rinæ fabaceæ, ac miliaceæ singularum selibram, suc-  
 ci nepetæ, vel eius decocti ex vino albo libram, bu-  
 tyri recentis, adipis suillæ, nec salitæ singulorum  
 vncias duas, despumati mellis, quantum satis est, vi-  
 ni albi optimi selibram. His enim medicamentis ma-  
 xima contra venenum, atque abscessum vis est, miro  
 quodam lenimine, quibus, si opus sit, vel tota cura-  
 tione uti possis. Huc etiam accedunt omnia empla-  
 strorum genera, ut hysis Gal. ut gummi elemi, ut be-  
 tonicæ, ut centaurij, ut gratiæ dei, ac diapalmæ,  
 Gal. toties repetitum, & in omni vulnerum genere  
 commendatum, ac cætera omnia, quæ medica facul-  
 tate vsitata sunt. Quod si de interna inflammatione  
 timeatur, refrigerantibus, ac remittentibus lotioni-  
 bus, ut in alijs vulneribus fieri consuevit, occura-  
 tur, rosaceum immaturum iniectorio instrumento  
 (ut vocant) immittendo, ut cõcava omnia replean-  
 tur,



tur, ac potissimum, si de sanguinis fluore metus non est. Aut fiat lotio ex aquæ rosacæ, plantaginis, portulacæ singulorum selibra, saccari rubri, syrupi rosacei vncijs duabus. Aut ex aqua hordeacea, aut ex decocto hordeacæ farine, aut amyli hordeacei, cum sacaro rubro. Lotionibus item uti poteris, quæ ab authoribus ponuntur. Postremo remedium non prætermittendum est in thoracis vulneribus quàm utilissimum, ubi sanguinis plurimum à principio retentum est, vel sanies procedente curatione coacervata. Tunc enim inter quartam, & quintam costam infra vulnus incisio faciēda est, hoc modo; mensuretur longitudo à pomo stomachi granato, ut vocant, ad quartæ vel quintæ costæ vertebram; deinde replicato filo eadem linea ab eodem pomo repetatur dimensio, & qua finis erit, quod medium fuerit primæ longitudinis, vertebrae versus incidatur ad pleuram vsq; non vna tamen sed pluribus sectionibus; ne ea ferro contingatur. Etenim vngue, non ferro incidenda est, ne cum ægri periculo interiora mēbra vulnerentur. Quod à curantibus maximopere aduertendum est.

Quæ medicamenta tota curatione intrinsecus  
adhibenda sint, ac de fistula curan-  
da. Cap. II.

**C**ontra venenum medicamenta vim habere debent, solutasque partes internas vniendi, quale



## LIBER TERTIVS

le illud est, quod constat ex cōsolidæ cum radicæ, terræ sigillatæ, cētaurij minoris singulorū drachma vna si ex ijs pulvis fiat, & cum vino sanguineo, aut aqua plantaginis, aut rosacea, aut portulacæ detur, ad quartum, aut septimum diem tribus horis ante cibum. Vel ex ijs bolus, cum saccaro rosaceo, & diarraginato, vt dicunt, assumpto de super aut vino, aut aqua aliqua ex prædictis. Aut pulvis à nonnullis authoribus commendatus, qui fit ex perforatæ, vncetoxici, radicis & foliorum inulæ, & potissimum quæ ex ægipto est, seminis raphani & foliorum; dictami albi, aristolochiæ longæ & rotundæ, lactucæ singulorum semuncia: de quo drachmæ duæ eo modo, quo supra, dentur. Aut vnciæ duæ, è succis herbarū quas dixi. Aut fiāt morselli cum saccaro & aqua acetosæ, vt moris est. Mihi vero semper præsto sunt ex ijs herbis per æreum stillicidium factæ destillationes, è quibus vnciæ duæ calidæ vel frigidæ horis duabus ante cibum, vt supra, præbeantur. Vel etiā parvæ theriacæ quæ ex lauri baccarum fit, vnciæ vna, terræ sigillatæ alexandrinæ, vel sigillatæ communis drachmis duabus, & in tenuissimum pulverē redactis, adiectis despumati mellis libris duabus, & lēto igne cōcoctis, ex qua theriaca drachmæ duæ cum saccaro rosaceo, vel cum buglosato in vino albo, vel nigro assumantur. Aut theriacæ magnæ drachma vna, eodem modo. Quæ omnia medicamenta, vel eorum aliquod ab inflicto vulnere ad quartum, vel septimum diem, vt supra dictum est, vel etiam



etiam ad quartum decimum, si opus sit, quin etiam tota curatione quam rectissime dantur. Ceterum medicamentum, quod pigmentum vocant, recentiores, atque eo (pace eorum dixerim) passim abutuntur, mirificum est, si legitime utamur. Ego etenim in thoracis vulneribus fistulosis, quibus carne implendis spes nulla esse videretur, & saniei profluvio exiccando, & corpori iam tabe affecto implendo felici cum successu (Dñs gratia) semper adhibui. Id fit ex pilosella, pimpinella cum radicibus, gariophyllata, radice gentiane, atque arthemisia, matrum violarum, subrubentium brassicæ veteriorum foliorum, cimmarum cannabis, senationum, rubiæ, quæ bene mundatæ sint, singulorum manipulo uno: cinamomi, galangæ, cardamomi, meligettæ, garyophyllorum singulorum semidrachma, vini albi odorati libris viginti, quæ ubi ad dimidiam partem ferbuere, diligenter exprimito, & excolato, & despumati mellis libras duas addito; rursus lento igne in vitreo vase ad libræ vnius consumptionem concoquito: ex eoq; calida selibram, aut uncias quatuor, sub auro-ram quatuor horis ante prandium dato. Potest etiam fieri ex ijs electuarium, & ex eo semuncia, mox aliquid vini albi assumi, præterquam in canicularibus diebus, ob ipsius simplicium calidam vim. Conficiuntur etiam tabellæ (ut vocant) cum saccharo, & aqua ros. ut gustui, & ventriculo, medicina iucundior sit, cum eo, ne interim vini potio, vel plantaginis, vel portulacæ aqua omittatur. Illud po-



LIBER TERTIVS

postremo non ignorandum est saluberrimum medicamen hoc non nouum (vt Recentiores voluere) sed Mes. antiquum inuentum esse, vnde mox Dinus Florentinus, & recentiores ceteri acceperunt.

Quae medicamenta intrinsecus assumpta sanguinem supprimant. Cap. III.

**S**anguis ex internis membris, vt Gal. & Auic. tradiderunt, plurimis de causis erumpit. Sed nos de eo precipue hoc loco verba facturi sumus, qui ex incisione, aut fractura, aut contusione fertur, quod quidem difficile curatu est; nisi festinanter subuenias, antequam abscessus fiat, aut resoluantur vires, aut morbus insanabilis efficiatur. Quod sane fiet, si primo, vel altero die puluerem dederis, in quo sit thuris, mastiches, mumiae, sanguinis draconis ex lachryma, cornu ceruini vsti, coaguli leporini, vel vitulini, singulorum drachma. Scilicet, ex eo drachmas duas in vino nigro, vel aqua plantaginis, vel rosacea. Aut catapotia fiant cum succo corrigiole, vel plantaginis, e quibus vnum ante prandium, alterum ante caenam assumatur, dum sanguinis fluor vel ex toto suppressus, vel diminutus sit: quod etiam in omni sanguinis effluxu ex internis locis praesentaneum remedium est. Aut detur potio, quae fit ex trociscorum, siue pastillorum ex charabe, ex terra sigillata, ex stella singulorum scrupulis duobus, cum vino nigro, aut aqua plantaginis. Aut bolus sit cum  
sac-



saccaro rosaceo vetere, & super aliquid vini deglutatur, vel aqua, ex prædictis. Aut (si mauis) fiant catapotia cum succo arnoglossi, quæ modo eodem assumantur. Hi autem pastilli, quos dixi, in extremo hoc capite describentur. Dari etiam potest Mes. puluis, qui constat ex reubarbari parum torrefacti, mumie, terre sigillate singulorum dimidia drachma, cum succo, vel aqua plantaginis, aut vino sanguineo horis duabus ante cibum. Aut potio fiat ex balaustiorum, siue corticum malorum granatorum, siue eorum arborum, glandium viridum, aut aridarum, sumach, teneritatum vitium, rubi, virgæ pastoris, rosarum immaturarum, myrtearum baccarum, singulorum semuncia, quæ ferueant in vino nigro, aut aqua pluuiali, in qua candens ferrum extinctum sit, è quorum colatione vncie tres per horam ante prandium, & ante cœnam assumantur. Quod si his sanguis vinci non possit, ad narcotica confugiendum est, uelut ad id, quod fit ex philonij Romani scrupulo, & saccaro uetere: ex quibus factus bolus per horas quatuor ante prandium, & ante cœnam deuoretur. Aut recentis theriacæ drachma cum saccaro rosaceo uetere, uel recenti, & super aliquid uini, uel aquæ assumatur. Dari etiam potest catapotium ex cinoglossa, tribus horis ante cibum. Præter hæc omittenda non sunt medicamenta, quæ extrinsecus adhibentur, ab Hippo. ac cæteris authoribus commendata, ut est auersio, seu deriuatio sanguinis à superioribus ad inferiora, &

con-



## LIBER TERTIVS

5. de curadis  
morbis cap.  
3.

5. meth.  
cap. 5.

contra: ueluti Gal. ex autoritate Hippocratis as-  
serere uidetur: sanguine, inquit, è naribus multo  
exeunte cucurbitula lateri imponenda est. Sed ta-  
men si fluxus sanguinis è nare dextra emanarit, su-  
per hepar, si sinistra, super splenem, si ex utrisq; su-  
per utrūq; cucurbitulae magnae affigendae sunt. Sub-  
dit etiam idem author: si æger non dum defecerit,  
& uirtus seruata sit, sanguis è uena brachij, quod  
nari oppositum est, mitti debet. Sed paulatim, ac re-  
petita detractiōe, prout uires ægri patientur. Si-  
militer faciendum est in omni materia, quæ in ali-  
qua corporis loca defluerit: ad uicina enim, uel  
opposita loca auertenda est. E quibus uerbis se-  
riem auertendi coniicimus, ut sanguinis fluorem si-  
stamus. Omni enim industria cruor profluens per  
opposita loca extrahendus est. Particula præterea  
affecta, & quæ illi uicina sunt, lineis pannis aquæ  
rosacæ & aceti aqua portione madentibus, aut  
quibusdam refrigerantium herbarum succis omni  
diligentia refrigeranda sunt. Supprimitur etiam  
sanguis aquæ frigida potione. Sed interim commo-  
nefaciendus est æger, ut quiescat, ut sileat, neque  
uehementer anhelet. Corpus quoque deligandū est,  
siue extrema à superiori parte ad inferiorem, &  
contra. Hæc Galenus ferè. Verū si de acervato san-  
guine, & concreto in thorace metus sit, plurimum  
aceti cum aqua ægro potui dandū est, ut lique scat.  
Quod bis, terūe in die, interpositis triū horarū spa-  
cijs repeti potest. Quod sanè præsentissimum reme-  
dium



dium esse solet: ubi uerò sanguis resolutus est, medicamenta uiscosa, conglutinantia, stipticaq; primo cum aceto aqua commixto, deinde potione ex cotoneorum decocto, & myrti baccarum, & similium astringentium, mane & uespere duabus horis ante cibum danda sunt. Opitulantur etiam cibi, & potus, qui astringentis naturæ sunt: vel iura sola vel contusa ad quartum usque diem, prout uires imbecilles sunt. Sed iam pastilli (quod supra polliciti sumus) describantur.

#### Pastilli ex charabe.

**F**lunt pastilli ex charabe drachmis sex. Cornu ceruini adusti, gummi arabici, coralij adusti, draganti, acaciæ, hypocistidos, balaustij, mastiches, lactis papaueris nigri assi, singulorum drachmis duabus. Thuris, croci, opij, singulorum sesquidrachma cum mucilaginis psyllij.

#### Pastilli ex terra sigillata.

**C**omponuntur ex sanguinis draconis, gummi arabici, mirti, foliorum rosarum cum semine, amyli assi, spodij, acaciæ, hypocistidos, hæmaticis, balaustij, boli armenici, terræ sigillatæ, hebendenegi, coralij rubri, charabe, singulorum drachmis duabus, margaritarum, draganti, papaueris nigri singulorum sesquidrachma, portulacæ assæ, cornu ceruini vsti,

thu-



LIBER TERTIVS

thuris, gallarum, croci, singulorum drachmis duabus, cum aqua arnoglosi.

Pastilli ex stella.

**C**onstat ex mirrhæ, castorei, spicæ nardi, casie lignee, terræ sigillatæ, corticum mandragoræ, singulorum drachmis quatuor, opij, croci, costi, stelle terre, singulorum drachmis quinq; papaveris albi, drachmis sex, dauci, anisi, sileris montani, seminis hyosquiami albi, styracis liquidæ, seminis opij singulorum drachmis octo, conterantur ex vino odorato, fiantque semidrachmæ pondere, & exiccantur in umbra.

Catapotia ex Cinoglossso.

**F**iunt ex cinoglossi, opij, seminis hyosquiami, singulorum drachmis quatuor, myrræ electæ, drachmis sex, olibani drachmis quinq; cariophili drachmis duabus, cinamomi, facis styracis, singulorum drachmis duabus, è quibus quinq; aut sex dentur in somnum eunti. Non ab re mihi videor hæc commemorasse, quanquã uulgo ferè nota sunt, feci enim, ut si forte non fuerint, promptiora tibi sint aliqua saltem ex eorum simplicibus, quæ nusquã non erunt. Vnde ægris auxilia facile peti possint.

De victus, & medendi ratione.

Cap. IIII.

**V**ictus ratio in vulneribus capitis, talis esse debet, ut caput vaporibus, & malis humoribus non impleatur. Quamobrem à principio, si non ob-

stet



flet virium imbecillitas, tenui victu semper vtendum  
 est; sin autem, virtuti ante omnia consulendum. In  
 thoracis vero, propter continuam spirituum resolu-  
 tionem liberalius est agendum. idest cibus, & potio-  
 nibus non ita parce vtendum: quæ, & multi, & opti-  
 mi nutrimenti sint, & facile concoquantur. Vt sunt  
 iura, contusa, consumpta, nisi, vt ex Gal. dictum est,  
 sanguis astringendus sit. In eo enim casu exiguus  
 cibus auersionis, & astrictionis causa est. Ego vero  
 tamen hodie non ausim in omnibus cibum imminue-  
 re, propter quorundam intemperantiam, qui ob te-  
 nuiozem victum facile deficiunt. Potio autem in ca-  
 pitis vulneribus, pectoris, & ventris, aqua pluui-  
 lis, chalybeata (vt dicunt) cum saccaro, vel iule-  
 bo, vel granatorū vino esse debet, aut cum his aqua  
 ex decocto seminis coriandri, aut nucleorum pineo-  
 rum, & præcipue in pectoris vulneribus. Cum au-  
 tem sanguis astringendus est, aqua ex thuris deco-  
 cto vel mastiches, aut pluuiialis chalybeata, aut por-  
 tulacæ danda est. Nos vero libentissime vinum a-  
 qua mixtum à primo die ad sanguinis astrictionem,  
 & virtutis refectionem concedimus. In vulneribus  
 autem inferioris ventris adhibenda omni diligētia  
 cura est, ne cibus excrementitius sit, ne læsa intesti-  
 na eo grauentur, impleanturq; atq; ita vulneris cu-  
 rationem impedian. Sit igitur in septimum, vel  
 quartum decimum diem, ijs, qui sit cum aqua pluui-  
 ali chalybeata lento igne ex fursuribus triticeis, aut  
 hordeaceis, aut miliaceis, vehemēter expressa, atq;

m exco-



## LIBER TERTIVS

excolata, saccaro adiecto, qua cum ego intestina animalium elixo, vitulina scilicet, vel arietina, vel hœdina, vel generis eiusdem, atq; cum saccaro, aut sine eo, idem iuster, quaterq; in die præbeo. Quod, si maiorem exiccationem, & vulnerum conglutinationem cupias, pulveris drachma, quoties cibatur æger, inspergenda est, qui fit ex amyli triticei, vel hordeacei, draganti, gummi arabici, sanguinis draconis ex lachryma, consolidæ maioris cum radice, leporinorum pilorum minutatim cōcisorum singulorum drachmis duabus, lapidescentis saccari (candidum vulgo dicimus) rosacei, vncijs duabus. Aut ova sorbilia sine pane, aut iura gallinacea fere consumpta, aut decoctum herbæ, cui nomen caudæ equinæ est, aut succus capi, vel gallinæ assæ cum eodem pulvere dandus est, vel mastiche vel tragacantha. Testiculi etiam gallinacei, & morselli cum gemmis nec inconuenientes, nec iniucundi esui sunt. In regimine autem pharmaceutico capitis vulnerum, illud animaduertendū est, quod à Principe ex auctoritate Hippocratis obseruatur, ne scilicet superfluis humoribus impleatur caput, atq; abscessus excitetur. Datur itaq; catholic. aut casia sescuncia cum pulvere stecados aut catapotia mastichina, aut manna, aut casia cum pulvere Mesuæ ex reubarbaro, mumia, & rubia. In vulneribus vero pectoris ad septimū vsq; diem pharmaca differēda sunt, ac potissimum si sanguinis fluor ægrum infestet. In eo enim casu nihil medicinæ conuenit, nisi astringens ex ijs, quæ proposita

Fen. 5. 4.  
Tract. 3.  
Cap. 1.



sita sunt. Casia enim propter eius lentorem ab incis-  
sis membris prohibendam recte non datur. Quod si  
tamen ex aliqua causa cogenti danda sit, cum prædi-  
cto Mesuæ puluere assumatur. Quo quidem sine ea  
vti satius est. Præbetur etiam pulpæ tamarindo-  
rum fescuncia, aut catholicon, aut manna, quæ me-  
dicina omnium præstantissima est. In vulneribus au-  
tem ventris, perniciosum ex toto medicamentum est  
præsertim læsis intestinis. maius enim detrimentum,  
quàm auxilium afferat, necesse est. Quinimmo tota  
intentio esse debet, vt chlystere per inferna curètur.  
qui fit ex rosarum immaturarum, baccarum myrti,  
sumach, (vt vocant) thuris, mastichis, amyli triti-  
cei, vel hordeacei, nucum cupressinarum viridium,  
boli armenici, terræ sigillatæ, farine fabarum nigra-  
rum, caudæ equinæ singulorum semuncia. ferueant  
cum uino sanguineo, aut aqua myrtearum baccarū,  
excolenturque, vt assolet. Cui ego clysteri adijcio  
idem intestinorum decoctum cum eodem puluere,  
quem supra posui. Quod celerius, et perfectius ege-  
rit sine ventriculi concoctione, & digestionem iecoris,  
in quibus vires medicamenti debilitantur. Sanguini-  
is autem missio in capitis, & ventris inferioris vul-  
neribus, eadem serie exequenda est, vt de vulneri-  
bus extrinsecis dictum habeo: pro virium scilicet  
æstimatione. At in ijs, quæ thoracis sunt, formidolo-  
sa est. Sanguis enim, qui ex vulnere penetranti fer-  
tur, multum sane spiritalis est, maioremq; ob id im-  
becillitatem, ac resolutionem facit, quàm qui aliun-

m 2 de



de erumpit. Qua propter eius detractio non ita libere in thoracis vulneribus fit. ut in cæteris aliorum membrorum. Non enim ab re Galenus causam auertendæ sanguinis effusionis considerans nos cautos reddidit, cum diceret paucum, & per vices sanguinem mittendum esse, ne virtus imminuatur, quæ sua sponte propter continuam expirationem resoluitur, quinimmo ad necem perducit.

Qua ratione plumbeus globulus quandoq;  
diu sine noxa in corpore retentus sit. Cap.V.

**M**irabile quidem, & visu, & auditu est plumbeum globulum quandoq; in corpore sine noxa diutissime detineri. Cum de alijs externis rebus, neq; in eodem genere vulnerum, neq; in alijs haudquaquam contingat. Etenim cum sagitta, aut ossis frustillum, quin etiam pilus ita permanferit, miseris modis (nisi extrahatur) hominem torquet. Quod profecto secus esset arbitrandum, ac potissimum de osse, & pilo cum partes corporis sint, & suapte natura siccissimæ, & si putrescendum aptum nutrimentum habeant. Plumbum vero res extranea, & humide naturæ. Sicca enim minus putrescunt, diutiusq; conseruantur, secus humida, quæ facilius corrumpuntur. Veruntamen in qualibet ferè corporis parte plumbea pila ita sine læsione, ac diutissime detinetur, perinde ac si corporis portiuncula sit eadem natura



tura fabricata. Quod ego ipse hisce oculis sepius vidi, cum quandoq; per viginti iam annos ita retētam extraxerim. Cuius rei causam vt diligenter perscrutemur, quid de natura plumbi authores senserint, exactius inuestigandum est. Galenus itaq; refrigerantem vim habere scribit. Nec solum humidæ substantiæ multum, sed aeris, at terrestri parum. quod autem humida substantia in plumbo sit à frigore congelata, celeris eius eliquatio, cū igni apropinquat, argumento est. Quod autem, & aereum sit, inditium est id solum, ex his, quæ scimus, augeri tum quantitate, tum pondere, si in infimis domorum partibus asseruetur. Auicenna, frigidum, & humidum in secundo gradu esse dicit, & in eo aeream, et terrenam vim, nec multa tamen, Vido à Celiaco recentiorum princeps idem asserit, occultam habere, ac mirabilem resolutionem adiiciens. Auerroes item plumbo substantiam frigidam, & humidam tribuit: propterea quod inquit quæ ipsum cōgelauit, frigiditas est, & habet dissoluentem vim carni hominis ipsum comparando, quanuis super ipsius complexionem dominetur frigiditas. è quibus Auerrois verbis colligitur plumbum aliquam habere cum carne hominis similitudinem: quæ causa fortasse est, ut minus illi officiat plumbea pilula, quàm cetera extranea. Vel quia humido nato aptoque ad putrescendum caret. Vel quod illi ob aliquā potius occultam vim, quàm euidētem causam id tribuendum est. Grauitas enim plumbi, & innata humiditas repugnant, ne scilicet

9. Simpl.  
Cap. 22.

Lib. 2. Tract.  
2. Cap. 12.

5. Colli.  
Cap. 43



LIBER TERTIVS.

sine putredine, ac noxa diutius corpori immoretur. nisi hoc sibi muneris natura vendicarit. Neque interim suspicandum est, ne intermouendum pila, locum, unde abiit, vlcerosum relinquat. Natura enim sua sponte instaurat caua, repletq; si qua remanserunt. Non tamen propterea est, cur eam cunctatius extrahendum cures, ex ea namq; persape sauisima fiunt accidentia. Cum maxime quid extraneum, vt indumenti, vt armorum secum intulit, vt sepius dictum est. Lædit enim tunc diuersis modis, pungendo, incidendo, perforando, prout diuersas formas instrumenti, aut caloris vi liquefacta acquisierit. Vnde neruorum distentio, & ex ea mors facile insequitur.

Libri Tertij atq; vltimi finis.

AL-




## ALPHONSI FERRII

NEAPOLITANI,

ARTIVM, ET MEDICINAE

DOCTORIS

*De Sclopeti, ac similium tormentorum  
pulvere Corollarium.*

**A**DIO quosdam esse, nec medicæ  
rei imperitos homines, quibus mul-  
to aliter, quàm à nobis scriptum  
est, de sclopeti, siue archibusi, ac  
ceterorum similium tormētorum  
pulvere videatur. Scilicet non  
modo non habere venenum, sed etiam veneni reme-  
dium interdum esse salutare. Idq; nonnullis, atq; his  
potissimum rationibus probare nituntur. Nullum  
compositum (inquiūt) ex simplicibus non venenatis  
venenatum est. Sed hic pulvis est huiusmodi, igitur  
nec is uenenatus est. Quando vires simplicium, ubi  
commistæ sunt, inter se confringuntur, nam quod est  
remisse calidum, intensum calorem non auget, sed  
frangit potius, ac remittit. Quamobrem nitrum,  
cum sulphure natura remissius sit, illud debilitat,

m 4 quod



## LIBER TERTIVS

quod agit & carbo sua frigida vi. Nitrum insuper extrinsecus impositum, non modo ueneno non inficit, sed putredinibus, corruptionibus, corrosionibusq; resistit. Vt in cancrenis videre licet, proprium enim aridi medicamenti est à putredine conservare, idcirco nonnulli nitrum in morbis curandis, etiam in pestilentibus contra venenum adhibent, nec substantiam modo, sed eius etiam oleum. Sulphur item persæpe medicamentum est, ita ut nonnullis venenis occurrat (authore Galeno) oleoque eius tam foris, quam intus tutissimè utimur. Quid de veneno igitur pulveris dubitandum est? cæterum non esse uenenatū milites etiam ipsi ostendunt, qui recentia vulnera, cum alijs careant medicamentis, eo replent, non modo sine noxa vlla, sed ita etiā curatu reddunt faciliora. Sed fac etiam illum (inquiunt) esse venenatum, uenenata omnia igni corriguntur, destruunturque potius, ac resoluntur. Pulvis itaque is, quanuis venenum haberet, igni tamen correptus illud vulneribus afferre non potest. Quid refert igitur initio venenatus sit necne, hæc atque alia eiusdem generis in medium afferunt, quæ facile refutari posse demonstrabimus. Dicimus itaque primum, compositorum aliam esse, ac simplicium vim, atq; huius pulveris potissimum. Cuius effectus simplicium facultatibus haud proportionantur. Vulnera enim ferme omnia, quæ Sclopetis, siue Archibussis infliguntur, pessime afficiunt ægros, abscedunt, corrumpuntur, putrescunt, febrem-



bremq; mouët acrius, quàm vlla alia vulnera, adeo  
vt medicamētis nō facile vincātur. Quare dicēdum  
videtur, non id accidere propter exuberantem sul-  
phuris calorem, vel siccitatem nitri vel carbonum,  
quæ singula hoc per se facere non possunt, sed quia  
ea est pulueris natura, ac malignitas. Qui sanè pul-  
uis præter simplicium suorum facultates admirabi-  
les quosdam: alios venenatos, fulgurum modo, pa-  
rit effectus, vt cū in alijs, tum in Vinglendra *Hi*  
*spano* Duce in Pannonia videre licuit. Cuius cum  
ferreum thoracem ab archibuso pilula immissa tan-  
tum percussisset, nullo tamen relicto vestigio, non  
modo omnia indumenta penetrarat, sed & cutem,  
& carnem læserat, impressa adustionis nota, ad vo-  
læ manus magnitudinem crusta que facta quàm in  
cæteris adustionibus altiore. Sed quid de Christo-  
phoro *Aria* Hispano dicam, maximo bellica virtu-  
te viro, is cum in Campania honorate stipendia me-  
reretur, non à colubrina iactō globo, sed globi vio-  
lento, virulentoq; strepitu brachium illæsa cute ita  
fregit, vt ossa intus partim perfracta, partim admo-  
dum luxata inuenirentur. Curauimus tamen ipsi,  
ac cœlesti fauore sanauimus, meritoque præmio pro  
tanta re, dignoque viro, non minus liberali, quàm  
generoso, ac forti, donati sumus. Illud postremo, nuli  
lo modo est à me silentio inuoluendum, quod milit  
in obsidione Landresi ( vt vocatur vulgo ) Gallie  
Vrbis accidit, qui cum bene calceato pede pilā, à co-  
lubrina tum immissam calcasset, tam male confestim  
ab



## LIBERI PRIMI

ab ardenti veneno non modo pes, sed & crus & corpus totum affectum est, ut nihil iuuantibus medicamentis maximo cum cruciatu vitam finierit. Quod quidem certe sine maxima veneni vi fieri non potuit. Præterea ratio, atque experimentum docet, quæ per motum acuuntur, inflammanturque venenata fieri, ut ex iisdem fulminibus potissimum ostenditur, quibus icti alij statim pereunt, nullo apparente adustionis signo, alij aduruntur, alij infuscantur, denique alijs alia modis mirificam maximè eorum vim experiuntur. Quæ cum veneni maxima indicia sint, ac sclopeti, siue archibusi, cæteraque eiusdem generis tormenta in morem fulminis, feriant, de pulueris eorum veneno dubitandum non est: neque inconueniens est, medicamentum idem, diuersos producere effectus, si diuersis modis exhibeatur, ut in eo libro quem scripsimus de Ligni sancti multiplici medicina latius dictum est. Quin & interdum venenum veneno curatur, ut scorpionis ictus, scorpione contrito, impositoque. Neque illud multum ad rem pertinet, scilicet venenata omnia igni destrui, ac resolui, tum ex eo pulueris venenum vulneribus non affert, falsum enim id esse primum cælestia fulmina ostendant, quibus tacta vel semper, vel plerunque veneno inficiuntur; ut animalia, ut vina; quæ subinde sine periculo assumi non possunt. Ostendunt etiam & fulmina bellica, quæ cælestium bona ex parte imittantur naturam. Quare & si quæ percussere, non inficiuntur ita, ut non tuto assumantur,



mantur, virulentum tamen globum, non ita dissipant, ac dissoluunt, ut quod habet venenum, ad vulnera non afferat, ut toties experimentis comprobatum est. Quamobrem concludimus, tum ex ijs quæ dicta sunt, tum quæ dicere possimus, nisi breuitati consuleretur, puluerem hunc venenatum esse, atque ex eo illata vulnera non carere veneno ut dictum est.

FINIS.

AL-




DE CARUNCULA  
ALPHONSI FERRI  
NEAPOLITANI  
MEDICI.

*De caruncula, siue callo, quæ cervici vesicæ innascuntur.*

*Liber.*

AD PHILIPPVM ARCHINTVM



P R A E F A T I O.



E C T E illi quidem mihi interdum  
sensisse videntur, qui naturā ho-  
mini iniustiores nouercam, quā  
æquam matrem esse voluerunt.  
Etenim si eius vitam ab origine  
per ætates contemplemur, tot mi-  
serijs, tot ærumnis premi reperietur, vt non iniu-  
ria dici posse videatur, nihil esse miserius homine,  
scilicet parum fuerat eum amplius quā tercentis  
morborum generibus afflictaſſe, niſi & excremen-  
torum itinera miseris quandoque modis interclude-  
rētur. Quot enim & qualia ſedis vitia videmus, &  
quā difficile ratione tolluntur? Sed omiſſis cate-  
ris quid de caruncula, ſiue callo dixerim, quæ cer-  
uici veſicæ innascuntur, quā miſere hominem tor-  
quent, quā habent peſſime? Proſectò omnibus  
die-



hierum, ac noctium horis (ubi maximè increuere)  
nortem ante oculos obuersari uideas. Quod qui-  
dem certe eo etiam atrocius est, quo sibi munus, vel  
admodum parum ad huc auxilij inuenit: cum morbi  
ilij uel sexcenta quisque remedia repererint cla-  
rissimorum uirorum innumeris monumentis illustra-  
ta. Quamobrem nos hanc etiam prouinciam, ubi li-  
gni sancti (ut uocant) multiplicem medicinam scri-  
ptis nostris ostendimus, ac sclopetorum, siue archi-  
busorum (ut appellant) vulneribus medicam opem  
attulimus, eo libentius suscepimus, quod medicinae  
studiosis, iuxta atque eo morbo laborantibus rem  
gratissimam facturi esse videremur. Quapropter  
quicquid per multos iam annos, & Neapoli, & Ro-  
mae chirurgicam facultatem publicè profitendo, vel  
intra priuatos parietes legendo, vel disputando,  
uel longo medendi usu ad eam rem maximè idoneum  
esse cognouimus, in hunc librum studiose coneci-  
mus, ut in pröptu uel omnibus haberetur, unde sibi  
quisq; copiosa, ac salutaria remedia suppeditaret.  
Quod si tam honesti desiderij dii nos compotes effe-  
cerint, immortales illis gratias in perpetuum actu-  
ri, amplissima sanè præmia nostrorum laborum vi-  
debimur esse consecuti. Quamquam nihil est cur  
desperem, aliquam etiam nos ex his scriptis glorio-  
lam (si modo ea moueamur) adeptum iri. Cum tibi  
Vir præstantissime, atque omnium scientiarum ge-  
nere ornatissime, probata olim valde fuerint. Me-  
miniisti enim te, cum iam ab hinc quinquënium (quæ  
tua



DE CARVNCULA

tua humanitas est) illa perlegisses, magnopere me  
fuisse hortatum, ut in publicam hominum utilita-  
tem in lucem edere diutius non differrem; adiecisti-  
que arridens renitenti mihi, existimare te Venuſini  
poetae præcepto iam satis admodum fuisse factum.  
Quamobrem nos tanti viri authoritate, ac tam gra-  
ui, ſapientique iudicio adducti, tuis auſpicijs tuoq;  
nomini conſecrata ( & ſi ſerius fortasse quàm par-  
erat) foras damus. Et cui enim melius, quàm tibi  
Viro doctiſſimo, ac ſapientiſſimo ( cæterarum au-  
tem laudum tuarum altum pelagus temere non at-  
tingam) dicari potuerunt? Suscipe igitur benigno  
vultu, quale id cumque eſt muneris ( plura enim in  
præſentia non poſſumus ) & Alfonſum tuum præ-  
clariſſimis tuis uirtutibus tibi additum ( ut facis )  
ama. Sed iam ſatis ſuperque præfati ad eam ipſam  
rem ( qualis tibi cumque ruruſus uideatur ) propius  
accedamus.

Cervicis veſicæ examinatio. Cap. I.

p. de locis  
affe.

ARTES, quæ in ſuperficie conſtitutæ ſunt, vna  
cum affectum ſuorum ſpecie, facile, ( ut inquit  
Galenus ) ſenſibus deprehenduntur. Quæ vero in  
imo corpore latent, exercitata cogitationis virum  
deſiderant, cum in actionibus, & utilitatibus par-  
tium, tum vel maxime in ea, quæ hæc præcedit cor-  
porum diſſectione, anatomen Græci dicunt. Quip-  
pe hæc ( ut ille ipſe ait ) docuit nos cum alia per-  
mul-



multa, tum cuiuslibet partis essentiae proprietatem.  
 Ius ergo beneficio præter Philosophi, & Galeni  
 auctoritatē, cervicē vesicæ nervosam esse aperte co-  
 noscimus, in interioribus præcipue partibus, ac ve-  
 sicæ propinquis, nervis scilicet à vertebra caudæ  
 venientibus, tū protensis ad virile membrum, vesicā  
 & musculū ani. Carnosa item ceruix apparet, cum  
 ultra progreditur, carnosio scilicet musculo fabrica-  
 ta. Cuius munus est, eam claudere, & aperire, atq;  
 ut urinam retinere, atque expellere, mira quadam  
 reflexione ad postremam vsque glandem, per quam  
 procedit iter urinae. Oblonga insuper, rugosa, ac tor-  
 tuosa est duobus, tribusue anfractibus. Quapropter  
 per raro tota lotio emundatur. Cervici item vesicæ  
 caro glandulosa musculo vicina adnata est, quæ, ve-  
 luti suffocatorium, ac constrictorium quoddam, exi-  
 stere videtur, exitum urinae, à vesica vnde quaque  
 prohibens, vasorumq; spermaticorū ora circuiens,  
 nisi cū urinae mittendæ voluntas est. Tunc enim emol-  
 litur musculus, laxaturque, ut ea libere egrediatur  
 atque urinarius meatus ab adiacentibus carnibus  
 libere relinquitur. Vesicæ proinde ceruix carnosior  
 redditur, quo magis glandē versus protensa est, tum  
 spissior, tum crassior ob musculosam substantiā. Ad  
 hæc foramen (magnum canalem nuncupant) urinae  
 & genitali semini commune est: genitali quidem se-  
 mini per duo foramina in extremis seminalibus va-  
 sis. Verum in cervicis extrema parte & ubi fistula,  
 vel canalis incipit, circumvolutio quedam sinuosa  
 est,

De histo. ani  
 mal. Lib. 1.  
 Cap. ult. Lib  
 6. Cap 6 De  
 locis affe-  
 ctis.



# DE CARUNCULA

est, in qua si quid aquei humoris, aut rei extraneae est, coaceruatur, ac retinetur, neque ab aquosa humiditate tota detergitur, atque exiccatur. Extrinsicus autem ceruix vesicae mira quadam sutura, ac venosa peritonæo (scæmen latine dicunt) fabricata est. Unde membrum initium assumere videtur, multis quidem tendinosi ligamenti à pectinis osse productis, ac nervis ab occipite orientibus. quamobrem & ad sentiendum, & ad extendendum facilis est. Cæterum venis, & arterijs constat, in quibus tumentes spiritus inclusi coli extendendo deseruiunt. Sed ut ad musciculum ceruicis reuertamur, scire licet, illum, instrumentum esse (ut inquit Galenus) cuius opus ab electione excitatur, imperiumque voluntatis nostrae imitatur, ut pote qui ambiens ceruicem vesicae, eam ita exacte stringit, ut nihil humoris ex vesica in meatum ingredi possit. Atque similem quoque & actionem, & utilitatem habet musculus, qui recti intestini partem extremam ambit. Proinde ipsis resolutis, neque urinam vesica, neque stercora alius retinere potest. Sed præter voluntatem paucis omnino intervallis utraque excernuntur. Urinae ergo emissio fit, tum propter coacervationem eius in vesica, tum etiam propter musculi concessionem, ut & Rasis asserere videtur.

Quid per caruncula, siue callum intelligendum sit. Cap. II.  
**C**aruncula innata ceruici vesicae, siue callus, male



male compositionis ægritudo est in vrinæ itinere, cum (exempli gratia) vel sponte naturæ, vel ob incuriam medentis, siue ægri initio morbum negligentis, caro ex præcedenti solutione continui, incrementum suscipit, cuius propter additamentum, vrinæ fistula angustior redditur, atque ita vrina supprimitur, siue caruncula vniufmodi, siue diuersi generis sit, vt syncera, vt mollis, vt dura, aut fungosa, aut rotunda, aut cum albedine callosa, uerucosa, porosa que, aut alterius modi ingenita, tum profunda cum euidenti duritie, aut summa. Quarum per se quælibet de sui remotione, ac diminutione indicat.

Quibus de causis caruncula, siue callus innascatur, augeaturque.

Cap. III.

**T**Ribus in vniuersum modis vrinæ fistulam stipari censet Galenus. Aut enim inquit corpus ipsius in tantum tumorem præter naturam attollitur, vt meatus inde occupetur. Aut aliquid ei præter naturā, ut vel caruncula, vel callus innascitur. Aut à re quapiam obstruitur meatus. Nos verò de caruncula, siue callo tantum dicturi sumus, scilicet, quibus modis, quibusue causis oriantur, augeanturque, subinde ea, quæ ad exactam eorum curationem faciant proposituri. Fieri itaque potest, vt è quatuor aliquo humorum vitio, ac potissimum pituitosi, aut melancholici, aut falsi, aut è crasso sanguine

Lib. I. de locis affectis.

n

guine



DE CARUNCULA

guine, aut adusto, naturæ sponte callus, vel caruncula innascentur: quemadmodum in cæteris corporis partibus facile accidere consuevit. Frequentissime autem ex diutina saniei effluxione, atque assidua eius excoriatione, ob immodicam renum calefactionem, aut præcedentis abscessus suppurationem, eruptionemque, vesicæ cervix, ac fistula urinae exulcerantur, vno aut pluribus locis, tum magno, vel paruo ulcere, vel erodente, aut putrido, aut sordido. Quibus in curandis remedia non exactè, non diligenter ob aliquam causam, vt puta fistulae angustiam, aut cruciantem dolorem, vel etiam ob Medici imperitiam adhibita fuere, vnde mox caruncula innata est.

Fiunt etiam caro, vel callus ex assiduo, arenoso, vel calculoso, uel luteo defluxu, siue id è renibus sit, siue in vesica generetur. Accidit etiam tunc, vt in sinuosa illa cervicis parte, atque anfractibus aliquid retineatur, ac veluti nitrosæ quædam particulae & vitreae, fistulae intus affigatur, paulatimque, & continenter increseat, cumuleturque, ac demum velut callus efficiatur, urinaq; iter impediat.

Ex pituita præterea, siue phlegmate defluente, modo mucilaginoso, aut viscido, modo instar oui albi, aut vitreo, aut salso, & corrorente in eisdem cervicis sinibus, & eodem modo inhaerescente, atq; increcente, callus, vel caruncula gignitur.

Ex suppurato item, atque erupto vesicæ abscessu cervici partes adiacentes ulcerantur ob tenellam  
loci



oci substantiam, ac saniei errofionem: quamobrem  
aro additur, vnde vrinae emissio prohibetur.

Sæpiissime & ipsa cervix abscedit, ex cuius sup-  
uratione, atque eruptione id ipsum accidit.

Ex gallico etiam morbo, aut gonorrhea, aut ex  
ocineris; aut cerebri sanioso fluxu ad renes, ac vesi-  
cam, tanquam ad superfluitatum receptacula de-  
scendente, non modo renes ipsi, & vesica, & cervix,  
verum & tota fistula, quandoque exulceratur: hinc  
fit, vt carunculæ toto illo meatu adauctæ, vrinae iter  
facile impediunt.

Quod fit etiam ex præcedentibus primitiuis (vt  
vocant) causis velut attritione, contusione, soluta  
continuitate, aut conuulsione, aut fractura, aut ve-  
tere vulnere penetranti, aut fistuloso uel in superio-  
ribus uel adiacentibus locis.

In ceruice item vesicæ ex præcedenti herniæ  
aquosæ, vel carnosæ, vel varicosæ curatione, id vi-  
tium fit, cum vicinæ partes vlcerantur, excohlantur,  
ac vehementer breui, vel longiori temporis inter-  
uallo inflammantur, & cancrosa quadam (ut ita di-  
cam) duritie, & carnosæ replentur, atq; obstruuntur.

Ex calculo præterea qui in vesica habeatur, hu-  
moris præ nimio dolore, ac pondere in eā confluunt,  
ac replent. Tum virulenta quadam vi, non vesicam  
modo, sed eius ceruicem, ac fistulam erodunt, illud  
ipsum incidere necesse est.

Accidit etiam quandoque, vt per criticam ex-  
pulsionem vrina mittatur, veluti in febribus, cate-  
n 2 terisq;



DE CARUNCULA

terisq; interioribus morbis, in quibus critica expulsiões fiunt. Quæ quidem vrina & copia & acumine, & caliditate, & adustione tantam vrinarijs meatibus inflammationem inducit, atq; excoriatio nē, vt facillē, & vlcerentur, & putrescant, unde caruncula innascitur, atq; vesica insuper, & vicina loca vsq; adeo quandoq; inflantur, ut non modo scroti colligamenta, & muscoli coartentur, verū etiam intestina ipsa, & (vt vocant) mirach. Quamobrem lotium in tantum supprimunt, vt de ægroti salute vehementer dubitari possit.

Ex immodicis etiam, atque assiduis exercitationibus renes, & vesica à concurrentibus humoribus inflammati exulcerantur, vnde extraneum aliquid vrinae emittendæ impedimento est.

Languescunt insuper, ac debilitantur renes ob frequentem, atque immoderatam venerem, quamobrem debilitata continenti virtute, expultrix plus emittit, quàm par est, pro ipsorum renum nutritione, quapropter, quod superfluum est in vesicam delatum eam exulcerat, & carunculæ, quæ vrinam impediunt, oriuntur.

Supprimitur quoque vrina, cum genitale semen, siue in coitu, siue in pollutione propter caloris defectum ac debilem vim musculorum titillationes excitantem non emittitur. Quare fit, vt corrumpatur, atque in dies putrescat magis, quod cum glutinosa illa sua & vitrea substantia vesicæ intus inhereat, non modo vrinam supprimere potest, sed ventri, pectini, scroto,



scroto, & vesicæ ceruici pessime abscedendi causam præbere, & fistulas curatu perdifficiles ingenerare.

Qui bono habitu sunt, & à venere ob aliquā causam abstinent, plurimam quandoque coaceruant superfluitatum uim, vnde fit, vt cum ad renes, ac vesicam tanquam ad sentinam quandam deferuntur saniosa ramenta, vlcera in eis, & ex his caruncula oriatur vrinaeque iter intercludatur.

Cum quis item diutius in renes iacuerit, vt in præ longis morbis, qualis podagra, vel ossium fractura est (frequenter fieri consuevit) illi ipsi renes cum vesica inflammati exulcerantur. Quamobrem orta caruncula, siue callo, vrinae iter impediri necesse est.

Quod & alijs etiam de causis, quibus, ne longiores simus, consulto supersedimus, accidere potest.

Quibus indicijs Carunculam innatam esse demonstretur. Cap. IIII.

**S**olertis Medici officium est ex præcedente morbi inquisitione cum præsentia, tum futura prænoscere, atq; ita ad perfectam eius notionem deuenire. Id hoc quidem casu fit, cum per signa, atque ægri, vel familiarium relationem compertum habemus, morbum (exempli causa) gallicum innatæ carunculæ causam fuisse. Ex eius. n. notis, & magnitudo mali huius, & curationis eius difficultas maiori ex parte cognoscitur, quæ sanè ex malignitate eius non modica est, cum morbi contagiosi, atq; atrocis,

n 3 qua-



## DE CARUNCULA

qualis ille plerumq; est, proprium sit, non facile medicamentis superari, varicosa item, vel carnosa hernia, vel abscessus, qui cervicem vesicæ occuparit (ut supra est dictum) causam præbuisse possunt. è quibus etiam morbis perdifficilem eius fore curationem haudquaquam dubitandum est. Tanta. n. in hisce seuitia, ac malignitas est, ut, & medicaminum vis, & medentium virtus non diffìculter infirmetur, minuaturnq;. Ex renum præterea antiquo affectu, aut vetere interni membri fistula, aut iocinoris, aut cerebri, symptomatico effluxu (ut dictum est) aut alterius huiusmodi partis facile indicabitur morbus, sed cum difficultate curari posse. Quinimo affecti membri compositio, ac nobilitas, & cum alijs principalibus membris connexio, & loci angustia, & tractandi difficultas non modo diffìcilem curationem, sed & vitæ periculum persæpe demonstrant. Verum, ut cætera signa persequamur, euidenti etiam argumento est eminentem carunculam ortam esse vrinæ guttatim effluens, vel tortuosa, vel longe etiam tenuior, quàm esse solet. Sed illud præcæteris inditium maximum est, cum per argaliæ (ut vocant) vel specilli, vel alterius instrumenti immisionem, in ea periculum facimus. Ex his enim facile conijcitur, vel adnatam carnem, vel obductum callum, vrinæ iter interclusisse. Quibus sane cognitis, ac diligenter examinatis ad curandam ægrotationem dijs bene iuuantibus non timide aggredi possumus. Quandoquidem, et si ea magni momenti est, & curationis quàm diffi-



difficillime, nihil tamen est, cur egrotum ipsum deseramus. Cui dum anima est (vt sapienter inquit Cicero) spes esse dicitur.

De specillis, siue instrumentis, quibus in morbi curatione vtendum est. Cap. V.

Complura sunt specillorum, siue argaliarum genera, compluraq; eorum quæ vicem præstant. Quibus de primum dicendum est. Sunt igitur maluarum, seu petroseilni, aut fœniculi, aut alterius cōsimilis herbæ turiones, siue cauliculi longi tamen, ac duriusculi, quibus carunculam, siue callum inquirere, & rumpere commodè possimus. Candelæ insuper oblongæ crassiusculæq; at molliusculæ ex arte, atq; vsu fiunt, aut ex cæra alba, (vt frequentissime fieri solet) aut ex citrina, aut ex viridi cum aliqua æruginis rasæ portiuncula. Aerugo. n. maximum detergendo, carunculæque innatæ curandæ remedium est. aut commiscendum aliquid aliud ex detergentibus, aut conglutinantibus, vt infra proponemus. Specillum præterea satis accommodatum est, si ex tereti, ac flexibili plūbea virga fiat tanta crassitie ac longitudine vt ingredi, egrediq; pro medentis arbitrio commodius possit, quod modo tenuius, modo crassius pro fistulæ angustia fabricandum est. Cum vtimur ad rumpendam carunculam, omnino crassius faciendum est; cum verò candelæ loco, tenuius conflandum; tum extrema parte, quæ immit-

n 4 titur,



DE CARUNCULA

ritur, id aliquo ex medicamentis, quæ suo loco dicemus, est inungendum. Eodem etiam modo ex auro, argento, aut ex simili metallo fabrefieri possunt. Argaliæ quoq; eodem pacto, ex eademq; materia leues in extremo, ac rotundæ, vniformes habendæ sunt, vt facilius intromitti, atq; innatam carunculam incidere, vel minuere possint.

Quæ præparatio ante propriam curationem adhibenda sit. Cap. VI.

**I**N omni re antequam aggrediare (vt sapientissime inquit Cicero) præparatio diligens adhibenda est, quapropter antequam innatæ carunculæ propriam curationem aggrediamur, communia illa remedia præponenda sunt, quæ in alijs etiam morbis adhiberi consueuerunt. Cognita igitur ægri habitudine per pharmaca, & victus rationem peccanti humori primum subueniendum est. Quod fit per sanguinis emissionem, per syruporum, pharmacorumq; exhibitionem, pro ut, humoris vel morbi recētis, vel veteris ratio, vel necessitas postularit, ac præsertim in gallico affectu, in quo multo acuratius agendum est, nequid mali symptomatis superueniat, vt febris vt rigor, vt humorum defluxio ad vesicam, testes, membrum. Quæ sæpissime ob id intumescere, ac suppurare pessime consueuerunt. quin etiam frequentissime emoriuntur, adeo vt nulla sit salutis spes, curationisque remedium, quamobrem ita corpus debita

ena-



uacuatione, ac sanguinis detractione præparandum  
est, vt de noua humorum effluxione dubitandum non  
sit. Quin etiam ad omnem suspitionem tollendam,  
ne quid rursus ingeneretur, coacerueturq; sane mul-  
tum profuerit Ligni sancti decoctum eo modo, ac se-  
rie, quam morbi, et ægotantis natura exposcere vi-  
detur præparatum. Qua de re in eo libro, quem de  
eius ligni multiplici medicina conscripsimus, satis ac-  
curate à nobis dictum est. Nec quicquam prohibet  
(si procedente curatione opus sit) alium rursus le-  
niri, atq; inflammatos humores refrigerari, mannæ  
scilicet, cassiæ, tamarindorum, catholiconis, aut al-  
terius generis soluentibus potionibus, ac potissimum  
polipodij ex nostra descriptione. Quod sæpenumero  
ægris salutare experti sumus.

Quo anni tempore præstet cura-  
tio. Cap. VII.

**O**Mni autem anni tempore, urgente necessitate,  
curatio hæc adhibenda est, quam, tum differre  
periculosum est. Quinimmo vel eodem die suppres-  
sa vrina, & ob id ægro periclitante, non minuenda  
modo caruncula, vel callus est, verum etiam ceruix  
ipsa incidenda, at qui cum morbus dat indutias, ver-  
num tēpus, & autumnale præstat, ac hyemale quam  
æstiuum commodius est. Martio itaq; mense, Apri-  
li, Maio, Septembri, Octobri, ac Nouembri felicius  
res peragetur, hoc est, sine prauorum accidentium  
metu,



DE CARUNCULA

metu, & vitæ periculo. In ea enim anni temperi  
humorū illæ effluxiones, atq; abscessuum congestio-  
nes non facile fiunt. ita vt cum ægris melius agatur  
Loca insuper quo sicciora fuerint, eo salubriora sūt  
Sed illud præ cæteris ægri commune faciendi sunt, si-  
licet vt mensē, cum minimum, à Venere absti-  
neant, ne partes illæ renum, ac vesicæ seminales de-  
bilitentur, inflammenturque, quod sane maxi-  
mopere officit.

Carunculam, siue callum medicamentis  
præmolliendum esse. Cap. VIII.

**M**ultis sane modis caruncula, vel callus medica-  
mentis præmolliendus, ac digerendus est. vt  
detergi, & minui facilius possint, quod recte hyeme  
fit, si per aliquot dies iniectorio (vt vocant) diluan-  
tur, decocto scilicet fænigræci, seminis lini, radicū  
althæe, singulorum manipulo, ex aqua pluuiali, aut  
fontana: quibus percolatis, & aliquo mellis, vel sa-  
pæ iniecto, vel decies die calida lotio fiat. æstiuo au-  
tem tēpore, aut in calidis habitudinibus, fiat ex mal-  
uarum cum suis radicibus, hordei mundi, violarū,  
singulorum sesquimanipulo, quibus aqua pluuiali  
concoctis, atq; excolatis aliquid rubri saccari sit a-  
diectum, quo eodem modo vtendum est. aut fiat ex  
violarū floribus, aut vtriusq; buglosæ, qui ex aqua  
hordeacea feruerint, adiecto eodem saccaro. Aut  
decoctum, & omni anni tempore ex emundatarum  
passu-



passularum, sebesten, intiborum, singulorum vncijs  
duabus, amyli, drachmis tribus, ex aqua hordei, &  
maluarum cum saccaro, vt supra est scriptum; aut  
syrup. de daetilis, vel capillorum Veneris, aut gly-  
cyrrhizæ mundæ, ficuum aridarum, daetilorum, sin-  
gulorum, decem quæ aqua hordei ferueant. Facta  
proinde aliqua ex his lotionibus candela vaccinæ  
aut tyro, vel bubulino, aut ol. amygdalino dulci, aut  
sesamino, aut cōmuni inuncta, aut aliqua axungia,  
vt anseris, vt anatis, immittatur. Spongijs item ex  
eorundem simplicium decocto madentibus, locus ex-  
trinsecus fouendus est. Aut ex eo decocto, quod li-  
bro secundo de sclopetorum, siue archibusorum vul-  
neribus, conscripsimus, scilicet corticum radicum al-  
theæ, inulæ, brionie, vlmi, cucumeris asinini, singulo-  
rum manipulo vno, fœnigræci, seminis lini selibra,  
bis die per horas duas ante cibum. Aut ex arieti-  
nis, vel vitulinis intestinis cum arietino capite quæ  
aqua discocta sint, fœmen foueatur: aut oleo, aut re-  
simili vt ex arte fieri consuevit. Emplastrum præte-  
rea ex anserina, vel anatina axungia, vel consimili.  
aut ex fœnigræci, & seminis lini farina, quæ in vi-  
no dulci, & oleo feruerint, aut cepa sub prunis to-  
sta, & farina triticea, & butyro, vel axungia suilla  
imponendum est. Quod si eger huiusmodi medi-  
camenta fastidiat, ceratum ex axungia suillæ seli-  
bra, & lythargirij aurei vncijs quatuor, aut Empla-  
strum ex amoniaci, bdelij, quæ acetum dissoluerit,  
singulorum semuncia, & axungie vrsinæ drachmis  
tribus



tribus, aut cerati de mucilaginis, & hyssopi Philagri, singulorū sēlibra, aut ex maiori diaquil. cum gummi, vel sine gummi addendum est.

Quibus medicamentis caruncula tollatur. Cap. IX.

Conuenit inter medicæ rei professoris carunculae hanc sponte naturæ nullo modo, nulloq; tempore sanari posse, nisi beneficio artis adiuuetur. Naturæ enim sponte augetur potius, quàm vlla eius diminutio fiat, quamobrem ars plura medicamenta, pluraq; instrumēta parauit ut incidens, & candens ferramentum, in quibus sane medicamentis diuersitas non modica est. Alia enim imbecillæ virtutis sunt, alia valentioris, alia mediæ. Valentiora medicamēta appello, ratione nobilitatis membri affecti, atq; affinitatis cū principalibus membris, quæ alioquin valentiora dici non possunt debilitata, et præparatione, & beneficio artis. At medicamenti effectus eo perfectior, ac præstantior est, quo minoris mordicationis ac lēSIONIS est, sua scilicet moderata abstersione, atq; exiccatione, ut Princeps asserere videtur, Tum moderata quadam temperie, & correctione, quæ gradum non excedat, membri substantiam perdat, & plusquam par sit, erodat, ac deuoret. Quæ omnia in perniciem ægrotantium accidere consueuerunt. Quapropter cum membri nobilitas, et ipsius angusti meatus chirurgicam operationem

Pen 4. Tract.  
3 Cap. 12



em non admittat, incidentis scilicet, & candentis  
erramēti, industria quadam medicamentorum mu-  
nus exequendum est. Quamobrem artifex, præpa-  
rata candela tantæ longitudinis, & crassitudinis, ut  
opus perfici possit, partem quæ extremitati propin-  
qua est, per transuersi digiti spatium aliquo ex me-  
dicamentis, quæ infra dicemus, inungat. Sed illud  
præ oculis semper est habendum, ne erodentia medi-  
camenta liquida, aut lenia unquam immittantur,  
maius. n. detrimentum, quàm adiuumentum sanis lo-  
cis, atq; adiacentibus sequeretur. Adeo etenim uri-  
narij meatus tenella substantia est, ut molestiora me-  
dicamenta, qualia erodentia sunt, ferre non possit.  
Quapropter medicina talis adhibenda est atq; adeo  
duriuscula, ut vix in transitu fistulæ partē aliquam  
afficiat. Quod plane tutissime fiet, si tum aliquo sub-  
sequentium emplastrorum medicamentum commi-  
sceatur, ut cæratum est de mucilaginibus, diaquilon  
(paruum nuncupant) cæratum de cerussa, empla-  
strū de lithargyrio (triapharmacō appellāt) empla-  
strum de minio, et cæteris. In ea. n. dissolutorū empla-  
strorum substantia modico negotio miscetur. Eodem  
exemplo pulvis sit de medicinis debilioribus carnē  
minuentibus, si ex cærato cerussæ vncia, lento igne  
liquefiat, & corticum radicum dulcium malorum  
granatorum, aut ponticorum in vmbra exiccatorū  
& in subtilissimum puluerem redigantur drachmæ  
duæ, & misceatur aluminis saccarini dimidijs scru-  
pulus, & candela (ut præcepimus) extremitas illi  
natur;



# DE CARUNCULA

natur ; quod si medicamen hoc, vel cetera, quæ pro-  
ponemus, duriora quam par est, ob eam pulueris ad-  
misionem videantur, olei aliquid, aut gallinæ axū  
giæ adiungendum est. Aut illitis manibus oleo, vel  
axungia diu emplastrum subigendum est, vt lente-  
scat, quatenus opus sit, eoque in curatione vtendum  
est. Aut medicamen fiat ex cerati de mucillagini-  
bus vncijs duabus succi corticum capparum, succi  
cupressinarum nucum, corticum iuglandium viri-  
diū, aut eius loco, foliorum oleaginum syluestrium,  
vel olearum immaturarum, & portulacæ singulo-  
rum drachmis tribus. & ad cerati speciem redigan-  
tur, quo vtaris, vt dictum est. Aut ceratum fiat ex  
spongiæ cōbustæ, corticis saligni cōbusti singulorū  
drach. i. quæ secundum præcepta artis cōficiātur. Me-  
dicamēta autē media sūt si cerati vncia de minio li-  
quefiat, succi suillæ drachma i. portulacæ drachmæ  
duæ, & olei frumenti drachmæ totidem, quæ vbi  
ferbuere, in cerati speciem redigantur. aut cum me-  
dicamen componitur ex cerati cerussæ vncia vna  
lactis fici, paulū in sole condensati drachmis tribus  
quæ manibus tractata commisceantur, aut salis com-  
munis, salis gemmæ singulorum drachma vna cera-  
ti de mucillaginibus vncia vna, aut drachma ærugi-  
nis rasæ parum combustæ cum eodem cerato. Tutis-  
simum autem & probatissimum medicamentum est,  
& quod vires omneis medicamentorum habeat, im-  
becilli scilicet, valentioris, ac mediij, quod ex fauinæ  
exficcatae in vmbra sesquidrachma fit, ac cerati de  
mucilla-



nucillaginibus semuncia; quam tutissime enim tra-  
tu temporis carunculam omnem sine dolore minuit,  
ic deinde radicitus tollit, atque exiccat; quod non  
nodo in hoc morbo experti sumus, sed in omniveren-  
lorum aegritudine, ubi caro adiecta sit, si pulvis  
amen super aspergatur, ubi loci opportunitas expo-  
nit. Aut ex hellebore nigri stercoris murini, salis  
saululum vsti, singulorum sesquidrachma, cerati ce-  
russæ semuncia, succi porri, aut umbilici veneris  
drachmis duabus, ex tragacathæ adustæ, ostreorum  
adustorum, calcis non dum aqua extinctæ singulo-  
rum drachma, cum cerati de nucillaginibus vncia  
dimidia. Aut ex albis ouorū duum, quæ sub prunis  
vel feruenti aqua induruerint, vitrioli (ut vulgo  
dicunt) sescuncia, quæ vertantur in puluerem, &  
conficiantur, vel humidis locis in filtro (ut vocant)  
feruentur, ac distillet aqua, de qua semuncia cum cæ-  
rati de nucillaginibus assumatur, & lento igne in  
speciem emplastri redigantur. Aut fiat ex seminis  
& radicis serpentariæ singulorum drachma cum  
eodem cerato de nucillaginibus. At ex nucis cupres-  
sæ, colocynthidos singulorum sesquidrachma, cum  
cerati cerussæ semuncia. Sed illud in caustici medi-  
camenti administratione aduertendum, quanto in-  
nata caruncula antiquior est, eo difficilius curari,  
qua propter imbecillioribus medicamentis non suffi-  
cientibus, ad ualentiora recurrendum est. Itaque cū  
carni ea minuēda propter obcallescentem eius duri-  
ciem satis esse non videbuntur, ad eam pungendam,  
ac



## DE CARUNCULA

ac dissoluendam argalia, vel specillo bene perforantibus, & incidētibz, vt facilius penetrare possint. opus peragendū est, nec est cur sanguinis effusio per hæc instrumēta timeamus, saluberrima. n. ea est dūmodo ex caruncula ipsa (nec aliter) effundatur, quod ipsum modico negotio cognoscetur, nobis facientibus immissam argaliam, vel specillum repugnante caruncula impediri, quinimo, tum chirurgi cum opus prospere succedit. Vidimus enim complures sōla specilli, vel argaliæ ope curari, cum innat illam carunculam penetrarēt. Vrina enim tum egradiens suapte abstergendi atque exiccandi vi, sine ullo alio artis præsidio sanare potest. quod, si ob mortalem malignitatem, assequi non possumus, ad valentiora (vt supra dixi) remedia confugiendum est. id fiet, ex viue calcis, arsenici rubri, quæ aceto diem macerando, præpararis, singulorum dimidia drachma & cum cerati de mucillaginibus semuncia medicamen conficiatur. Tutissimum vero illud Alexandri Græci medicamētum, atq; omni ex parte saluberrimum, quod fit ex vitreoli romani, auripigmenti, aluminis roche, æruginis rase, quæ aceto albo acerrime per triduum emaceraris, in soleq; exiccari, singulorum drachma vna, cerati ex cerussa vncijs duabus quæ lento igne ferueant, exinde prædictorum pulueres misceantur, & ex his factum ceratum in vsum seruetur. Aliud præterea tutissimum, ualentissimūque medicamentum est, quod fit ex præcipitati (vocat) drachmis duabus, emplastri cerussæ semuncia.

Lib. I. Cap.  
131.



Aut ex zimat (quod dicunt) floris æris singulorum  
drachma vna, quæ aceto, atque aqua rosacea qua-  
lor & viginti horarum spatio macerata atque  
siccata in sole, & emplastri cerussæ vncia adiecta  
sui seruanda sunt. Aut fiat ex aquæ, qua dissoluuntur  
metalla (fortem vocant) drachmis duabus, cæ-  
teri cerussæ vncia vna, & lento igne cæratum fiat,  
aut ex aluminis combusti, æruginis erasæ, cõbustæ,  
salcanti, (vt vocant) vitreoli combusti singulorum  
semidrachma cum cæрати de mucillaginibus, seruen-  
turque in vsum, vt supra dictum est.

Qua ratione internæ partes exulceratæ, atque in-  
flammata curentur post caruncula di-  
minutionem. Cap. X.

**F**ieri non potest quin in caruncula innata curatio  
ne internæ partes omnes vlcerentur, excorien-  
turque, & cum dolore, maximaque erosione, &  
ardore, & præsertim in lotio emittendo. Vnde neces-  
se est ægros non minus, quàm ob innatâ carnẽ excru-  
ciari. Opportunis ergo remedijs tum proprijs tũ cõi-  
bus occurrendum est, ne morbus in dies crescat. Pro-  
pria quidem extẽplo, & intrinsecus & extrinsecus  
adhibenda sunt; vt loca affecta recreentur, & à cor-  
ruptione, & ab abscessu defendantur. Quod sanc ini-  
tio fit iniectione liquida immittendo, quale caprinũ  
lac, asinum, vaccinum, humanum, aut dulcium  
amygdalarum, aut quatuor semi. frigid. maiorum,

o vel



## DE CARUNCULA

vel aquam hordei, rosaceam, plantaginis, myrtearum baccarum, endiuia, nenupharis, violarum, aut decoctum seminis psilij, aut seminis malua, aut solatri, fol. maluarum aut violarum, aut summitatum fabarum, aut arnoglossae, aut glycyrrhizae recentis, aut quatuor seminum frigidorum maiorum, aut cotoneorum, aut seminis lini cum rosaceo aqua portione. Quibus in lotionibus ouorum quatuor alba secundum artis praecipua, agitata, in principio praesertim maxime congruunt. Quod profecto acrimoniae, & doloris remedium praesentaneum est. Internis etiam leuationibus philonium pro antidoto miscendum est, atque ore sumendum, si opus sit. Quae lotiones sane fieri possunt ex rosaceo immaturo, myrteo, violaceo, nenufarino; amigdalino, ac generis eiusdem cum ouorum albo. Lenimen quoque fit ex unguento rosaceo, sandalino, refrigerante Galeni, rosaceo, violaceo, nenufarino, papaueris, mandragorae, atque eiusdem generis cum refrigerantium herbarum succis. Extra vero (scilicet pectini, scroto, peritonaeo, & coli) panni conueniunt eiusdem lotionibus, & aquis madentibus, aut in oxicato ex aceti & aquae rosaceae aquis portionibus, aut in succorum, solatri, plantaginis, lactuca, & aquae rosaceae; aceti rosacei, & olei itidem rosacei, in ouorum albuginibus pari pondere, aut in eisdem ipsis, cum suis vitellis agitatis, aceti rosacei portione dupla, & paulo aceti adiecto, vel pro his olei violacei, nenufaris, & papaueris dupla itidem portione. quibus omnibus opij aliquod



quod (si vehemens fuerit dolor) adijci possunt. quæ  
omnia calida magnopere conferre solent. Empla-  
stra etiam num fiunt ex hordeacei, fursuracei, vel  
viliacei panis medulla, cū lacte aliquo, ex eo omni,  
quod supra memoratum est, quibus emplastris ouo-  
rum recentium alba cum vitellis commiscenda sunt.  
Aut ex hordeacea farina, cum maluarum & viola-  
rum folijs, & nenufaris, vel maluarum, vel fabarū  
doribus. Aut ex sandalorum, sumach, spodij, myr-  
ri baccarum singulorum semuncia. Acaciæ, hypo-  
cistidos singulorum drachmis duabus, succi planta-  
ginis, solatri, aquæ rosacæ, singulorū vnc. duabus,  
tum farine hordeacæ, quantum satis est, è quibus  
cum albis ouorū emplastrum fiat. aut fiat vnguentū  
ex olei nenufarini, violacei, succi endiuie, plantagi-  
nis, semper viui, lactis humani, mucilaginis psillij  
singulorū semuncia, cāphoræ drach. dimidia cum cæ-  
ra alba; quo sane vnguento renes, pectus, peritonæū,  
locaque adiacentia illinantur. In incremento præ-  
terea, & statu cruciantis doloris, prædictis laua-  
tionibus aliquid rubri saccari adijciendum est, aut  
defecati mellis, aut rhodomellis saccharini, aut rosa-  
cei, syrupi violacei, ziziphini, aut glycyrrhizæ. Aut  
medicamentum fiat ex corticum papaueris, amyli,  
succu glycyrrhizæ singulorū semuncia, seminis hyo-  
sciami drachma, opij grana sex, quæ cū solatri suc-  
co & casei aqua, aut mulsa, dissoluta & in speciem  
vnguenti radacta loco detergendo, & futurae cornu-  
ptioni prohibendæ, & dolori leniendo præsentaneo



## DE CARUNCULA

remedio sunt. Aut decoctum fiat ex glycirrhiza  
 vis passis sine vinaceis, sebesten, dactylorum simpli-  
 citer, vel commistim, vel in decocto ligni sancti, aut  
 ex teneritatibus urticarum, radicum lapatij acu-  
 ti, & enulae cum sapa. In quorum colatura pastilli  
 alchechengi dissoluantur, & sieph album cum opio;  
 aut fiant iniectiones cum succo consolidae, aut dissol-  
 uatur idem succus cum aliqua praedictarum laua-  
 tionum. Quod si deterasio necessaria sit, quae planè  
 res è multo emanante pure, & graui eius odore co-  
 gnoscitur, quod quidem & errofionem & corru-  
 ptionem, & vesicae exulcerationem minatur, sieph  
 de memita, vel ærugine rasa, lapidescens saccarū  
 rosaceum, aut ærugo rasa ad nigredinem combusta,  
 aut ægyptiaci aliquid cum lixiuio, aut mulsa cum  
 lupinorum, & lentium decocto dissoluendum est:  
 quo tutissime vteris. Sunt qui in hisce lotionibus ad  
 extremum remedium argentum viuum mortifica-  
 tum dissoluant. Quo, in internis præcipue partibus,  
 me iudice, si vlllo alio modo fieri possit, omnino ab-  
 stinendum est. Candela item vnguenti pompholigos,  
 & apostolorum (vt vocant) vel alius consimilis de  
 tergentis aqua portione illita immittenda est. Nec  
 non & chalcitidis emplastrū cū rosaceo ad vnguen-  
 ti speciem redigendum est. Detergit .n. optime &  
 conglutinat. Extra verò ex hordeacea farina, lupi-  
 norum, orobi, fabarum, & lentium, cum lixiuio, &  
 syrupo acetoso emplastrum imponendum est. Aut  
 ex urtica, parietaria malua, violis, vmbilico vene-  
 ris



um sapa. Aut ex mastiches, olibani, boli armeni-  
ci, terræ sigillatæ, hypocistidos, myrtearum bacca-  
rum, mumie, farine siliginis, lolij singulorum semun-  
cia, olei rosacei, myrtei, singulorum seiscuncia cum  
rosacea, & plantaginis aquis. In declinatione mor-  
ni etiam iniectiones fiant ex sieph albo, siue opio,  
bolo armenico orientali, siue communi, terra sigil-  
lata alexandrina, vel alia, sanguine draconis ex  
lachryma, mumia iniecta cum lacte humano, aqua  
casei, tota curatione præsentaneum remedium est,  
ex hematite, cimolia, sandalionibus, ex pastillis de  
charabe, de spodio simpliciter, aut commixtim, aut  
cum aqua rosacea, plantaginis, vel myrtearum bac-  
carum, aut cum decocto caudæ equinæ, aut dissolua-  
tur saccharum rosaceum cum aqua plantaginis, aut  
lotio fiat ex tutia preparata, & ærugine rasa com-  
busta cum eadem plantaginis aqua, vel rosacea; de  
qua mentionem fecimus in libro de ligni sancti mul-  
tiplici medicina Cap. de vulneribus mentule. Quæ  
sanè omnia medicamentorum genera (prout res exe-  
gerit) repetenda sunt. In declinatione item, can-  
dela, aut plumbeum specillum aliquo vnguento con-  
glutinante, aut cicatricem inducente illitum immit-  
tendum est. veluti vnguento de minio, lythargirio,  
plumbo, tutia, calce, aut de sambuco, aut de tutia  
preparata, plumbo combusto, antimonio, lithargy-  
rio, cerussa, vel decies elotis cum aqua rosacea in  
plumbeo mortario, cum rosaceo, aut myrteo duas  
horas laboriose agitatis. Quæ sanè omnia dolorem



DE CARUNCULA

leniunt, conglutinant, & carunculæ incrementum prohibent, quod semper Medico timendum est. communia insuper medicamenta necessaria sunt, ne doloris magnitudine humores inflammentur, atque ebulliant, quod quidem ab acetosis, falsis, acutis abstinendo, prohibetur, quæ res autem abscessum impedit, & factò iam medeatur. sanguinis missio frequens alui deiectio, cum celesti melle, siue manna aut casia in primis est. Tum soluens electuarium sebesten, aut leniens aliud, aut violaceus, vel rosaceus syrupus, pulpa tamarindorum, catholicon, & cætera generis eiusdem, prout necessitas ipsa sex rerum non naturalium postularit. Quæ sanè communia, & propria medicamenta non solum in ulcerum internorum curatione, quæ causa externa innata sint, præsentanea remedia sunt, verum etiam in quavis interna affectione, vnde exulcerationes, dolores, & excoriationes oriantur.

Quibus medicamentis abscessibus phlegmonibus, & herisipelatibus scroti succuratur. Cap. XI.

Quamquã, & antiqui, & recentiores de huiusmodi abscessibus bene longam mentionem fecerunt, tamen cum in carunculæ agnatæ curatione ægritudo de membri raritate, ac nerosa eius substantia, nec non vehementi dolore oriatur, operæ præ-



precium facturū me existimari, si, quibus remedijs  
subueniatur (quod differre periculosum sit) aperi-  
rem, prout ex longo medendi usu, & rerum experiē-  
tia cognoui. Abscedente igitur scroto, vel aliqua  
eius parte, siue calidus, siue frigidus abscessus sit,  
quæ res & colore, & dolore, & inflammatione su-  
perueniente indicabitur, & si communia remedia  
præcesserint, adhuc tamen iteranda esse censeo, &  
sanguinis missionem, & deiectionem alui, vt vsus  
& morbi magnitudo postularit. Semper enim in  
defluentibus humoribus ab initio propter membri  
facilem receptum, venæ incisio basilicæ, & saphenæ  
opportuna est, vt ab humore locus defendatur, & si  
quid descenderit, amoueatur. Utatur itaque æger  
pro tenui victu, habita, & ætatis, & consuetudinis  
ratione, deinde ad particulam ipsam curandam pro  
prijs medicamentis deueniatur. In principio leni-  
mentum hoc dolenti loco imponendum est, quod ha-  
bet rosacci immaturi, myrtearum baccarum, coto-  
neorum singulorum semunciam cum cæra. Exinde  
laboranti particule applicetur emplastrum ex so-  
latri contusi vncijs quatuor, succi solatri vncijs  
duabus, rubentium rosarum, myrtearum baccarum  
singularum semuncia, farinæ hordeaceæ, & faba-  
cæ singularū vncijs tribus, rosacci vncijs quatuor,  
cum decocto solatri, & rosarum. Quo quidem me-  
dicamento paucis in diebus nonnullos sanos fecimus.  
aut fiat emplastrum ex malorum punicorum, ruben-  
tium rosarum, lentium, singulorum vncijs duabus,

o 4

aqua



DE CARUNCULA

aqua & rosaceo ferueant, aut fiat ex farina hordeacea, & fabacea singularum selibra cum aceto albo, aut nigro. Aut ex teneritatum hyoscyami, hordeaceae, & fabaceae farinae pari pondere cum rosaceo, & violaceo secundum artis praecepta: quod si ab his aeger abhorreat, madentes panni in succo solatri, semperuiui, portulacae, rosacei, & aceti aqua portione, aut in oui albugine cum rosacei immaturi, myrtei, succi portulacae, & aceti pari pondere imponantur. In morbis autem incremento, & statu lenimentum fiat cum olei chamomelini, amygdalini, rosacei, myrtei aequis portionibus. Imponatur emplastrum ex florum chamomillae, & meliloti singularum vncia, farinae fœnigraci, & fabaceae singularum vncijs tribus, seui caprini vncijs quatuor, cum rosarum, & chamamillae decocto, cum ab igne remouebitur, additis vitellis ouorum tribus. Aut ex farinae triticeae, & fœnigraci singularum selibra, axungiae gallinae, olei violacei singularum vncijs quatuor cum vino albo: aut in incremento, statu, & declinatione ex pulpa passarum vuarum, fabaceae farinae, cicceris, & lentium singularum vncia, cumini semuncia, olei liliorum caelestium, sapae singularum selibra. In sola autem declinatione fiat ex diaquil minore, diapalmæ singularum sexcuncia, vrsinae axungiae drachmis tribus. Quod emplastrum quarto quoque die imponendum est: quod si abscessus maturescere incipiat arte adiuvetur, incidatur & curetur ut fieri consuevit. Cum autem frigidi humoris peccantis inditium



ium est, in scroto abscedente, optimum remedium  
ota curatione est emplastrum ex triticijs furfurib.  
n tenuiorem pulverem redactis, libra vna, vini sul  
phuris semuncia, ammoniaci aceto dissoluti vncijs  
duabus, oxymellis simplicis, quantum satis est, quod  
calidum imponatur, aut ex arentium rosarum, mille  
folij, stercoris caprini æqua portione cum vino al  
bo, aut lenimentum à principio ad finem ex cimolia  
aceto dissoluta: aut ex lithargyrii aurei, plumbi  
vsti, olibani, mastiches, colopho. assæ, feridæ aloes,  
singulorum semuncia, cum oleo, & aceto rosaceis,  
& in mortario plumbeo agitatis. quibus bis in die  
abscedentia loca illinantur, aut fiat ex furfuribus  
decoctis ex vino, aut ex semine lini cum vino, aut  
foueatur locus bis die spongijs hoc decocto maden  
tibus, & parum expressis, scilicet seminis fœniculi,  
apij, petroselini, carui, dauci, anisi, cimini singulo  
rum vncia cum vino albo, ferueant vt ex more ar  
tis fieri consuevit. Illud autem diligenter animad  
uertendum, ac præ oculis semper habendum est, ne  
suppuratio abscessus distrahatur, & relinquatur  
sanies. Quinimmo ante absolutum humorum con  
cursum, & perfectam curationem incidatur, ne scro  
tum ac testicoli emoriantur. Quod sanè breui tem  
pore fit, nisi diligenter provideatur. Quod  
si tamen contingat, ad corrupti  
amputationem ( ne  
pars sincera  
trahatur ) deueniendum est.

Qua



DE CARUNCULA  
Qua ratione sanati conseruentur.  
Cap. XII.

**P**udentis Medici consilio prouidetur, ne caruncula, vel callus (vt quandoque accidit) rursus innascatur: quod quidem rebus sex non naturalibus fit, prohibendo scilicet humorum acumen atq; aduersionem, & à noxijs abstinendo ne rursus humores defluant locum infecturi. A venere igitur potissimum abstineat, qui iam sanitatem est consecutus dum cicatrix bene induc[t]a sit. Alioquin facillime locus labefactari possit: vt pote infirmus, ac debilis. Idcirco præter illa, quæ ad victus rationem, & pharmaceuticum regimen attinent, optimum quidem remedium fuerit ligni sancti decoctum, vt in eius libro diximus, cum de renum, & vesicæ vlceribus ageretur. In omni enim curatione, atque in omni ætate, & in quouis humoris affectu, siue calidus, siue frigidus sit, salutarem inde habebis medicinam. Quod si ab v[is]itata, atque integra eius assumptione abhorreas, in prandio saltem, & cæna eo abstinendum non est: cuius præparandi rationem eodem loco descriptam inuenies. Urinæ autem iter rectè tuebere, si candelam butyro, aut oleo myrteo, aut rosaceo, aut amygdalino, aut aliquo vnguento ex his, quæ cicatricem inducunt, illitam immittas, aut ea ex emplastro chalcitidis, vel diapalmæ fiat, quæ siue perse, siue ex aliquo oleo inuncta mirificè prodest. Si autem inter immittendum caruncula, vel calli



*Calli impedimentum, id est eminentiam sentias, ex  
iridi cera, hoc est, ex ærugine rasi commista ( vt  
harmacopole nouere ) conflanda est. Aut aliquid  
lei vitrioli distillati, eæ ceræ viridi, vel alicui di-  
torum emplastro more artis admisceto. Desiccat  
num carnem que omnem superfluam minuit. Ita vt  
non modo præseruandi, sed etiam curandi præsen-  
aneum sit remedium. Quæ omnia, quoties opus fue-  
rit, repetenda sunt.*

*Hæc habui de huius caruncule morbo, quæ di-  
erem, cum præsertim breuitati pro virili consule-  
remus. Quæ si Medicis ( vt spero ) probabuntur,  
non dubito, quin & ægris valetudinem medendo,  
& sibi ipsi decus quàm facillime pariant.*

F I N I S.



# I N D E X.

## HOC OPERE COMPREHENSORV

### Index. Liber Primus.

- Prohemium. car. 219.
- Quid sit Vulnus per sclopetum siue Archibulum il-  
tum. Cap. 1. car. 219.
- Quid per adustionem hoc genere vulneris sit intell-  
gendum Cap. 2. car. 219.
- Quæ sit membri adusti curatio Cap. 3. car. 220.
- Sclopeti vel archibuli puluerem venenosum esse  
in quo genere veneni reponatur. Cap. 4. car. 220.
- Cuius facultatis bezoarticum medicamentum cura-  
tionis initio eligendum Cap. 5. car. 224.
- Quid per contusionem hoc genere vulneris sit intel-  
gendum Cap. 6. car. 225.
- Quæ curatio contusioni conueniat Cap. 7. car. 226.
- Quid sit fractura, & quæ eius species huic vulneris g-  
neri frequenter accidat. Cap. 8. car. 227.
- Quæ propria sit fracturæ curatio ac necessario cont-  
deranda. Cap. 9. car. 227.
- Quot sint eius vulneris curandi rōnes. C. 10. ca. 228.

### Liber Secundus.

- Qui sit in compositis vulneribus curandis tenendus  
modus Cap. 1. car. 228.
- Quæ ad primū & quintum cannonem obseruandum  
pertineant Cap. 2. car. 229.
- De annullato specillo atque Alfonsino Instrumen-  
to ac gruino rostro Cap. 3. car. 230.
- Quæ medicamenta extrinsecis vulneribus conue-  
niant curationis initio Cap. 4. car. 231.
- De medicamentis in extrinsecis atq; ignobilibus mē-  
bris sāguinē supprimentibus Cap. 5. car. 233.
- Quæ medicamenta locis vulnere adiacentibus conue-  
niant



# I N D E X. 289

nant à prima curatione ad securitatem absces-	
fus. Cap. 6.	car. 233. b
de digerentibus medicamentis ac dolorem lenienti-	
bus, & quæ abscessum prohibeant Cap. 7. car.	234. b
de reprimentibus medicamentis Cap. 8. car.	235. b
quod saniei necessario exitus dandus sit. Cap.	
9. car.	236. a
quæ ad septimum canonem pertineant. Cap. 10	
car.	236. b
de aluo ducenda Cap. 11.	car. 237. a
de sanguine mittendo, & quando id fieri debeat.	
Cap. 12.	car. 237. b
de victus ratione Cap. 13.	car. 239. a
Quibus medicamentis abscessibus & dolori subue-	
niatur Cap. 14.	car. 240. a
Quæ medicamenta putridos nervos ac tendines de-	
stergant vt à putredine tueantur Cap. 15. car.	241. b
de inquietudine, vigilia, dolore, & quo pacto curen-	
tur Cap. 16.	car. 242. b
Quo nam pacto neruorum distentio seu conuulsio cu-	
retur Ca. 17.	car. 243. b
De maiorum bellicorum fulminum contusionibus	
Ca. 18.	car. 245. a
De adustionibus curandis Cap. 19.	car. 246. b
De ossibus adustis & quo pacto aceruata putredine	
liberentur. Ca. 20.	car. 248. a
De contractis membris, & qua in iis curatione vti de-	
ceat Ca. 21.	car. 259. b
De Sclopeto siue Archibuso inter manus fracto. Ca.	
22.	car. 260. b
Liber Tertius.	
De internis vulneribus Ca. 1.	car. 261. a
Quæ medcamenta tota curatione intrinsecus adhibē	
da	



## I N D E X.

- da sint & de fistula curanda Cap. 2. car. 263.  
 Quæ medicamenta intrinsecus absumpta sanguinem  
 suppriment Ca. 3. car. 264.  
 De victus & medendi ratione. Ca. 4. car. 266.  
 Qua ratione plumbeus globulus quamquam diu sine  
 noxa in corpore retentus sit Ca. 5. car. 268.

## COROLLARIUM PRIMI libri De Caruncula.

- Cervicis vesicæ examinatio Cap. 1. car. 273. l  
 Quid per Carunculam siue Callum intelligendum si  
 Cap. 2. car. 274. l  
 Quibus de causis caruncula siue callus innascatur au  
 geaturque Ca. 3. car. 275. a  
 Quibus indiciis carunculam innatam esse demonst  
 tur Ca. 4. car. 277. a  
 De specillis siue instrumentis quibus in morbi curatio  
 ne utendum est Cap. 5. car. 278. a  
 Quæ preparatio ante propriam curationem adhiben  
 da sit. Ca. 6. car. 278. b  
 Quo Anni tempore præstet curatio Cap. 7. car. 279. a  
 Carunculam siue Callum medicamentis præmollien  
 dum esse. Cap. 8. car. 279. b  
 Quibus medicamentis carūcula tollat. Ca. 9. ca. 280. b  
 Qua ratione internæ partes exulcerate atque inflam  
 matæ curentur post Caruncule diminutionem  
 Cap. 10. car. 283. a  
 Quibus medicamentibus abscessibus flegmonidibus  
 & herisipilatibus scroti succurratur Cap. 11.  
 car. 285. b  
 Qua ratione sanati cōseruentur. Cap. 12. car. 287. b

## F I N I S



ILLVSTRISSIMO

ATQ. EXCELLENTISS. VIRO

CAROLO COSABO BRIXIACENSI,

Tribuno Maritimi, &amp; in Subalpina

Liguria Proregi meritis.



*Leonardus Botallus Medicus suus salutem  
plurimam præcatur.*



ON corporis robore, vel artuum dexte-  
ritate, illustrissime atque excellentissime  
Prorex, humanum genus cæteris animan-  
tibus præstare videntur, verum hercle  
intelligentia ipsa, qua cum moderatis vi-  
ribus, vniuersis, qua sub Naturæ impe-  
rio sunt posita facile dominamur, uti-  
urque prout libet, vel nobis sit utile, aut quidem necessarium.  
Qua item interea duobus bonæ indolis homines, varijs studijs,  
vniuersisq. officijs ac artibus se addixerunt, ita ut ad tempera-  
m, honestam, iucundamq. vitam nil amplius deesse videatur.  
At Natura officiosa non modo corpus membris munitum ad om-  
ia terrena negotia paratis, et mentem ad contemplationem, di-  
inditionem, atque rerum electionem nobis plus cæteris sibi sub-  
itis elargiri contenta fuit, verumetiam supra hæc, ut linguae  
integro munere frueremur, effecit, ad nostra mentis conceptus  
significandos, & passiones effingendas, quæ sensuum beneficio  
nobis afferri solent. Quæ omnia veluti sub nube perpendens,  
quum adolescentiam agerem, frequenter contemplantur, nil vn-  
quam concludens, præterquam immeritissimum prouidæ Natu-  
ræ beneficij esse hominē, qui tempus desidiose conterens, præstan-  
tissimam animæ partem sopitam, sepultamque relinqueret, aut  
illam



illam in rebus humilibus, vel abiectis damnandisue occupa-  
ret. Hinc euentum est, vt quadam discendi cupidine, vel  
stimulo concitatus abhinc annos tredecim fidenter Philosophia  
ac Medicinae me totum tradiderim, in quibus sub nutu, vel po-  
tius fauore excellentiae tuae adhuc assiduus versor. Atque  
mihi interea loci quorundam neotericorum authorum scripta  
legere accidit, De curandis sclopettorum vulneribus inscripta,  
quae cum diligenter examinauerim, & rationis atque experien-  
tiae omnino vacua esse cognouerim, fore vtile multis in futu-  
rum existimaui, si in re hac, quantum experientia colligere, ac  
ratione comprobare potui (perinde vt vires meae usque adhuc  
ferre potuere) exponerem. Quod nunc peractum opus excel-  
lentiae tuae dicare non dubitavi, sperans id non humiliorem lo-  
cum in tuo conclauis rerum memorabilium possessurum, quam  
ego in honestissima, magnificentissimaque domo tua. Nam Re-  
gum, Principum, magnorumque virorum domus, quales, quan-  
taeque ipsae re fuerint, singularum bibliotheca, rerumque me-  
morabilium conclauia, imitantur. Quamobrem vt hoc meum  
munusculum spernas, causa non est. Suscipe id igitur eo animo,  
ac tibi dicatum est. Offeritur utique hilari, atque sincero. Et  
quanquam eiusmodi lectione non itidem oblecteris, atque Phi-  
losophorum scriptis, vel Mathematicum cuiuscunque generis,  
siue politicorum, aut historiographorum, vel is omnibus, quae  
ad bellicam facultatem spectant scientiis, utique tuo nomine  
tuoque acutissimo (ut vera fatear) ingenio dignis, circa quas  
sic apprimè te exercitatum esse compertum est, ut formidet sa-  
gax quicumque miles, seu cohortis praefectus, siue architectus,  
uel quantumuis in regendis ciuitatibus instructus doctor, qui  
de is te praesente (Polemarche dignissime) sit uerba factururus:  
plurimi tamen faciam, si hoc quandoque tantum apud te uale-  
re intellexero, ut uel paululum beneuolam memoriam mei tibi  
deditissimi refricare possit. Faxit Deus, ut diu, & feliciter  
uiuas. Vale.

DE




## DE CVRANDIS

VVLNERIBVS SCLOPETORVM.

AVTHORE LEONARDO BOTALLO

ASTENSE MEDICO.



*Q*uod tota oratio clarior reddatur, primò quid sit genus, quod intendimus, describere conueniet, deinde quomodo finem optatum assequi possit medicus, chirurgusue, qui rem tractabit, exponere, non dissidendo à famigeratorum scriptorum scientia, non antiquorum modò, verum etiam recentiorum, ubicunque illam ratio comitabitur: et si quicquam boni in hoc genere à nobis inuentum sit, (quod non minimum fore existimamus) adiiciendo, omiſſa omni animi gloria, ac tantum tuendæ veritatis desiderio motus, patientibusq; occurrendi, ubicunque ars prodesse poterit. Dicimus igitur subiectum nostri negotij esse, vulnus cum contusione, laceratione, ac sæpius cum ossium fractura, à sclopetorum glande factum. Verum antè, quàm vltèrius progrediamur, cum inter scriptores neotericos, qui de hac re ex professo tractare susceperunt, nonnulla sit de puluere huius instrumenti disceptatio, dignaque discussione: non erit opere indignum, circa eam paululum laborare. Dicunt autem aliqui, pul-

p

uerem



uerem hunc venenosum non esse, alij scruientes ne-  
gant, argumenta frangunt, & contrariam opinio-  
nem leuioribus medijs fulciunt. Quare scrutandum  
erit, quisnam in hoc negotio melius senserit. Nam  
errantium alius ex falsis falsum, & alius ex falsi  
aliquid veri condidit, inter quos Alphonsum Fer-  
rium, & Ioannem de vigo in medium ducimus. Hic  
principijs falsis vtitur, cum puluerem, ac eius me-  
dio vulnus illatum venenosum dicat, ac vstum: cu-  
ras verò quodammodo principijs suis contrarias, v-  
tile iudicare poterit quisquis cū iudicio eius scri-  
pta legerit. Alphonsus, & falsum concludit, & fal-  
sa posuit principia, sibi ipsi sæpius contraria dicens:  
Puluerem enim, et glandem ab eo proiectam, vene-  
nosam esse, ex consequenti, & vulnus: ostendit au-  
tem id (refert) eius compositio, constans ex sulphu-  
ris parte vna, nitri partibus decem, carbonis parte  
vna, sulphur ad quartum caliditatis gradum acce-  
dens, nitrum ad finem secundi ex quibus constat to-  
tum compositum, quarto caliditatis gradu detineri.  
Hæc Alphonsus. Quis (quæso) iudicij tantum ex-  
pers erit, qui dicat decem partibus aque mediocri-  
ter calidæ, vnicam binasque feruentis, si addideris  
totam miscellam feruentissimam reddi? Certè neq;  
Aristoteli, neq; Auerroi, neq; Galeno, neq; alicui  
sapientum authorum, neque rationi, minusq; sensui  
arridet hæc sententia, imò feruentissimam feruentis-  
simæ, si addamus, totam miscellam feruentissimam  
dicimus. Sic si calidum in quarto calido in quarto  
addas,

Alphonfi  
ratio.

- „ tem id (refert) eius compositio, constans ex sulphu-
- „ ris parte vna, nitri partibus decem, carbonis parte
- „ vna, sulphur ad quartum caliditatis gradum acce-
- „ dens, nitrum ad finem secundi ex quibus constat to-
- „ tum compositum, quarto caliditatis gradu detineri.



ddas, in quarto calida erit miscella, & omnino fri-  
idam æquis portionibus feruentissimæ si addideris  
uis medium ex his conflari negabit, quod tempera-  
um dicitur? Et feruentissimæ si decuplum medio-  
riter calidæ admiscueris, hanc aliquantulum red-  
les magis calidam, illam verò minus. Quomodo igi-  
ur fatendum erit, puluerem hunc attingere quar-  
um caliditatis gradum, si partium nulla ipsius illuc  
accedit, neq; nouam aliquam formam ab ea, quæ mi-  
li est, acquisierit? Sed detur quòd illuc attingat,  
neq; ex hoc deducet venenum fore: ferrum nanque  
candens, flamma, viuacesque carbones, piper, pire-  
trum, & similia venenum diceremus. Sunt quidem  
venena omnia in se lethifera, non hercle uice versa,  
quicquid lethiferum, illud & venenum est. Alia ra-  
tio Alphonsi: Argumento etiam sunt eius artifices, „  
qui confectionis tempore ab acribus abstinent, vt cæ „  
pe, allium, & cætera huius generis, & experientia „  
autem (& si causam ignorent) ea sibi obesse cogno- „  
uerunt. Sed quid dicemus de hoc genere medi, nun- „  
quid venenositatem probet aliquam pulueri inesse? „  
Absit. Imò caliditatem. Nam ultra calorem, qui  
motu augetur, cibus item acribus altus artifex san-  
guine calidior spiritibusq; redditur: quòd si tunden-  
do acria, eorum subtilissimum pollinem in pulmones  
traxerit inspiratione, nemo est qui magis eas partes  
calescere neget, ex consequenti læsionem aliquam se  
qui posse, cuius causam ignotam esse inconsultò di-  
cit. Deinde vt magis suam roboret opinionem, pu-



„ trefactionem, mordicationem, rofionem, vlceratio  
 „ nem, & corruptionem esse venenum comitantia pr  
 pria symptomata affirmat, ac si putrefactionem non  
 faciat prohibita transpiratio calidorum, & humid  
 rum humorum, vel alterius particule putrida con  
 tinuitas, vel cōtigitas, vt in putridis vlceribus per  
 petuò videmus, & alia præter hæc multa vel non  
 mordicet, rodatq; bilis flaua, si ad vlcera feratur  
 vel mel, aut æris flos, vel aliud quippiā simile, si ap  
 ponatur, vel hæc eadem bilis, & atra non vlcerent,  
 non corrumpant, si in aliquam partem abundanter  
 corruant. Ecce quàm bene hæc veneni propria dici  
 possint, quum ea ad bis mille alia sequi posse sit com  
 pertissimum, et ad hoc, quod genus veneni dicit, nec  
 „ semper sequantur, nec vt plurimum subiungit. Sed  
 „ quotum gradum veneni habeat hic pulvis, siue à to  
 „ ta simplicium compositione, à qua provenit formā,  
 „ quam specificam dicimus, non autem quia calidus  
 „ neq; siccus, sed quia talis sit, seu vis ea ab euidenti  
 „ bus facultatibus prodeat (vt dictū est) ignoratur,  
 perpetuoq; (vt existimo) ignorabitur. Sed et hæc  
 quis non videt inter se pugnare? Dicere scilicet ef  
 fectum aliquem ab aliqua posse euidente causa pro  
 uenire, quæ tamen occulta nondum in lucem prodi  
 tura sit. Præterea nunc dicit, Non quia calidus et  
 siccus, sed quia talis, ac si suprā non conatus fuisset  
 ostendere compositionem hanc venenosam esse, quia  
 ad quartum caliditatis gradum accedere existima  
 bat. Quantum igitur leuitatis habeat totus eius ser  
 mo,



no, satis patere existimo legentibus, qui rationabi-  
ter artem tractant, ac quàm debiles, à scopoq; ab-  
errantes sint eius rationes, et alij præter me norunt,  
et ipse in suo corollario in fine eiusdem operis anne-  
xo, ubi etiam frigidissimè aliquibus argumentis cõ-  
tra eum facti respondet, accidentia quæ huic morbo  
propria esse existimat, allegando. Præterea &  
venenum veneno esse remedium, de scorpione exem-  
plum afferendo, qui proprio morsui sit remedium.  
Quis ( quæso ) adeo ingenio rudis erit, qui veneno  
scorpij eodem veneno succurrat? Oporteret iterum  
aliquidem pun gere, & guttam veneni reiaculari, ut  
corpius lædendo agit, si venenum eodem veneno cu-  
rare vellemus. Scimus enim & rosam punctura pro-  
pria spinæ esse remedium, non tamen si eadem spina  
repupugeris curabis. Quis iterum viperarum mor-  
sum, morsu reiterato sanare tentabit? et tamen illa-  
rum pinguedo, & ex ijs confectum medicamentum  
theriaca dictum, præstantissima sunt remedia, ve-  
rum tamen reiectis extremis, in quibus magis viget  
venenum, media verò earum corporis parte sic bene  
ac diurnè lota, concocta, ac cum aromatibus con-  
fecta, ut nullum penitus præ se ferat amplius vene-  
ni vestigium. Sed ijs omiſſis, rationem aliquam (si  
habeamus) in medium ferre tempestivum est, ne nos  
nudis affirmationibus sententiam nostram fulcire  
quisquam existimet. Inseramus igitur primò, ac ut  
axiomata ponamus nonnullas philosophi propositio-  
nes, Naturam scilicet dare tantum de consequenti-



Veneri de-  
scriptio.

bus formam, quantum de ipsa forma. Item quan-  
cōmistilia potentijs adæquantur, tunc vtrunq; tra-  
smutatur in dominans ex sui ipsius natura, nec gen-  
ratur alterum, sed medium cōmune. Præterea qu-  
miscentur adinuicem, corrumpere intentiones nec  
se est, non tamen in omnino alienas, contrariasq;  
transmutari. Item idem, & similiter se habens, sem-  
per natum est facere idem. Ab ijs dicamus, vene-  
num esse, quod facultate propè occulta naturæ hu-  
manæ sic contrariatur, vt quantumvis paucum, ve-  
ore deuoratum, vel odore perceptum, vel externi-  
partibus applicitum non possit vlllo modo concoqui,  
alterari, nec expelli, sed partem potius coniunctam  
sibi corrumpere, reliquasq; circumiacentes ex con-  
sensu afficere tentans, donec totum animal sit extin-  
ctum: nisi virtus patientis valentior sit, aut alexi-  
pharmacis occurratur. His positis lucidissima erit  
sententia nostra. At quum debeat quicunque cupi-  
dus nosse naturam alicuius rei, primò scrutari natu-  
ram eorum, ex quibus illa componitur, videndum e-  
rit igitur quid veteres scriptores sentiant de parti-  
bus huius misti, deinde vtrum ex mistione; vel po-  
tius ex transmutatione eorum, vel alia causa quic-  
quam venenosi sequi possit, perscrutabimur. Sul-  
phur ( inquit Dioscorides ) optimum existimatur  
vium, quod apyron vocant, nitedula modo splendi-  
dum, perlucens, minimè lapidosum. Probat in ge-  
nere sulphuris ignem experti, quod viret, ac præpin-  
gue spectatur, plurimum in Melo, & Lipara gigni-  
tur.



r. Supradiētum sulphur calefacit, discutit, & ce-  
 riter concoquit: prodest tussibus, suspiriosis puru-  
 renta extusientibus in ovo sumptum aut suffitum:  
 Præterea partus, vli nidore extrahit: lepras, liche-  
 as, scabros vngues, cum resina terebinthina mistum e-  
 ufert: cum aceto autem illitum ad lepras efficax  
 est: vitilignes tollit: scorpionis ictibus, addita re-  
 sina, medetur: cum aceto verò, draconis marini scor-  
 pionisq; plagas sanat. Pruritus toto corpore erū-  
 dentes, cum nitro detersum, sedat: regium morbum  
 mendat inspersum fronti cochlearis mensura, aut  
 in sorbili ovo sumptum. Facit ad grauedinem, & de-  
 hillationes: sudores quoq; conspersum inhibet: po-  
 tagricis, cum aqua & nitro illitum, conducit: gra-  
 uitatem auditus, suffiti nidore raptim per fistulam  
 pausto, sanat: lethargicos suffitu excitat: erumpen-  
 tem vndecunq; sanguinem sistit; contusis auribus,  
 cum vino, & melle medetur. Præfertur nitrum le-  
 ue, roseo colore, aut candido, in foramina dehiscens,  
 perinde quasi spongiosum quiddam, quale ex Bunis  
 affertur. Humores euocat, qui in alto concreuerunt:  
 spuma nitri optima esse putatur, leuissima, glebosa,  
 friabilis, colore penè purpureo, aut spumosa, & mor-  
 dens: qualis ex Philadelphia Lydiae defertur. Se-  
 cunda est Aegyptia. Quin & in Magnesia Cariae  
 gignitur. Vim & vstionem salis habet, tam nitrum,  
 quàm spuma eius. Præterea nitrum tormina se-  
 dat, si tritum cum cumino bibatur, in hydromelite,  
 aut sapa, aut aliquibus, quæ inflationes discutere

P 4 possunt,



DE CVRANDIS VVL.

„ possunt, vti ruta vel anetho. Febris circuitu re  
 „ deuntibus illinitur, ante suspectam accessionem. M  
 „ scetur emplastris, quæ extrahunt, & discutiunt  
 „ extenuant, & lepras abstergunt. Cum aqua autem  
 „ calida, aut vino infusum, inflationes, purulenta  
 „ aureis, & sonitus earundem sanat: sordes expur  
 „ gat, cum aceto instillatum. Canum morsibus ex as  
 „ nino adipe, aut suillo medetur: resina terebinthi  
 „ admistum furunculos aperit: aquæ inter cutem cum  
 „ ficu illinitur: oculis ad claritatem visus cum mell  
 „ succurrit, & venenis fungorum ex posca potum  
 „ aut si buprestis momorderit, ex aqua ijs verò qu  
 „ taurinum sanguinem biberint, ex lacerpitio, ijsque  
 „ qui cibum non sentiunt, vtiliter obducitur: opistho  
 „ tonisque iam remissioribus & luxatis, cum cerato  
 „ in resolutione linguæ, pani commodè permiscetur.  
 „ Aliqui supradicta carbonibus vrūt, subiecta prius  
 „ testa noua, donec incandescant. Hæc de sulphure,  
 „ & de nitro Dioscorides, quæ ferè omnia eodem mo  
 „ re Galenus, Aetius, & aliorum plures recitant. In  
 „ quibus patet nihil venenosi esse, non modò extrinse  
 „ cus applicita, verum nec ore deuorata, nec odore  
 „ percepta, sed neque in carbonibus canabinis, sali  
 „ ceis, vel iuglandum, qui in hac mistura componun  
 „ tur. Hos enim verò videmus sæpe pueros, & præ  
 „ gnantes, & pica laborantes edere, non tamen ve  
 „ neni more officere. Similiter & horum in vulneri  
 „ bus applicitus puluis exsiccatur: & nos quandoque  
 „ cum vtilitate ægrorum experti sumus, vbi aliorum  
 in-



inueniendorum medicamentorum eiusdem potentiæ non dabatur facultas. Sed nec dicemus vino venenū inesse, vel aquæ ardenti, vel aliquibus similibus, quæ pro humectanda compositione adduntur, minus hercle vasi, in quo tunditur: nam id per se manifestum est. Sed nunquid misionis ratione (vt Alphonsus etiam profert) aget fortasse mistum quicquam omnino diuersum facultatibus suarum partium? Non quidem, sed remittuntur, obtundunturque misti partium potentiæ adinuicem, si inter se diuersæ, contrariæne fuerint, (vt supra diximus) mistis autem contingit, inter se æqualiter, proportionaliterne agere, vel pati, ita quòd aliqua media qualitas, vel inæqualis inter æquales, vel inæquales contrarietates proueniat. Præterea et sensui cōpertissimū est, si in vulneribus, vel casu, vel consilio modestè apponatur, nō modò more veneni cōficere, sed medicamenti facultate exsiccare, abstergerèque (vt idem etiam attestatur Alphonsus.) Si igitur ratione misionis per se non probetur Alphonsi, aliorūq; eandem opinionem sequentium intētio, relinquitur vt hæc transmutationi (vt Alphonsus, qui illam fulguri cōparat) adscribatur: verū neque hanc illud præstare posse asserimus. Nam quæ causata eodem modo necessitatis consequantur suas causas in rebus generalibus, ac in rebus æternis, grauioribus igitur mediusfidius symptomatis cruciarentur eadem flamma vsti, quàm qui alijs ignibus, vel quàm qui vulnera vi eiusdem pulueris suscipiunt:



DE CVRANDIS VVL.

scipiunt: quantò utiq; valentior est agens & actio,  
& quæ ad ea sequuntur, tantò valentiora esse de-  
bent in eodem passo. Vir fortis vno ac minimo di-  
gito centum si leuet è solo libras, quid obstat, quò  
ducentas non leuet, si tota manu, maiore vi ac dili-  
gentia fiat. Membri igitur affecti tumiditas, inflā-  
matio, corruptio, aliàque similia symptomata, vene-  
na comitantia, flamma huiusmodi pulueris vstos (si  
venenosa est,) vehementiùs cur non affligunt? Sen-  
sus enim omnium demōstrationum potissima senten-  
tiæ rationibusque nostris quantum faueant, pate-  
re satis existimo ijs, qui in arte medica non medio-  
criter sunt versati. Id nempe perpetuò obseruavi,  
cùm in bello innumeros, vel tota facie, vel manibus,  
vel cruribus, alios simul cum ijs, & ventre, vel ter-  
gore vstos cōspexi, quos nihil immitius vrgebat his  
quos alia flamma flagrauerat, data affectus parita-  
re. Sed de his vsque supèrque quàm satis est dixis-  
se videbor, quum planum fecero, quid & Alphon-  
sum ac reliquos eandem opinionem sequentes à ve-  
ritate declinare fecerit. Decepti, me hercule, sunt  
non signum pro signo accipientes, ac qui debili visu,  
vel longo intervallo intuentur, asserunt ignem ali-  
cubi existere, vapores pro signo ostendentes, quos  
fumum esse crediderunt. Similiq; modo Alphon-  
sus, ac alij nonnulli gangrenam cùm viderint pau-  
lò frequentiùs homines sclopettis vulneratos affice-  
re tanquam affectum magis compositum, quàm qui  
mucrone, vel spiculis, in hanc statim sententiam la-  
psi



psi sunt, non cernentes gangranam, & reliquorum armorum vulnera: luxationes, contusiones, simplices fracturas, compositasque sequi, & per se quandoque excitari, per se dico, si nullam habeat extrinsecam causam. Ac sæpiissime vulneratos sclopettorum glande non inuadere: quod utique non fieret, si venenosum esset. Nam à causis, quarum natura est eadem, & non differunt, nisi secundum magis & minus, non sequitur nisi vna natura diuersa secundum magis & minus, sic vt causæ diuersæ in quantitate causata habeat diuersa in quantitate. Semper igitur aliquod illius veneni vestigium præ se ferret vulnus, mitius, vehementiusue, secundum causæ efficientis potentiam. Verùm hic non sic se res habet: innumeros enim curauì, cùm chirurgiam manibus proprijs exercerem, ac ijs plures (postquàm alias medicinæ partes factitare cœpi) curare iussì non aliter ac vulnera contusa, nullo habito ad aliquod veneni genus respectu, et quidē vt plurimū fœlicissimo cum successu. Non aliter etiā à prædicto modo errant (hallucinatione scilicet) vulnus hoc asserentes esse vstum, quum tantum tepeat glans, aut calore hæc non multo teporem excedat, dum vulnus infertur. Quis (quæso) glandem in parietibus proiectam, quæ statim præhensa vrere manus fassus est? Sæpe quidem hoc probauì, nec vnquam vrere sensi, non quidem in instanti glandis tantus calor dissoluitur: paries enim illam non modò calore exuere debuit, sed calidiorem reddere. Solidorum enim

cor-



DE CVRANDIS VVL.

corporum concussio vehemens quis generare ignem  
 sæpius non videt? Si malleum malleo fortiùs con-  
 cuties, vtrunque calefieri quis non spectat? Qui  
 igitur in hanc ducuntur sententiam, peccarunt falla-  
 cia positionis, ponentes (vt de veneno diximus)  
 non signum pro signo, carnem scilicet contusam, cor-  
 ruptamque pro eschara, crustaue, quæ ignis vi fieri  
 solet, ac si sic dictetur eorum ratio, crusta est, ergo ab  
 altero ignium, ergo ab actuali: nam actu calida est  
 glans. Sed claudicat hæc ratio omnino, cum escha-  
 ra non sit. Plures quidem curavi, fatentes se nescis-  
 se à principio esse vulneratos, etsi glandem in mem-  
 bro ferrent, non perturbato ferè eorum animo. Hos  
 si quidem maximè vrere debebat, ac ardore crucia-  
 re: non enim sine magno sensu, per aliquod temporis  
 spacium (si crustam facere potis est) glans insiste-  
 ret. Sed & etiam hoc crustæ genus, ad ea, quæ ex  
 glande terrea à ballista proiecta, vel aliqua alia  
 vehementi contusione fiunt vulnera, sæpe, ac ferè  
 semper, sequi vidimus: non diuerso modo dico, &  
 quæ à glande sclopetti, etiam si carnem non contin-  
 gat: ex quibus hercle aliquot quidem habuimus, no-  
 stræ curæ nostroque consilio submissos, tale vulnus  
 patienter, vt glans quandoque cute infracta, quan-  
 doque verò in profundum caligarum pannum, &  
 subuculam intrò ferret, nemine horum fracto. Simi-  
 liter & in brachijs, varijsque alijs corporis parti-  
 bus vidi vulnus patientes profundum, non lacera-  
 tis vestibus, sed ijs simul cum pila carnem intranti-  
 bus,



us, nullo relicto vstionis signo in pannis ipsis, pur-  
rida tamen caro (quam escharam ab igne factam  
inconsultò esse volunt) perpetuò apparuit. Ex his  
enim plures ad opem nostram confugerunt, vnum  
tamen inter alios pro fide recensebo. Magnificus do-  
minus Bertuilla Præfectus cohortis Gallorum pe-  
litem, perpeffus est anno præterito vulnus in bra-  
chio sinistro ad sex digitos supra cubitum, ad osis  
usque regionem delata glande in diploide ex lino  
confecto, & subucula inuoluta nulla iniuria ijs re-  
lieta, quæ vel laceri, vel vsti aliquam speciem repre-  
sentaret. Statim tamen ego Lucio Montano Cal-  
liensi, iuueni sanè studioso, & erudito, qui tunc tem-  
poris meo consilio chirurgiam tractabat: & Chirur-  
go domini Polemarchi, Illustrissimi domini mei (am-  
bo enim curæ interfuerunt) prædixi, (quo animo in-  
re tam manifesta non penderent ancipiti) vt ani-  
maduerterent futuram esse escharam, quam igne  
productam rebantur, etsi ignis nullum adesset ve-  
stigium, vt intelligerent, illam esse carnem contu-  
sam, non vstam, quæ sic apparuit, non secus ac in re-  
liquis vulneratis apparere solet, quem præterea vi-  
rum rationali nostra cura ordinata, adhibitaq; pau-  
cis diebus sine labore ad sanitatem reduximus. Sed  
circa hæc satis superq; dictum sit, ne nos opus susce-  
pisse contradicendi gratia, alicui censendi ansam de-  
mus, quod omnino semper abhorruì, nisi vbi me tuen-  
dæ veritatis stimularet cupido. Ad institutum igi-  
tur omne ope, atque opera accingamur.

De



DE CVRANDIS VVL.  
De modo curationis. Cap. I.

Cura quib<sup>9</sup>  
perficiatur.

Extranea  
quæ.

**C**um nemo affectum hunc non secus ac reliquos  
graues tutò curare possit, nisi qui cū experien-  
tia naturalem calleat philosophiam, circa quā nem-  
pè admodum pauci, qui chirurgiam pertrahant,  
versantur, fatendum erit, huiusmodi artifices non  
rarò (etsi parui quandoque momenti sint affectus)  
gravius errare, in pluraq; periculi genera incurre-  
re. Quò igitur hos ab errore eripiamus, ac aegris  
opem feramus, methodicam in hoc genere morbi cu-  
ram perscribere toto pectore excogitabimus. Hæc  
primò ablatione extraneorum, mox deperditorum  
restauracione perficitur. Extranea appello non tan-  
tū quæ extrinsecus adueniunt, sed quæcunq; no-  
stræ naturæ contraria aliquo modo sunt, vt glans,  
ferrum, lignum, pannum, et similia, imò etiam quæ-  
cunque ab ipsa natura conseruari non possunt: ex  
horum genere sunt ossa fracta, caro contusa, vel la-  
cerata, sanguis extrauenatus, pus, & reliqua huius  
modi, quæ licet antea partes, vel particule nostri  
corporis essent, tales tamen nunc non sunt, quare &  
hæc ablationem desiderant, quàm quomodo præsta-  
re tutò possis, explanemus.

De extraneis auferendis. Cap. II.

**Q**uantum igitur id, quod ad auferenda ex-  
tranea pertinet, Chirurgum, & ingenio  
præ-



Cap. I. *braditum, & experientia comprobatum deside-*  
*ret, sapius cum graui iactura experiuntur agri, ac*  
*puerorum pudore eorum plures, qui etsi artem non cal-*  
*leant, chirurgi tamen dici volunt, hanc artem nulla*  
*ratione, nullaque experientia comitati profitentes,*  
*ac millies in errores grauissimos incidentes propter*  
*eorum ineptiam: quare neque ab erroribus absti-*  
*nent, vt qui in fracturis phlegmones excitant, pro-*  
*pter ligaturarum structuras, nec illas soluunt, cau-*  
*sam ignorantes, aliunde remedia aucupantes. Hoc*  
*more errare solent imperiti chirurgi in perquiren-*  
*dis, auferendisque extraneis, necnon in membris im-*  
*biè tractandis, statim vulnera ampliandes specillis,*  
*digitisq; nulla habita consideratione de parte, deq;*  
*totius corporis habitu, peruestigando, mouendo, la-*  
*cerando, pungendo, secando, contundendo, compri-*  
*mendoque, vnde phlegmones saepe excitantur, venæ*  
*rumpuntur, dolores ingentes inducuntur, ac varia*  
*alia symptomata, ac morbi, quæ omnia sapius ad se-*  
*curam cōuertere cogunt, principalem ferè affectum*  
*despernerè vrgentia: quod non contingeret in pluri-*  
*bus, si vel rectè tractarentur, vel Naturæ saltem*  
*beneficio relinquerentur. Censemus propterea, ne-*  
*que omne vulnus ampliandum, nec omnia extranea*  
*remouenda, nec contraria parte semper aperiendum,*  
*vt plures ineptè fecisse, ac pluries in dies facere vi-*  
*demus. Sed quæ, quando, & quomodo isthæc præ-*  
*stare oportet, nunc compendiosè dicemus. Extra-*  
*nea propterea extrinsecus aduenientia auferenda*  
*esse*




DE CVRANDIS VVL.

esse confestim existimamus, quæ agrum in grauiora pericula inducere valent. Similiter illa, quæ sine iactura, & magno dolore educi possunt. Graue periculum expectandum est, si glans comprimendo neruum aliquem grauioribus doloribus agrum infestet, vel si circa alicuius ventris regionem fuerit, capitis puta, vel thoracis, vel inferioris ventris, & si suspectum sit, ne in futurum penetret, & hoc si commodè fieri potest in prima cura, melius est, quàm differre. Hoc maximè de glande dico, quoniam hæc propter pondus variat situm, sic vt commodè postea inueniri non possit. Animaduertendum tamen est, ne attentus huic officio, sanguinis sit non levis aliquis fluxus, quò patientis vires destituantur: quod sæpe contingit in manibus empiricorum malorum. Sistere igitur prius hunc laborandum est. Si autem adsit ossium fractura, ac eorum squammæ aliquæ sint periostijs denudatæ, quæ sine magno dolore auferri possint, educas: aliter, sinas. Nam Natura illa ad exitum postea facilitabit, & glans similiter propter pondus in cutaneam partem aliquam descendet, vbi sine noxa imposterum educi poterit. Educuntur instrumentis ad hoc munus aptis, rostro scilicet appellato gruino, vel coruino, aut captorio alio quopiam simili, secundum quod vulnus, & materia extrahenda postulant. Forma autem eorum, quibus nos utimur, hæc est:

Extranea q  
bus educen  
da

que





quæ ad omnia vel glandes, vel ossa educenda, commodissima experieris. Instrumentum autem Alphonsinum omnino inutile est: aliud vero, quod ad glandes tantum extrahendas, iam ante Alphonsum fuit inuentum, ex cannula ferrea, in quam stylus tor-

q tus



DE CVRANDIS VVL.

Quæ uulne-  
ra dilatanda

Quâdo con-  
trapertura  
facienda.

Membra quæ  
amputanda.

tus, acutusq; ad vitis (vt dicunt) formam immitti-  
tur, qui in pilam inseri debet, hoc etiam (inquam)  
inutilissimum est, & maxime noxium. Rarò vul-  
nus dilatandum est ferro, nisi acceptum illud sit in  
capite cum dubio de cranei fractura, vel cum sub cu-  
te tantum percurrit glans (& hoc potest continge-  
re in reliquis partibus corporis, quod diuerso modo  
ab hoc non est tractandum,) sic vt cutis illa sit inte-  
ritura, vel cum pila thoracem, aut inferiorem ven-  
trem insistens, per proprium vulnus educi non pos-  
sit, vel si in inferiore ventre fuerit, ex quo intestina  
exeant, quæ fomentis, & alio ingenio intromitti ne-  
queant, alio autem modo rarò contingit, esse vtile  
vulnus dilatare. Contraria parte vulnus aperien-  
dum est, si glans cutaneam ibi se ostendat, impotens  
per proprium osculū educi, vel si ea pars declinior  
sit, ac non profunda multum, in qua pus detineatur,  
aut incommodè per vulnus principale expurgatur.  
De his autē, quæ partes, vel particulae corporis fue-  
runt, auferendis, si digitus, vel pes, manus, brachiū,  
vel tibia taliter sint fracta, cum carnis, ac vasorum  
laceratione multa, (quod sæpe magnæ bombardæ  
facere solent,) sic vt de horum membrorum vita,  
nulla sit amplius spes, illico illa amputanda esse cen-  
seo. Si autem aliquid sit de vita sperandum, saluti  
horum consulere nitendum est. Quod si deinde illa  
vita destitui videris, ad sectionem statim confugies.  
Idem dico de carnis, neruorum, tēdinum, ossium, vel  
similium frustulis. Sanguis extraenatus, pus, & si-  
milia



milia, eo modo educuntur, vt pus in cauis vlceribus  
vel sanguis ex alijs vulneribus educi solet.

De restauratione perditorum. Cap. III.

**Q**uoniam deperditorum restauratio vt pluri-  
mum ac ferè omnino beneficio Naturæ subij-  
citur, carnem scilicet, sanguinem, ac reliquas par-  
tes regenerare, easdem glutinare, cicatricem induce-  
re, vimque deperditam restituere, chirurgi propte-  
rea, ac patientis munus erit (vbi seipsa nō sufficiat)  
illam in proprio habitu conseruare, vel ab eo incli-  
natam ad cundem (quo ad fieri potest) reducere.  
Et hoc non modò de affecta particula intelligendum  
est, sed & de vniuerso corpore. Impossibile enim  
est principalium membrorum inesse affectum, qui re-  
liquis partibus, quibus ministrant, non communice-  
tur. Nam si vniuersum corpus intemperatum sit,  
quomodo particulam temperatam vel seruabimus,  
vel ad temperiem reducemus? Quod nisi fiat, quo-  
modo deperdita restaurare poterimus? agrè utiq;.  
Sed quoniam principalium partium, totiusq; cor-  
poris curam habere, Medici phisici est opus, sermo  
verò noster vt plurimum de partibus affectis extrin-  
secis sit: de his igitur quomodo in propria temperie  
conseruentur, vel restituantur, si in cōtrariam lapsæ  
fuerint, tractabimus, cū nouerimus primò causas  
temperaturas transmutare valentes.



Causæ autem transmutationis naturæ affectæ partis ab ipso vulnere sunt intemperies omnes. Has inducunt fluxiones vt plurimum malignorum, aut multorum humorum, has potissimū dolores consequuntur, stricturæ parti, earundem frictions, situs, vel declivis, vel molestus, super calefactiones omnes: immoderatus autem calor varijs modis excitari potest, tum his omnibus, quæ supradiximus, tum rebus, quæ vulnere imponi, & circumstanti parti applicari, & possunt, & solent, vt excedentibus linteorum munimentis, vel fomentis, vel emplastris calefacere per se potentibus, vel humores sua viscositate, vel crassitie, vel multitudine transpirare prohibentibus, qui per cutem emitti solent, vel acrioribus medicamentis sine ratione applicitis, quæ omnia inexpertis chirurgis sunt admodum familiaria. Ad hæc statim confugientes, ac si non esset conualescentiæ spes vlla, nisi varijs vñctionibus, fomētis, emplastris, ligaturis, lychnijs longis, crassis, ac duris muniant, vel, quod propriè magis dicam, onerent, molestiæ affectam partem. Præter hæc sunt aeris intemperies, motus, quæ assumuntur, & similia, circa quæ omnia rationabiliter medicū simul atq; ægrum se præstent oportet. Quinimò, & chirurgum, in his præcipuè, quæ ad ipsum spectant, ne scilicet plus, minus, quàm deceat, refrigeret, vel calefaciat, aut alio quouis modo dolorem excitet, ligando videlicet,



cet, stringendo, cooperiendo, fouendo, cataplasman-  
do, mouendo, vulneri medicamenta, vel lychnia,  
flammulasue (vt dicunt) perperam administrando,  
quæ quomodo feliciter ad vsum reducas, omnia in-  
ferius discussa inuenies.

De cognoscenda, & conseruanda bona par-  
tis temperie. Cap. V.

**A**Ntequàm dicamus quomodo sit conseruanda  
bona temperies, ponemus primò signa, quibus  
cognosci possit. Nam propter huius cognitionis de-  
fectum, sæpius errant Chirurghi, videntes ferè per-  
petuò parti affectæ, vel tumorem, vel hunc cum le-  
uissima supercalesactione: quare metu compuncti,  
cataplasmatibus, vnctionibus, ac varijs alijs non re-  
medijs partem opprimentes in deteriorem gradum  
ægrum deducunt. Quum igitur corpore temperato  
videris partē affectam tumore quodā humili, molli,  
cum leuissimo, vel nullo rubore, vel dolore, & quæ  
excrecentiam non suscipiant primis diebus, in qui-  
bus magis viget morbi vis, vulnusq; nullum crudi-  
tatis signum ostendit, scito temperiem partis nō esse  
à sua natura transmutatam, sic vt per se ipsam hu-  
morem facientem tumorem, vel leuem inflamma-  
tionem, vel paruum dolorem excitantem non bene  
concoquat, ac excernat, tum per insensibilem tran-  
spirationem, tum per sudorem, ac per proprium vul-  
nus. Conseruabimus igitur, si ægrum, ac affectam

signa.

q 3 par-



DE CVRANDIS VVL.

partem ab omni excessu tueamur, vulnerique conuenientia remedia suo tempore applicemus, vt postea diffusius narrabimus.

De cognoscenda temperie partis transmutata,  
& curatione eius. Cap. VI.

Quibus oc.  
curratur in-  
temperiei par-  
tis.

**C**um verò tumorem suscipere vigorem videris, vel dolorem, vel inflammationem, vel aliud quodpiam symptoma infestum, sine vlceris decenti concoctione, vel singula per se, vel aliqua, vel omnia coniuncta, scito naturam partis oppressam, & in transmutationis viā tendere, nisi iam sit, quæ ab arte celerem opem postulet: hanc enim curabimus, in proprioq; statu reducemus, contrariorum sanè rationabili, oportunaq; administratione, alterando, reuellendo, deriuando, ac dissoluendo. Alterare intelligo, cum intemperiei siue ea cū materia sit, quæ sepe apparet, siue sine ea ( licet rarò hæc in hoc affectu contingat ) contrarijs remedijs applicitis oppugnamus, ut caliditati cum siccitate, frigidis humidisq; medicamentis, resistimus, puta aqua simplici lactucæ, & similium succo: frigiditati uerò cum siccitate, calidis, & humidis præstamus auxilium, vt oleo simplici chamæmelitæ, amygdalino, anethino, leuioribus frictionibus, fomentis ex aqua tepida, vel calida, & similibus, eò vsque his remedijs prosequendum est, donec confliterit intemperies, si ea sola sit: sed cum hæc rarò eueniat, isthæc pauca



pauca sufficiant. Si verò cum materia fuerint, repri-  
mendo, reuellendo, vel deriuando alterare tentabi-  
mus, vel dissoluendo, vt indicabit affectus. Et hæc  
quando, quibus, & quomodo ratione efficies, pro-  
pria capita declarabunt.

*De percussione. Cap. VII.*

**R**epercussio est humoris in aliquam partem fluen-  
tis remissio, siue repulsio: quæ maximè confert  
phlegmonibus, & quandoque erysipelatis, in prin-  
cipio, vel donec viget fluxio, vel vbi suspectum sit,  
ne fiant. Hac igitur causa vulneribus, contusioni-  
bus, fracturisque omnibus in principio, ac statim, si  
id fieri queat, repercutientia applicamus. Nam ijs  
vis multa est, cogendi humores in eam partem fluen-  
tes retrocedere. Vtimur tribus primis diebus, aut  
ad summum (si phlegmone non vrgeat) quatuor.  
Quod si patientis temperies quadrata (vt dicunt)  
vel bene constituta fuerit, sat erit secundam non ex-  
cedere, aut quartam. Nam si vel diutiùs, vel valen-  
tiùs, quàm conueniat, refrigeraueris, vlcus crudum,  
& mali moris reddes. Nam ob id ignauis chirur-  
gis sæpenumero succensui, quorum alius ad septimū,  
alius ad decimum quartum vsq; diem, nulla moti ra-  
tione ægros partem affectam vltra modum refrige-  
rantes in periculum, ac non rarò in extremam perni-  
ciem ducebant. Sat autem erit ijs vti, donec coctio-  
nis aliquid apparere incæperit. Sunt autem reper-

Quando re-  
percutiētia.

q 4 cutien-



DE CVRANDIS VVL.

cutientia saepius reiteranda, non autem, vt in exper-  
torum turba facit, imbibunt enim stuppas, vel pan-  
nos quàm multos in oxycrato simplici, vel in quo  
fuerint rosaceum, & ouorum albumina simul quas-  
sata, vel alia huius generis, & applicita per diem  
totam non amouent. Hoc si quidem cùm calidum fa-  
ctum est, longè maiorem copiam humorum trahit, si  
diu supersistat, quàm quæ à principio sua frigidita-  
te, aut adstrictione represserit, aut si non attrahit,  
occludit saltem vapores per cutem transpirare con-  
suetos: quibus vt retentis, varia, innumera, molesta  
que symptomata sequuntur. Repercutiunt autem  
quæcunq; refrigerant, similiter, et quæ adstringunt:  
verùm non omnia, quæ hæc præstare possunt, simpli-  
citer conuenire asserimus. Cicutam, altercum, pa-  
paueris succum, & similia, per se applicata non lau-  
damus: refrigerant autem plus quàm deceat. Chal-  
canthum autem, æris flos, & quæ sui generis sunt, vl-  
tra quòd supramodum adstringunt, suo quoq; calo-  
re trahunt. Mediocriter igitur quæ refrigerant, vel  
quæ adstringunt, sine, vel cum leuissimo calore, sum-  
mè laudamus. Sola frigiditate sua repercutiunt,  
aqua simplex frigidè apposita, lactuca, cucurbitæne  
succus frigiditate ac adstrictione, sedum minus, ace-  
tum omphacium. Adstrictione galla immatura,  
mali corium, & huius generis alia. Nunc de reuul-  
sione dicamus.

Repercuti-  
entia quæ &  
qualia.

Elegan-



**E**legantissimè corpus humanum comparare possu-  
mus octogoni, vel decagoni, aut (si mauis) cir-  
culo, puncta aliqua intra se capienti, à quibus si ad  
periferiam vnde quaque lineas duxeris, ac eas im-  
permistas intellexeris, vel etiam si mistas communi-  
cantiam habere inter se, quamcunq; partem conspi-  
cies, sic vt à quocunque puncto ad quemlibet pun-  
ctum permeare possis, verum non æqualiter: non e-  
nim inter se sunt æquales lineæ. Præterea inter  
duos motus semper cadit quies, eoq; more se habent  
superficies, ac partes nostri corporis, ad cerebrum,  
cor, & hepar, vnde animales, vitales, ac naturales  
facultates habentur, simile (inquam) cum existat,  
inter partes nostri corporis consortium per nervos,  
arterias, ac venas, non difficile erit mente concipe-  
re humorum fluxum atque refluxum per hæc vasa  
commodissime fieri posse. Nam à cerebro procedunt  
nerui sensum & motum partibus ministrantes, à cor-  
de arteriæ vitales spiritus deferentes, ab hepate ve-  
næ sanguinem vnicuique parti pro nutrimento par-  
tientes. Dicamus igitur nunc reuulsionem, quam  
Hippocrates antispasim vocat, in contrarium esse  
auersionem, vt à dextro in sinistrum, vel à supernis  
ad inferna, ab internis ad externa, & vice versa,  
vt pro exemplo, ab vno brachio ad reliquum, vel ti-  
biam eiusdem partis, & sic vice versa, vt membri  
affecti positio indicabit. Hæc autem pluribus mo-  
dis

Reuulsio  
quid.



DE CVRANDIS VVL.

Reuulsio di  
uerſi modè  
fit.

dis fieri ſolet, alia cum euacuatione manifeſta fit, ut venæ ſectiōe, vel alui eductiōe, vel vomitu. Alia ſine euacuatione ſenſibili: & hæc vel frictiōnibus fortioribus, vel balneis calidioribus, vel ligaturis frequentioribus, ac doloriferis. Sed cum venæ ſectiōem præſantiſſimè celerrimèq; reuellere didicerimus, nunc de ea primò dicamus.

De phlebotomia. Cap. VIII.

Quare phlebotomia.

Phlebotomia quando Aphorismi er

**V**enam ſecare, eſt eam ſic aperire, ut liberè ſanguis exire poſſit. Quod ſit in hoc affectus genere, cum ut retrahamus à parte affecta, tum ut corpore per eam inanito non facilis fiat ad eandem partem fluxio: magis ſiquidem parca redditur vnaquæque pars, cum exhaustum ſibi pabulum percipit, quo antea abundare conſueuerat. Fieri debet (ſi poſſibile ſit) ſtatim à prima curatione vulneris, niſi ſit nuper à cibo. Nam eò tunc eſt expectanda cibi aſſumpti digeſtio. Et in hoc parcat mihi Alphonſus, ſi ſe grauiter erraſſe dixero, qui tandiu phlebotomiam differre mandat, quod pernicioſiſſimū quandoque eſt in hoc affectu, ſi Hippocratis, Galeni que dicta, ac rationem ipſam diligenter perpendamus, maleque pro tutela ſuæ ſententiæ Galeni dictum attulit, quòd ſcilicet non ſit aliquis dierum reſpectus habendus in ſanguine mittendo. Nam (pace ſua) Galenus in libro de ſanguinis miſſione, illa retulit, de phlebotomia ſermonem faciens ſimpliciter, non



non ad aliud quicquam contractum, & nono Methodi, ubi eadem ferè verba recenset, dixit, in quantum ea expectaretur pro febris remedio, quam tamen semper in principio magis laudat, inquiens. Optimum igitur factum est (quod nos semper in re quaque facere vidisti) statim non numero dierum, sed uni virium robori, in febribus eius generis attentum esse, quippè quod si servatum est, non solum sexto, septimòve die, sed etiam sequentibus diebus sanguis est mittendus, cuiusque faciendæ occasio in febribus non similiter attendenda est, ac ea, quam in euacuatione, quæ per pharmaciã fit, opperimur, quam recenset Hippocrates in primo Aphorismo- rum: in hac autem humorum, vasorumq; præparationem expectamus, in sanguinis missione non idem. Dicit autem Galenus in febribus sanguinem mittendum esse: quod si vel propter Medicorum inscitiam, vel ægrorum astantiumve timiditatem prætermis- sum sit, non obstare numerum dierum, quin adhuc sanguinem mittas, vel sexta sit, vel septima, vel alia quævis dies: melius tamen esse, si in principio mittatur. Præstitisset igitur mediusfidius, ut cum Hippocrate, Galeno, rationeq; ipsa dixisset Alphonsus, in omni vulnere magno, vel fractura, vel contusione vehementi, conferre à principio phlebotomiam, vel pharmaciam, vel utrunque, vel aliquid, quod horum vicem præstet. Ea vena secanda est, quæ affectæ parti directè opposita est: ut vulnere in capite existente, ex cephalica brachij eiusdem partis,

Quæ vena  
secanda.



DE CVRANDIS VVL.

tis, si ea haberi non possit, ex media : ex basilica ,  
neque hanc inueneris. Quòd si & hæc non pateat  
ex reliquo brachio perquirito: in pedibus deinde,  
ex his nulla manifestetur. Nec te perterreat Hip-  
pocratis dictum in libro de ossium natura, inquit  
Operam dare oportet, vt quàm longissimè à loci  
„ vbi dolores fieri solent, ac sanguis colligi, venam se-  
„ cemus. Nam hic longissimè intelligit collatinè a  
partes, quæ affectui sunt continuæ. Nam solent pl-  
res homines dicere ab vrbe Roma Lutetias vsque  
longissimum esse iter: verum si ad Terram floridan-  
aut ( si mauis ) ad Taprobanam insulam compara-  
ueris, nonne illud breuissimum nuntiabimus? Quò  
autem sic se res habeat, vt dixi, particulares, uni-  
uersalesq; Hippocratis curæ nos ab ambiguitat-  
eripient. Si uerò dolor ad clauiculam pertigerit  
„ aut molesta sit, vel brachio, vel mamma, vel parti-  
„ bus septo transuerso superioribus, grauitas, inter-  
„ nam cubiti venam secare expedit. Hæc in secund-  
acutorum. Cuius exemplo Anaxioni lateris dolo-  
re prehensus venam cubiti secavit, non pedis oppo-  
siti: hæc enim longissima pars erat. Et in libro de l-  
„ cis In homine, Angina ( inquit ) à sanguine fit, qui-  
„ is in venis, quæ in collo sunt, compactus fuerit: si  
„ affectis, à venis, quæ in brachijs sunt, sanguinem de-  
„ trahes. In libro de morbis, Rigor ( ait ) dolor, &  
„ febris per caput, maximè ad aurem, & tempora, &  
„ sinciput, & oculorum regiones: hæc cùm sic habue-  
„ rit, primum sanguinem de capite mittito, vndecun-  
que

Suspicio le-  
gendum, præ-  
henso.



e tibi visum fuerit. In libro de internis affectio-  
 bus, si coxendix (narrat) à sanguine fuerit, fo-  
 rentum adhibeto, et cucurbitam affigito, & venas  
 poplitibus secato. Ecce quomodo longissimam  
 artem intellexit Hippocrates, alioquin hos omnes,  
 innumeros alios ab eo descriptos, in venas pedū,  
 et manuum phlebotomare oportebat. Quantita-  
 tem educationis morbi magnitudo, & vires (sub ijs  
 reponimus) indicabunt: ad libram, vel bi-  
 zas, vnica vice plus, minusue, vt morbus, virtusq;  
 indicant, educere poteris. Valere siquidem inge-  
 nio, & experientia chirurgum, medicumq; oportet,  
 vtm quantitas in hoc non secus, ac in reliquis rebus  
 medicis, certa persiniri in vnoquoq; non possit. Si  
 sanguinis euacuationem copiosam sufferre non pos-  
 sit aeger, vena secta digito osculum occludas, & per  
 spatium aliquod temporis, puta per vigesimam horæ  
 artem sic detineto, deinde digito remoto, & parum  
 sanguinis edueto, vncia puta, vel semuncia, iterum  
 occlude: & sic per vices reiterabis. Nam hoc se-  
 cunda venæ genus retrahit plurimū ab affecta par-  
 te, cum minima (si lubeat) sanguinis educatione.  
 Hoc enim phlebotomiæ diuersiue genus, tutius est,  
 quàm id, quod fit aperta vena, stricto, exiliue oscu-  
 lo. Nam in hac & adeps, & sanguis osculum ob-  
 struunt, vt sæpius nec vnciam sanguinis educere pos-  
 sis. Phlebotomandi sunt & pueri à quadriennio,  
 vel triennio suprâ, si morbus requirat, & habitus  
 consentiat, & quanquam hoc genere vulneris pau-  
 ci affi-

Quantitas  
sanguinis.

Phleboto-  
mia reuulsi-  
ua,

Pueri phle-  
botomandi



DE CVRANDIS VVL.

ei afficiantur huius ætatis infantes, id in omni ma-  
gni vulneris genere conuenientissimum esse censeo,  
maximè in capite si sit acceptū. Non me latet, hunc  
locum pluribus garriendi ansam daturum, maximè  
inexpertis, & parum considerantibus, quibus præci-  
puum est incaute, & sine consilio cuncta pronuntia-  
re, autoritate tamen Galeni moti, infra quartum-  
decimum annum non esse phlebotomandum asseren-  
te. Sed quum sit contraria hæc nostra sententia Ga-  
leno, quem omnes meritò colimus, cuiq; hercle om-  
nem laudem, omnemq; venerationem in arte medi-  
ca debemus, eam propterea rationibus vacuam re-  
linquere non oportebit. Videamus primò quare  
Galenus ante pubertatem sanguinis missionem recu-  
set: Est autem hæc, quod calidi, & humidi sint ij,  
plurimumq; de eorum corporis substantia quotidie  
defluat. Nulla (quæso) lectores, occupet animos  
vestros amoris affectio, vel odij. Sapientis siqui-  
dem est, veritatem indagare, & inuentam toto nixu  
tueri, propriaq; impugnare, si vera non sint. Si igi-  
tur quia plurimum substantiæ à puerorum corpori-  
bus defluit, digeriturq;, cum calidiores, humidiores  
que temperie sint, non competit sanguinis missio, lon-  
gè minùs debetur adultis, ætate consistentibus, senio-  
ribusq;: nam horum corpora ad siccitatem magis  
inclinant, ac quàm illa magis naturali calore desti-  
tuta. Nam in pueris etsi multa fiat difflatio, humo-  
rumque digestio, potentior tamen fit dissolutorum  
reparatio, ac noua adiectio. Ostendit autem id ado-  
lescen-

Legerem af-  
ferentis



scientia ipsa : quare illo medio probare nemo potest, omnimodam sanguinis abstinentionem in pueris, educationem requirat affectus : probabunt siquidem parcius euacuandum esse. Præterea si insitam naturalem facultatem habent tam validam, tamq; mortem, qui fit vt febriant sæpe, phlegmonasq; ingentes patientur, & varia alia morborum genera, vel am his affectibus obsessis, cur sæpe natura morbo cedit? sic vt eorum aliquis intereat, aliquis morosis ac diuturnis morbis diuexetur? Ab his si secare venam tãti dispendij, & noxiæ est, qui fit, quod sæpius infantibus sanguinem cum notabili quantitate erumpere videmus, sine malo affectu aliquo? Sodes, quis puerum quandoque non vidit, vel ab alto lapsum, vel aliquo solutæ unitatis genere affectum cum cuius venæ apertura, vnde hæmorrhagia sequeretur, & sine vitæ dispendio, & sine magno quopiam malo? Ego quidem annales, biennes, triennes, & super hos plures, & vidi, & fœliciter curavi : quibus exemplis motus, vbi morbus indicaret, ac habitudo non repugnaret, quandoq; venam secare pueris non dubitavi, tum in vulneribus, tum in magnis phlegmonibus, magnisq; febribus, atq; cum bono successu. Præter hæc & multis Medicis modernis familiare hoc genus remedij, in pueris esse scio. Hoc vnum tamen moneo, vt semper cum præmeditatione fiat. Commendatur autem præcipuè in magno vulnere, à quo sanguinis exigua quantitas emanauerit, vel in quibus phlegmones molesta sit: parcius tamen euacuan-



DE CVRANDIS VVL.

euacuando, quàm vltra modum inanire. Nam quod defuit à principio, (si conferat) iterata euacuatio-  
ne supplere poteris. non autem si multum euacua-  
ueris, facile corriges. Nam qui sèmel exhaustus  
est sanguis, reponi ampliùs non potest. Verùm in pue-  
ris, phlebotomia vicem sèpius suppleant ventosa,  
frictiones, vel ligaturæ.

De auersione per aluum. Cap. X.

Purgatio q-  
bus conue-  
niat.

Quando pur-  
gandum.

\*  
Fortassis, p-  
ximioribus,  
uel priorib-  
us. Nam

**P**ER aluum pluribus ingenijs auertimus, potioni-  
bus scilicet, clysteribus, balanis, vñctionibus.  
Conuenit autem, quando phlebotomiam suffugiunt  
ægri: vel etsi hanc non abhorreant, vbi phlegmo-  
nem timeas, vel vbi tumor, vel dolor inualeant, vel  
si caco-chymum cognoueris ægrotum, etiam si dolore  
phlegmoneq; hic omnino vacet. Nam vbi sit caco-  
chymia, plethoriaue, vel primis, vel sequētibus die-  
bus, non effugiet patiens graua symptomata, nisi  
purgaueris, vel sanguinem miseris, vel vtrunq; præ-  
stiteris, purgabis eadem die, si corpus fuerit caco-  
chymum, præmissa tamen phlebotomia diuersua,  
qua per vices exiguan sanguinis quantitatem edu-  
ces. Quod si vtrunque eodem die perficere non pos-  
sis, purgationem in diem sequentem differas, vel ter-  
tium, vel quartum, vel subsequentes, si morbus exi-  
gat: præstat tamen \* primioribus diebus agere,  
prouisionis gratia, quàm subsequētib; curationis  
causa. Non enim in hoc casu expectanda est humo-  
rum



*um preparatio, ut in febris fit. Nam vulnere*  
*Effectus sano corpore (excepta parte lesa,) suppo-*  
*nitur, in quo humorum concoctio, & via ad exitum*  
*parata facile iudicantur. Conuenientius igitur in*  
*primis diebus administrandam esse remur. Quod si*  
*post phlebotomiam, vel pharmaciam sequatur in-*  
*flammatio, ex humorum scilicet malitia, vel multi-*  
*tudine, utranq; vacuationem reiterare, (si conue-*  
*niat,) non est pertimescendum. Extat autem quæ-*  
*dam Hippocratis propositio, quam medici quando-*  
*que contra meam sententiam recitare solent, dicens.*  
*Quicumque inflammationes in morborum principio,* „  
*medicamento conatur soluere, nihil de eo detrahit,* „  
*quod acervatum est, atque inflammatum: quæ verò* „  
*partes sanæ sunt, & morbo resistunt, simul eliquant.* „  
*Sed pace horum ostendam, hanc sententiam non esse*  
*meo præcepto contrariam, sed eandem, rationem-*  
*que huic adstipulari. Non enim pharmacia humo-*  
*rem facientem phlegmonem dissolvere intelligo, sed*  
*paratum ad fluxum retrahere. Sic & Hippocra-*  
*tes, non hic à pharmacia omnino abstinendum esse*  
*præcipit, sed monet, ne conemur inflammationem in*  
*parte aliqua existentem purgantibus medicamentis*  
*soluere: quoniam antequam purgatione retrahas hu-*  
*morem fixum, phlegmonem facientem, dissoluantur*  
*primò partes, à quibus primitus fit attractio, neces-*  
*sum est, stomachus puta, venæ mesaraicæ, & quæcun-*  
*que inter has, & affectam partem constitutæ sunt:*  
*vnde qui iam fluxus est humor, & parti affixus, ab*  
*r eadem*

uix reperiās  
 primis diebus  
 apud p̄bos  
 authores.



DE CVRANDIS VVL.

eadem dissoluendus, educendusue est, vel ad vicinas deriuandus, nō ad longinquas reuocandus. Qui verò ad fluxum paratus est, vel fluit, nunquam ad contraria incommode retrahitur. Quòd autem (ut diximus) intelligi debeat Hippocratis litera, non aliter ac explanauimus, & eius litera in loco proprio intelligenti firmam fidem faciet: præterea & quæ in capite, de phlebotomia recitauimus, & reliquæ curæ ab eo scriptæ nos certiores reddent, fidemque firmam facient. Scribit enim secundo de morbis, Si erysipelas in pulmone fiat, tussis habeat, & saliuam expuat multam, ac liquidam, & cætera. Subiungit, Hic morbus maxime fit ex ebrietatibus, & carniū esu, & carniū mutatione, sed & ex alijs causis emergit, huic pharmacum deorsum purgans, bibendum dato, & lac asinum. Et libro tertio de morbis, si quis leuem anginam, quam parasynanchen vocant, patiatur, huic venam secare oportet, & maxime sub mamma: cōcomitatur enim hac parte ex pulmone spiritus calidus. Oportet quoque deorsum purgare medicamento, aut clystere. Item peripneumonia talia facit, febris acuta tenet, & spiritum frequentem ac calidum respirat, & cætera. Addit, Aluum autem in quatuor aut quinque diebus subducere oportet, & hoc paulò amplius, quòd & febres obtusiores sint, & dolores leuiore. Adhuc in eodem libro, Pleuritis ad dorsum intantum ab alijs differt, & cætera. Subiungit, At si eger biliosus sit natura, & non purgatus, correptus fuerit à morbo

Legerē tussim, uel tussis,



o priusquàm saliuam biliosam expuat, etiam bilem  
 robè purgato. At in libro de natura muliebri, Si  
 inflammati fuerint vteri, sambuci folia tenerrima  
 in tritici recētis crassiore farina coquito, & leuiter  
 tepida sorbenda dato. Et secundo de morbis mulie  
 bribus, Si vteri inflammati fuerint, menses obtor  
 quentur, & reliqua, Subdit, Cùm sic habuerit, phar  
 macum infrà purgans bibendum dato, & subdititijs  
 vtatur. Ex his ac pluribus alijs curis ab Hippo  
 crate scriptis, nobisque relictis facile iudicare pos  
 sumus, purgationes non sprenuisse in inflammationi  
 bus, & in principio, & dum fluebat humor: est enim  
 eousque ducendus peccans humor, quousque exupe  
 rauerit, si vires ferant. Talis debet esse purgatio,  
 qualem humores ostendunt: quibus colores similes  
 efflorescunt. Nec sub silentio prætereunda est, quæ  
 ex locis affectis sumitur indicatio: nam si purgatio  
 nem capite, vel thorace vulneratis, quæ quoq; mo  
 do vomitū irriteret, propinaueris, augebis affectum:  
 secus autem, si crura afficiantur ab hac. Nec sper  
 nendas esse censemus, quæ à cōsuetudine, & ambien  
 te sumuntur indicationes. Sed & in sanguinis exu  
 perantia sæpe pharmaciam conferre, & à seniori  
 bus didicimus, ratione deinde, & experientia com  
 probauimus. Præterea sunt qui vomere consueue  
 runt, quos abstinere omnino non consulo, si pars per  
 inde (vt diximus) affecta non obstet, vt caput, tho  
 rax, & venter, quæ vomitu violenter agitantur,  
 extendunturque. Hæc autem vulneribus semper

Quantitas  
 purgationis  
 Purgatio  
 qualis.



DE CURANDIS VVL.

noxia. Verū cū corpora purgare medici munus sit, satis nos hic obiter dixisse de purgatione existimamus.

De reuellentibus sine euacuatione. Cap. XI.

Vinculorum  
usui, & quā-  
do.

**S**unt quæ reuellant nulla sensibili apparente euacuatione, ligaturæ & balnea, ijs addidimus cucurbitulas, & frictiones: verū ea mitius, is auxilijs tutò in omnibus corporibus vti possumus tū ante purgationem, vel phlebotomiam, tum post, dum scilicet fluxio molesta, vel suspecta est: in corporibus boni habitus sæpe sine purgatione, ac sanguinis missione, ijs contenti fuimus: In corporibus repletis, ac mali succi, etiam post phlebotomiam, & ante eam reliquas partes vincimus: vt si vulnere in sinistro brachio existente, ex reliquo venam secueris, tibias vincire non dubitabis: stringendo vincula non secus, ac qui phlebotomare intendunt, & cum molesta, plurimumque dolorosa esse cœperint, soluenda sunt, mox religanda, & sic reiteranda per vices: ante, & post cibum, omnino per horas aliquot soluenda, nisi vrgeat inflammatio, uel dolor, vel sanguinis aliqua hæmorrhagia. Ligaturis etiam addere poteris, si aliquod prædictorum symptomatum molestum sit, balnea ex aqua tantum calida, manibus scilicet affectui oppositis. Poteris & his (si libeat) per se vti. Sit autem aqua, quātum sufferri potest, calida tandiu in vsum venire possunt, ac ligaturæ ipsæ, donec scilicet timetur fluxio. Frictiones magis

Balnea.



gis deriuare, quàm reuellere dicimus, nisi vehemen-  
tiores sint: verùm eæ cutem exulcerant, molestiam-  
que grauem inducunt, mites verò leuiter trahunt.  
Has tamen si feceris (reliquis auxilijs non omis-  
sis) iuuabis. Idem & de cucurbitulis dicendum est: nam  
hæ a propinquieribus tantùm partibus trahunt, quare  
potius deriuando, quàm reuellendo vsui sunt: verùm  
si vrgeant symptomata, & has in contrarias, &  
quandoque in vicinas partes, non omis-  
sis reuelli-  
bus ingenijs, addes auxilium. Has tamen, & bal-  
nea, & frictiones magis laudamus in tenerioribus  
ac boni habitus corporibus. Sed nunquid & victus  
tenuis sub genere reuellentium, aut (vt proprius di-  
cam) retrahentium ponere liceat? licebit hercle.  
Stomachus autem cum prima pars sit, quæ & ci-  
bum recipiat, & nutriatur, et inter reliquas partes  
primò fame cruciatur, si cibum tardiùs ac parciùs  
susceperit quàm debeat, quare à continuis sibi parti-  
bus humidum trahit, & hæ ab alijs, & sic succeden-  
tes: vnde duplici ratione tenuem victum profutu-  
rum esse in his censendum erit, tum quòd partes, quæ  
famem, sitimque primò experiuntur, ab alijs tra-  
hant, tum etiam quòd propter conuenientem mediã  
non modò non generatur noua humorum noxiorum  
copia, sed qui noxam fortè inferre parati erant, dis-  
solvuntur. Verùm & hunc viribus patientisque con-  
suetudini proportionandum esse, nemo est qui uti-  
que in medica facultate fuerit exercitatus. Tenuem  
autem victum dico, si vel panatella, vel condro, vel

Frictiones.

Ventosa.

Victus.

Victus tenuis  
is quomodo

r 3 ptisana



DE CVRANDIS VVL.

ptisana tota in iure pulli, vel vituli, vel aqua, & oleo, vel butyro condita parçè nutriatur, pro potu aqua hordeacea vtatur cum saccharo, primis maximè diebus, postea verò paucifero vino, & egregie lymphato.

De deriuatione. Cap. XII.

Deriuatio  
cuius fiat.  
Deriuatio  
cum euacua  
tione.

**D**eriuare intelligimus, cum humores aliquam partem infestantes in propinquā trahimus, vel ex propinqua educimus. Fit & hæc quandoque cum sensibili euacuatione, quandoq; sine hac. Cum euacuatione manifesta vesicatione cutis, hirudinibus, scarificatione, venæ sectione: vt si synciput affectum fuerit, à quo aliquid ad vicinas partes trahere conueniat, vel venas temporum, vel quæ medias frontis regiones occupant, vel in nare, vel retro aures, quandoque apparent, tundimus, vel collum ventosis appositis scarificamus. Possumus, & herrinis & masticatorijs medicamentis ad fauces & nares euocare. Herrina tamen, nisi vrgeat necessitas, subterfugiēda esse laudo: molestiam namq; maiorem inferunt: prosunt tamen maximè, si ratione sint administrata. Similiter si cubitus malè habeat, quòd hoc remedij genus desideret, venas manuum, vel eas, quæ infra cubitum sunt (affectæ tamen parti viciniores) secabimus. Eodem modo si coxa, eam, quæ in pede, vel poplite, vel viciniorē aliquam aliam, si se ostenderit, vel circumiacentē cutem



tem scalpello obtundere, vel easdem vesicare. Verum isthac facere, facillimum est: quantum enim, quando, & quomodo, difficile. Fieri debet deriuatio, quando fixus aliquis humor partem aliquam obsidet, sic vt euacuato, purgatoq; (vt decet) prius corpore, neque solo Naturæ beneficio, neque dissoluentium medicamentorum ope difflari quidem poterit, præcipue propter eius multitudinem, vel propter eius crassitiam, vel lentorem, vel cutis densitatem. Tantum, ac tandiu deriuandum est, quoad partem in proprium habitum restitueris. Verum reiteratis vicibus, si vnica non suffecerit: vt plurimum enim non sufficit. Facile enim non dissipatur humor, qui longo tempore parti alicui est infixus, præcipue si nervosa hæc fuerit: quare ab ijs ad euacuationem, quæ à propria parte fit, est recurrendū.

Quomodo  
deriuandū.

Quandiu de  
riuanum.

### De euacuatione à propria parte. Cap. XIII.

**A** Propria parte euacuare oportet, omiſſa ea euacuatione, quæ vel sanguinis, vel puris, vel alterius cuiuspiam in sinum aliquem collecti humoris sit, quando sanguis crassus, vel lentus in aliqua parte fixus, neque deriuatione, neq; reuulsione aliò euocari potuit, vel caloris naturalis beneficio difflari. Varijs igitur ingenijs hæc perficitur, vſtione ſcilicet, ueſicatione, hirudinibus, ſcarificatione, & euaporatione. Primò euaporantia tentanda ſunt, inter quæ principatum obtinent fomenta ex aqua

r 4 cali-



DE CVRANDIS VVL.

calida, uel ex uino, si ulcera adsint, in quibus si ualentiora requiras, chamamelum, uel nepetam, uel calamentum, uel aliud quidpiam eius generis addere poteris. Præterea unctiões ex chamamelite oleo uetusto, anethino, liliaceo, æsypo, & similibus, succida lana ab unctiõibus circumuolutis membris, bis singulo die eadem fouendo. Si dissoluentium officio in tres quatuorue dies uoti compos non fias, ad scarificationes, uel hirudines, uel uescatoria, uel altiores vstiones recurre. Verum neq; hæc, neque illa securè administrantur, nisi & fluxu prohibito, & corpore recrementis liberato. Dissoluentia nanque calida sunt, & vesicantia. Scalpellationes, & vstiones, non sine dolore fiunt, quæ omnia in corpore mali succi, vel multi adhibita, ad eandem partem retrahunt magis, quàm euacuare possint, vnde geminaretur morbus. Præcedant igitur reuellentia oportet, & qualia, & quanta conueniunt, quò tutius opẽ feras. Nunc quomodo suppressi debeat sanguis, qui è vulnere abundantius effluit, dicendũ est.

De sanguine suppressendo. Cap. XIII.

**S**anguis, quum totius corporis pabulum sit, quo deficiente, simul vitam desciscere sit patentissimum, tutelã igitur sui nobis præindicat, si vita frui debeamus: quare tota ope nitendum est, ubi is abundantius effluat, vt cohibeatur, quod varijs ingenijs fieri solet, obstruentibus, repellentibus, adstringentibus,



ribus, reuellentibus, & vrentibus. Repellunt refrigerantia, & adstringentia, vt aqua lactuca, endiuie, cucurbitæ, poligoni, sedi vtriusque, & solani succi, myrtillorum bacca, rosa, malicorium, galla, lysimachia, myrobolani, bolus armenus, cerussa, plumbum vstum, gypsum, lithargyrum, rubygo ferri, alumen. Reuellant vincula, balnea, frictiones in oppositas partes. Phlebotomiam, & purgationes omitto: nam simul & vires deiciunt. Vrunt medicamenta caustica, vt auripigmentum, sandaracha, sublimatum, & alia varia, quæ arte parantur crustifica, & quæ ignita sunt ad vsum hunc structa instrumenta, vt aurea, vel argentea, vel ferrea. Obstruunt tenacia, lenta, viscidaque, vt glutem piscium, gummi cerasorum, amygdalarum, thus, aloes, mastix, & similia: hæc autem per se sanguinem cohibent, si vena exilis sit vnde profluit: sed vbi vena diuisa aliquo modo magna fuerit, sunt miscenda reliquis medicamentis. Si igitur vena secta superficialis appareat, tutius est, eam ignito ferramento vrere. Si verò profunda sit, quæ visui non manifestetur, hoc vnguento vulnus reple. Recipe boli armenæ, ferri rubiginis, an. drach. ij. mastice, aloes, thuris, ana drach. i. cum albumine oui incorporentur. Aliud. Recipe glutinis piscium, mastice, boli armenæ an. drach. ij. galle immaturæ, plumbi vsti, thuris, ana drach. i. cum albumine oui incorporentur. Potes & pilos leporis minutim incisos, & flores, seu gossypium salicis, vel populi ijs immiscere, similiter filamentum

Refrigerantia.  
Adstringentia.

Reuellentia  
Non laudat  
phlebotomiã, neque  
purgationẽ.  
Vrentia.

Obstruentia.



DE CVRANDIS VVL.

menta ex panno molli subtili, ex quibus cum ben-  
eisdem vnguentis erunt imbibita, turundæ, pro ut  
vulneris forma postulabit, magnæ, vel parvæ, bre-  
ues, vel longæ parari poterunt: duriores in hoc ca-  
su requiruntur, ac maiores, sic ut ora venarum pos-  
sint comprimere. Aliud, recipe boli armenæ drach.  
ij. cerussæ, lithargyri, myrobalanorum chebulatorum  
& citrinorum, an. drach. i. & sem. mastice, glutinis  
piscium, tragachanti, an. drach. i. cum oui albumi-  
ne fiat vnguentum. Aliud, quod valentiùs adstrin-  
git. Recipe gallæ omphacitis, boli armenæ, lithargy-  
ri, an. drach. ij. cinnabaris drach. i. & sem. omnibus  
subtilissimè tritis cum oui albo misceantur, & pa-  
rentur licinia ad vsum, quæ & arida conseruari  
possunt, quæ iterum eodem vnguento molli & re-  
center factò leniri debent, propter earum asperita-  
tem, dum vsus postulat: nam hæc citius cohibent, vel  
pulis omnium supradictorum, si in vulnus aridus  
imponi possit, celerius sistet. Alia, quæ & valen-  
tius adstringunt, exiccantque. Verùm non sine do-  
lore, molestia, & crusta, si copiosius sint imposita.  
Recipe balaustiorum, mastice, terræ sigillatæ, ana  
drach. ij. aluminis scissilis, vel rochæ, si scissile non  
sit, æris viride, æris squammæ, an. drach. i. cum oui  
albo, vel vino austero fiat miscella. Aliud, recipe  
lysimachæ, balaustiorum, boli armenæ cerussæ ana  
drach. ij. ferri scorix in aceto præparatæ, aluminis,  
viridis æris, an. drach. i. & sem. chalcanti drach. i.  
cum oui albo, vel austero vino misce ad vsum. Si  
for-



forte hæc diutius conseruare velis, tunc interetes pa-  
stillos redige, conum ex altera parte habentes, quò  
in vulnus poni facilius possint. Verum cum uino,  
vel passo eos componere præstantius est, qui aridi  
sunt conseruandi. Citiùs autem in vulnus dissoluun-  
tur, quàm qui cum oui albo. Sed quum dissolutum  
quasi vnguentum uelis, oui album præponitur: con-  
stipat autem magis suo glutino. Ast ligaturæ reuel-  
lentes vnà adhibita magnam in ijs opem ferunt:  
quæ quomodo sint usui conferendæ, in capite de re-  
uellentibus concipies. Quòd si horum remediorum  
auxilio uoti compos non fias, ad ignita instrumenta  
propera, si ijs manantis uenæ ora contingere existi-  
mes. Celerius nanque, tutiùs, ac minore noxa effe-  
ctum præstant, quàm quæ urunt medicamenta. Hæc  
siquidem ingentem, ac per horas multas dolorem  
excitant, unde & fluxus interdum uehementer ir-  
ritatur. Præterea si non compresserint, actualibus  
cauterijs difficilè iuuabis, donec scilicet sit exempta  
ab illis facta crusta, in quo temporis interstitio ani-  
mam æger simul cum sanguine efflare poterit. Quòd  
si ui escharam illam extirpare susceperis, operio-  
sius utique reddes negotium. Præstabit igitur ab  
usu supradiCTORUM medicaminum siccantium sine  
morsu, & adstringentium ad hæc te conferre. Ve-  
rum hominem in anatome exercitatum requirit,  
qui uenarum situs bene noscat. Instrumentorum  
autem formæ tales esse debent, quales diuersitas  
vulnerum postulat. Eorum tamen aliquot inscri-  
bemus


Ligaturæ.

Cauterium  
actuale.



DE CVRANDIS VVL.

bemus pro exemplo, quæ ut plurimum ad hunc vsum  
erunt accommodata, siue superficialis, siue in al-  
tum sit posita uena & hæc sunt :



Tu alia, prout affectus requiret, struere poteris. V-  
sus autem talis est: Duo habebis ex ijs, eiusdem ma-  
gnitudinis, quæ ut igne candeant facito, et membro  
circumquaq; pannis in aceto, & aqua madidis bel-  
le munito, alterum sume, & in vulnus firma manu  
mittas, eam partem fortius premendo, in qua venam  
fore existimaueris: & cum hoc friges fieri cœperit, in  
ignem remitte, & alterum candens capies, & pre-  
me, quo ad fluere destiterit. Quod si vel os, vel ca-  
uitas aliqua venam tangere non permiserit, & flue-  
re non desinat, properare ad ea nõ est dubitandum,  
quæ vrere possunt medicamenta: nam tunc, & tu-  
tior locus talibus medicamentis relinquitur, & mi-  
nus molesta fiunt: quorũ compositiones tales erunt,  
Recipe cerussæ drach. iij. balaustiorũ drach. ij. chal-  
cathi, aluminis, an. drac. ij. arsenici scrup. iij. cū pas-  
so fiãt teretes pastilli. Aliud. R. terræ lemnis, gallæ  
omphacitis, mastice, an. drac. ij. cinnabaris, alumi-  
nis, an. drac. i. s. Salis gēmei, arsenici, chalcathi, an.  
℥. ij. viridis aris, minij an. drach. ij. s. cum passo fiãt  
pastilli

Canthica po-  
tentia.



pastilli. Aliud, Recipe sublimati. drach. ij. chalcanti vsti, pulueris præcipitati, cerussæ, minij, an. drach. iij. pollinis, drach. ij. cum aceto acerrimo fiât pastilli. Attendendum autem est, vt quum hæc in vsum pones, alio humores euoces, remittasq; vicinas partes refrigerantibus sæpius (quandiu dolor tristabitur) muniendo, et longinquas vinctulis stringendo. At quod præcipuum, tutissimumq; in hoc casu semper inueni, est, vulnera laxis fascijs (conuenientibus medicamentis appositis) vincire, deinde manu super vulnere posita immota medicamenta conseruare per dies aliquot, tres puta, vel quatuor, quinimò, & plures, nisi dolor aliquis vrgeat: nam tunc soluere expediet, ac medicamenta renouare. Pro hoc igitur officio duos, tresue homines paratos habere oportet, quò vicissim quiescere, & auxilium ferre inter se se valeant: permutent (si calorem aliquem sentiant) frequentius manus, easque modò vnam, modò alteram in frigidam aquam madentes, ne affecta pars calefiat. Fluxibilior namque calore redditur sanguis. Sed & situs talis affectæ parti est eligendus, vt quietior sit, ac, si fieri possit, sursum vergat. Nunc verò tēpestiuum est, vt ad curas exponendas properemus: est aut hoc, quod intendimus.

## De curatione. Cap. XV.

**C**urationis igitur hui usinodi vulneris in quantum se, prima intentio est, auferre extranea, si quæ sunt auferenda, mox ad curandi formam, quæ  
con-



DE C VRANDIS VVL.

Vnguentum.

contuso, laceroūe vulneri conferre perpetuò nouimus, se conuertere, vt contusam scilicet, laceramq; carnem à sana quantò citiùs separare intendas, idque medicamentis quantum possis minus mordentibus: quale est, quod ex mercurij puluere ( quē præcipitatum appellant, ) paramus. Miscemus autem præcipitatum vel cum rosaceo, vel cum oleo simplici, vel cum butyro, vel recenti axungia suilla, semunciae puta butyri, pulueris drachmam adijcies, seu binas, vel minus, plusue, prout contusio, vel magna, vel leuis fuerit. Nam quantò glans maior fuerit, non modò vulnus maius reddit, sed & altius circumqua; partes tundit. Parantur & alia medicamenta ad hoc munus, vt egyptiacum, & similia: verum hic tantum illius memoriam facere libuit, cum inter reliqua huius facultatis principatum obtineat sic vt aliquid miri præstare videatur: contusam enim, putridam, vel magis auetam carnem cum minimo, vel nullo dolore dissipat, vulneri non modò nullum cruditatis vestigium relinquens, vt reliqua, sed cocta, temperata, beneq; disposita reddit: quare illud præ cæteris omnibus meritò anteponendum esse censui. Ex hoc igitur penicillos, puluillos, lychnia, et quas flammulas vocant, & cætera similia insperges. Hoc vnguenti genere unico die, vel duobus ad summum vtimur, satis superq; erit tribus, si contusio vehemens fuerit: sequentibus verò diebus ad ea, quæ leuius abstergant, & moderatè exsiccent; quibus si cõtusa carnis aliquid adhuc impēdeat, butyri pau-



paululū adijcere poteris, perinde vt affectus indicabit, quibus succedant carnē generantia, & cutem inducentia, vt puta mel simplex, vel rosaceum, mel cum hordei farina, vel orobi, vel fabarum: cui addere poteris aristolochiam, minus centaurium, terebinthinam, thus, aloen, euphorbium, myriophylli, verbasci, apij, chelidonij, vel plantaginis pulueres, vel succos, vel balaustium, vel gala, vel mirtus, vel cupressi nux, vel lithargyrum, uel ustum plumbum, & alia huius generis, prout ulceris habitudo, uel partis natura, uel hybernū, uernū, uel æstiuū tempus dabunt indicium. Sed quod maximē monendum esse censeo, cum in hoc sæpius peccent negligentes chirurgi, est, ne sint clauī, uel lychnia ultra modum crassa, uel longa, uel dura, uel aspera, pungunt longa, crassa extendunt, lacerant aspera, eoq; magis, si dura sint. Parentur igitur ex mollissimo, subtiliq; linteo, uel carpentatis pannis, uel gossipio retorto, quo dolores non excitent, & si membrorum ossa fracta fuerint, tunc membra situentur commodē, ne doleant, ac cæteris sibi cōtinuis paulō altius, ne facilē ad illa humores fluant: nec multis, nec strictis ligamentis sunt ligāda, sed paucis, & laxis, immobilia, quantum fieri potest, conseruentur. Hæc compendiosē de uulneris curatione, quæ, ut fœlicius succedat, prouisione uacet non oportet. In prima igitur cura, cooperto uulnere (nisi nuper sit à cibo) tū-

Qualia lychnia.

Prouisio.

tus



DE CVRANDIS VVL.

tus fuerit effusus, parum uel omnino nihil ab alijs partibus extrahere expediet, sed uice phlebotomiæ uincula, frictiones, balnea, uel uentosa suppetent. Et si mali succi æger occurrerit, à sanguinis missione, die puta immediatè sequenti, corpus purgare conueniet, circumstantesq; uulneri partes prima die repellentibus fulcire, oxýrrhodino puta, uel aceto, & aqua, uel aqua, in qua incocta sint malicoria, bacca, uel folia myrti, galla, & similia, uel omphacium per se, uel cum aqua mistum: uictus tenuissimus sit primis diebus, reliquis autem semper aliquid addendo, prout morbi magnitudo, uirtutis robur, & patientis consuetudo indicabunt. Et hæc cum succinctè, generaliterq; omnia dixerim, non alienum erit, nos ad exemplares curas conuertere: hæc nanq; magis sensum mouent.

De curatione uulneris capitis. Cap. XVI.

**I**Ta ut humani corporis partium præstantissima. Iest anima, sic & reliquarum omnium eius sedes: hæc autè est caput: hinc igitur sumamus exordium. Ex bombardeola, sclopettoûe varia in capite, uulnera inferuntur, quæ, quantumuis parua fuerint, semper magni existimanda sunt: non enim facile in ijs corrigi potest inflammatio, si fiat: fiunt quippe facile, nisi summa diligentia sint tractata. Cutis enim densa est, à qua non sine labore transpirant superflui humores: longè tamen maius negotium faceffunt, si  
internis



internis partibus communicet læsio, et horum etiam magis, quæ vel circa commissuras, vel tempora, vel occiput, vel oculorum regiones sunt accepta. Agendum, si ipsum simplex fuerit, vnde quaq; rasis capillis vnico, aut ad summū duobus diebus hoc vnguento curabis. Recipe pulueris præcipitati optimi drach. i. butyri recentis drach. ij. olei rosati omphacitis drach. i. croci grana duo, misce, & fiat vnguentum, quo puluilli imponendi ex mollissimo carpentato lintheo illinantur, eoq; tenuius crassiusue perinde vt in vulnere maior, vel minor apparuerit contusio. Ast vbi hæc maior fuerit, vnguentum copiosius, minori mitius impones: desuper autem oui album cum rosaceo, & bolo armena in formam vnguenti mista. Secundo autem die aliud medicamentum impones, quod aliquo modo digerendo moderatè abstergat, & leuiter exsiccet: cuius hæc erit forma. Recipe rebinthinæ claræ in albo vino ter lotæ vnc. s. mellis rosati vnc. i. butyri recentis drach. ij. farinæ hordei, pulueris aristolochiæ rotundæ, radicis ireos, an. drach. i. aloes drach. s. misce, fiat vnguentum. Hoc autē vti poteris donec in vulnere optima appareat digestio: quæ, si illud rationabiliter se gerat, quartum, aut ad summum sextum non excedat: & tunc ab vnguento amoto butyro siccantius (vt requiritur) illud facies, addendo ex pulueribus quod satis sit, si magis siccare intendas. Facile autem curatur in capite vulnus, si illud simplex sit, modò ager non in humoribus tantum, sed & in moribus sit temperatus,


Vulnus simplex in capite



DE CVRANDIS VVL.

Vulnus com-  
positum.


tus, arteq; curetur. Verum quod complicatum est (quod scilicet intrinsecis partibus lesionem communicat) laboriosum non solum patienti, sed & ijs, qui curam susceperunt, existit. Si ergo intrinsecarum partiū offensa sensui pateat, vel saltem de se magnā faciat chirurgi opinionem, statim os deliberare intendere, ea parte scilicet, quæ magis grauata est, sic, tantumq; cranei detegas, vt fracta, educendaq; ossa eximere, collisa terebello perforare, vel radenda liberè ciclicis scalpere possis. At incisionis forma duplex est, altera trigona, tetragona altera: sed hæc ad intentum nostrum magis conducit. Ea autem est, quæ duabus lineis orthogonaliter se secantibus depingitur.



In prima igitur cura (si fueris vocatus) nouacula bene secante, ac manu ponderosa cutem sic præscindito, vt pericranium vnà diuisum sit, mox vnguib; vel (quod aptius est) instrumento aciem obtusam ex altera parte habentem, ex altera parte bene secante, qua meningem os regentem, si vsquam à nouacula infecta remanserit, scindere valeas, non amota ab opere manu: cuius formam hic intueri licet.

Os





Os igitur excoria, ac labra euerte : & si glans in propriam cerebri substantiam intrauerit, salutis omnino spes eximitur : si verò nondum ingressa, ossis aliquid à reliquis separati reliquerit, quod non magno negotio euelli possit, educas. Sic si glans in osse sit fixa, vt infra latius dicetur. Quòd si nihil hac prima cura, quod facile educi possit, appareat, vulnus puluillis ex carpentato linteo, vel mollissima stuppa paratis in austero vino vel omphacio, acetone prius madidis, ac expressis recenti rosaceo omphacitide, vel myrtino cum bolo armena, post imbibitis, ac tepidis prius reple. Si verò propter aliquam sectam venam sanguinis hæmorrhagiam verearis, omittis oleis, lychnia in omphacio, vel aceto acerrimo madida, ac fortiter expressa, oui albo, in quo abundanter sit bolus armena, illinantur ad vsum sequenti die, hæc miscella componatur. Recipe rosacci omphacitis, ac recenti vnc. ij. albumē vnius oui, boli armenæ vnc. i. croci grana quatuor, misce, ac penicillis superpone : hoc eodem vnguento circumstantes partes vulneris munire salubre erit, per ternos, quaternosque dies, propter inflammationis suspectum : in rub-

f 2 ncre



DE CVRANDIS VVL.

Digestium

nere autem sat est prima die imponere, deinde ad huius digestiui vsum accedes. Recipe terebinthinæ in vino albo ter, vel quater lotæ vnc. ij. vitella duorum ouorū, olei rosati vnc. s. croci grana quatuor, aloë scrup. ij. misce, & vtere donec abstergendi tempus aduenerit, quod nō præteriturum quartum diem fatemur, si aquæ se res gesserint. Sunt qui putrefactiuis (digestiua appellata) diem septimum vt firmum terminum præscribant, alij etiam, & vltra hoc expectantes putridæ carnis separationem vndiq; labia ambientis, ignari bonam carnem putridæ subsistentem in dies putrescere magis, nisi quæ iam suppurauit abstergentibus amoveatur. Nos autem ratum dimittendi digerentis medicaminis terminum præfinimus, quod est hoc, dum videris vulnus conco-

Digestiua  
quo, & quā-  
to tempore  
usui ueniāt.

ctū iri, hoc more, nec tibi septimum, nec aliū quemq; diē (vt crassæ mineruæ vulnerarij faciunt) præstitues firmum. Ab hoc medicamine cū abstergere licebit, ad id recurre, quod suprā ordinatū est, constans ex melle, & cæteris. Hoc quantū ad ea quæ curationē carnosæ partis spectant de capite sint dicta. Si verò (vt diximus) ossis læsio fuerit, sic vt internarum partiū aliquam malè habere existimes, puta, vel vena rupta, vnde sanguis sub cranio effusus, sub caluaria vagus exitū postulet, vel pus quod contingit us, qui iā diu vulnus accepere, vel cerebrū ossis collisione prematur, vel ab aliqua asperitate (si os fractū sit) pungatur, tunc ocysimè ad ossis, vel puris molestiā inferentis ablationē, vel ad vaganti sanguini li-

Si os læsum.

berum



berū exitū parandū properandū est: quamobrem re-  
cta mente perpendenda sunt signa, ne omittas vbi  
requiritur opus, vel agas, vbi suffugiēdum est, quæ  
omnia in his frequenter, & agris, & artifice opus  
molestissimum reddere consueuerunt, ostendunt igitur  
læsionem intrinsecus susceptam sensui non ma-  
nifestam, casus cum vertigine, vel visione plurimo-  
rum luminum, mentis alienatio, sopor, oculorum tu-  
mor cum rubore, sanguis per nares & aures eru-  
ptio, vomitus, resolutio aliquarum partium, apople-  
xia: verū non necesse ad horum singulum deduci-  
tur vt certo argumento proferamus cerebri offen-  
sam, (cerebrum nunc intelligo quicquid intra cra-  
nium continetur) cadunt enim quandoque aliqui  
capite percussi, nulla cerebro illata iniuria, alios ste-  
tisse vidimus, quibus duram meningem laceram de-  
prehendimus, quare in his iudicandis, vbi anceps  
res est, prudentem Chirurgum esse oportet, qui cun-  
cta bene penset, iudicet, agatque, pristinam scilicet  
patientis naturam, mores, motus, vires, presentibus  
conferendo. Si itaque os aperire cogamur, quanto  
celerius fieri potest, fiat. Primo puta die, vel secun-  
do, quo sanguis nondum coagulatus, facilius exeat,  
ne vagabundus cerebrum perturbet, vel premendo  
grauet, vel æstuando inflammet, minusque exten-  
dendo dolorem faciat. Verū vbi à principio non  
facta fuerit, eamque subterfugere non liceat, reli-  
quis diebus efficias: satius namque est quoquomo-  
do tardius occurrere remedijs, quam ijs omisis sine



DE CVRANDIS VVL.

spe morti ægrum destituere. Quare & tertio, & quarto & sexto, & decimoquarto, & reliquis diebus indifferenter agere poteris, non enim pro hoc opere præstando criticos dies vereri oportet (ut quidam faciunt) non intelligentes artem, existimantes id quod ad vnum refertur in arte medica, idem reliquis omnibus esse referendum, nulla habita distinctione: errant tamen maximè. Observantur tamen in ijs critici dies ad prognosticum, non ad curam, in febribus autem ad vtrunque, nam in febribus purgationes, balnea, phlebotomia, neque aliud quicquam quod naturam diuertere possit ab opere, si aliquid moliri sit disposita, agere verendum est, non aliam ob causam, verùm in hoc affectu non id expectandum est: non enim natura os perforabit, vel opportunè quod pungit semper auferre potest, egens in similibus omnino Medici auxilio. Quare quocunque die operatio hæc fieri potest, nullo discrimine habito, præter hoc, quod quantò citius fiet, in melius res succedet. Sed antequam vltèrius progrediar, operæ pretium fore duxi, hic terebrarum formas aliquod ad intentum nostrum salutare, & à multis non cognitæ describere, quarum quæ quaternario charactere signatur, cæterarum omnium in suo genere vtiq̃ue tutissima ac commodissima, à me excogitata est, nec amplius ab alio (quod nouerim) cognita. Quæ ternario charactere notatur, ea est, quæ passim per officinas Chirurgorum transcurrere videmus, quæ etiam Hippocrati fuisse familiarē




rem existimamus, à Galeno chinicidas, quod (ut Celsus interpretatur) modiolum significat, cui binarius character iungitur, aliud illi figura simile apud aliquos Chirurgos nostri temporis vidi, verum in modum limæ intersectum erat, ut omnino simile esset his sphaerulis, quibus fabri ferrarii utuntur ad typos formandos, quibus plumbeæ glandes conficiuntur ad sclopettorum usum, cuius figura literam habet appositam A, sed istud in operatione molestum est, quum statim eiusdem asperitates scobina repleantur, sic ut singulo ferè circuitu, noua lotione egeat, at hoc nostrum diuerso modo ab illo sectum est, sic ut celerius aptiusque operam perficiat, quamquam non tam frequenter ut primū vel quartum in usum veniat. Reliquum genus, cui unitatis character asidet, etsi meo genio similiter ut quartum excogitarim, aliud tamen non dissimile, licet quodammodo nostro sit obtusius in commentarijs super Hippocratem Guidi Vidi nuper in Gallicam linguam ex Latina translatis comperi, quod ante hunc etiam apud Celsum verbis depictum cognoueram, id autem est, quod à Celso secundo loco describitur, ab acuto scilicet mucrone incipiens, in latius tendens, in longioris quasi capituli formam, de reliquis, quæ vel laqueo circummouentur, uel arcus fune, vel ligno transversim posito fune vincto, quo fabri ferrarii utuntur, ut nondum in usum venire possunt, sic de ipsis quicquā scribere omnino superfluum esse existimo, terebrarū autem formæ hæc sunt.

§ 4 Sed




# DE CVRANDIS VVL.



Sed quia quandoque in caluariæ fractura vel colli-  
sio ita ingens est, vt terebra totum illud amplecti  
minimè possit, peruestigandum est qua industria (si  
oporteat) id auferendum veniat: nam Galeni mo-  
dus, quem etiam Celsus confirmavit, horridus ferè  
vi-



videtur, quum caluariam clypeato, aut si malis, lenticulato scalp pro plumbeo malleo percusso, quantum sufficiat secare mandet. At nos triplici modo ubi opus requiritur, rem peragimus: aliud est nostris terebris toties perforare, quoad totum quod amouendum est, sit remotum, vt in his figuris videre licet.




Cuspides autem quæ inter circulos remanent, lenticulato scalp pro obtunduntur, nam modus iste (si os firmum aliquantulum existat) satis facilis ac tutus est, & à me fratreq; meo sæpius vsu comprobatus, sic vt superstites adhuc viuant aliquot ex his, quibus operam nostram, simul atque consilium communicauimus, inter quos Castagnedus Hispanus miles quinquagenarius bellico malleo aut (si mauis) claua percussus, terebratione reiterata, quod sat fuit è cranio seiunximus. Item infans biennis molitoris filius, casu à Germano milite lapidem proijciente, in sincipite magno ictu percussus fuit, hunc triplici perforatione curauimus. Christophorus Calceolarius agens annum circa vigesimum, bastili ferro, quod alabarda vulgò dicitur, quinque terebræ operibus rem perfecimus, nec non alios simili ope ad-  
iu-




DE CVRANDIS VVL.

iuuimus. Alius secāda caluariæ modus est, si in lo-  
gū secare intēdas ab vtraq; parte terebra os per-  
ra, & ab vtroq; circulo, ac si eos intra duas paral-  
las includere velles, elicies ciclisco, aut acuto scal-  
pro rasorio paruiore parabis, quo serra vltro citro  
que ferri minimè possit, inde quod intra vtrūq; osc-  
lū remanet, serra secabis eodē more procedendū est  
si in latum longumq; auferre cranium expediat, v-  
per has alias figuras comprehendere faciliè poteris.




Tertius modus est, quum sine terebellis sola serra &  
scalpris, præcipuè cum os amplum est, quod tunden-  
dum venit, auferimus, verūm vt dictum est, ad unco  
vel acuto scalpro, (si libeat) sulci parandi sunt, ne  
huc atq; illuc serra fluat, vel pedetentim secura ma-  
nu sola serra parare viam poteris, ac quantum opor-  
teat secare, ad hanc puta formam vel aliam, vt ipsa  
ossis affectio monebit.




Serra



Serra brevis esto, subtilis, dentibusq; bene acumi-  
natis, in medium minimè conuexa, cum forti manu-  
brio, ac longo, quantum manu commodè prehendi  
exerceriq; possit, ex quibus plures etiam paratas  
habere licebit, forma autem talis sit,




Atqui & nunc scalprorum formas hic describere  
non erit inutile, nam sola horum ope, saepe in vulne-  
ribus caesim factis ægros iuuimus.





DE CVRANDIS VVL.

Sed hæc hippomocleati vectes, eleuatoria a  
sta, sub silentio sunt prætereundi, quorum officio  
stris coruinis, vel gruinis, inuicem adiuuantibu  
non raro à labore, & periculo patientes liberau  
mus, vbi potissimum magna sit ossis labefactatio  
quorum formas hic subiecimus.



Nunc quomodo horum singulum in vsum veniat,  
expromere tempestiuum est. Duæ igitur terebra-  
rum figurae, quarta scilicet & tertia sphaerulam  
ossis secant, amplitudini instrumentorum & magni-  
tudini respondentem, & vsui præcipue veniunt in  
collisionibus vel fracturis, in quibus os firmum est,  
quod auferre est necessum, vel in fracturis punctim  
illatis, vel contusionibus paruis, vel quæ quandoq;  
ex sclopettorum glande fit, vel alterius rei similis,  
secunda verò ad modum rasorij scalpri in circulum  
radit, osculum in vitrea quantum lens est, parare  
apta est, reliquas partes circumcirca osculum exi-  
les admodum relinquens, quæ vel eleuatorijs fran-  
gi,



vel lenticulato scalpro abradi debent, ne acies vitrea relicta aliquo modo cerebro officere possit, ac etiam quò magis amplum foramen reddatur, commodatur, vbi osculum ab acuta terebra factum iungere aliquo modo velles, quod quandoq; accidit, vbi crassior sanguis, vel pus aliquod tenacius sub caluaria sint inuenta, vel vbi caries ossi imminet, quæ ad secundam vsq; laminam descendat, quod frequenter apparet in his qui syphillide diutius cruciantur, & non solum in capite, sed & in ossibus tibiae, humerorum omoplattæq; carie infectis vsui venit. Primum quidem quod capituli longioris acutiorisque formam refert in acutum os transfigit, ita vt osculum quantum milium, vel paruum ordeolum est, relinquat, aptè eo vtimur, vbi tantum caluariam transpirabilem reddere sit congruum, quò crassi vapores, vel sanguis ex aliquo ictu sparsus, nondum coactus, vel pus aliquod intra caluariam genitum, vel ab externo aliquo sinu interius resudatum, liberum (inquam) hæc omnia exitum habeant. Ad faciliorem igitur doctrinam fingamus in bregmate acceptum esse vulnus, cum leui illusione, quæ sensui manifesta non sit, symptomata autem de intrinsecus accepta offensa fidem faciant: osse prius (vt dictum est) bene, ac quantum sufficiat detecto, prima terebra illud ubi collisum est, transfige, ita vt sanguis sub eo errans liberè exire possit. Si verò hoc osculo facto vitream (quod in collisionibus plerumq; euenit) fortiter labefactam esse noueris, tunc quarta

te-



DE CVRANDIS VVL.

terebra maiuscula orificium auge. quòd si tibi hæ præsto non sit, tertiam sume, nam et ea commoda est, modò tutiore manu tractetur. Si verò fractura pateat, eaquæ in glandis formam (quod ut plurimum fit) sit facta, tunc terebra quæ totum os fractu amplectatur perforare oportet, illudq; eximere. Sed hic extra propositum non erit, curam à me factam auditu dignam pro exemplo in hominū memoriam exponere. Die secundo à Ceresolense conflictu (nam tunc temporis chirurgiam exercebam) profugus Hispanus quidam miles, qui in dextro bregmate infixam glandem plumbeam ferebat, supplex ad me venit, cui actutum manus adhibui, et quantū oportebat ossis denudaui, glandemq; coruino rostro strixi: hæc tamen tam tenaciter ossi adhærebat, ut sin magno horrore, ac etiam periculo illam educi non posse comprehenderem. Quamobrem eam alia industria educere putavi, sic ad tertium terebellū conuersus (non autem eo tempore quartum meum excitaueram,) quo deinde (ubi mihi oblata fuit occasio, semper ac felici astro usus sum) glandem cum exili ossis ciclo illam cingente prosperè extraxi, primis postea diebus, vsquedum sanguis, qui iam sub cranio coactus iacebat separari, in pusq; verti cœpit, simplo mellis rosati: triplum rosati olei, admiscui, imposuiq;, quod vice uersa cōmutaui, dum concoctio apparere cœpit, olei scilicet simplo triplum mellis adieci, postea solo melle, per dies aliquot contentus fui, cui postremo ordeaceam, et iridem addi-

di,



qua miscella sum usus ad tempus usq; ducendæ ci-  
utricis opportunum, circa carnosas partes eodem  
modo processimus (vt dictum est) phlebotomatus  
urgatusq; sic ut (fausto numine) in pristinam sa-  
nitatem restitutus fuerit. Si uerò glans obliq; præ-  
enderit, osq; ualenter cursim fricauerit, ac aliquo  
modo depresserit, fortè sat erit illud ciclicis, aut a-  
uminatis rasorijs ad duram usq; meningem fodere,  
fortè magna sit ossis fractura, quæ (etsi à paruis  
sclopettis non fiat, cum aliqua vitæ spe) contigit ta-  
men sæpius ex causa alia, quæ diuersam curam ab  
 hac minimè postulat. Cutis cautè secanda est, ne per  
 fracturarum rimas cerebri meninges exulceres, po-  
 tea ossis frustula, quæ non magno negotio educi po-  
 terunt, eximere scilicet digitis, & rostris: quod si  
 illa depressa sint, quæ adhuc firma persistant, tunc  
 eleuatorijs ad situm naturalem reducere nitendum  
 est, nec illa vi educere, sæpe autè reuiniuntur. Quòd  
 si super commissuris extiterit vulnus, idq; transpi-  
 ratione egeat, ea parte perforandum est cranium,  
 qua magis affectus vergit, vel si in vtranq; : com-  
 municet, ex vtraque: eiusdem verò commissuræ ossa  
 (nisi vehementius super cerebro deiecta fuerint)  
 ne trahas, vel vi educas, sed sat erit, orificijs scilicet  
 factis, quod depressum est, in commissurarum regio-  
 ne eleuatorijs ad naturalem situm, quantum valeas  
 reducere, ac sinere. Nam multoties (vt diximus)  
 religantur: quæ si reuniri amplius non valeant Na-  
 tura tutius, & minore negotio, illa separabit, & euo-  
 met,



DE CVRANDIS VVL.

euomet, quàm resistet symptomatis, quæ sequi solent  
 violentas membranarum extensiones lacerationes  
 quæ. Nam in commissuris dura meninx inseritur  
 per illasquæ; transit: quare si eadem ossa vi extrahe-  
 re tentaueris, meningem laceres in ea infixam nec  
 se est, unde phlegmones, conuulsiones, mox & in-  
 ritus sequuntur, timendaquæ; simul sunt & tempora  
 & occiput. His amplius à quacunque ossis ablatio-  
 ne statim aculei, acies, asperitatesue in vitrea reli-  
 quæ, qualescunque fuerint, summa diligentia aufer-  
 re, lenirequæ; oportet, lenticulato cultro, vel eleuato-  
 rio acie ferente, vel alio quopiam quod rei conferr  
 posse perceperis, ne duram meningem, quæ nun-  
 quam non mouetur, pungant, lancinentquæ;. Cuditu-  
 clypeatus culter plumbeo malleolo. Sed cum ho-  
 opus præstare intendis, vel scalpris radere, vel te-  
 rebris perforare, patientis aures gossipio, aut lana  
 aut panno in formam clauis paratis, obturanda  
 sunt, manibusque alterius auxilium ferentis, præ-  
 menda, quò & firmitus caput sedeat, & ne etiam  
 strepitu horreat. sintque tibi ea hora parati mollis-  
 simi, ac subtilissimi panni, in frustula redacti, qui-  
 bus exsiccare sanguinem, qui ex cranio frequenter  
 resudat, commodè possis. Omnibus igitur sic pera-  
 ctis, sericum, vel ex lino sindonem, in formam talem  
 constitutum, qualem cranij apertura coindicat, in  
 vino austero infusum, vel rosaceo, si sanguis aliquis  
 coagulatus cerebro immineat, cerebri membrana  
 superpone, & subtili, leni, curuoquæ; aliquo ferro sub  
 c ir-



circumquaque placidè accommoda, puluillis deinde  
ex mollissimis carpentatis linteis in austero vino ma-  
didis, rosatoque omphacitide melle rosaceo (vt su-  
pra dictum est) admisto imbutis, reliquum vulneris  
reple, demum linteum in eodem vino, vel aceto ma-  
didum, ac expressum rosaceo, oui albo, & bolo ar-  
mena illitum superpone, mel rosaceum, vel iuleb ro-  
saceum, olei loco, vbi amplius, nec digerere conue-  
niat, nec phlegmone timeatur, impones, et vulneris  
reliquū medicamento ex melle rosaceo, farina hor-  
dei, & iride perinde, (vt iam supra dictum est) cu-  
rabis, & cum cranei osculum carne impleri cœpe-  
rit, tunc os detectum leuiter raspatorijs radatur, &  
labra vulneris in locum suum paulatim reponan-  
tur: orificium tamen aliquod apertum relinquendo,  
quoad os integrè expoliatum cognoueris: quod lon-  
go temporis interuallo fit, quadraginta puta, vel  
quingenta, imò & quandoque sexaginta diebus.  
Pro qua re labra euersa tam diu detinere stultum  
est. Osse verò separato, cutem omnino euoca. Si au-  
tem vel propter Chirurgi negligentiam, vel patien-  
tis malum habitum, intemperantiamue, ad aliquam  
corruptionem deuenerit pars cerebri affecta, vt ali-  
quando mihi vidisse accidit, ad præcipitati pulue-  
ris, vel Aegyptiaci vsum illico deueniendum est:  
nam horum præsidio liberatos aliquot vidi, præci-  
pue agrestem mulierem, quam curam admirandam  
nunc subscribere intelligo. Agrestis quædam mu-  
lier quadragenaria circa finem Februarij mensis la-

Cura felix.

t pi-



## DE CVRANDIS VVL.

pide in sinistro bregmate percussa fuit: hæc cum a  
 ignaro agrestique barbitonsore curaretur, in dies  
 in deteriorem statum labebatur, ita vt de eius vita  
 omnino desperarent. Ad cuius curam circa nonum  
 diem secundus Botallus mihi frater (vir etenim in  
 Chirurgia exercitissimus: nā eo tempore sub eius  
 instituto Chirurgiam exercebam) conuocatus fuit.  
 Hic rectè symptomata perpendens, illico cutem ape-  
 rit, os detegit, & subsequenti die terebello perforat:  
 at in ea parte cerebrum penitus immobile vidimus,  
 durities ingens, cum nigritie apparebat, vt crusta  
 in carne facta omnino videretur: quamobrem de  
 eius salute plurimum diffidebamus. Verum non  
 omnino perterritus frater duplo ægyptiaci, rosacei  
 mellis simplum commiscuit, & cerebro superposuit  
 eodem die sanguinem è brachio misit, sequenti pur-  
 gavit. At dolores remitti cœpere, puris vestigium  
 aliquod apparere: quare & eundem, & tertium quo-  
 que diem in eodem medicamine persistere satius esse  
 duxit. Sequētibus verò diebus solo melle rosaceo cō-  
 tentabatur, cui imposterum, cum aliquantulum magis  
 exsiccare intendebat, & ireos, & hordei pollinem  
 adijciebat, sic vt ad finem vsq; feliciter rem duxe-  
 rit. Nam ex hac cura maiore admiratione sum  
 affectus, quam ex alijs aliquot, in quibus à princi-  
 pio meninx erat sauciata. Si igitur (vt dixi) super  
 cerebrū putredo, corruptelaue aliqua eueniat, quæ  
 melle abstergi non possit, puluerem præcipitati im-  
 misce, vel ægyptiacam, quantum sat esse rectè iudi-  
 ca-



caueris, omniq; industria simul humores in contrarias partes reuellendo purgatione, si liceat, vel reiterata phlebotomia, ac ceteris reuellentibus ingenijs. Sed quia corruptela hæc in curabilibus affectibus non contingit, vt plurimum, nisi vel ex ægri malo habitu, vel intemperantia, vel ex artificis improuidentia. Quomodo igitur, & quibus prouisio fiat, declarandum erit. Nam quæ dicta sunt, ad affectus tantum curationem pertinent. Curato igitur vulnere, prima die pannos in oxýrrhodino, & bolo armena infusis circumstantibus partibus superpones leuiter frigidos, si æstas fuerit: tepidos, si hyems. At in vtraq; tempestate repercutientia bis, ter uel in die sunt repetenda, ac sæpius, si dolor aliquis infestet, ijs vti licebit, quousq; phlegmones timetur. Hæc autem suspecta est, quoad suppurabit vulnus. Quum igitur suppuratio apparet, pannum in vino austero madidum pressum, ac calidum superponere satis erit. Sed attendendum est, ne frequentatis plus, quàm deceat, refrigerantibus, vulneris coctionem, quæ vi caloris naturalis perficitur, remoreris. Nam plures ignaros vulnerarios, ac quandoque alios, qui se plurimum in arte scire profitebantur, sæpius obiurgauimus, in hoc errantes. Phlebotomiam præterea statim à prima curatione ( nisi nuper à cibo sit, vel abundantius è vulnere emanauerit sanguis, vt vires deiecerit ) in cephalica brachij, affectam partem respicientis, facies, ac sanguinis tantum educes, quantum & vires, & tempestas indicauerint, affe-

Prouisio.

Repercutiē-  
tia.Phlebotō-  
mia,

t 2 ctum



DE CVRANDIS VVL.

*Etum semper supponimus: Si verò prima die non se-*  
*cta fuerit vena, poterit sequentibus diebus secari,*  
*secundo, vel tertio die, si æger plethoricus, vel caco*  
*chymus, vel purgationibus assuetus fuerit: purga-*  
*reque sequenti die corpus, conuenientissimum erit.*  
*pro qua re medicum accersire facias. Vbi verò Me*  
*dicus prestò non sit, in fine libri recurre, vbi aliquot*  
*medicamentorum purgantium formas annotauimus*  
*secundum præcipuas humorum varietates. Nam*  
*cas in omnibus capitibus inserere non libuit, tum*  
*quòd ad simplicem chirurgum corpora purgare nò*  
*speçtet, nisi coactus, tum etiam quòd in quacunq; cu*  
*ra recensendum esset, quod semel prolatum omnibus*  
*quodammodo satisfaciet. Ex maximè attendendum*  
*est, ne pharmacum vomitum cieat. Clysteria pari*  
*ter, si durus venter sit, sæpius indere iuuabit. Præ*  
*tereà frictiones à collo inceptæ, ac inferius ductæ*  
*ad plantam pedum vsq; supernè leuiores, asperio*  
*res infernè, ante cibum fiant. Quod si dolore, vel*  
*phlegmone, vel alio quopiam molesto symptomate*  
*tristetur, & vincula cum ijs, & balneatibys, & pe*  
*dibus addere, & venam resicare, & corpus repur*  
*gare oportebit, modò ab extrinseco horum sympto*  
*matum causa non proueniat, puta frigore, vel calo*  
*re, vel alio quopiam. Quare dum cura fit hyber*  
*no tempore, omnia calefiant, ac dum detectum vul*  
*nus est, labrum æneum cum prunis suprà retineatur:*  
*nec æstate omnino frigida sunt administranda vn*  
*guenta. Immoderatus etiam calor ex multis pan*  
*nis, &*

Purgatio.

Clysteria.

Frictiones.

Vincula.

Balnea.

Purgatio &  
phleboto-  
mia reite-  
randa.



nis, & stuppis, pellicijs calidiore conclauio, calidioribus applicitis medicamentis excitari potest. Quare oculatum in ijs chirurgum esse oportet. Non leuis enim pars est, circa hæc rationabiliter se gerere. Facile autem affecta pars à quocunque extrinseco commutatur. Quare attendendum est, ne eueniat, quemadmodum ijs, qui fracta membra inconsultò stringendo perdunt, vel hypochondria fotibus inflammant, aliunde tamen causam vestigantes. Idem in ijs casibus ignari artifices, rudiori ac impia manu vulnera prementes, asperèq; perfricantes illa recrudescunt, exasperantq; sic, vt eorum causa plerunque ex cutaneo, leuissimoque morbo, in vitæ discrimen, vel ad mortem ducantur patiētes, ita me dii ament, vt horum aliquot reprehendi. Ast non erit ab re, imò iuuabit quidem vnum ad hoc propositum exemplum, quod nuper euenit, annotare. Adolescens annum agens plus minus decimumseptimum in bregmatis sinistra regione ex paruo lapillo ab alio puero ludente manu iactò, cutaneum vulnus passus est. Hunc ( suo quidem damno immedicabili ) quidam chirurgus curæ suscepit, qui inepta, grauiq; manu, ac linteis asperis, sic impiè vulnus abstergebat, vt in dies, & vulnus magis recrudesceret, & carnem magis colliquaret. Puer autem in reliquis omnibus se bene gerebat, negotiabatur, heroq; suo ( vt moris erat ) inseruiebat. Vidi ego hunc eidem vulnerario submissum, quum vulnus recens esset: hunc autem tam impiè artem exercentem reprehendebam. Re-

Cura infelix empirico successa.



## DE CVRANDIS VVL.

spondebat is, crudelem esse oportere chirurgum, non  
 pium. Hunc reuisere destitui, propter affectus par-  
 uitatem. Circa octodecimum diem ad me recurrit  
 patiens, cui circum uulnus undequaq; sinuosa, an-  
 fractuosaq; erat reddita cutis, ubi & pus detineba-  
 tur, quod tantum premendo educi poterat. Quare  
 quemadmodum cavitatis eiusmodi authores fuere  
 impie frictiones, & molestæ pressiones, eiusdem si-  
 quidem & fuisse auctores non ab re asserendum est:  
 liquant autem carnes molestæ compressiones. At  
 quum hoc vidissem, cavitatem ad inferiore partem  
 aperire consului, quò materia calorem, putredinem  
 que cerebro non communicaret. Quod se factu-  
 rum pollicitus est vulnerarius; nullam. n. eo tempore  
 sedem habebamus permanentem, sed simul cum re-  
 gio exercitu omnes ultro, citroq; ferebamur. Qua-  
 re nec mihi illius visendi vlla concedebatur commo-  
 da potestas. Circa vigesimam quartam diem voca-  
 tus ad illum me contuli, sinum ingentem cum summa  
 putredine, ac fœtore inueni: nihil enim eorum, quæ  
 iusseram, præstiterat ignauus ille. Quod an arro-  
 gantie, an formidini ascriberem, non satis intellige-  
 bam. Circa vigesimam continente febre (vt retu-  
 lerant astantes) correptus est, collapsæ vires, sopor  
 instabat, oculi graues, tumidiq; , vrina sanæ. Hæc  
 omnia cum vidissem, vigesima quarta (vt dixi) cere-  
 brum offensum esse iudicaui, non quidem à principa-  
 li vulnere, sed ex putrida materia, quæ & intrinse-  
 cus resudabat. At statim cutem aperire, & os per-  
 fore-



forare consului, licet vires ferè in totum deiectæ essent, ratus satius esse, anceps admouere auxilium, quàm tutò ægrum morti derelinquere. At stupidus ille cùm audisset, os esse perforandum, Nisi febris esset (inquit) vulnus facile curam susciperet. Vigesima sexta tandem expirauit. Insi deinde cadaueris caluariam aperiri: vulnerarius autem, qui calumniam subterfugere sat agebat, fretus os iniuriæ, nec minimum à principio passum fuisse, id hilari vultu præstitit, inuenitq; ingentem sub cranio puris copiam, ac cerebrum ex ea parte liquatum, ac in pus versum. Hoc more cespitare solent, qui crassa quadam tantum ac fallaci experientia artem hanc exercent: quod vtiq; non contingeret, si in Galeni, Hippocratisq; libris insudarent, vel saltem artis peritis inservirent, quam diu artem callerent. Quod tamen semper facere abhorruit audax ignorantium turba. Ex similibus ædepol & alia enumerare possem, verum hoc exemplum sufficiat, & quò intelligatur, quàm facile sit ex capitis vulnere hominem interire, si perperam tractetur, licet ipsum simplicissimū, cutaneumq; sit, & vt inscientes, ignariq; discant, præstantius esse, sibi famā & ægris vtile obsequium alieno consilio parare, quàm stupido suo phantasma te vtriusq; iacturam facere: sed redeamus ad susceptum consilium. Suauiter igitur, quantum fieri possit, tractanda sunt vulnera, dicti Hippocratis, & Galeni semper memores, vt tutò scilicet, celeriter, & sine dolore, pro posse operemur, partes vulneri



DE CVRANDIS VVL.

Fascia.

Situs.

Aluus mol-  
lis.

Victus.

Potus.

circumiacentes singulo quoque die abstergere, ac ab omni immunditia nitidas conseruare oportebit, quod ex quacunque parte humores in halitum resolui parati patentes vias habeant, non autem sorditie obstrusas. Fasciæ prætereà tantum vt medicamenta immota cõtineant, apponuntur: quare ne strictæ sint, attendendum est: siquidẽ eæ (præcipue non assuetis) grauedinem excitant. Supremo loco sit sita, quæ afficitur particula, minus autem illuc feruntur redundantes humores. Verum si pus abundantius fluat, decline vulnus situm quandoque adiumetum feret. Aluus lubrica conseruetur, clysteribus, vel balanis, vel vnica pilula assumpta ex agarico, & aloe, singulo die, vel alternis diebus, nisi sponte excernat. Sit victus tenuissimus, ad septimum saltem vsque diem, vel vndecimum ad summum, vel decimumquartum, ex panatella scilicet, cum minimo vel olei, vel butyri, aut (quod magis laudo) cum iure pulli: potus, aqua cū saccharo, ac parū, si lubeat, cinnamomi cocta: ab vndecima vel decimaquarta, vino paucifero, pullis, epulis in iure caponis, vel vituli coctis, vt pane trito, vel condro, vel amygdalato, & similibus nutriatur: parcè tamen, ac horis suis, cœnam prandiumque sumat, quantitatem autem non modò cibi, sed & medicamentorum, unicuique determinatam ac propriam scientificè describere non possumus, sed à morbo, virtute, patientisque consuetudine petenda est.

De



**T**Horacis vulneris curatio nullo alio discrimine  
ab ea, quæ aliarum partium est, seiungitur,  
quàm differentie partium ratione: affectus autem  
idem est in omnibus partibus. Hæ tamen inter se di-  
uersitatem patiuntur non minimam, quare & curã  
hic nos aliquo pacto cæteris dissimilem cogimur de-  
scribere, prout partium diuersitas postulat. Si igitur  
illud dūtaxat extrinsecus fuerit, ut reliqua vul-  
nera curandum erit, primis scilicet duobus diebus  
unguentum ex præcipitato, vel alio quopiam, si hoc  
præsto non fuerit, eadem facultate prædito, vel solo  
butyro adiunges post ad ea, quæ leuiter abstergūt,  
exsiccant quæ, ut mel rosaceum tum simplex, vel cui  
sit addita terebinthina, aristolochia, farina hordei,  
& similia. Nec ab re erit, à secunda die ad quar-  
tum parum butyri recentis abstergentibus medica-  
mentis immiscere, deinde illud auferre. Forma au-  
tem talis erit: Recipe mellis rosati ꝑnc. i. terebinthi-  
næ, butyri recentis, an. drac. iij. farinæ hordei, aristo-  
lochiæ rotundæ, an. drac. i. misce, & lychnia, puluil-  
los uē inungas, qui vulncri imponi debent. Super  
vulnus verò hoc aliud superpone. Recipe album  
vini oui, olei rosati, ꝑnc. i. boli armene ꝑnc. i. sem.  
omnia diligenter rudicula incorporentur, & panno  
per tres digitos circumquaque vulnus capienti in-  
posca infuso, ac expresso, superponatur, & parti ap-  
plicetur; frigidum, si æstas sit; tepidum, si hyems. At  
loco



DE CVRANDIS VVL.

loco huius, vbi pus apparere incæperit, vel emplastrum ex chalcitide, vel tripharmacum ex oxaleo & argenti spuma confecto, super panno extensum, sic vt spatium tantum vnus digiti, circunquaque vulnus amplectatur, appones, & cum abstersum conspexeris vlcus, nullaq; abundante humiditate molestum, vt vulnera cæsim facta, quibus carnis aliquid deest, curabis. Ad cuius intentum tale medicamentum laudamus. Recipe succi myriophylli, mellis rosati, terebinthinæ, an. vnc. i. farinæ fabarum, farinæ hordei, an. drach. ij. & s. thuris, aloes, aristolochiæ rotundæ, an. drach. i. ad ignem omnia rudicula cōmoueantur, incorporenturq; , ex quo lychnia intingantur, vel isis epigoni. At si in cauum glans permeauerit, lethale est: & si organorum internorum nullum offensam aliquam ex vulnere susceperit: non penetrant autem sine aliqua ossis læsione, nisi ordeolum plumbeum tantum sit, quod vulnus infert: nam hoc intra costarum spatia permeare potest, illæsis ossibus: glans verò non sic, sine costarum, vel reliquorum quorundam ossium thoracis fractura. Hinc fit, vt & dolores excitentur, & phlegmones fiant, ad quæ frequenter mors subsequitur. Verum enimverò non Medici est, vniuersos affectus sanare, sed tantum quæ artis sunt, eorum nihil omittere: ob id. n. neq; ope destituendi sunt ægri, neq; spe. Nam sæpe vt mortuos destitutos, viuere vidimus. Præterea & qui moriuntur, minore anxietate, ac cum salutis spe vltimum vitæ agunt. Secus

Medici mu-  
nus.

au-



autem qui à Medicis & ope fuerint deuelicti. Sagax igitur artifex, neque deploratum penitus destituet, neque serò quod prænouit, periculum, vel mortem præſagire differet. Agedum si pulmo, vel metaphrenon, vel pericardium vulnere sint affecta, salutis spes nulla relinquitur, sed curandus est æger (vt iam dictū est) quò minore mœrore residuū temporis vitæ suæ transcurrat. Si vel cor, vel magnarum arteriarum, venarumue aliqua sint lacera, è uestigio moritur, actutum autem cum spirituum, vel sanguinis effusione, & anima ipsa effluit, quare neque opus Medicum desideratur. Penetrationis autem signa, sanguinis sputum: infallibile autem per vulnus respiratio. Pulmonis verò ostendunt tussis asidua, sanguis spumofus, per os, per vulnusue emissus. At cordis, sanguinis nigri, magnarum venarum venosi sanguinis, ac multi, magnarum arteriarum serosi, ac rubri, sanguinis emissio, ad quæ extemplò mors sequitur. Sed si vulnus penetrās sit, sine organorū intrinsecorum læsione, salutis adhuc spes aliqua habenda est: quare si glans intra ceciderit, sic vt per vacuum erret, ocysus laborandum est, vt educatur: aliter modò metaphrenon, modò pericardium, prout æger mouebitur, comprimet, ac asperitate sua vellicabit. Situabis igitur ægrum sic, vt partium thoracis infima sit, quæ afficitur, mox specillo flexibili, aureo puta, vel argenteo, uel æreo, in hanc formam flexo, circum vulnus molli-ter peruestigabis. Verum si illa non appareat, iube ægrum

Signa uulne-  
ris penetrā-  
tis.

Signa pul-  
monis uul-  
nerati.

Si organa  
non sint læsa



ægrum huc atque illuc moueri. Sit is super lecto  
vel mensa stratus, ac vulnus pronum semper: &  
cum glandem inueneris, specillo in cuspide lato, i  
huncq; modum reflexo,



versus osculum placidè trabe, quæ gruino, aut cor  
uino rostro præhensâ educatur. Quòd si parum pe  
vulnus ampliare oporteat, per costarum longitudi  
nem sectionem facias, non maiorem tamen, quàm  
glandis exitus requirat. Hic autem est modus au  
cupandæ glandis, & in pectore, & in inferiori ven  
tre, si contingat non (vt imperiti quidam faciunt)  
qui sedente ægro, recto specillo, aut quouis modo,

uel



vel sine arte flexo, glandem venantur, vltro, citroq;  
 per pectoris, ventrisq; cauum illud nulla experien-  
 tia, nullaque industria vagum ducentes: ducta igitur  
 glande, ac sanguine (si fuerit) (exit autem san-  
 guis, nisi congelatus sit, sine labore, ac sola vulneris  
 inclinatione) vulnus hoc vnguento curabis. Recipe  
 olei rosati omphacitis drach. iij. terebinthinæ drac.  
 i. pulueris præcipitati scrup. iij. omnibus inuicem  
 bene mistis clauus intingatur. Hoc autem primis  
 duobus satisfaciet, non vltra. At, quod silentio præ-  
 tereundum non est, cum in hoc plures errent, præci-  
 pue qui anatomen ignorant, sit clauus ex pãno mol-  
 lissimo, non magnus, ne premendo liberum transpi-  
 rationis motum impediat: nec longus, ne pulmo suo  
 continuo motu, ac carnis molliæ illum perfricando  
 exulceretur. Satis igitur superq; erit, si longitudine  
 pleuram attingat, magnitudine quantum osculum,  
 ad pus (si fiat) vel sanguinem (si intus remanserit)  
 educendum, patens conseruet: supra autem more  
 emplastri, donec pus apparere liberè incæperit, mi-  
 sturam applicabis ex ouorum albo, rosaceo ompha-  
 citide, & bolo armena, vice huius (vulnere coctio-  
 nem indicante) vel barbarum, uel ex chalcitide con-  
 fecta emplastra, superpones, clauos verò à secunda  
 die hoc medicamento inunges. Recipe butyri recen-  
 tis drach. ij. mellis rosati vnc. sem. terebinthinæ, uel  
 glutinis alboti drach. iij. aloes, farinae hordei, pul-  
 ueris ireos, an. drach. i. misce. Elapsis octo diebus  
 butyrum amoue, & mellis dosim dupla. Intra tho-  
 ra-

Penicillus  
 qualis.

Longitudo  
 qualis.



DE CVRANDIS VVL.

racem, si sanguis coactus sit, uel pus colligatur, me-  
trenchite injici poterit, uel mulsa simplex, uel in  
qua sint cocta liquiritia, carica, & passe vnae, In  
hyeme addito aliquid praxij, vel minoris centau-  
rij, uel lupinorum. Sed præter hæc & vulnus quan-  
doq; non penetrare à principio uidemus, quod suc-  
cedentibus diebus transpirabile fit, quoniam putre-  
scit interior membrana, si contusa sit: at diuerso mo-  
do à supradicto non curatur, nisi quòd in hoc clauus  
penetrans imponi non debet, sed ocysimè quantum  
fieri potest, ad incarnationem, & cutis regeneratio-  
nem properandum est. Non enim ex hoc sanguinis  
vel puris à thoracis cauo aliquid educere speramus.  
Secus autem ubi à principio peruasit. Atqui neq;  
omnino vacat periculo, sed medium est inter hoc &  
illud, quod carnosam partem tantum sine penetra-  
tione infestat. Cæterum providere ne ingrauescat  
sanabilis affectus, non parua res est. Porro pro-  
uidendi ingenia artificii mediocriter exercitato,  
statim se exhibent, cum causas prænouerit. Sunt  
autem magna ex parte fluxiones, quæ tanto plus  
molestæ fiunt, quantò repletius, vel mali succi pa-  
tientis corpus inuenerint, ac iterum inualescunt ma-  
gis, si extrinsecarum causarum aliqua, vel aliqua  
in eorum fauorem intendant, ut puta immoderatus  
motus, inordinatum ac malum victus regimen, &  
cætera similia, quæ sub ijs sunt. Sit igitur hoc tibi  
prouisionis principium, primò circumpositas affe-  
ctui partes repellentibus munire inuncta parte oleo  
melli-

Prouisio.

Quibus pro-  
uidendum.



mellino, vel myrtino, vel omphacitide rosaceo, vel  
 omnibus, vel quibusdam ex ijs mistis, pannum in  
 omphacio, vel oxycrato madidum, ac pressum su-  
 perpones, sæpius die noctuque renouando, frigide  
 si æstas, calide si hyems fuerit: & hoc quandiu phleg-  
 monis aduentum timemus, cuius nos tutos reddet  
 vulneris suppuratio: ab ijs statim curato vulnere  
 (modò ne cibus nuper præcesserit) venā secato ex  
 opposita patientis parte mediam vel basilicam.  
 Quòd si prima die id factum non sit, & pars affe-  
 cta quoquo modo phlegmone molestari inceperit,  
 ab eadem parte venam tunde, & tantum sanguinis  
 euacua, quantum patientis vires indicabunt, non  
 spreto quod ab ambiente sumitur indicio. Corpus  
 deinde purgato, præcipuè si malis succis sit refer-  
 tum, tales educendo humores, quales prædominium  
 habere comprehenderis. At hoc maximè attenden-  
 dum est, ne vomitum moueant pharmaca, quoties-  
 cunque in aliquo uentre acceptum fuerit vulnus.  
 Caput enim replent, & thoracis vniuersasque par-  
 tes violento motu vexant, ac quandoque lancinant.  
 Nam hæc repetere forte quandoque iuuabit. Me-  
 dicamentorum autem formæ tales erunt, ad bilem  
 primò respicientes. Recipe rhabarbari electi, &  
 subtiliter puluerizati, drach. i. & sem. cum iuleppe  
 violato fiat bolus, quem capiat hora electa, & sta-  
 tim superpotet infra scriptam potionem. Recipe sy-  
 rupi rosati laxatiui vnc. ij. aquæ buglossæ tantun-  
 dem, misce: capiat subito post assumptum bolum.

Si

Sanguis mis-  
lio.

Purgatio.



DE CVRANDIS VVL.

Si autem hyberno tempore fuerit, Recipe rhabarbari electi drach. i. agarici optimi, drach. sem. cinna-  
momi scrup. i. omnia in subtilissimum veluti polli-  
nem redacta, cum melle rosaceo fiat bolus, quem ca-  
piat hora electa, cui repente superpotet infra scri-  
ptam potionem, Recipe mellis rosati colati vnc. iij.  
aque buglossæ vnc. ij. misce. Hæc sint satis de pur-  
gationibus. Aliquot item infra descriptas compe-  
rics ad propositum. Id nosse nunc satis erit, agari-  
cum, rhabarbarum, & similia, si in bolis disponan-  
tur (vt fecimus, sic vt amaritudinem gustus non per-  
cipiat) vomitum non facile ciere. Secus autem si in  
potibus dissoluantur, vel infundantur. Verum si in  
corpore boni habitus contingat, facta sectione ve-  
næ, forte sat erit, vincula administrare, & alium  
clysterijs mouere. Situs pariter ad bonam prouiso-  
nem non parum conducit. Prestat autem vt vul-  
nus supernè situetur: nam pulmo, si circa eiusdem re-  
giones illud sit, continuò suo motu, non tantum vul-  
nus perfricando recrudescet, sed sibi æque obest: si  
nanque vel sanguis, vel pus sit collectum, sat erit  
quandoq; se super vulnus inuerrere, vt illa exeant,  
non perpetuò supra illud insistere. Pauca loquatur  
eger, propter laborem: nam longo sermone defati-  
gantur omnes thoracis partes. Tussis præterea non  
infestet, laborandum est. Aer temperatus sit, vbi  
egrotus moram trahit, ne intrinsecæ partes thora-  
cis, frigidior aere quàm fuerint consuetæ, tristen-  
tur. Facile siquidem tussi exagitur refrigeratus  
pul-

Vincula.  
Chlysteres.  
Situs

Sermo bre-  
uis.  
Tussis.  
Aer.



*pulmo. Quare ocysimè curandus est æger, ne diu-  
tius per vulnus aerem trahat. Nam & si is calore  
vel frigore non noceat, infestabit tamen sua siccita-  
te, qua facillimè pulmones molestiam suscipiunt.  
Parcissimè nutriatur, quoad symptomata mala ve-  
rentur, puta panatella in iure pulli, vel cum oleo  
oliuarum dulcissimo, vel oleo amygdalarū dulcium  
vel recenti butyro. Potet mulsam, si non abhorreat,  
aliter aquam cum abundanti saccharo, & caricis,  
vel passis vuis, uel liquiritia. Elapso symptomatum  
timore, pullinis, vitulinis, caprinis, auiculis, ouis,  
& similibus, ac vino paucifero parcè nutriatur, sic  
vt ad consuetudinē paulatim regressum faciat. Ani-  
mi motus non modò hic, sed in omnibus reliquis cu-  
ris cogendos esse supponimus, quemadmodum &  
moderatos somnos conciliandos, si molestæ fuerint  
vigiliæ, vt in vulneribus iuncturarum sæpe acci-  
dit. Verùm enimuero non rarò, præcipuè tamen in  
vulneribus punctim, vel casim factis, sanguis colle-  
ctus, ac coactus in thorace retinetur, qui postea  
ægris negotium faceßit, ita vt nisi artis peritia suc-  
curratur, ad interitum sine spe salutis labantur.  
Quamobrem fore nunc iustum existimaui, quo inge-  
nio ipsi opem ferre liceat, explanare, vt eos artifices  
metu exuamus, qui formidine oppressi, quod ipsa  
ars potissimum exigit, minus tentare solent, vt non  
nullos, quos in hoc casu, ac in alijs, in quibus non  
erant exercitati, & monui, & obiurgau. Quum  
igitur sic sanguis in thorace remanserit, qui per vul-*

Cibus.

Animi mot<sup>9</sup>

Somnus.



DE CVRANDIS VVL.

Iudiciãtia sã  
guinẽ in pe  
ctore,

nus commodè educi non potest, vel quia hoc paruum  
est, & supernis partibus iacet, vel quia in loco est,  
qui plagæ dilatationem sine maioris noxæ periculo  
sufferre minimè potest, vt circa spinam exitus alius  
tunc parandus est. Sed vt is & in loco minus mole-  
sto, & opportunè fiat, idcirco signa indicantia, &  
locum aptum ad institutum hoc prius exponere li-  
cebit. Proinde si sanguis in thoracis cauo collectus  
fuerit, pondus super septo transuerso semper, dum  
rectus manebit, percipiet æger: & si pronus, vel  
stratus huc atque illuc se circumuoluat, prout mo-  
uebitur, illum fluere, ac refluxere sentiet: respiratio  
magis impedita erit, cum rectus perstiterit, vel si  
stratus sit in partem sanam vertatur, sanguinis quic-  
quam, vel puris cum sputo miscebitur, non tamen  
vt sanguinem per se expuat, nisi pulmo sit vulnera-  
tus. Tussis, color faciei ad plumbeum vergens, oculi  
caui fient, & respiratio quoquo modo putida. Hæc  
cum apparuerint, sanguinem, vel pus, in thorace  
esse intelligere oportet, exitum liberum postulan-  
tia. Pus autem in thorace similiter colligi potest,  
etiam si ab accepta plaga sanguis illuc minimè de-  
scenderit. Ex pure scilicet quod à proprio vulnere  
paulatim in cauum effluit. Exitus itaque fieri po-  
test inter tertiam & quartam costam, incipiendo  
ab inferiori parte, vel inter hanc & quintam,  
vel adhuc inter hanc & sextam: sed supra hanc  
incommodissimè euacuari potest, quod in thora-  
ce continetur: & infra tertiam suspectissima, imò  
&



lethalis est incisio, propter septi transversi con-  
figuitatem. Ab eo verò, qui inter tertiam & quar-  
tam est, facillimè expurgatur, & non multi pericu-  
li. At media est etiam purgationis facilitate, quæ  
inter quartam & quintam sit, & minoris periculi:  
quapropter semper inter has duas sectionem & fe-  
ci, & fieri iussi, ut plurimum cum felici successu.  
Sedeat igitur æger super cathedram, & inclinet ali-  
quantulum versus sanam partem: vel si imbecillis  
sit, stratus super lectum sanam partem reponat, &  
è directo sub axilla, ubi ferè cubitus cadit, nouacu-  
la bene scindente secentur muscoli intercostales in-  
ter iam dictas costas, & cum ad pleuram pervene-  
ris, leuiore manu illam seces, ne nouacula impetuo-  
sè inuento vacuo septum transversum exulceret,  
sat erit osculum facere, quantum oliuæ folium in-  
trare possit: quo factò, æger in partem hanc paulu-  
lum inclinet, quò vel sanguis, vel pus exire valeat,  
ne tamen in totum educantur, sed paulatim in sex,  
vel octo diebus, vel quindecim, si contenta in multa  
copia existant, quibus diebus metrenchite mulsa  
temperatè calida inijciatur, laueturq; in qua hys-  
sopum, prassium, caricæ, passas vuas si velis, coque-  
re poteris, si ualentius, uel exiccare, uel calfacere  
uelis. Verùm ubi neutrum horum desideratur, sola  
mulsa per se sufficit. Verùm enimverò quod animad-  
uersione adhuc dignissimum fore existimo, est (præ-  
sertim cum inter tertiam, & quartam costam facta  
fuerit sectio) ut metaphrenon, quod ibi maximè pro-



DE CVRANDIS VVL.

pinquum est, lancinare caueas, uel clysterijs fistula  
ultra modum imposita, vel lotionem vi impulsam: qua  
propter tutius, inò etiam utilius erit, clysteris fistu-  
lam nò ultra pleuram immittere, & lenissimè quan-  
tum poteris, lotionem infundere. Ab us osculum  
apertum conseruetur clauo, ex filaminibus, vel pan-  
no leui lineo confecto, qui nec longus multum sit, ne  
septum transuersum tangat: nec durus, nec crassus  
valde, ne vi immixtus dolorem faciat. Hunc autem  
oui albo prima die imbuere poteris, & circunstan-  
tes partes vnguento ex oui albo rosaceo & bolo ar-  
mena duobus tribusue sequentibus diebus, illinia-  
tur clauus vnguento ex terebinthina, oui luteo, &  
croci parum, confecto, mox melle simplici, vel rosa-  
ceo, si magis velis: quibus ( si libeat exsiccare ali-  
quantulum magis ) iridis puluerem, vel aristolo-  
chiam, vel similiū aliquid adijci poterunt, pro ca-  
taplasmate conferentissima erunt ex chalcitide di-  
ctum emplastrum, vel quod ex exeleo, & argenti  
spuma paratur. Cum thorax mundus & vacuus  
fuerit, & osculi caro sana, & puris vel minimum,  
vel nihil in cauum amplius colligitur, tutò eo tem-  
pore consolidari potest apertura, ante sectionem  
corpus purgare, vel sanguinem mittere, si vires fe-  
rant, oportet: quòd si hæc non satis respondeant,  
crura vincire fortius oportet, præcipue in hora ope-  
rationis, item & diebus aliquot succedentibus, non  
spretis frictionibus, clysteribus, victus rationem si-  
militer patientis virtuti conferendo.

De



De vulnere ventris inferioris. Cap. XV<sup>III</sup>.

**I**Nferioris ventris vulnus si epigastrij tantum partes infestet, vel circa lumbos absque penetratione, & spinae laesione sit, non secus ac vulnus simplex in carnosaque parte acceptum curandum est, glandis scilicet educatione primò, mox contusæ ac lacerae carnis ablatione medicamentis ad hoc dictatis, eo videlicet, quod cum puluere præcipitati paratur, vel ægyptiaco leuiore, vel alio quopiam simili, quibus accedat à secundo die conueniens abstergentium cum leuiore exsiccatione vsus. At si glans in cauum vsq; peruasit, & partium internarum aliquam, puta hepar, vel splenem, ventriculum, vel intestina, siue ea gracilia, siue crassa sint, vel vesicam, vel venarum arteriarumue magnarum aliquam, siue renes sauciauerint, spes salutis penitus frustratur. At si nullum horum vulnere affectum sit & glans educta, bene sperandum est: verum non sic, vt periculi expers omnino dici possit. Quare cautum artificem esse oportet, non tantum circa agenda, sed & circa prognosticum, ne ignominiam ex perperam facta prædictione sibi asciscat. Si igitur glans sine prædictarum partium laesione epigastrium vtrinque peruasit, vt mihi vidisse aliquando contigit, curationis modus ab antedicto non varius est, quantum ad id, quod ad vulnus ipsum spectat. Nec hoc ampliandum esse laudo. Nullius autem frugis erit, sed damni potius. Nam quo maius osculum



DE CVRANDIS VVL.

redditur, ab extrinseco aere magis læduntur viscera  
vnde & maior redditur affectus. At si partium di-  
ctarum aliqua vulnerata sit, proficiet utiq; nihil ep-  
gastrij osculum latius reddere. At si glans intus re-  
manserit, & certum signum nullum habeas de læ-  
sione dictarum partium, laborandum est, ut educa-  
tur, ægro super vulnere decumbente, huc atq; illuc  
se ducente, sic tamen, ut vulneris osculum versus  
solum è directo prospiciat, mox specillo flexo, prout  
in vulneris thoracis curatione, dictum est, ab artifi-  
ce exercitato peruestiganda est, & inuenta educen-  
da. Quòd si inueniri non possit, & vulnus in parte  
sit, quæ dilatationem sine multo discrimine pati  
possit, ampliandum est per musculorum longitudi-  
nem, quantum digitus index facillè possit immitti,  
sed pro dilatatione instrumentum omnino acutæ cu-  
spidis, expers sit, ne fortuna intestina pungantur.  
Quò facto iterum æger super binas mensas paulo in-  
ter se distantes reponatur, ac status super vulnus de-  
cumbat, & imposito digito, moveatur huc, atque  
illuc æger, parte item sauciata, continuò versus so-  
lum inclinata. At si inueneris, educas: quòd si non,  
sinito. Aliquot hercle vidi in inferiore ventre cum  
penetratione sauciatos, qui cum glande supervixe-  
runt: quod non foret, si eam perquirere, ac extrahe-  
re conati fuisset. Inter quos superstes adhuc vi-  
uit Paulus Bergomensis loricarum faber, qui Che-  
rij habitat. Is autem vulneratus fuit paululum su-  
per inguinem dextrum cum penetratione, à quo  
glans




glans educi, nec inueniri potuit. Non tamen vt vul-  
nus ampliaretur permisi: sic nostro consilio (post nu-  
men) adiutus est, & sanus viuit, ferens in ventre  
glandem intus: igitur permittenda est potius, quàm  
periculosam sectionem facere, vel eam cum minima,  
vel fortè nulla spe optati finis potiundi. Cura præ-  
terea vulneris modo iam supradictò prosequenda  
est. Quòd si sanguinis aliquid in ventrem fluxerit,  
vino mulso, calidoq; lauetur. Idem fac, si pus in-  
troeat, & quum ventrem sanguine & pure vacuum  
videris, & vulnus mundum, beneq; dispositum, con-  
solidationi, glutinationiq;, quantò celerius fieri  
potest, attendendum est, primò carnem replentibus,  
si hæc desideretur: vt recipe thuris, aloes, farina  
hordei, an. drach. i. terebinthina pura, mellis, succi  
myriophylli, an. drach. ij. cum succo primitus, mi-  
sceatur farina, deinde ad ignem dissolue terebinthi-  
nam, & mel: quibus simul addantur omnia, & opti-  
mè misceantur. Hoc vnguento illinantur lychnia,  
& puluilli ex mollißimo carpentato linteo. Pro ca-  
taplasmate diachalcitidem eo more paratum, ac  
ipse affectus indicabit, appone. At cum carnem,  
penè quantum conueniat, creuisse videris, ad ea,  
quæ adstringunt cum exsiccatione recurrendum est,  
vt mel cum puluere balaustiorum, mastiche, & te-  
rebinthina: pro cataplasmate verò chalcitidis, cui  
sit mista decima pars aluminis rochæ. Præterea fo-  
uere vulneratam partem spongia in vino madida, in  
quo sint cocta balaustum, alumen, & sicca rosa: d



DE CVRANDIS VVL.

fomento siccetur, & medicamentis dictis curetur. Si autem ex vulnere exciderint intestina, & flatu tumeant, hunc fomentis calidis ex aqua, uel quod melius est, uino calido dissoluere laborandum est, illaq; in uentre reponere. Quod si ijs præsidijs non inueris, dilatare uulnus cogeris. At hic summa diligentia uti decet, ne intestina sauciantur. Situatur igitur ager, ut uulnus sursum uergat, deinde laminam habeas corneā, ex qua lanternæ fiunt, sit autem semipedalis longitudinis, ac tantæ latitudinis, quātum uulnus concedit, in hac puta forma parata,



Hanc (inquam) à tenuiore parte in uulnus mittes, quæ per binos transuersos digitos ad summum infra peritoneum descendat, reliquum uerò sinistra manu flectatur uersus uulneris partem sectioni oppositam, sic ut eadem manu, quæ exterius sunt intestina, immota, ac sub lamina teneas, quoad sectionem feceris. Nouaculam autem ad hoc munus sat commodum instrumentum est, & modus dilatandi tutissimus, ac facillimus. Tanta fiat in abdomine apertura, quantum ordine reponi possint intestina: & si epiploon exciderit pars aliqua, eaq; liuida, ac nigricans sit, ligetur filo serico, uel lineo, & quod extra vinculum remanet, totum amputetur. Nec filum longum relinquere est necesse, quinimò neque



tutum, vt Galenus in vulnere ventris cæsim factò iubet. In missis intestinis glandem perquirere si oportet, & ( vt suprà dictum est ) curæ reliquum perficies, suta tamen primò plaga cæsim facta, perinde vt fiuntur vulnera ventris, quibus sutura debetur: nec secus eadem pars curari debet, ac vulnera se-  
 cta, oui albumine primò, mox terebinthina cum aristolochia, & similibus. Sed nec hic prouidentia sub  
 silentio sunt pratercunda, quæ primis diebus magis conueniunt, puta phlebotomia ex brachio eiusdem partis, verum non copiosa multum, si tantum epigastrium fuerit affectum, purgatio, vincula brachijs administrata, tibijsque, tenuis victus, quies, vulnus supernè situatum, nisi quandoque per id pus, sanguinemq; percolari velis, alius mollis medicamentis ( nisi spontè & liberè deiciat ) conseruetur.

Prouidentia

## De cura artuum, Cap. XV IIII.

Modò itaque expletis curis, quæ capiti, thoraci, & ventri inferiori debentur, superest, vt reliquarum partium vulneris curationem exponamus, brachiorum scilicet, & crurium, per quæ nunc intelligimus totum, quod infra iscbion, & infra humerum continetur. Si itaque vulnus in sola carno sa parte constitit sine peruassione, specillo glans perquirenda est, & inuenta rostro aliquo educēda. Et quia hæc ( nisi statim ab accepto vulnere sit ) difficile inuenitur, oportet membrum in altum leuare, quò



DE CVRANDIS VVL.

quò iterum descendat. At si non inueneris, omitte: neque enim propterea vulnus ampliandum est. At si ex opposita parte cutaneam se ostenderit, ibi aperire, ac illam educere licebit, attentus semper, ne ex venis maioribus, quæ versus cutem feruntur, aliquā feces. Si autem utrinque peruasit, labore venanda glandis absolutus, curationi attendendum est: cuius processus talis erit, Si distent inter se foramina, tunc lychnus subtilis ex gossipio retorto, vel mollissimo linteo paratus specillo instar acus, ex altera parte perforato utrinque ducendus est. Quòd si transitus liber non sit, propter musculos, qui mutato membri affecti situ, illum intercludere quandoque solent, non propterea vi (ut plures faciunt) flammulam ultro educere nitendum est. Nam sat erit ex utraque parte clauum lintheum imponere, & vnguentum in vulnus instillare, quò in profundas partes feratur. Vnguentum autem est id, quod laudare consueui, ex butyro, & puluere præcipitati, vel ex mitiore ægyptiaco: verum in corpore sano sæpe solo butyro, quoad caro contusa separari incipit, contēti sumus. Sed expeditius segregatur, si duobus primis diebus vel primo tantum præcipitati puluerem addideris, quo vnguento illinantur lychnia, vel clauī, vel puluilli, qui vulneri immittuntur, supra verò circumstantes partes medicamentum, quod ex rosaceo, oui albumine, & bolo armena paratur. Hoc autem tutò uti peteris ad quartā vsque diem, & ultra, si phlegmone timeatur. Apparente signo ali-



aliquo concoctionis, simplo butyri duplum mellis ad  
 de, quoad bene coctum pus esse noueris: cui mox suc-  
 cedit vsus istius sequentis, Recipe succi apij, succi  
 myriophylli, terebinthinae, an. vnc. i. mellis vnc.  
 ij. farinae fabarum, farinae hordei, an. drach. ij. ari-  
 stolochiae rotundae drach. i. ss. aloes drach. i. primò  
 pulueres cum succis, & melle ad ignē immisce, mox  
 terebinthinam, & aloen adde. At si in magno aestu  
 sit, vel pars affecta aliquo calore tentetur extra-  
 neo, loco apij, succum plantaginis adhibe: & si ab-  
 stergere magis velis, dosim mellis auge, vel succum  
 chelidoniij immisce. Quod si siccare magis, lythar-  
 gyrum subtilissimè tritum, calcemue saepius lotam,  
 ac siccata imponere. Quum autē vulnus abstersum  
 bene, in quo non superabundet pus, perceperis, ad  
 ea, quae carne replent, deuenire licet; vt, Recipe te-  
 rebinthinae vnc. ij. mellis vnc. i. aloes, thuris, farinae  
 hordei, an. drach. i. aristolochiae darach. sem. misce.  
 Attendendum est, vt hoc tempore, & subtiliores,  
 & pauciores clavi fiant, et si lychnium vtrinque sit  
 ductum, apparente plagae mundificatione, statim  
 auferendum est, & clauos exiles immittere, eòsque  
 in dies breuiore reddere, non secus, ac si vulnus ca-  
 sim factum curare intelligas. Verum si ossa fracta  
 fuerint, maiore diligentia occurrere operæ pretium  
 est, cum propter morbi iam facti magnitudinē, tum  
 propter futuri timorem. Non enim in iis facile cor-  
 riguntur inflammationes, quibus tamen facillimè  
 corripuntur. Vulneris igitur huiusmodi curatio  
 di-

Si ossa fracta




DE CVRANDIS VVL.

Dolor qui-  
bus fit.

diuersa medicamentorum genera à suprascriptis nõ  
requirit. Sed vehementius attendendum est, ne do-  
lores fiant. Ii autem excitari vehementer solent,  
vel situ membri improprio, vel molesto eiusdem mo-  
tu, vel ligatura strictiore, vel munimentis, cooper-  
turisue parcius, vel abundantius apposisis, quò fri-  
gus patitur, vel abundantius calor incenditur, uel  
medicamentis facultate calidis, uel uiscositate sua  
fuliginosos halitus perspirare prohibentibus, uel im-  
moderato repellentium usu, quo affecta pars calore  
innato exurit, aut cõcentratus magis inualescat,  
sic ut stipata cute aestuet, uel aliqua re pungente, ut  
ossis frustulum, uel ex humorum multitudine, siue  
uitio, in patientis toto corpore, uel aliqua parte cõ-  
tentorum, ad affectam partem fluentium. Ceterum  
ex multis erroribus cùm ab agris, tum ab ineptis  
chirurgis commissis, qui nimia curiositate, non raro  
ossa educendo, glandem uenando, uulnus dilatando,  
contrariam partem aperiendo, agros dolore iugu-  
lant, circa quæ omnia sollicitum esse uulnerarium  
oportet, ut ratione morbo obstare ualeat: quod face-  
re (non nisi casu) poterit. causam affectus, si ignora-  
uerit. Hæc repetere nunc libuit, quo in rebus peri-  
culosis, in quibus inconsideratè frequenter præcipi-  
tant parum in arte exercitati, attentos eos magis  
reddamus. Quum igitur ægrum curandum habue-  
ris, & glans in membro adhuc sedet, patientem su-  
per strato, vel mēsa decumbere facito, & artificio-  
sè, cum minimoq; dolore, glandem aucupare: quam  
si



si inueneris, educas. Verum animaduerte, ne deceptus os trahas, ratus glandem esse. Ossa autem, nisi omnino sint à membranis seiuncta, vi educi non debent, vt supra in proprio capite dictum est. Curabis igitur vulnus, perinde vt simplicis curationem descripsimus, siue glans vtrunque peruasèrit, siue non. At curato vulnere vena secetur ex opposita parte, nisi repente sit à cibo, deinceps in strato repositus affectum membrum accommodabis, quod quietum, ac immotum, pro viribus conseruetur. Quod fit si instrumentum cauum ad huiusmodi formam




ex ære, ferro, ligno uel, prout fieri solet in fracturis, vt membri forma indicat, paraueris, gossipioq; vel stuppis mollioribus munieris, ac in eo commodè illud reposueris. Membrum autem nec vitta, nec alio ligamentorum genere stringi, nec ligari debet, ne coactus sis in quacunque curatione illud mouere. Fieri autem non potest, quin doleat, dum fractum membrum mouetur. Præterea non perinde vt in simplicibus fracturis commendantur ligaturæ, sic, & in hac conferre censendum est. Nam in illis reunitio tantum affectæ partis expectatur: hic autem primò extranearum rerum ablatio, mox deperditi re-

ge-



DE CVRANDIS VVL.

generatio, quæ non nisi temporis diuturnitate fiunt. Quibus succedere debet separatarum partium unio, aut (si malis) copulatio. Pro qua re satius erit, absque ligaturis illud immotum, & situm, atq; naturalis illius figura expetit, seruare, tantumq; illud pannis tegere, ne aeri expositum malè habeat. Sed quia quandoque vulnus in membri parte est, quæ super strato reponitur, vt posterior cruris, vel brachij pars, sic vt nos cogat, quacunque hora curationis ipsum eleuare. Quò igitur minore motu, minoreq; molestia id fiat, instrumentum iam dictum ex ærea



lamina, in quo membrum reponitur, scindatur, vel perforetur ea parte, qua vulnus residet, sic vt commodè hoc videri, curariq; possit, dum simul cum instrumento è strato membrum leuatur: vnde renouatis vnguentis in proprio loco recondatur, sub vulnere nitidum gossipium, vel lintheamina munda, quacunque cura innouato, ne sua putredine putridum & vulcus reddat. Prætered in his molestæ sunt flammulæ, quæ vtrinq; ducuntur: in ijs autem ossium asperitates affiguntur, vnde nec sine dolore educi

ci



ei possunt, nec sine magno dubio sauciandi nervi, vel  
 vene lacerandæ, quæ quandoque illic proximè of-  
 feruntur, quæ demum magnum negotium exhibent.  
 Quare satius esse assero, exiles clauos ex molli lin-  
 teo vnguento illitos immittere, quàm flammulas il-  
 las, quæ siquidem quandoque & sæpe flammam in  
 membris excitant. Purgetur patiens secunda vel  
 tertia die ab accepto vulnere: sed ne motu patiens  
 membrum grauetur, præcipuè si sit affectum crus è  
 strato non surgat, sed vasculo sub natibus posito,  
 aluum exoneret, donec os reunitum fuerit: quod in  
 fra dies quadraginta ad minimum fieri, ac reuniri  
 non solet. Frictiones, ligaturæ, in contrarias par-  
 tes conferent, si ratione administrentur. Primis die-  
 bus tenuissimo victu, reliquis paulò pleniore est vten-  
 dū perinde atq; virtus, ac morbus ostentant. Quod  
 genus curationis non aliter variatur, si sint iunctu-  
 ræ affectæ, nisi quòd cùm partes ex calore naturali  
 magis depaupertatæ sint, quàm carnosæ, difficilius  
 humorem ad eas fluxum concoquunt, egreq; resol-  
 uunt. Quare maiore diligentia vti operæpretium  
 est, quò non fluat humor, quod renellentibus fit: &  
 fluxus coquatur, & in pus ac in vaporē vertatur, ac  
 expellatur. Ad quod munus conferunt maximè, si  
 vnguento ex præcipitato parato aliquid olei de te-  
 rebinthina, vel balsami artificialis Ioannis de Vi-  
 go, vel hipericonis, vel euphorbij aliquid addide-  
 ris, vel quippiam tale, quod partis affectæ natura-  
 lem calorem conseruet, ac roboret. In vulnere puta

Purgatio.

Frictiones.  
 Ligaturæ.  
 Victus tenuis.

Quare iun-  
 cturæ diffi-  
 cilius curètur

h.c



DE CVRANDIS VVL.

hoc vnguentum conferet, Recipe butyri recentis, terebinthinae claræ, an. vnc. sem. olei de terebinthina, vel balsami artificialis tantundē, vel hiperici scrup. tres. At in hyberno tempore vel temperatura corporis frigidiore toti compositioni addere poteris euphorbij scrup. 5. supra vulnus vnguētum factum ex toto ouo cum rosaceo, ac farina hordei simul mistis, ac crudis, parum calide si hyems: tepide, si æstas sit. Nam partes nervosæ difficulter ferunt frigidum, ac coctione celebrata ad ea, quæ mundificant, recurre: quibus si balsami præscripti vel ireos vel euphorbij aliquid addideris, proficies. Abstergentium medicamentorum vsus tandiu iuuat quamdiu ossa (si aliqua fracta sint) quæ reuniri non valeant, intus remanserint, quæ (nisi urgente necessitate) vi educi non debent donec natura à mēbranis, ligamētisque expoliauerit, victus præterea tenuis, ac de his satis.

De vstis. Cap. XX.

Si cutis non  
exulcerata.

Vesicas pro  
hibentia.

Vsti flamma ex puluere confecta, non alia ratione, nec alijs medicamentis curam postulant, quàm illi qui alijs ignibus vruntur. Si igitur non exulcerata cutis sit, summopere prohibent vesicationem infra scripta vnguenta, videlicet oleum ex olivis cum sale, vel oleum amygdalarum amararum simplex, vel cui parum salis sit admistum, vel oleum amygdalarum dulcium adiecto sale, vel illud, quod vulgaribus est familiarissimum, duplum scilicet suc  
ve-



reparum, & simplum vernicis liquida. Si autem  
vesicae, & ulcerationes aliqua adsint, confice hoc  
unguentum. In oleo oliuarum coquito ex secunda  
cortice sambuci, abundanter, deinde eo colato adde  
cerusse partes duas, plumbi vsti, lithargyri, ana  
partem vna, in mortario plumbeo diu misceatur, &  
fiat linimentum. Vesicae nec prima nec secunda die  
sunt rumpendae, sed tertia vel quarta, nam quando-  
que dissolutione sola sanantur. Quod si à principio  
aperiantur, dolorem diu inferunt, ac curam remo-  
rantur: sedatis symptomatibus flammam sequenti-  
bus curationis reliquum sequatur, non secus ac vl-  
cera aliorum orta, prout eorum simplicitas, vel  
compositio indicabunt, non omisis in principio re-  
pellentibus, reuelentibusque, ac reliquis ingenijs præ-  
seruatiuis, perinde vt affectus magnitudo exiget.

De phlegmone. Cap. XXI.

Quaquam nihil omiserit chirurgus eorum, quae  
artis sunt, non modò quae ad proprii affectus  
curam spectant, sed etiam ad symptomatum proui-  
sionem, nihilo secius sequitur saepe vt phlegmone  
affectam partem infestet, vel ob patientis errores,  
vel eiusdem malum succum, vel morbi magnitudi-  
nem: quare quomodo, quibusue ingenijs huic suc-  
currere oporteat, hic inferere operæ pretium esse duxi-  
mus, ne & si non omnia, quae ad hoc nostrum institu-  
tum utilia esse cognoscimus, describere intelliga-



DE CVRANDIS VVL.

Phlegmon  
quid

mus, eorum saltem, quæ maximè sint necessaria, quicquam omisisse videamur. Hic igitur phlegmonem dicimus inflammationem in parte aliqua nostri corporis ex impetu humoris influentis excitatam. Cum igitur hoc fit, si causa sit aliquis patientis error, is moderandus est. At repellentia affectæ parti, etiam si prouenerit ex causa alia, sunt apponenda, contrarijs verò retrahentia, ut vincula, phlebotomia, frictiones, balnea, purgatio, præterea quies, ac tenuis victus. At reuellentia (si ratione administrentur) quocunque morbi tempore conferre possunt. At quum fluere desinit, quod ostendent symptomatum remissio, ruboris scilicet, & doloris, ad dissoluentia transeundum est. Verum non statim per se, ne calor reuocetur, sed repellentibus admista, ut puta chamæmelum, cum oxycrato, vel lactucæ succo, vel polygoni succo, vel cum ijs, similibusq; mistum, vetustum oliuarum oleum, vel quod cum lilio, vel anetho, vel pulegio, vel rutha, confectum est, vel alijs eadem potentia præditis. At quandoque molestissimos dolores facit phlegmones: quò fit: ut ad eos sedandos conuertantur auxilia. Leniunt autem dolores spongia in tepida aqua madida, vel lacte tepido frequenter immutata, vel cataplasmata, ex pane vel frumenti farina, vel ex fursure in aqua, vel lacte, vel sapa cocta. Hac autem duplici ratione iuuant, & leniendo dolorem, & aliquid existentis materie dissoluendo. Dolo remisso, ad discutientia te conferre oportet, ut fursur, vel hordei farina,

Dolorem fedantia.

Quando discutendum



rina, vel rosarum duplum, & camomillæ simplum,  
 in simplo hepseme, & aquæ duplo, more emplastri  
 cocta. Vel recipe florum rosarum crasso modo trita-  
 rum vnc. iij. florum camomillæ vnc. ij. aquæ fontis  
 partes duas, sapa partem vnam: ad ignem bulliant,  
 & fiat emplastrum. Vel recipe fursuris libram vnā,  
 aquæ fontis partes duas, sapa partem vnam: ad  
 ignem fiat emplastrum, & calidè applicentur. Ma-  
 gis autem hæc discutiunt, quàm quæ ex glutinosa  
 aliqua materia parantur, quæ suo glutino poros cu-  
 tis occludentes transpirationem humorum probi-  
 bent. Præstantissimè autem discutit ex aqua calida  
 fotus, Verùm quum phlegmones, discutientibus præ-  
 sidijs, doloremq; lenientibus oppugnat, illam ad sup-  
 purationem tendere intelligere oportet: quare eo  
 tempore medicamentis pus accelerantibus auxi-  
 lium præstandum erit: sunt. n. ea, quæ calefaciendi  
 cū humectatione vi pollent: potissimū quippè id per-  
 ficit, quod cum calore aliquo glutinis instar, cuta-  
 neos poros obturat. Hinc fit, vt vi suscepta innato  
 calore, expeditè concoquat, quod concoqui est habi-  
 le. Talium igitur medicamentorum compositio ex  
 triticea farina cum sapa & oleo fit, vel cum aqua  
 loco sapa: & melius, si calor multus in particula ma-  
 nifestetur. Quòd si cum pituita fuerit mistus, hu-  
 morq; lentè coquitur, ex farina lini seminis, vel fœ-  
 nugræci paretur cataplasma: nam vbi calor intrin-  
 secus potentior est, externa ope minus eget. At  
 quum pus iam collectum perceperis, nisi in magna  
 x 2 sit

Medicamen-  
 ta resoluens

Si dissoluen-  
 tia non pro-  
 sunt.

Pus mouen-  
 tia.



DE CVRANDIS VVL.

Quando pus  
collectū est.

fit copia, ad medicamenta dissoluentia confugies: nam sæpe collectum pus per insensibilem transpirationem dispersum vidimus, præcipuè si in parte carnosâ constiterit. At si dissolui sine sectione non possit, secetur ubi cutis tenuissimam se ostenderit: nam ex ea pars est, quam infimam perpetuò intelligere debemus, in aperiendis apostematibus. Hoc etenim factò, si sinum magnū inueneris, non penitus pus educes prima die, sed paulatim succedentibus diebus euacuabis. Medicamēta prætereà primitus, quæ mediocriter siccent, superponenda sunt, vt cataplasma ex hordeacea, fabaceaque farina, cum lixiuij parte vna, & sapæ partibus duabus incoctis. In cavitatē verò lychnia imbuta medicamentis abstergentibus, cum exiccatione, vt mel cum hordei farina, & puluere ireos, & similibus. Sed quum plerunque phlegmonem gangræna sequatur, oppidò perquam vtile erit, nunc de hac sermonē habere

De gangræna. Cap. XXII.

Gangræna  
quid.

**G**angrænam vocamus, cū pars aliqua nostri corporis post vehementem inflammationem ad interitum labitur, nondum penitus extincta: fit autem hoc eodem modo, eademq; materia, atq; phlegmones ipsa, hoc duntaxat ab inuicem differentia, quòd scilicet in gangræna valentius sint impacti humores, & partis affectæ vasa omnia ad summum expleta, ita vt non perinde ac in phlegmone facile  
vel



vel in halitus dissolui, vel in pus conuerti possint. Multitudine siquidem potius, quàm humoris malitia, in hoc affectu suffocatur innatus calor: quò fit, vt neutrum illorum non modò peragere, verùm neque tentare satis valeat, sed ex templò in sphacelon migret, nisi ocyus artificis ope leuetur. Curatio igitur repentè soluere, quod extremè repletum est, quò rursus renutrirì incipiat. Sed, vt id facias, membri nigredo expectanda non est (vt quidam consulunt) Vanum autem est, auxilium post mortem offerre. Verùm tu quum videas membrum in magnum tumorem, & quoquo modo durum, eleuatum, ac inflammatum, quod linescere incipit, nec diminuitur tumor, neque durities, tunc acu, vel leuiuscula scalpellatione cutem in varijs locis punge, vt intelligas an sensus adhuc integer sit: nam incipit sæpe magis ex vna parte, quàm ex alia, prout vel situs, vel dolor consenserint: ferè semper membri partem, quæ lecto non premitur, in gangrænam primò transire videbis. Nā sæpe id obseruauì, quod ratione deinceps cōprobaui: pars autem, quæ lecto supersedet, premitur totius membri pondere. Quò fit vt vasa eiusdem partis difficilè repleantur: quare & ultimò gangrænam experiuntur. Si igitur adhuc per omnes membri partes sensus fuerit, & vena aliqua in eodem membro manifestetur, hæc secetur, quantò propinquius tumide parti fieri potest, & sanguinem protinus mitte abundanter, deinde membrum isto vel similibus cataplasmatibus foveatur, Reci-

Signa gangræne.

Vna pars citius altera gangrænam sentit.



DE CVRANDIS VVL.

Si fit absque  
sensu

pe farinae hordei, lentium, an. vnc. sex, floris camomillae vnc. ij. cum sapa, & lixiuio optimo, & quis portionibus bulliant, & fiat emplastrum mediocris consistentiae, quod crassum, calidumque, quantum sufferre commodè possit, super crasso linteo extendatur, & membro applicetur. Si verò sensus expers apparere iam cutis incæperit, eam absq; mora multis plagis nouacula aperire oportebit, ac tantum profundè, quantum scalpellationes perfectè sentiat: distantes autem inter se duobus digitis transuersis, & per musculorum longitudinem: nam hoc remedio plures liberauimus. Atqui ubi sanguinis ex his plurimum efluxerit, infra scripto vnguento eas replere oportet, Recipe mellis unc. i. præcipitati vnc. sem. misce, & vtere, uel loco huius, vnguentum ægyptiacum, & similia: verum dolorosum est, nec æquè bonum, ac primum: ab ijs totum membrum infra scripto cataplasmate denso, ac calente, quantum sufferri potest, foveatur: Recipe farinae hordei, lolij, lupinorum, & lentium, an. drach. i. mellis partem unam, sapæ partes quatuor, lixiuij boni partem vnā, & ad ignem fiat emplastrum. Sat erit semel in die similia medicamenta ad mouere, nisi icoris plurimum emanauerit: nam tunc bis in die renouare medicamenta licebit. Duobus, tribusue diebus præteritis à scalpellatione, medicamenta, quæ leuius abstergant, cum exsiccatione, & sine morsu imponenda sunt, vt hoc, recipe mellis spumati vnc. i. terebinthinæ vnc. sem. aloes, farinae hordei, aristolochiæ



chia rotundæ, ana. ꝑnc. i. misce ad vsum. Supra scri-  
ptum autem cataplasma inuabit, etsi per sex, uel  
octo dies in usum uenerit, uerum mutato lixiuio, ut  
scilicet eius loco uinum addas, uel solum, uel æquis  
portionibus cum sapa mistum. At cum plagas ab-  
stersas, beneque digestas inueneris, perinde ut reli-  
qua ulcera curanda sunt, sarcoticis scilicet, quoad  
cutem inducere liceat, mox cutem generantibus.  
Sed nec ab re erit, si ualidæ fuerint vires, ad con-  
traria reuellere, sanguinis missione, uel purganti-  
bus. Quod si uirium robur satis non respondeat, ad  
ea te conferes, quæ sine euacuatione in contrarias  
partes humores euocant, ut balnea calentis aquæ,  
uincula, frictiones mediocriter asperæ, uictus præ-  
tereà (si vires ferant) tenuissimus, magisque in ca-  
lidum, quam in oppositum inclinet, & ambiens, &  
quæcunque apponuntur, ne tamen quid nimis. Al-  
uus, si munus suum non præstet, clysteribus exci-  
tetur. Situetur affecta pars, ut reliquis sibi conti-  
nuis emineat, uel saltem non inferior sedeat. Verum  
enimuerò non rarò cum membra in fiderationem,  
aut sphacelon (si sic appellare mauis) incurrant,  
opus labore non indignum nunc me suscipere cense-  
bo, si quomodo, & quando illa amputanda sint, ac  
quibus remedijs mox succurrendum exposuero. Ali-  
quos mediusfidius interire uidimus propter ineptiã  
artificum, tum errantium circa principia, tum for-  
midine huiusmodi operis. Quare hic Chirurgus  
exercitatisissimus desideratur, ac omni formidine spo-

De sphace-  
lo, & de eius  
ablatione.



DE CVRANDIS VVL.


Signa spha-  
celi.

liatus, intelligens præstantius esse quicquam cum aliqua, quantumvis minima spe agere, & minus tetrum esse, membrum spe conseruandi residui auferre, quàm illo relicto, omni spe dempta, totum corpus sine præsidio tuto interire. Quum præterea membrum sphacelatum inueneris, ex templo ablationi intende: nam facile continuæ partes corrumpuntur, si diutius moram trahas. Cognoscitur enim nigredine sua, & omninò motus, & sensus deperditione. Nam cum ad ossa, uel profundissimas membri partes nouacula plagæ multæ sine sensu fiant, siderati iam membri firmissimum argumentum est, quare scalpellando profundius uersus sanam partem, quoad sensum aliquem percipiat, percurrendum est, quò certior fias, quid auferre, & sinere quid conueniat. Incisio autem fieri debet inter terminos gangrænæ, & sphaceli. Nam quod omnino emortuum est, totum auferendum est, & quod sensum adhuc aliquem in se habeat, quantumcunq; obtusus is fuerit, totum conseruandum. Nam id quod gangræna tantum occupatur, in naturalem habitum referri adhuc potest. At in iuncturis ipsis incisio non fiat, sed infra uel supra eas, sic, ut si quicquam sentiat, puta uel cubitus, uel genu (nam circa has ut plurimum sectiones fieri accidit) infra secare oportet. Incisio autem minus periculosa est, quò magis à principalibus partibus distat, si ipsa ratione fiat. Si uerò penitus expers sensus iunctura fuerit, supra illam sectionem facere oportebit. Age igitur, cum opus ag-

gre-



gredi volueris, sint tibi præsto, quæ infra notantur. Primum ferrea instrumenta ad hoc munus apta, no-  
uacula scilicet, & serra, quæ & subtilis, & acumi-  
natis dentibus sit, deinde ferrea cauteria igne ru-  
bentia. Utile autem est ex his quatuor parata  
habere, & ministros duos, qui simul opus præstent  
præcipuè si membrum magnum sit, vt coxa, quo ce-  
lerius liberetur, præsertim si patiens sit imbecillis:  
Si verò vigeant vires in corpore, non inutile erit  
permittere sanguinis aliquid affluere, librā vnā  
puta, plus, minusue, vt virtus, membrorumq; cir-  
cunstantium repletio indicabunt. Sint enim caute-  
ria plana, leniaq; ac densa, vt, calorem diutius con-  
seruent. Sit præter hæc aliud, quo profundius vena  
(si contingat) vri possit, quorum omnium hic for-  
mas exponimus.



Sint ab ijs parata vincula viribus valida, ne ea  
trahendo fortius (prout conuenit,) rumpatur: alte-  
rum, quod duobus digitis latitudine æquetur, alte-  
rum verò huic dimidio, quò fortiùs stringat: mox fa-  
sciæ, quibus accedat medicamentorum conuenien-  
tium apparatus, vt rosaceum, cum oui albo, & bola  
armena: pro prima cura commodè vstæ parti appo-  
ni potest & oxycratum, quo mupiantur circunstan-  
tes.



DE CVRANDIS VVL.

tes. *As*t omnibus sic paratis, ac promptis, ligetur membrum supra locum sectionis per spatium digiti transuersi, primo uinculo latiore, & illicò post tenuiore, verum strictè admodum, quò sanguis sectis venis abundantius non effluat. *At* statim vel vnà simul contrarias partes vincire oportet, quò sanguis retineatur, ne impetuosè ad membrum secandum fluat, & effluat. Pars autem super sectionis locum pannis in oxycrato infusis inuoluatur, & euestigiò cultro rasorio ponderosa manu sine formidine molles omnes partes super os sedentes sic scindantur, vt ne quicquam in sectum remaneat, præter os, quod & ipsum actutum serra amputetur: quo factò, candentibus ferris tota pars secta ponderosa manu incrustetur, ac fortius os ipsum. *At* si vena aliqua contracta effluere non desinat, alio instrumento pro ea parato vratur: mox ablatis à membro patiente vinculis, cataplasmetur iam dicto medicamento, ac tepido: vicinæ verò partes frequentius irrorentur oxycrato frigido, si æstas vigeat, amoto frigore, si hyems instet, cōtrariæ partes modo uinculis, modò frictionibus mediocriter molestentur, ne iam motus sanguis ad imbecillio rem partem transcurrat. Diebus sequentibus, quò crusta decidat, infra scripto medicamento vteris: Recipe butyri non omnino recentis, nec vetusti, ꝑnc. vi. lauetur per horam in succo porri, succum bis, ter uic renouando, cum quo crusta implastretur. Quòd si porrum non adsit; butyrum solum, vel suis axungia, similiter  
non



non omnino antiqua, satisficient. Et cum crustam iam separationi vicinam esse noueris, butyro simplici, vel axungiae recentis, mellis tantundem immisce, & vtere. Illa decisa, medicamentum, quod mediocriter exsiccat cum abstersione, conducet: cui succedant cutem generantia, quae scilicet potentem exsiccandi sine morsu vim habeant, prout in reliquis etiam vlceribus competere vos (vt existimo) nouistis. Quorum omnium exemplaria infra exponere non pigebit, eorum maxime, quae familiari nobis vsui fuere. Sed virtuti hic primum attendere oportet: nam in ijs facile dissoluitur, tum propter dolorem, tum propter euacuationem multam sanguinis, spirituumque. Quare per horulam ab opere, praeter rationem non erit, infusum panem in vino paucifero dare. Nec est tentandum opus stomacho existente famelico: statim enim molesta syncopi praebendi solent: nec eo repleto, ne cibus propter agitationem corrumpatur, vel in venas mesaraicas omnino incetus trabatur. Transeamus nunc ad medicamentorum formas explanandas, quae tam pro praeservatione, quam pro curatione nobis cum prospero successu frequenti vsui fuere, à debilioribus incipientes, ac omnia breuiter suo ordine disponentes.

Putridam carnem remouentia. Cap. XXIII

**C**arnem contusam ad putrefactionem accelerant, quae facile corrumpuntur, vel quae calida  
&



DE CVRANDIS VVL.

& humida facultate pollent, vt oui luteum, oleum  
tum commune, tum amygdalarum, & quod ex semi  
ne lini, vel fœnigraci, vel similiū fit, præter hæc  
butyrum, & recens & vetustum, sed hoc mugis, ve  
rūm propter eius calorem recens magis laudamus.  
Axungia porci, medullæ crurium vitulorum, boum  
porcorum, & quæ eadem facultate vigent. Verūm  
ad separationem illam magis vrgent, quæ colliquant  
exsiccantque, quale præcipitatum, quod omni  
bus sui generis præfero, alumen, æris viride, chal  
canthum, sandaracha, sublimatum, & quæ ex ijs  
fiunt medicamenta. Verūm horum nullum apponen  
dum esse per se consulo: dolorem nanque excitant  
plurimum, præcipitato omisso: nam ipsum inter hæc  
minimè dolorem affert: sed & ipsum cum butyro  
miscemus. Si uero hoc præsto non sit, viride æs  
vstum vel purum cum butyro miscemus, vel chal  
canthum, vel sublimatum. Sed hæc fortiora non  
vsi sunt conferenda, nisi vbi magna fuerit corrip  
ta, quæ nec sola vi Naturæ, nec ope debiliū medi  
camentorum separari nequit. In ijs & ægyptia  
cum dictū vnguentum ponimus, quod ex aceti parti  
bus septem, floris æris partibus quinque, mellis parti  
bus quatuordecim constat: cui quandoque alumen, &  
sublimatum immiscemus, vt fortius reddamus.

Ægyptiaci  
compositio.

Abstergentia, & carnem generantia.

Cap. XXIIII.

ABstergunt succus myriophylli, verbasci, apij,  
ro-



rosarum, plantaginis, chelidonij, terebinthina, terebinthus, vinum, hepsema mel. Sed quia cum abstergere intendimus, leuiter etiam exsiccare debemus, istis addimus hordeaceam, vel fabaccam, vel ex lolijs, vel lupinis, vel lentibus farinam, vel aristolochiam longam, vel rotundam, vel iridem, vel rosas, vel graminis radices, in tenuissimum ueluti pollinem redacta. Si ualentius abstergere intelligamus, uel precipitati, uel aluminis, uel floris arisusti portiuncula toti massæ addemus uel ægyptiacum appellatum unguentum, uel ex horum & similium aliquibus miscellas conficimus, plus, minusue exsiccentes, uel abstergentes, prout ulcus ipsum ostendit. Nam ubi iam separata est ab utili contusa caro, leuiore abstersione, ac leuiore exsiccatione egemus, quo deperdita caro regenerari citius valeat. Nam quæ leuiter abstergunt, modesteque exsiccant sine morsu, vel cum minimo, carnis regenerationem non impediunt.

Cicatricem inducentia. Ca. XXV.

Cicatricem inducere dicimus quæcunque superfluum vlceris humiditatem moderate exsiccare possunt, ac, si fieri possit, sine mordicatione, ut balaustrum, gala immatura, syluestria poma, viridium nucum cortex, vesicæ super ulmos natae, gallæ cupressi in puluerem redactæ, plumbum ustum, tutia, lithargyrum, cerussa, bolus armena, terra Lemnia, alu-



DE CVRANDIS VVL.

alumen, & similia, vel ex ijs confecta emplastra: præterea fomentum ex austero vino, in quo sint co-  
cta, quæ vi pollent adstringente, & siccante, vt ba-  
laustium, gala, alumen, & similia.

Repellentia. Cap. XXVI.

**R**epellunt quæ frigida sunt, & quæ adstringenti  
facultate sunt prædita, vt aqua simplex, stilla  
titia, decocta, vel succi herbarum frigidarum, vt la-  
tuce, plantaginis, poligoni, maioris sedi, & mino-  
ris, foliorum, & summitatum, tum rubi, tum vitium,  
myrtus, balaustium, galla omphacitis, omphacium,  
acetum, mala pyraque sylvestria, mespila, sorba,  
alumen, atramentum sutorium, & alia huius gene-  
ris: sed hæc mineralia cum humidis, ac frigidis mi-  
scenda sunt.

Dissoluentia. Cap. XXVII.

**D**issolunt quæ calefaciunt, & humectant, &  
quæ cū calore leuiter exsiccant, vt aqua calida vinū  
calidum, omnia balneorum genera, modò ea fiāt arte,  
vel natura sint calida, emplastra, olea, linimenta ex  
calidis medicamentis, vt anthemis, semen lini, fœ-  
numgræcum, mentha, nepeta, serpillum, calamen-  
thum, pulegium, vrtica, melissa, arthemisia, & alia  
plura, quæ & à Galeno, & Dioscoride, & à reli-  
quis, qui simplicium medicamentorum facultates  
scripse-



scripserunt, cognosci possunt, ac experientia comprobari: quibus omnibus facile prudens, ac exercitatus medicus, atque chirurgus, vbilibet ad vsum ratione componet medicamenta, prout morborum compositio indicabit: nam & hæc inter anodina numerari possunt, præterea fomenta ex calido lacte, vel emplastra ex pane trito in lacte cocto, cui ouorum vitella, croci que aliquid sint addita, vel furfur triticeum in sapa coctum. At nunc de ijs satis me dixisse censebo, cum locos Galeni recitauero, vbi medicamentorum formæ aliquot à me quandoque hic nominatæ scribuntur, ne pro ijs perquirendis chirurgi plurimum laborent: non libuit hic illorum compositiones inserere ne videar opus maius fecisse ex his, quæ ab alijs scriptoribus diffuse, ac clarè fuerat descripta.

Barbarum emplastrum scribitur secundo de compositione medicamentorum per genera, capite vigesimo secundo: & quia illic plures sunt formæ descriptæ, chirurgus exercitatus ipsis vtetur, ratione ductus, sic vt vbi magis siccare conueniat, & adstringere, vel tertium in ordine scriptum, nigrum appellatum, eliget: vel aliud Iuliani, quod cruentis vulneribus competere dicit. Quod si minus siccare desideres, vel vbi adhuc carnis deperditæ regeneratio expectatur, primam vel secundam præpones compositionem, inscriptam Barbarum, quo vtor.

Quod ex chalcitide fit emplastrum, descriptum reperitur libro primo de compositione medicamento

rum



DE CVRANDIS VVL.

rum per genera, capite quarto: nam & ipsi pluri-  
bus modis vsui venire potest, prout diuersificatur  
eius compositio, vt ex Galeni dictis satis patet. Et  
quia chalcitis non facile haberi potest, atramento  
futorio, eius loco vtimur: & vbi deest palma viri-  
dis, vel myrtum, vel salicem, vel vlmum eius vice  
in vsu ponimus.

Tripharmacum ex exleo, & argenti spuma, pri-  
mo de compositione medicamentorum per genera,  
capite septimo inuenies. Isis epigoni si formam  
optas noscere, ad quintum de compositione medica-  
mentorum per genera, capite tertio, recurre: nam  
illinc, & ex reliquis libris Galeni, præcipue qui  
sub titulo de compositione medicamentorum per ge-  
nera, & de simplicibus (vt dictum est) medica-  
tis, sunt inserta, varia medicamenta tibi suggeres,  
ad quæ recurrere poteris, si lubeat, oporteatque. Ba-  
lani, aut (si malis) suppositoria, ex sapone fieri pos-  
sunt oleo illita, vel ex radicibus bletarum oleo illi-  
ta, ac sale aspersa, vel ex melle diu cocto, donec in-  
dure scat, cui sint mista, vel sal, vel alumen, vel sal  
gemma, vel sal nitri, vel colocynthis.

Clysteria etiam varia fieri possunt: verum quod  
communiter in vsu venire potest, tale erit: Recipe  
mellis despumati, olei communis, vtriusque vncias  
tres, cassie extractæ vnciam semis, salis drachmas  
duas, decocti foliorum caulium vncias octo, misce,  
& fiat clyster: vel loco despumati rosatum mel cape-  
re poteris, vel loco decocti foliorum caulium, malua-  
rum



rum decoctum, præcipue vbi minus partes ventris calefacere intelligas: similiter & violaceum, vel rosaceum loco communis olei. Quod si potentiora postules, adde hieræ picræ ab vncia semis ad vnciam vnam, vel diafœnici, vel benedictæ laxatiuæ in eadem dosi, vel electuarium rosatum, vel confectionem amech, prout humor euocandus desiderat. Quod si adhuc acriores desideret, vnciam vnam minoris centaurij, in decocto incoque, vel colocynthidis vnciam semis. Præterea decoctum ex ebuli, vel sambuci folijs, vel radicibus, in quo etiam suprædictorum aliquid addatur. Verùm hæc acriora tantum conueniunt in vegetioribus naturis, in quibus ad illas partes reuulsio potentior cum euacuatione exoptatur.

Et si non sit necessum huic nostri operi purgantium medicamentorum quicquam inserere, profuturum tamen quandoque plurimum existinavi, præcipue vbi medicus non adesse possit, vel vbi chirurgus per se vtrunque præstare audet. Quod vtrique secus consulo, nisi & is in propinandis medicamentis ventrem cientibus non mediocriter fuerit exercitatus, ne quandoque plus, minusue, quàm liceat, educat, vel offerat medicamentum, quod vomitum moueat, vbi id cohibere omnino oporteat: quod quandoque prorsus perniciosum est, vt in affectibus, qui circa ventres fiunt: vel humorem educat, quem forte sinere præstitisset.

y Medica-



DE CVRANDIS VVL.

Medicamentum cholera purgans, nec  
vomitum mouens.

**R** Ecipe rhababari electi & subtiliter pulueriza-  
ti drachmam vnam, electuarij rosati Mesue  
drachmas duas, syrupi rosati laxatiui quantum suf-  
ficit: fiat bolus, quē capiat manē, vel serō, per horas  
tres ante cibum, cui statim superpotet infra scriptā  
portionem: Recipe syrupi rosati laxatiui uncias  
duas, aquæ cichoreæ vnciā vnā & semis, misce, ca-  
piat illicō ab assumpto bolo, hoc medicamentū quod  
bellē bilē ac serosos humores educet, ac sine molestia

Pituitam ducens sine molestia.

**R** Ecipe agarici optimi non trochiscati drachmā  
vnam, aloes electi drachmam semis cum oxy-  
melite simplici, fiat bolus, quem capiat hora electa,  
cui subito superpotet infra scriptum, Recipe mellis  
rosati colati uncias tres, aquæ decoctionis betonicæ  
uncias duas, misce, fiat potio, quā capiat extemplō  
ab assumpto bolo.

Educens melancholicum humorem.

**R** Ecipe pulueris foliorum senæ drachmam vnā,  
agarici, cinnamomi, ana scrupulum vnū, cum  
syrupo de fumo terræ composito, fiat bolus, quem ca-  
piat, vt supra, & ex tempore infra scriptam bibat  
potio-



potionem: Recipe organi manipulos duos, agrimonie, ceterach, ana manipulum vnum, passularum vncias duas, aque fontis libram vnam: bulliant ad dimidium, cuius recipe vncias tres, syrupi de fumo terre compositi vncias duas, misce: fiat potus: capiat illico ab assumptione boli, vel si bolum hunc deglutire forsitan pigeret, loco eius fiat infusio drachmarum quinque foliorum senæ, cinnamomi drachmæ vnius, in vncijs tribus decocti immediate superscripti, cui superaddes syrupum de fumoterre compositum in dosi signata.

Omnes hæc medicinae suo loco & tempore exhibitæ in corpore, quod mediocriter medicinis pareat educunt mediocriter, si debiliores, vel fortiores, vel quæ mistim humores educant, desiderantur, sapiens Medicus, tum ex his, tum ex alijs multis, quæ in purgandis corporibus vsui veniunt, medicamentorum varias formas, prout humores peccantes, ac patientis habitus indicabunt, componet. Hæc tamen obiter dixisse placuit, quisquis uberiori huius lectionem de  
siderat, ad eos,  
qui ex instituto de hac materia tractare  
susceperunt, confugiat.

FINIS.



# HOC OPERE CONTENTORVM

## I N D E X.



<i>Prefatio.</i>	car. 291. a
<i>De modo curationis. Cap. 1.</i>	car. 297. b
<i>De extraneis auferendis. Cap. 2.</i>	car. 297. b
<i>De restauratione perditorum. Cap. 3.</i>	car. 300. a
<i>De causis transmutantibus partes.</i>	Cap. 4.
	car. 300. b
<i>De cognoscenda, &amp; conseruanda bona partis tem- perie. Cap. 5.</i>	car. 301. a
<i>De cognoscenda temperie partis transmutata, &amp; curatione eius. Cap. 6.</i>	car. 301. b
<i>De repercussione. cap. 7.</i>	car. 302. a
<i>De reuulsione. Cap. 8.</i>	car. 303. a
<i>De phlebotomia. Cap. 9.</i>	car. 303. b
<i>De auersione per aluum. Cap. 10.</i>	car. 306. b
<i>De reuellentibus sine euacuatione.</i>	Cap. 11.
	car. 308. b
<i>De deriuatione. Cap. 12.</i>	car. 309. b
<i>De euacuatione à propria parte. Cap. 13.</i>	c. 310. a
<i>De sanguine supprimendo. Cap. 14.</i>	car. 310. b
<i>De curatione. Cap. 15.</i>	car. 313. a
<i>De curatione vulneris capitis. Cap. 16.</i>	car. 314. b
<i>De thorace. Cap. 17.</i>	car. 327. a
<i>De vulnere ventris inferioris. Cap. 18.</i>	car. 333. a
<i>De cura artuum. Cap. 19.</i>	car. 335. a
<i>De vstis. Cap. 20.</i>	car. 338. b
	De



# INDEX.

349

- De phlegmone. Cap. 21. car. 339. a  
 De gangrena. Cap. 22. car. 340. b  
 Putridam carnem remouentia. Cap. 23. car. 344. a  
 Abstergentia, & carnem generantia. Cap. 24. car. 344. b  
 Cicatricem inducentia. Cap. 25. car. 345. a  
 Repellentia. Cap. 26. car. 345. b  
 Dissoluentia. Cap. 27. car. 345. b  
 Medicamentorum choleram purgans, nec vomitum mouens. car. 347. b  
 Pituitam ducens sine molestia. car. 347. b  
 Educens melancholicum humorem. car. 347. b

FINIS.





V E N E T I I S,  
Apud Gratosum Perchacinum.  
M. D. L X V I.



